



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



BWCC
L35-A44

Covered

C. JULII CÆSARIS

DE

BELLIS GALLICO ET CIVILI POMPEIANO,

Alamy NEC NON *August 4th*

A. HIRTH, ALIORUMQUE

1803 DE 1819

BELLIS ALEXANDRINO, AFRICANO, ET HISPANIENSI,

COMMENTARII;

EX OPTIMA ATQUE ACCURATISSIMA

ELZEVIRIANA

EDITIONE EXPRESSA

EDINBURGI:

Apud BELL & BRADFUTE, ET J. DICKSON.

M,DCC,XCV.

...not reject his offer. The Senators all around.

14018A

GANSEVOORT - LANSING
COLLECTION

IULII CÆSARIS
COMMENTARIORUM
DE BELLO GALLICO,
LIBER I.

I. **G**ALLIA est omnis divisa in partes tres; quarum unam incolunt Belgæ; aliam Aquitani; tertiam, qui ipsorum lingua Celtæ, nostra Galli appellantur. Hi omnes lingua, institutis, legibus, inter se differunt. Gallos ab Aquitanis Garumna flumen, a Belgis Matrona et Sequana dividit. Horum omnium fortissimi sunt Belgæ: propterea quod a cultu atque humanitate provinciae longissime absunt, minimeque ad eos mercatores saepe comeant, atque ea, quæ ad effeminandos animos pertinent, important: proximi sunt Germanis, qui trans Rhenum incolunt, quibuscum continenter bellum gerunt; qua de causa Helvetii quoque reliquos Gallos virtute præcedunt; quod fere quotidianis præliis cum Germanis contendunt; quum aut suis finibus eos prohibent, aut ipsi in eorum finibus bellum gerunt. Eorum una pars, quam Gallos obtinere dictum est, initium capit flumine Rhodano; continetur Garumna flumine, Oceano, finibus Belgarum; attingit etiam a Sequanis et Helvetiis flumen Rhenum; vergit ad Septentriones. Belgæ ab extremis Galliae finibus oriuntur; pertinent ad inferiorem partem fluminis Rheni; spectant in Septentriones, et orientem Solem. Aquitania a Garumna flumine ad Pyrenæos montes, et eam partem Oceani, quæ est ad Hispaniam, pertinet; spectat inter occasum Solis et Septentriones.

II. Apud Helvetios longe nobilissimus et ditissimus fuit Orgetorix. Is, M. Messala et M. Pisone Coss. regni cupiditate inductus, conjurationem nobilitatis fecit; et civitati persuasit, ut de finibus suis cum omnibus copiis exirent; perfacile esse, quum virtute omnibus præstarent, totius Galliae imperio potiri. Id quod facilius eis persuasit, quod undique loci natura Helvetii continentur; una ex

A

parte,

parte, flumine Rheno latissimo atque altissimo, qui agrum Helvetium a Germanis dividit; altera ex parte, monte Jura altissimo, qui est inter Sequanos et Helvetios; tertia; lacu Lemanno, et flumine Rhodano, qui provinciam nostram ab Helvetiis dividit. His rebus fiebat, ut et minus late vagarentur, et minus facile finitimis bellum inferre possent, qua de causa homines bellandi cupidi magno dolore adficiebantur. Pro multitudine autem hominum, et pro gloria belli atque fortitudinis, angustos se fines habere arbitrabantur, qui in longitudinem millia passuum cxxl, in latitudinem clxxx patebant.

III. His rebus adducti, et auctoritate Orgetorigis permoti, constituerunt ea, quæ ad proficiscendum pertinerent, comparare, jumentorum et carrorum quam maximum numerum cœmere, semences quam maximas facere, ut in itinere copia frumenti suppeteret, cum proximis civitatibus pacem et amicitiam confirmare. Ad eas res conficiendas biennium sibi satis esse duxerunt; in tertium annum profectionem lege confirmant. Ad eas res conficiendas Orgetorix deligitur. Is sibi legationem ad civitates suscipit. In eo itinere persuadet Callico, Catamantaledis filio, Sequano, cujus pater regnum in Sequanis multos annos obtinuerat, et a s. p. q. r. amicus appellatus erat, ut regnum in civitate sua occuparet, quod pater ante habuerat: itemque Dumnorigi Æquo, fratri Divitiaci, qui eo tempore principatum in civitate sua obtinebat, ac maxime plebi acceptus erat, ut idem conaretur, persuadet: eique filiam suam in matrimonium dat. Persuadet sibi esse, illis probat, cuncta perficere: propterea quod ipse hæc civitatis imperium obtinere velit, non esse utrum, quin totius Gallie plurimum fieri possent: se suis copis, suoque exercitu illis regna committaturum, confirmat. Hac oratione adducti, inter se iuramentum et jusjurandum dant, et, regnum obtinente, per tres potentissimos ac famillimos populos totius Gallie sese potiri posse sperant.

IV. Ea res, ut est Helvetiis per indicium denunciata, moribus suis Orgetorigem ex vinculis cauti in dicere cœgerunt. Damnatum penam sequi oportebat, ut igni crederetur. Die constituta causæ disionis, Orgetorix ad iudicium omnem suam familiam, ad hominum milia decem, undique coëgit; et omnes clientes, obaratoque suis

quorum magnum numerum habebat, eodem conduxit : per eos, ne causam diceret, se eripuit. Quum civitas, ob eam rem incitata, armis jus suum exsequi conaretur, multitudinemque hominum ex agris magistratus cogerent, Orgetorix mortuus est : neque abest suspicio, ut Helvetii arbitrantur, quin ipse sibi mortem consciverit.

V. Post ejus mortem nihilo minus Helvetii id, quod constituerant, facere conantur, ut e finibus suis exeant. Ubi jam se ad eam rem paratos esse arbitrati sunt, oppida sua omnia, numero ad duodecim, vicos ad quadringentos, reliqua privata ædificia, incendunt : frumentum omne, præter quod secum portaturi erant, comburunt ; ut, domum reditionis spe sublata, paratiores ad omnia pericula subeunda essent : trium mensium molita ciberia sibi quemque domo afferre jubent. Persuadent Ræcis, et Tulingis, et Latobrigis finitimis, uti eodem consilio, oppidis suis vicisque exultis, una cum iis profiscantur : Bojosque, qui trans Rhenum incoluerant, et in agrum Noricum transierant, Noricamque oppugnant, receptos ad se, socios sibi adsciscunt.

VI. Erant omnino itinera duo, quibus itineribus domo exire possent : unum per Sequanos, angustum, et difficile, inter montem Juram et flumen Rhodanum, quo vix singuli carri ducerentur ; mons autem altissimus impendebat, ut facile perpauci prohibere possent : alterum per provinciam nostram, multo facilius, atque expeditius ; propterea quod Helvetiorum inter fines, et Allobrogum, qui antea pacati erant, Rhodanus fluit, isque nonnullis locis vacce transitur. Extremum oppidum Allobrogum est, proximumque Helvetiorum finibus, Geneva. ex eo ponto pontis ad Helvetios pertinet. Allobrogibus sese vel persuasuros, quod nondum bono animo in populum Romanum viderentur, existimabant, vel vi coacturos, ut per suos fines eos ire paterentur. Omnibus rebus ad professionem comparatis, diem dicunt, qua die ad ripam Rhodani omnes conveniant ; is dies erat, a. d. v. Kal. Apr. L. Pisonæ, A. Gabinio, Coss.

VII. Cæsari quum id nunciatum esset, eos per provinciam nostram iter facere conari, maturat ab urbe proficisci, et, quam maximis potest itineribus, in Galliam ulteriorem contendit, et ad Genevam pervenit. Proximæ toti quum interitum militum numerum imperat ; totosque

omnino in Gallia ulteriore legio una) pontem, qui erat ad Genevam, jubet rescindi. Ubi de ejus adventu Helvetii certiores facti sunt, legatos ad eum mittunt, nobilissimos civitatis; ejus legationis Namejus et Verolostus principem locum obtinebant; qui dicerent, sibi esse in animo, sine ullo maleficio, iter per provinciam facere, propterea quod aliud iter haberent nullum: rogare, ut ejus voluntate id sibi facere liceat. Cæsar, quod memoria tenebat, L. Cassium Consulem occisum, exercitumque ejus ab Helvetiis pulsum, et sub jugum missum, concedendum non putabat: neque homines inimico animo, data facultate per provinciam itineris faciundi, temperaturos ab injuria et maleficio existimabat. Tamen, ut spatium interire se posset, dum milites, quos imperaverat, conveniret, legatis respondit, diem se ad deliberandum sumpturum; si quid vellent, a. d. Idus Apr. reverterentur.

VIII. Interea ea legione, quam secum habebat, militibusque, qui ex provincia convenerant, a lacu Lemanno, qui in flumen Rhodanum influit, ad montem Juram, qui fines Sequanorum ab Helvetiis dividit, millia passuum decem novem, murum, in altitudinem pedum sedecim, fossamque perducit. Eo opere perfecto, præsidia disponit, castella communit; quo facilius, si se invito transire conarentur, prohibere possit. Ubi ea dies, quam constituerat cum legatis, venit, et legati ad eum reverterunt, negat, se more et exemplo populi Romani posse iter ulli per provinciam dare; et, si vim facere conentur, prohibitorum ostendit. Helvetii, ea spe dejecti, navibus junctis, ratibusque compluribus factis, alii; alii, vadis Rhodani, qua minima altitudo fluminis erat, nonnunquam interdum, sæpius nocturni, si percurrere possent, conati, operis munitione, et militum concursu et telis repulsi, hoc conatu destiterunt.

IX. Relinquebatur una per Sequanos via, qua, Sequanis invitis, propter angustias ire non poterant. His quæ sua sponte persuadere non possent, legatos ad Dumnorigem Æduum mittunt, ut eo deprecatore a Sequanis hoc impetrarent. Dumnorigis gratia et largitione apud Sequanos plurimam poterat, et Helvetiis erat amicus, quod ex ea civitate Orgetorigis filiam in matrimonium duxerat; et, cupiditate regni adductus, novis rebus fudebat, et quamplurimas civitates suo sibi beneficio habere obstrictas vo-

Mat. Itaque rem suscipit; et a Sequanis impetrat, ut per fines suos ire Helvetios patiantur; obsidesque uti inter sese dent, perficit: Sequani, ne itinere Helvetios prohibeant; Helvetii, ut sine maleficio et injuria transeant.

X. Cæsari nunciatur, Helvetiis esse in animo per agrum Sequanorum et Æduorum iter in Santonum fines facere, qui non longe a Tolosatium finibus absunt; quæ civitas est in provincia. Id si fieret, intelligebat magno cum provinciæ periculo futurum, ut homines bellicosos, populi Romani inimicos, locis patentibus maximeque frumentariis finitimos haberet. Ob eas causas, ei munitioni, quam fecerat, T. Labienum legatum præfecit. Ipse in Italiam magnis itineribus contendit; duasque ibi legiones conscribit; et tres, quæ circum Aquileiam hiemabant, ex hibernis educit; et, quæ proximè iter in ulteriorem Galliam per Alpes erat, cum his quinque legionibus ire contendit. Ibi Centrones, et Garioceli, et Caturiges, locis superioribus occupatis, itinere exercitum prohibere conantur. Compluribus his præliis pulsus, ab Ocelo, quod est citerioris provinciæ extremum, in fines Vocontiorum ulterioris provinciæ die septimo pervenit: inde in Allobrogum fines: ab Allobrogibus in Segusianos exercitum ducit. hi sunt extra provinciam trans Rhodanum primi.

XI. Helvetii jam per angustias, et fines Sequanorum suas copias transduxerant, et in Æduorum fines pervenerant, eorumque agros populabantur. Ædui, quum se, suaque ab his defendere non possent, legatos ad Cæsarem mittunt, rogatum auxilium: Ita se omni tempore de populo Romano meritos esse, ut, pæne in conspectu exercitus nostri, agri vastari, liberi eorum in servitutem abduci, oppida expugnari non debuerint. Eodem tempore, quo Ædui, Ambarri, necessarii et consanguinei Æduorum, Cæsarem certiores faciunt, sese, depopulatis agris, non facile ab oppidis vim hostium prohibere. Item Allobroges, qui trans Rhodanum vicos possessionesque habebant, fuga se ad Cæsarem recipiunt, et demonstrant, sibi, præter agri solum, nihil esse reliqui. Quibus rebus adductus Cæsar, non expectandum sibi statuit, dum, omnibus fortunis sectorum consumptis, in Santonos Helvetii pervenirent.

XII. Flumen est Arar, quod per fines Æduorum et Sequanorum in Rhodanum influit, incredibili lenitate, ut ut

oculis, in utram partem fluat, judicari non possit. Helvetii ratibus ac lincibus junctis transibant. Ubi per exploratores Cæsar certior factus est, tres jam copiarum partes Helvetiis id flumen transduxisse, quartam vero partem citra flumen Ararim reliquam esse; de tertia vigilia cum legionibus tribus e castris profectus, ad eam partem pervenit, quæ nondum flumen transierat. Eos impeditos et inopinantes adgressus, magnam eorum partem concidit: reliqui fugæ sese mandarunt, atque in proximas silvas abdidierunt. Is pagus appellabatur Tigurinus. nam omnis civitas Helvetia in quatuor pagos divisa est. Hic pagus unus, quum domo exisset, patrum nostrorum memoria L. Cassium consulem interfecerat, et ejus exercitum sub jugum miserat. Ita, siue casu, siue consilio deorum immortalium, quæ pars civitatis Helvetiæ insignem calamitatem populo Romano intulerat, ea princeps pœnas persolvit. Qua in re Cæsar non solum publicas, sed etiam privatas injurias ultus est, quod ejus fœceri L. Pisonis avum, L. Pisonem legatum, Tigurini eodem proelio, quo Cassium, interfecerant.

XIII. Hoc proelio facto, reliquas copias Helvetiorum ut conlequi posset, pontem in Arari faciundum curat, atque ita exercitum transducit. Helvetii, repentino ejus adventu commoti, quum id, quod ipsi diebus xx ægerrime confecerant, ut flumen transirent, uno illum die fecisse satelligerent, legatos ad eum mittunt: cujus legationis Divico princeps fuit, qui bello Cassiano dux Helvetiorum fuerat. Is ita cum Cæsare agit: 'Si pacem populus Romanus cum Helvetiis taceat, in eam partem ituros, atque ibi saturos. Helvetios, ubi eos Cæsar constituisset, atque esse voluisset, sin bello persequi perseveraret; reminisceretur et veteris incommodi populi Romani, et pristinae virtutis Helvetiorum. Quod improvisò unum pagum adortus esset, quum illi, qui flumen transissent, suis auxilium ferre non possent; ne, ob eam rem, aut sua magno opere virtuti tribueret, aut ipsos despiceret. Se ita a patribus majoribusque suis didicisse, ut magis virtute, quam dolo, contenderent, aut in idiliis intererent. Quare, ne committeret, ut is locus, ubi constitissent, ex calamitate populi Romani et interiectione exercitus nomen caperet, aut memoriam proderet.'

XIV. Haec Cæsare respondit: 'Eo tibi minus dubitationis dari, quod eas res, quas legari Helvetii comminabantur,

sententia memoria teneret; atque eo gravius ferre, quo minus
memini populo Romano accidissent, qui si alicujus injuria
sibi conscius fuisset, non fuisse difficile cavere; sed eo de-
ceptum, quod neque commissum a se intelligeret quare
timeret; neque sine causa timendum putaret. Quod si ve-
teris contumeliæ oblivisci vellet, nūm etiam recentium in-
juriarum, quod, eo invito, iter per provinciam per vim ten-
tassent, quod Æduos, quod Ambarros, quod Allobroges
vexassent, memoriam deponere posse? Quod sua victoria
tam insolenter gloriarentur, quodque tam diu se impune
injurias tulisse admirarentur, eodem pertinere. Consue-
sse enim deos immortales, quo gravius homines ex commu-
tatione rerum dolerent, quos pro scelere eorum ulcisci ve-
lint, his secundiores interdum res, et diuturniorem impu-
nitatem concedere. Quum ea ita sint, tamen, si obsides ab
iis sibi dentur, uti et, quæ polliceantur, facturos intelli-
gat; et, si Æduis de injuriis, quas ipsis sociisque eorum
intulerint, item si Allobrogibus satisfaciatis, sese cum iis
pacem esse facturum. Divico respondit: Ita Helvetii
a majoribus suis institutos esse, uti obsides accipere, non
dare, consueverint: ejus rei populum Romanum esse tes-
tem. Hoc responso dato, discessit.

XV. Postero die castra ex eo loco movent. Idem facit
Cæsar, equitatumque omnem, ad numerum quatuor milli-
um, quem ex omni provincia, et Æduis, atque eorum so-
cios coactum habebat, præmittit; qui videant, quas vi-
partes iter faciant. Qui cupidius novissimum agmen infe-
cuti, alieno loco cum equitatu Helvetiorum præseum com-
mittunt; et pauci de nostris cadunt. Quæ prælo ab Hel-
vetiis, quod quingentis equitibus tantam multitudinem
equitum propulerant, audacius subsistere, non utquam et
novissimo agmine nostris lacessere ceperunt. Cæsar
suos a prælio continebat; ac satis habebat in præsentia
hominum, pabulationibus, populationibusque, præbi-
bere. Ita dies circiter quindecim iter fecerunt, donec
novissimum hostium agmen, et nostrum primum, non an-
tequam quinquaginta aut sexaginta millibus passuum interessen.

XVI. Interim, quoties Cæsar Æduos suum castra, quod
publice polliciti, flagitare, nam propter fugam, quod
Gallia sub Septemtrionibus, ut ante dictum est, prælo est,
non modo frumenta in agris matura non erant, sed et

pabuli quidem satis magna copia suppetebat. eo autem frumento, quod flumine Arare navibus subvexerat, propterea minus uti poterat, quod iter ab Arare Helvetii averterant, a quibus discedere nolebat. Diem ex die ducere Ædui, conferri, comportari, adesse, dicere. Ubi se diutius duci intellexit, et diem instare, quo die frumentum militibus metiri oporteret; convocatis eorum principibus, quorum magnam copiam in castris habebat, in his Divitiaco, et Lisco, qui summo magistratu præerat (quem Vergobretum appellant Ædui, qui creatur annuus, et vitæ necisque in suos habet potestatem) graviter eos accusat: quod, 'quum neque emi, neque ex agris sumi posset, tam necessario tempore, tam propinquis hostibus, ab iis non subleveretur; præsertim quum magna ex parte eorum precibus adductus bellum susceperit;' multo etiam gravius, quod sit destitutus, queritur.

XVII. Tum demum Liscus oratione Cæsaris adductus, quod antea tacuerat, proponit: 'Esse nonnullos, quorum auctoritas apud plebem plurimum valeat, qui privati plus possint, quam ipsi magistratus: hos seditiosa atque improba oratione multitudinem deterrere, ne frumentum conferant; quod præstare dicant, si jam principatum Galliarum obtinere non possint, Gallorum, quam Romanorum, imperia perferre; neque dubitare debeant, quin, si Helvetios superaverint Romani, una cum reliqua Gallia Æduis libertatem sint erepturi. Ab eisdem nostra consilia, quæque in castris gerantur, hostibus enunciari; hos a se coerceri non posse. Quin etiam, quod necessarii rem Cæsari enunciarit, intelligere sese, quanto id tum periculo fecerit; et ob eam causam, quamdiu potuerit, tacuisse.'

XVIII. Cæsar hac oratione Lisci Dumnorigem, Divitiaci fratrem, designari sentiebat: sed, quod pluribus præsentibus ea res jactari nolebat, celeriter concidium dimittit; Liscum retinet. Quærit ex solo ea, quæ in conventu dixerat, dicit liberius, atque credacius; eadem secreto ab aliis reperit esse vera: Ipsum esse Dumnorigem; summa audacia, magna apud plebem propter liberalitatem gratia cupido rem novam, compluris annos portoria, reliquaque omnia ad duorum vedigalia, parvo pretio redempta habere; propterea quod illo licente, contra liceri audeat nego. His rebus et suam rem familiarem auxilium, et fa-

cultates ad largiendum magnas comparasse; magnum numerum equitatus suo sumptu semper alere, et circum se habere: neque solum domi, sed etiam apud finitimas civitates, largiter posse; atque hujus potentiae causa, matrem in Biturigibus, homini illic nobilissimo, ac potentissimo, collocasse: ipsum ex Helvetiis uxorem habere: sororem ex matre et propinquas suas nuptum in alias civitates collocasse. Favere, et cupere Helvetiis, propter eam adfinitatem; odisse etiam suo nomine Caesarem, et Romanos; quod eorum adventu potentia ejus deminuta, et Divitiacus frater in antiquum locum gratiae atque honoris sit restitutus: Si quid accidat Romanis, summam in spem regni per Helvetios obtinendi venire, imperio populi Romani non modo de regno, sed etiam de ea, quam habeat, gratia desperare. Reperiebat etiam in quaerendo Caesar, quod proelium equestre adversum paucis ante diebus esset factum, initium ejus fugae à Dumnorige, atque ejus equitibus, factum esse; (nam equitatus quem auxilio Caesari Aedui miserant, Dumnorigis praeerat.) Eorumque fuga reliquum esse equitatum perterritum.

XIX. Quibus rebus cognitis, quum ad has suspiciones certissimae res accederent: quod per fines Sequanorum Helvetios transduxisset; quod obsides inter eos dandos curasset; quod ea omnia non modo injussu suo et civitatis, sed etiam inscientibus ipsis, fecisset; quod a magistratu Aeduorum accusaretur, satis esse causae arbitrabatur, quare in eum aut ipse animadverteret, aut civitatem animadvertere juberet. His omnibus rebus unum repugnabat, quod Divitiaci fratris summum in populum Romanum studium, summam in se voluntatem, egregiam fidem, justitiam, temperantiam cognoverat. nam, ne ejus supplicio Divitiaci animum offenderet, verebatur. Itaque, prius quam quidquam conaretur, Divitiacum ad se vocari jubet, et, quotidianis interpretibus remotis, per C. Valerium Proillum, principem Galliae provinciae, familiarem suum, cui summam rerum omnium fidem habebat, cum eo colloquitur: simul commonefacit, quae ipso praesente in concilio Gallorum de Dumnorige sine dicto, et ostendit, quae separatim quisque de eo apud se dixerit. Petit, atque hortatur, ut sine ejus offensione animi, vel ipse de ea causa cogitata, statuatur, vel civitatem statuere jubeat.

XX. Divitiacus multis cum lacrimis Caesarem complexus

obsecrare cōpit, 'ne quid gravius in fratrem statueret: scire se illa esse vera: nec quemquam ex eo plus, quam se, doloris capere: propterea quod, quum ipse gratia plurimum domi, atque in reliqua Gallia, ille minimum propter adolescentiam posset, per se crevisset. Quibus opibus ac nervis, non solum ad minuendam gratiam, sed p̄ ad perniciem suam uteretur: sese tamen et amore fraterni, et exultatione vulgi commoveri. Quod si quid ei a Cæsare gravius accidisset, quum ipse eum locum amicitiae apud eum teneret, neminem exultaturum non sua voluntate factum; qua ex re futurum, uti totius Galliae animi a se averterentur.' Hæc quum pluribus verbis fletus a Cæsare peteret, Cæsar ejus dextram prehendit; consolatus rogat, finem orandi faciat: tanti ejus apud se gratiam esse ostendit, uti et Reipublicæ injuriam, et suum dolorem, ejus voluntati ac precibus condonet. Dumnorigem ad se vocat, fratrem adhibet: quæ in eo reprehendat, ostendit; quæ ipse intelligat, quæ civitas queratur, proponit: monet, ut in reliquum tempus omnes suspiciones vitet; præterita se Divitiaco fratri condonare dicit. Dumnorigi custodes ponit: ut, quæ agat, quibuscum loquatur, scire possit.

XXI. Eodem die ab exploratoribus certior factus, hostes sub montem confedisse, millia passuum ab ipsius castris cōto; qualis esset natura montis, et qualis in circuitu adfensio, qui cognoscerent, misit. Renunciatum est, facilem esse. De tertia vigilia T. Labienum legatum Propretore cum duabus legionibus, et iisdem ducibus, qui ita cognoverant, summum jugum montis adscendere jubet. quid sui consilii sit, ostendit. ipse de quarta vigilia eodem itinere, quo hostes ierant, ad eos contendit; equitatumque omnem ante mittit. P. Confidius, qui rei militaris peritissimus habebatur, et in exercitu L. Sullæ, et postea in M. Crassi, fuerat, cum exploratoribus præmittitur.

XXII. Prima luce, quum summus mons à T. Labieno teneretur, ipse ab hostium castris non longius mille et quingentis passibus abesset; neque, ut postea ex captivis conperit, aut ipsius adventus, aut Labienum cognitus esset: Confidius equo admissus, ad eum adcurrit: dicit, 'montem, quem a Labieno occupari voluerat, ab hostibus tenueri: id se a Gallis armis atque insidiis cognovisse.' Cæsar suas copias in proximam collatam, ad eos

instruit. Labienus, ut erat ei præceptum a Cæsare, ne proelium committeret, nisi ipsius copiarum prope hostium castra visæ essent, ut undique uno tempore in hostes impetus fieret; monte occupato, nostros expectabat, prælioque abstinebat. Multo denique die per exploratores Cæsar cognovit, et montem a suis teneri, et Helvetios castra movisse, et Confidium, timore perterritum, quod non vidisset, pro viso sibi renunciasse. Eo die, quo consuerat intervallo, hostes sequitur, et millia passuum tria ab eorum castris castra ponit.

XXXIII. Postridie ejus diei (quod omnino biduum supererat, quam exercitum frumentum metiri oporteret; et quod a Bibracte, oppido Æduorum longe maximo ac copiosissimo, non amplius millibus passuum XVIII aberat) rei frumentariæ prospiciendum existimavit, et iter ab Helvetiis averit, ac Bibracte ire contendit. Ea res per fugitivos L. Æmilii, Decurionis equitum Gallorum, hostibus nunciatur. Helvetii, seu quod timore perterritos Romanos discedere existimarent, eo magis, quod pridie, superioribus locis occupatis, prælium non commiserant; sive quod re frumentaria intercludi posse considerent, commutato consilio, atque itinere converso, nostros a novissimo agmine insequi ac laceßere cœperunt.

XXXIV. Postquam id animadvertit, copias suas Cæsar in proximum collem subducit; equitatumque, qui sustineret hostium impetum, misit. Ipse interim in colle medio triplicem aciem instruxit legionum quatuor veteranorum, ita, uti supra se in summo jugo duas legiones, quas in Gallia citeriore proxime conscripserat, et omnia auxilia collocaret, ac totum montem hominibus compleri; et interea sarcinas in unum locum conferri, et eum ab iis, qui in superiore acie constiterant, muniri jussit. Helvetii, cum omnibus suis carris secuti, impedimenta in unum locum contulerunt. ipsi confertissima acie, rejecto nostro equitatu, phalange facta, sub primam nostram aciem successerunt.

XXV Cæsar, primum suo, deinde omnium e conspectu remotis equis, ut, æquato omnium periculo, spem fugæ tolleret, cohortatus suos, prælium commisit. Milites, e loco superiore pilis missis, facile hostium phalangem perforaverunt. ea disjecta, gladiis restrictis, in eos impetum fecerunt.

fecerunt. Gallis magno ad pugnam erat impedimento, quod, pluribus eorum scutis uno ictu pilorum transfixis et colligatis, quum ferrum se inflexisset, neque evellere, neque, sinistra impedita, satis commode pugnare poterant; multi ut, diu iactato brachio, præoptarent scutum manummittere, et nudo corpore pugnare. Tandem, vulneribus defessi, et pedem referre, et, quod mons suberat circiter M. passuum, eo se recipere cœperunt. Capto monte, et succedentibus nostris, Boji et Tulingi; qui hominum millibus circiter xv agmen hostium claudebant, et novissimis præsidio erant, ex itinere nostros latere aperto adgressi, circumvenire: et id conspicati Helvetii, qui in montem sese receperant, rursus instare, et prælium redintegrare cœperunt. Romani conversa signa tripartito intulerunt: prima, et secunda acies, ut victis, ac submotis resisteret: tertia, ut venientes exciperet.

XXVI. Ita, ancipiti prælio, diu atque acriter pugnatum est. Diutius quum nostrorum impetum sustinere non possent; alteri se, ut cœperant, in montem receperunt, alteri ad impedimenta et carros suos se contulerunt: nam hoc toto prælio, quum ab hora septima ad vesperum pugnatum sit, aversum hostem videre nemo potuit. Ad multam noctem etiam ad impedimenta pugnatum est: propterea quod pro vallo carros objecerant, et e loco superiore in nostros venientes tela conjiciebant, et nonnulli, inter carros rotasque, matras ac tragulas subiciebant, nostrosque vulnerabant. Diu quum esset pugnatum, impedimentis castrisque nostri potiti sunt. Ibi Orgetorigis filia, atque unus e filiis captus est. Ex eo prælio circiter hominum millia cxxx superfuerunt: eaque tota nocte continenter ierunt: nullam partem noctis itinere intermisso, in fines Lingonum die iv pervenerunt, quum, et propter vulnera militum, et propter sepulturam occisorum, nostri triduum morati, eos sequi non potuissent. Cæsar ad Lingones literas nunciosque misit, ne eos frumento, neve alia re juvarent: qui si juvissent, se eodem loco illos, quo Helvetios, habiturum. Ipse, triduo intermisso, cum omnibus copiis eos sequi cœpit.

XXVII. Helvetii, omnium rerum inopia adducti, legatos de deditione ad eum miserunt, qui cum eum in itinere convenissent, seque ad pedes projecissent, suppliciterque

locuti

locuti, fientes pacem petissent; atque eos in eo loco, quatum essent, suum adventum expectare iussisset, paruerunt. Eo postquam Cæsar peruenit, obsides, arma, servos, qui ad eos perfugissent, poposcit. Dum ea conquiruntur, et conferuntur, nocte intermissa, circiter hominum millia vi ejus pagi, qui Urbigenus appellatur, sive timore perterriti, ne, armis traditis, supplicio afficerentur, sive spe salutis inducti, quod, in tanta multitudine dediticiorum, suam fugam aut occultari, aut omnino ignorari posse existimarent; prima noctis vigilia, ex castris Helvetiorum egressi, ad Rhenum finesque Germanorum contenderunt.

XXVIII. Quod ubi Cæsar rescivit, quorum per fines ierant, his, uti conquirerent, et reducerent, si sibi purgati esse vellent, imperavit: reductos in hostium numero habuit: reliquos omnes, obsides, armis, perfugis traditis, inde ditionem accepit. Helvetios, Tulingos, Latobrigos, in fines suos, unde erant profecti, reverti iussit; et, quod, omnibus frugibus amissis, domi nihil erat, quo famem tolerarent, Allobrogibus imperavit, ut his frumenti copiam facerent: ipsos oppida, vicosque, quos incenderant, restituere iussit. Id ea maxime ratione fecit, quod noluit eum locum, unde Helvetii discesserant, vacare; ne, propter bonitatem agrorum, Germani, qui trans Rhenum incolunt, e suis finibus in Helvetiorum fines transirent, et finitimi Galliarum provinciarum Allobrogibusque essent. Bojos, petentibus Æduis, quod egregia virtute erant, ut in finibus suis collocarent, concessit: quibus illi agros dederunt, quosque postea in parem juris libertatisque conditionem, atque ipsi erant, receperunt.

XXIX. In castris Helvetiorum tabulae repertae sunt literis Graecis confectae, et ad Cæsarem perlatae, quibus in tabulis nominatim ratio confecta erat, qui numerus domo exisset eorum, qui arma ferre possent, et item separatim pueri, senes, mulieresque. Quarum omnium rerum summa erat, capitum Helvetiorum millia cclxiii, Tulingorum millia xxxvi, Latobrigorum xiv, Rauracorum xii, Bojorum xii: ex his, qui arma ferre possent, ad millia xcii. Summa omnium fuerant ad millia cccclxviii. Eorum, qui domum redierunt, censu habito, ut Cæsar indiderat, repertus est numerus millium c et x.

XX. Bello Helvetiorum confecto, totius fere Galliae

legati, principes civitatum, ad Cæsarem gratulatum convenerunt: Intelligere sese, tametsi, pro veteribus Helvetiorum injuriis, populus Romanus ab his pœnas bello repetisset, tamen eam rem non minus ex usu terræ Galliæ, quam populi Romani accidisse: propterea quod eo consilio, florentissimis rebus, domos suas Helvetii reliquissent, uti toti Galliæ bellum inferrent, impetioque potirentur, locumque domicilio ex magna copia deligerent, quem ex omni Gallia opportunissimum ac fructuosissimum judicassent, reliquasque civitates stipendiarias haberent. Petierunt, uti sibi concilium totius Galliæ in diem certam indicere, idque Cæsaris voluntate facere, liceret: sese habere quasdam res, quas e communi consensu ab eo petere vellent. Ea re permissa, diem concilio constituerunt, et jurejurando, ne quis enuntiaret, nisi, quibus communi consilio mandatum esset, inter se sanxerunt.

XXXI. Eo consilio dimisso, iidem principes civitatum, qui ante fuerant, ad Cæsarem reverterunt: petieruntque, uti sibi secretò de sua omniumque salute cum eo agere liceret. Ea re impetrata, sese omnes flentes Cæsari ad pedes prosterunt: Non minus se id contendere, et laborare, ne ea, quæ dixissent, enuntiarentur, quam, uti ea, quæ vellent, impetrarent: propterea quod, si enuntiatum esset, summum in cruciatum se venturos, viderent. Locutus est pro his Divitiacus Æduus: Galliæ totius factiones esse duas: harum alteris principatum tenere Æduos, alterius Arvernos. Hi quum tantopere de potentatu inter se multos annos contenderent, factum esse, uti ab Arvernibus Sequanisque Germani mercede accerserentur; horum primo circiter millia *xx* Rhenum transisse, posteaquam agros, et cultum, et copias Gallorum, homines ferè ac barbari adamasent, transductos plures: nunc esse in Gallia ad *c* et *xx* millium numerum: cum his Æduos, eorumque clientes, semel atque iterum armis contendisse: magnam calamitatem pulsos accepisse: omnem nobilitatem, omnem Senatuum, omnem equitatum amisisse: quibus proeliis calamitatibusque fractos, qui et sua virtute, et populi Romani hospitio atque amicitia, plurimum ante in Gallia potuissent, coactos esse Sequanis obsolescere dare nobilissimos civitatis, et jurejurando civitatem obstringere, sese neque obsolescere petiuros, neque auxilium a populo Romano impeturos.

ros, neque recusaturos, quo minus perpetuo sub illorum ditione atque imperio essent. Cum se esse, ex omni civitate Æduorum, qui adduci non potuerit, ut juraret, aut suos liberos obsides daret; ob eam rem se ex civitate profugisse, et Romam ad Senatum venisse, auxilium postulat; quod solus neque jurejurando, neque obsidibus teneatur: sed pejus victoribus Sequanis, quam Æduis victis, accidisse: propterea quod Ariovistus, rex Germanorum, in eorum finibus consedisset, tertiamque partem agri Sequani, qui esset optimus totius Galliae, occupavisset, et nunc de altera parte terrae Sequanos decedere juberet; propterea quod, paucis mensibus ante, Harudum millia hominum xxiv ad eum venissent; quibus locus ac sedes pararentur: futurum esse paucis annis, uti omnes e Galliae finibus pellerentur, atque omnes Germani Rhenum transirent: neque enim conferendum esse Gallicum cum Germanorum agro, neque hanc consuetudinem victus cum illa comparandam. Ariovistus autem, ut semel Gallorum copias proelio vicerit, quod praelium factum sit Amagetobriae, superbe et crudeliter imperare, obsides nobilissimi cujusque liberis pascere, et in eos omnia exempla cruciatus edere, si qua res non ad nutum, aut ad voluntatem ejus facta sit. Hominem esse barbarum, iracundum, temerarium: non posse ejus imperia diutius sustineri: nisi quid in Caesare populoque Romano sit auxilii, omnibus Gallis idem esse faciendum, quod Helvetii fecerint, ut domo emigrent: aliud domicilium, alias sedes, remotas a Germanis, petant; fortunamque, quae nunquam accidat, expectantur. Haec si enuntiata Ariovisto sunt, non dubitare, quin de omnibus obsidibus, qui apud eum sint, gravissimum supplicium sumat; Caesarem, vel auctoritate sua atque exercitus, vel recenti victoria, vel nomine populi Romani deterere posse, ne major multitudo Germanorum Rhenum transducatur, Galliamque omnem ab Ariovisti injuria posse defendere.

XXXII. Hac oratione a Divitiaco habita, omnes, qui aderant, magno fletu auxilium a Caesare petere coeperunt. Animadvertit Caesar, unos ex omnibus Sequanos nihil earum rerum facere, quas ceteri facerent, sed tristes, capite demisso, terram intueri, ejus rei quae causa esset, miratus, ex ipsis quaerivit. Nihil Sequani respondere, sed:

dem tristitia taciti permanere. Quum ab iis sæpius quæreret, neque ullam omnino vocem exprimere posset: idem Divitiacus Æduus respondit; Hoc esse miseriozem, graviozemque fortunam Sequanorum, quam reliquorum, quod soli nec in occulto quidem queri, nec auxilium implorare, auderent; absentisque Ariovisti crudelitatem, velut si coram adesset, horrerent: propterea quod reliquis tamen fugæ facultas daretur; Sequanis vero, qui intra fines suos Ariovistum recepissent, quorum oppida omnia in potestate ejus essent, omnes cruciatus essent perferendi.

XXXIII. His rebus cognitis, Cæsar Gallorum animos verbis confirmavit: pollicitusque est, sibi eam rem curæ futuram: magnam se habere spem, et beneficio suo, et auctoritate, adductum Ariovistum, finem injuriis facturum. Hac oratione habita, concilium dimisit. Et secundum ea multæ res eum hortabantur, quare sibi eam rem cogitandam et suscipiendam putaret: in primis, quod Æduos, fratres consanguineosque sæpenumero ab Senatu appellatos, in servitute, atque in ditione videbat Germanorum teneri; eorumque obsides esse apud Ariovistum ac Sequanos intelligebat: quod in tanto imperio populi Romani turpissimum sibi et Reipublicæ esse arbitrabatur. Paulatim autem Germanos consuescere Rhenum transire, et in Galliam magnam eorum multitudinem venire, populo Romano periculosum videbat: neque sibi homines feroces ac barbaros temperaturos existimabat, quin, quum omnem Galliam occupassent, ut ante Cimbri, Tentonisque fecissent, in provinciam exirent, atque inde in Italiam contenderent; præsertim quum Sequanos a provincia nostra Rhodanus divideret: quibus rebus quam maturrime occurrendum putabat. Ipse autem Ariovistus tantos sibi spiritus, tantam arrogantiam sumserat, ut ferendus non videretur.

XXXIV. Quamobrem placuit ei, ut ad Ariovistum legatos mitteret, qui ab eo postularent, ut aliquem medium locum utriusque colloquio deligeret: velle sese de Republica et summis utriusque rebus cum eo agere. Et legationi Ariovistus respondit: Si quid ipsi a Cæsare opus esset, sese ad eum venturum fuisse: si quid ille se velit, illum ad se venire oportere: præterea se neque sine exercitu in eas partes Galliæ venire audere, quas Cæsar possideret, neque exercitum sine magno comœatu, atque emolumento in

unum locum contrahere posse: sibi autem mirum videri, quid in sua Gallia, quam bello vicisset, aut Cæsari, aut omnino populo Romano negotii esset. *hender*

XXXV. His responsis ad Cæsarem relatis, iterum ad eum Cæsar legatos cum his mandatis mittit: Quoniam tanto suo populi que Romani beneficio affectus, (quum in consulatu suo rex atque amicus a senatu appellatus esset; hanc sibi populoque Romano gratiam referret, ut in colloquium venire invitatus gravaretur, neque de communi re dicendum sibi et cognoscendum putaret; hæc esse, quæ ab eo postularer, primum, ne quam multitudinem hominum amplius trans Rhenum in Galliam transduceret: deinde obsides, quos haberet ab Æduis, redderet. Sequensque permetteret, ut, quos illi haberent, voluntate ejus reddere illis liceret; neve Æduos injuria lacesseret: neve his sociisque eorum bellum inferret: Si id fecisset, sibi populoque Romano perpetuam gratiam atque amicitiam cum eo futuram: si non impetraret, (quoniam M. Messala, M. Plurp, Coss. Senatus censuisset, uti, quicumque Galliam provinciam obtineret, quod commodum Reipublicæ facere posset, Æduos ceterosque amicos populi Romani defenderet,) se Æduorum injurias non neglecturum.

XXXVI. Ad hæc Ariovistus respondit: Jus esse belli, ut, qui vicissent, iis, quos vicissent, quemadmodum velent, imperarent: idem populum Romanum victis non ad alterius præscriptum, sed ad suum arbitrium imperare consueisse. Si ipse populo Romano non præscriberet, quemadmodum suo jure uteretur; non oportere se a populo Romano in suo jure impediri. Æduos sibi, quoniam belli fortunam tentassent, et armis congressi, ac superati essent, stipendiarios esse factos. Magnam Cæsarem injuriam facere, qui suo adventu vestigia sibi deteriora faceret. Æduis se obsides redditurum non esse; neque iis, neque eorum sociis injuria bellum illaturum, si in eo manerent, quod convenisset, stipendiumque quotannis penderent: si id non fecissent, longe ab his fraternum nomen populi Romani a futurum. Quod sibi Cæsar denunciaret, se Æduorum injurias non neglecturum; neminem secum sine sua perniciæ contendisse. Quum vellet, congregaretur: intellecturum, quid invicti Germani, exercitissimi in armis, qui intra annos XIV tectum non subissent, virtute possent.

XXXVII. Hæc eodem tempore Cæsari mandata referebantur; et legati ab Æduis et Trevisis veniebant. Ædui, questum, quod Harudes, qui nuper in Galliam transportati essent, fines eorum popularentur: sese ne obfidibus quidem datis pacem Ariovisti redimere potuisse. Treviri autem, pagos centum Suevorum ad ripam Rheni confedisse, qui Rhenum transire conatentur: iis præfio Nasuam, et Cimberium, fratres. Quibus rebus Cæsar vehementer commotus, maturandum sibi existimavit, ne, si nova manus Suevorum cum veteribus copiis Ariovisti sese conjunxisset, minus facile resisti posset. Itaque, rei frumentaria, quam celerrime potuit, comparata, magnis itineribus ad Ariovistum contendit.

XXXVIII. Quum tridui viam processisset, nunciatum est ei, Ariovistum cum suis omnibus copiis ad occupandum Vesontionem, quod est oppidum maximum Sequanorum, contendere, triduique viam a suis finibus processisse. Id ne accideret, magnopere præcavendum sibi Cæsar existimabat. Namque omnium rerum, quæ ad bellum usui erant, summa erat in eo oppido facultas, idque natura loci sic muniebatur, ut magnam ad ducendum bellum daret facultatem: propterea quod flumen Alduasdubis, ut circine circumductum, pæne totum oppidum cingit, reliquum spatium, quod non est amplius pedum decem, qua flumen intermittit, mons continet magna altitudine, ita ut radices ejus montis ex utraque parte ripæ fluminis contingant. Hunc murus circumdatus arcem efficit, et cum oppido conjungit. Huc Cæsar magnis diurnis nocturnisque itineribus contendit; occupatoque oppido, ibi præsidium collocat.

XXXIX. Dum paucos dies ad Vesontionem, rei frumentariæ commeatusque causa, moratur; ex personificatione nostrorum, vocibusque Gallorum, ac mercatorum, qui ingenti magnitudine corporum Germanos, incredibili virtute, atque exercitatione in armis esse prædicabant, saepenumero sese cum iis congressos, ne vultum quidem atque aciem oculorum ferre potuisse; tantus subito timor omnem exercitum occupavit, ut non mediocriter omnium mentes animosque perturbaret. Hic primum ortus est a tribunis militum, ac præfectis, reliquisque, qui ex urbe, amicitiae causa, Cæsarem secuti: magnum periculum miserabamur, quod non magnum in re militari usum habebant. Quorum alius,

lius, alia causa illata, quam sibi ad proficiscendum necessariam esse duceret, petebat, ut ejus voluntate discedere liceret; nonnulli pudore adducti, ut timoris suspicionem vitarent, remanebant: hi neque vultum fingere, neque interdum lacrymas tenere poterant, abditi in tabernaculis aut suum fatum querebantur; aut cum familiaribus suis commune periculum miserabantur. Vulgo totis castris testamenta obsignabantur. Horum vocibus, ac timore, paulatim etiam ii, qui magnum in castris usum habebant, milites centurionesque, quique equitatu praeerant, perturbabantur. Qui se ex his minus timidos existimari volebant, non se hostem vereri, sed angustias itineris, et magnitudinem silvarum, quae inter eos atque Ariovistum intercederent, aut rem frumentariam, ut satis commodè supportari posset, timere dicebant. Nonnulli etiam Caesari renunciabant, cum castra moveri, ac signa ferri jussisset, non fore dicto audientes milites, neque propter timorem signa laturos.

XL. Hæc quum animadvertisset, convocato consilio, omniumque ordinum ad id consilium adhibitis centurionibus, vehementer eos inculpavit: primum, quod aut quam in partem, aut quo consilio ducerentur, sibi querendum aut cogitandum putarent. Ariovistum, se consule, cupidissime populi Romani amicitiam appetisse. Cur hunc tam temere quisquam ab officio discessurum judicaret? sibi quidem persuaderi, cognitis suis postulatis, atque æquitatè conditionum perspecta, eum neque suam, neque populi Romani gratiam repudiaturum: quod si furore atque amentia impulsus bellum intulisset, quid tandem vereretur? aut cur de sua virtute, aut de ipsius diligentia desperarent? factum ejus hostis periculum, patrum nostrorum memoria, quum Cimbris et Teutonis a C. Mario pulsus, non minorem laudem exercitus, quam ipse imperator, meritus videbatur: factum etiam nuper in Italia, servili tumultu; quos tamen aliquis usus ac disciplina, quam a nobis acceperant, sublevaret: ex quo judicari posset, quantum haberet in se boni constantia: propterea quod, quos aliquandiu inermes sine causa timuissent, hos postea armatos, ac victores superassent: denique hos esse Germanos, quibuscum sæpe numero Helvetii congressi non solum in suis, sed etiam in illorum finibus, plerumque superas-

sent, qui tamen pares esse nostro exercitui non potuerint. Si quos adversum praelium, et fuga Gallorum, commoveret, hos, si quærent, reperire posse, diuturnitate belli defatigatis Gallis, Aridvistum, quum multos menses castris ac paludibus se continuisset, neque sui potestatem fecisset, desperantes jam de pugna, et dispersos, subito adortum, magis ratione ac consilio, quam virtute, vicisse: cui rationi contra homines barbaros atque imperitos locus fuisset; hac ne ipsum quidem sperare nostros exercitus capi posse. Qui suum timorem in rei frumentariæ simulationem, angustiasque itinerum conferrent, facere arroganter; quum aut de officio imperatoris desperare, aut ei præscribere viderentur: hæc sibi esse curæ; frumentum Sequanos, Leucos, Lingones, subministrare: jamque esse in agris frumenta matura: de itinere, ipsos brevi tempore indicaturos. Quod non fore dicto audientes milites, neque signa laturi dicantur, nihil se ea re commoveri: scire enim, quibuscunque exercitus dicto audiens non fuerit; aut, male re gesta, fortunam desuisse; aut, aliquo facinore comperto, avaritiam esse convictam: suam innocentiam perpetua vita, felicitatem Helvetiorum bello esse perspectam. Itaque se, quod in longiorem diem collaturus esset, representaturam, et proxima nocte de quarta vigilia castra moturum, ut quamprimum intelligere posset, utrum apud eos pudor atque officium, an timor, plus valeret. Quod si præterea nemo sequatur, tamen se cum sola decima legione iturum: de qua non dubitaret; sibi que eam Prætoriam cohortem futuram. Huic legioni Cæsar et indulserat præcipue, et propter virtutem confidebat maxime.

LXI Hac oratione habita, mirum in modum conversæ sunt omnium mentes, summaque alacritas et cupiditas belli gerendi innata est: princepsque decima legio per tribunos militum ei gratias egit, quod de se optimum judicium fecisset, seque esse ad bellum gerendum paratissimam confirmavit. Inde reliquæ legiones per tribunos militum et primorum ordinum centuriones egerunt, uti Cæsari satisfacerent; se neque unquam dubitasse; neque timuisse, neque de summa belli suum judicium; sed imperatoris esse, existimavisse. Eorum satisfactione accepta, et itinere exposito per Divitiacum, quod ex aliis Gallis ei maximam fidem habebat, ut millium amplius quadraginta circuitu locis

locis apertis exercitum ducere, quarta vigilia, uti dixerat, profectus est. Septimo quoque iter non intermitteret, ab exploratoribus certior factus est, Ariovisti copias a nostris, millibus passuum IV et XX abesse.

XLII. Cognito Cæsaris adventu Ariovistus legatos ad eum mittit: quod antea de colloquio postulasset, id per se facere, quoniam propius accessisset, seque id sine periculo facere posse exstimaret. Non respuit conditionem Cæsar: jamque eum ad sanitatem reverti arbitrabatur, quum id, quod antea petenti denegasset, ultro polliceretur, magnamque in spem veniebat, pro fide tantis, populi que Romani in eum beneficiis, cognitis, suis postulatis, fore uti pertinacia desisterit. Dies colloquio dictus ex eo die quintus. Interim, quum saepe ultro citroque legati inter eos mitterentur, Ariovistus postulavit, ne quem peditem ad colloquium Cæsar adduceret, vereri se, ne per insidias ab eo circumveniretur: uterque cum equitatu veniret: alia ratione se non esse venturum. Cæsar, quod nec colloquium, interposita causa, tolli volebat, neque salutem suam Gallorum equitatu committere audebat; commodissimum esse statuit, omnibus equis Gallicis equitibus detractis, legionarios eo milites legionis decimæ cui quam maxime confidebat, imponere; ut præsidium quam amicissimum, si quid opus facto esset, haberet: quod quum foret, non irridicule quidam ex militibus decimæ legionis dixit: Plus, quam pollicitus esset, Cæsarem facere: pollicitum, in cohortis prætorie loco decimam legionem habiturum, ad equum rescribere.

XLIII. Planities erat magna, et in ea tumulus terreus satis grandis; hic locus æquo fere spatio ab castris utriusque aberat. Eo, ut erat dictum, ad colloquium venerunt. Legionem Cæsar, quam equis devexerat, passibus CC ab eo tumulo constituit: item equites Ariovisti pari intervallo constituerunt. Ariovistus, ut ex equis colloquerentur, et, præter se, denos ut ad colloquium adducerent, postulavit. Ubi eo ventum est, Cæsar, initio orationis, sua Senatusque in eum beneficia commemoravit; quod rex appellatus esset a Senatu, quod amicus, quod munera amplissima missa; quam rem et paucis contigisse, et a Romanis pro maximis hominum officiis consuevisse tribui docebat: illum, quum neque aditum, neque causam postulandi ius-

tam haberet, beneficio ac liberalitate sua ac Senatus, ea præmia consecutum. Docbat etiam, quam veteres, quamque justæ causæ necessitudinis ipsis cum Æduis intercederent; quæ Senatusconsulta, quoties, quamque honorifica in eos facta essent: ut omni tempore totius Galliæ principatûm Ædûi tenuissent. prius etiam, quam nostram amicitiam appetissent. Populi Romani habuisse consuetudinem, ut socios atque amicos non modo sui nihil deperdere, sed gratia, dignitate, honore auctos velit esse. Quod vero ad amicitiam populi Romani attulissent, id iis eripi, quis pati posset? postulavit deinde eadem, quæ legatis in mandatis dederat, ne aut Æduis, aut eorum sociis bellum inferret; obsides redderet: si nullam partem Germanorum domum remittere posset; at ne quod amplius Rhenum transire pateretur.

XLIV. Ariovistus ad postulata Cæsaris pauca respondit; de suis virtutibus multa prædicavit, transisse Rhenum sese non sua sponte, sed rogatum, et accersitum a Gallis; non sine magna spe, magnisque præmiis, domum propinquosque reliquisse: sedes habere in Gallia ab ipsis concessas, obsides ipsorum voluntate datos: stipendium capere jure belli, quod victores victis imponere consueverint. Non sese Gallis, sed Gallos sibi bellum intulisse: omnes Gallie civitates ad se oppugnandum venisse, ac contra se castra habuisse: eas omnes copias uno abs se prælio fusas ac superatas esse: si iterum experiri velint, paratum sese decertare: sin pace uti malint, iniquum esse de se studio recusare, quod sua voluntate ad id tempus pependerit. Amicitiam populi Romani sibi ornamento, et prælio, non detrimento, esse oportere: idque se ea spe petisse: si per populum Romanum stipendium remittatur, et dedititi subtrahantur; non minus libenter sese recusaturum populi Romani amicitiam, quam appetierit. Quod multitudinem Germanorum in Galliam transducatur, id se sui muniendi, non Gallie impugnandæ, causa facere: ejus rei testimonium esse, quod, nisi rogatus, non venerit, et quod bellum non intulerit, sed defenderit. Se prius in Galliam venisse, quam populum Romanum nunquam ante hoc tempus exercitum populi Romani Galliæ provinciæ fines egressum. Quid sibi vellet? cur in suas possessiones veniret? provinciam suam esse hanc Galliam, sicut illam nostram. Ut libere con-

cedi non oporteret, si in nostros fines impetum faceret; sic iterum, nos esse iniquos, quod in suo jure se interpellaremus. Quod fratres a Senatu, *Æduo* appellatos diceret; non se tam barbarum, neque tam imperitum esse rerum, ut non sciret, neque bello *Allobrogum* proximo *Æduos* Romanis auxilium tulisse; neque ipsos in his contentionibus, quos *Ædui* secum, et cum *Sequanis* habuissent, auxilio populi Romani usos esse. Debere se suspicari, simulata *Cæsarem* amicitia, quod exercitum in Gallia habeat, sui opprimendi causa habere: Quod nisi decedat, aut exercitum deducat ex his regionibus, sese illum non pro amico, sed pro hoste habiturum: quod si eum interfecerit, multis sese nobilibus, principibusque populi Romani, gratum esse facturum. Id se ab ipsis per eorum nuncios compertum habere; quorum omnium gratiam atque amicitiam ejus morte redimere posset. Quod si decessisset, ac liberam sibi possessionem Galliae tradidisset, magnum se illum præmio remuneraturum, et quæcunque bella geri vellet, sine ullo ejus labore et periculo confecturum.

XLV. Multa a *Cæsare* in eam sententiam dicta sunt, quare negotio desistere non posset; et, neque suam, neque populi Romani consuetudinem pati, ut, optime meritos socios desereret; neque se judicare Galliam potius esse *Ariovisti*, quam populi Romani. Bello superatos esse *Arvernos*, et *Rutenos* a *Q. Fabio Maximo*; quibus populus Romanus ignovisset, neque in provinciam redegisset, neque stipendium imposuisset. Quod si antiquissimum quodque tempus spectari oporteret, populi Romani justissimum esse in Gallia imperium: si judicium Senatus servari oporteret, liberam debere esse Galliam, quam bello victam suis legibus uti voluisset.

XLVI. Dum hæc in colloquio geruntur, *Cæsar* nunciatum est, equites *Ariovisti* propius tumultum accedere, et nostros adequitare; lapides telaque in nostros conjicere. *Cæsar* loquendi finem fecit; seque ad suos recepit; suisque imperavit, ne quod omnino telum in hostes rejicerent. nam, etsi sine ullo periculo legionis delectæ, cum equitatu prælium fore videbat; tamen committendum non putabat, ut, pulsus hostibus, dici posset, eos a se per fidem in colloquio circumventos. Posteaquam in vulgus militum elatum est, qua arrogantia in colloquio

Ariovistus

Ariovistus usus, omni Gallia Romanis interdixisset; impetumque in nostros ejus equites fecissent; eaque res colloquium diremisset; multo major alacritas, studiumque pugnandi majus exercitui injectum est.

XLVII. Biduo post Ariovistus legatos ad Cæsarem mittit, velle se de his rebus, quæ inter eos agi cœptæ, neque perfectæ essent, agere cum eo: uti aut iterum colloquio diem constitueret; aut, si id minus vellet, ex suis legatis aliquem ad se mitteret. Colloquendi Cæsari causa visa non est, et eo magis, quod pridie ejus diei Germani retineri non potuerant, quin in nostros tela conjicerent. Legatum ex suis sese magno cum periculo ad eum missurum, et hominibus feris objecturum, existimabat. Commodissimum visum est, C. Valerium Procillum, C. Valerii Caburi filium, summa virtute et humanitate adolescentem (cujus pater a C. Valerio Flacco civitate donatus erat) et propter fidem, et propter linguæ Gallicæ scientiam, qua multa jam Ariovistus, longinqua consuetudine, utebatur; et, quod in eo peccandi Germanis causa non esset, ad eum mittere; et M. Mettium, qui hospitio Ariovisti usus erat. His mandavit, ut, quæ diceret Ariovistus, cognoscerent, et ad se referrent. Quos quum apud se in castris Ariovistus conspexisset, exercitu suo præsentem, clamavit: Quid ad se venirent? an speculandi causa? Conantes dicere prohibuit, et in catenas conjecit.

XLVIII. Eodem die castra promovit, et millibus passuum vi a Cæsaris castris sub monte confedit. Postridie ejus diei, præter castra Cæsaris suas copias transduxit, et millibus passuum ii ultra eum castra fecit; eo consilio, uti frumento, commeatuque, qui ex Sequanis et Æduis supportaretur, Cæsarem intercluderet. Ex eo die dies continuos v Cæsar pro castris suas copias produxit, et aciem instructam habuit; ut, si vellet Ariovistus prælio contendere, ei potestas non deesset. Ariovistus his omnibus diebus exercitum castris continuit: equestri prælio quotidie contendit. Genus hoc erat pugnæ, quo se Germani exercuerant. Equitum millia erant vi, totidem numero pedites velocissimi, ac fortissimi; quos ex omni copia singulos, suæ salutis causa, delegerant. cum his in præliis versabantur: ad hos se equites recipiebant: hi, si quid erat durius, concurrebant: si qui, graviore vulnere

accepto,

accepto; equo deciderant, circumstitebant; si quo erat longius prodeundum, aut celerius recipiendum, tanta erat horum, exercitatione, celeritas, ut iubeis equorum sublevati cursum adaequarent.

XLIX. Ubi cum castris sese tenere Cæsar intellexit, ne diutius commentu prohiberetur, ultra eum locum, quo in loco Germani confederant, circiter passus de ab his castris idoneum locum delegit; acieque triplici instructa, ad eum locum venit. Primam et secundam aciem in armis esse; tertiam castra munire iussit. Hic locus ab hoste circiter passus sexcentos, uti dictum est, aberat. eo circiter hominum numerum xvi millia expedita cum omni equitatu Ariovistus misit; quæ copiae nostros perterrerent, et munitione prohiberent. Nihil fecius Cæsar, ut ante constituerat, duas acies hostem propulsare, tertiam opus perficere iussit. Munitis castris, duas ibi legiones reliquit, et partem auxiliorum: quatuor reliquas in castra maiora reduxit.

L. Proximo die, instituto suo, Cæsar e castris utrisque copias suas eduxit: paululumque a maioribus progressus aciem instruxit; hostibusque pugnandi potestatem fecit. ubi ne tum quidem eos prodire intellexit, circiter meridiem exercitum in castra reduxit. Tum demum Ariovistus partem suarum copiarum, quæ castra minora oppugnaret, misit. Acriter utrimque, usque ad vesperum, pugnatum est. Solis occasu suas copias Ariovistus, multis et illatis et acceptis vulneribus, in castra reduxit. Quum ex captivis quæreret Cæsar, quamobrem Ariovistus prælio non decertaret, hanc reperiebat causam: Quod apud Germanos ea consuetudo esset, ut matresfamilie eorum fortibus et vaticinationibus declararent, utrum prælium committi ex usu esset, nec ne: eas ita dicere, 'Non esse fas Germanos superare, si ante novam Lunam prælio contendissent.'

LI. Postridie ejus diei Cæsar præsidio utrisque castris, quod satis esse visum est, relicto: omnes alarios in conspectu hostium pro castris minoribus constituit; quod minus multitudine militum legionariorum, pro hostium numero, valebat, ut ad speciem alariis uteretur. Ipse, triplici instructa acie, usque ad castra hostium accessit. Tum demum necessario Germani suas copias e castris eduxerunt, generatimque constituerunt, paribusque intervallis Har-

des, Marcomanos, Triboccos, Vangiones, Nemetes, Sedulos, Suevos: omnemque aciem suam rhedis et carris circumdederunt; ne qua spes in fuga relinqueretur. Eo mulieres imposuerunt, quæ in prælium proficiscentes milites, passis crinibus flantes, implorabant, ne se in servitutum Romanis traderent.

LII. Cæsar singulis legionibus singulos legatos, et questorem, præfecit; uti eos testes suæ quisque virtutis haberet. Ipse a dextro cornu, quod eam partem minime firmam hostium esse animadverterat, prælium commisit. Ita nostri acriter in hostes, signo dato, impetum fecerunt. Itaque hostes repente celeriterque procurrerunt; ut spatium pila in hostes conjiciendi non daretur. Reiectis pilis, communis gladiis pugnatum est. At Germani celeriter, ex consuetudine sua, phalange facta, impetus gladiatorum exceperunt. Reperti sunt complures nostri milites, qui in phalangas insilirent, et scuta manibus revellerent, et desuper vulnerarent. Quum hostium acies a sinistro cornu pulsa, atque in fugam conversa esset; a dextro cornu vehementer multitudine suorum nostram aciem premebant. Id quum animadvertisset P. Crassus adolescens, qui equitatu præerat, quod expeditior erat, quam hi, qui inter aciem versabantur, tertiam aciem laborantibus nostris subsidio misit.

LIII. Ita prælium restitutum est, atque omnes hostes fugaverunt, neque prius fugere destiterunt, quam ad flumen Rhenum, millia passuum ex eo loco circiter quinquaginta, pervenerunt. Ibi perpauci, aut viribus consili transnatare contenderunt; aut, lintribus inventis, salutem sibi petierunt. In his fuit Ariovistus, qui naviculam deligatam ad ripam nactus, ea profugit: reliquos omnes equites consecuti nostri interfecerunt. Duæ fuerunt Ariovisti uxores, una Sueva natione, quam domo secum adduxerat; altera Norica, regis Vocionis soror, quam in Gallia duxerat, a fratre missam. Utraque in ea fuga perit. Duæ filiæ harum, altera occisa, altera capta est. C. Valerius Procillus, quum a custodibus in fuga trinis catenis vinculus traheretur, in ipsum Cæsarem, hostium equitatum persequentem, incidit. Quæ quidem res Cæsari non minorem, quam ipsa victoria, voluptatem attulit: quod hominem honestissimum provinciæ Galliæ, suum familiarum, et hospitem, ereptum e manibus hostium, sibi restitutum.

tum videbat: neque ejus calamitate de tanta voluptate et gratulatione quidquam fortuna deminuerat. Is, se præsente, de se ter sortibus consultum dicebat, utrum igni statim necaretur, an in aliud tempus reservaretur: sortium beneficio se esse incolumem. Item M. Mettius repertus, et ad eum reductus est.

LIV. Hoc prælio trans Rhenum nunciato, Suevi, qui ad ripas Rheni venerant, domum reverti cœperunt; quos Ubii, qui proxime Rhenum incolunt, perterritos infecuti, magnum ex his numerum occiderunt. Cæsar, una ætate duobus maximis bellis confectis, maturius paullo, quam tempus anni postulabat, in hiberna in Sequanos exercitum deduxit, hibernis Labienum præposuit: ipse in citeriorem Galliam ad conventus agendos profectus est.

L I B E R II.

I. QUUM esset Cæsar in citeriore Gallia in hibernis, ita uti supra demonstravimus, crebri ad eum rumores afferebantur, literisque item Labieni certior fiebat, omnes Belgas, quam tertiam esse Galliæ partem dixeramus, contra populum Romanum conjurare, obsidesque inter se dare; conjurandi has esse causas: primum quod vèrerentur, ne, omni pacata Gallia, ad eos exercitus noster adduceretur: deinde quod ab nonnullis Gallis sollicitarentur, partim qui Germanos diutius in Gallia versari nollent, ita populi Romani exercitum hiemare, atque inveterascere in Gallia, moleste ferebant: partim qui mobilitate et levitate animi novis imperiis studebant: ab nonnullis etiam, quod in Gallia a potentioribus, atque iis, qui ad conducendos homines facultates habebant, vulgo regna occupabantur; qui minus facile eam rem imperio nostro consequi poterant.

II. Iis nunciis literisque commotus Cæsar duas legiones in citeriore Gallia novas conscripsit, et inita ætate, in interiorem Galliam, qui deduceret, Q. Pedium legatum misit. Ipse, quum primum pabuli copia esse inciperet, ad exercitum venit. Dat negotium Senonibus, reliquisque Gallis, qui finitimi Belgis erant, uti ea, quæ apud eos gerantur, cognoscant: seque de his rebus certiores faciant. Hi constanter omnes nunciaverunt, manus cogi, exercitum in u-

num locum conduci. Tum vero dubitandum non existimavit. quin ad eos (xii die) proficisceretur. Re frumentaria provisa, castra movet, diebusque circiter xv ad fines Belgarum pervenit.

III. Eo quum de improvviso, celeriusque omnium opinione venisset, Remi, qui proximi Galliae ex Belgis sunt, ad eum legatos Iccium et Antebrogium, primos civitatis suae, miserunt: qui dicerent, se suaeque omnia in fidem atque potestatem populi Romani permittere, neque se cum reliquis Belgis consensisse; neque contra populum Romanum omnino conjurasse; paratosque esse, et obsides dare, et imperata facere, et oppidis recipere, et frumento, ceterisque rebus juvare: reliquos omnes Belgas in armis esse: Germanosque, qui cis Rhenum incolunt, sese cum his conjunxisse; tantumque esse eorum omnium furorem, ut, ne Sueffiones quidem fratres consanguineosque suos, qui eodem jure, iisdem legibus utantur, unum imperium, unumque magistratum cum ipsis habeant, detertere poterint, quin cum his consentirent.

IV. Quum ab his quareret, quae civitates, quantaeque in armis essent, et quid in bello possent, sic reperiebat; plerosque Belgas esse ortos a Germanis, Rhenumque antiquitus transductos, propter loci fertilitatem ibi consedissee; Gallosque, qui ea loca incolerent, expulisse: solosque esse, qui patrum nostrorum memoria, omni Gallia vexata, Teutonos, Cimbrosque intra fines suos ingredi prohibuerint: qua ex re fieri, uti earum rerum memoria magnam sibi auctoritatem, magnosque spiritus in re militari fumerent. De numero eorum omnia se habere explorata, Remi dicebant; propterea quod propinquitatibus affinitatibusque conjuncti, quantam quisque multitudinem in communi Belgarum concilio ad id bellum pollicitus sit, cognoverint. Plurimum inter eos Bellovacos, et virtute, et auctoritate, et hominum numero, valere: hos posse conficere armata millia centum, pollicitos ex eo numero lecta milia lx; totiusque belli imperium sibi postulare. Sueffiones suos esse finitimos; latissimos feracissimosque agros possidere: apud eos fuisse regem nostra etiam memoria Divitiacum, totius Galliae potentissimum; qui quum magis partis harum regionum, tum etiam Britanniae, imperium obtinuerit: nunc esse regem Galbam: ad hunc propter justitiam prudenti-

atque, summam totius belli omnium voluntate deferri : oppida habere numero XII ; polliceri millia armata quinquaginta : totidem Nervios, qui maxime feri inter ipsos habeantur, longissimeque absint : XV millia Atrebatum : Ambianos X millia ; Morinos XXV millia : Menapios IX millia : Caletes X millia : Velocasses et Veromandos totidem : Aduaticos XXIX millia : Condrusos, Eburones, Cæresos, Pæmanos, qui uno nomine Germani appellantur, arbitrari ad XL millia.

V. Cæsar Remos cohortatus, liberaliterque oratione prosecutus, omnem Scatum ad se convenire, principumque liberos obsides ad se adduci iussit. quæ omnia ab his diligenter ad diem facta sunt. Ipse Divitiacum Æduum magnopere cohortatus, docet quantopere Reipublicæ communisque salutis intersit, manus hostium distineri, ne cum tanta multitudine uno tempore configendum sit. Id fieri posse, si suas copias Ædui in fines Bellovacorum introduxerint, et eorum agros populari cæperint. His mandatis, eum ab se dimittit. Postquam omnes Belgarum copias in unum locum coactas ad se venire, neque jam longe abesse, ab his, quos miserat, exploratoribus, et ab Remis, cognovit ; flumen Axonam, quod est in extremis Remorum finibus, exercitum transducere maturavit, atque ibi castra posuit. Quæ res et latus unum castrorum ripis fluminis muniebat, et, postea quæ erant, tuta ab hostibus reddebat, et commœtus ab Remis, reliquisque civitatibus, ut sine periculo ad eum portari posset, efficiebat. In eo flumine pons erat. ibi præsidium ponit ; et in altera parte fluminis Q. Titurium Sabinum legatum cum VI cohortibus reliquit. Castra in altitudinem pedum XII vallo, fossaque duodeviginti pedum, munire iubet.

VI. Ab ipsis castris oppidum Remorum, nomine Bibrax, aberat millia passuum VIII. id ex itinere magno impetu Belgæ oppugnare cœperunt. Ægre eo die sustentatum est. Galiorum eadem, atque Belgarum, oppugnatio est. Hi, ubi, circumjecta multitudine hominum totis mœnibus, undique in murum lapides jaci cœpti sunt, murusque defensoribus nudatus est ; testudine facta, portis succedunt, murumque subruunt. Quod tum facile fiebat. nam tanta multitudo lapides ac tela conjiciebant, ut in muro consistendi potestas esset nulli. Quum finem oppugnandi non fecisset.

fecisset, Iccius Remus, summa nobilitate et gratia inter suos, qui tum oppido præerat, unus ex iis, qui legati de pace ad Cæsarem venerant, nuncios ad eum mittit, Nisi subsidium sibi mittatur, se diutius sustinere non posse.

VII. Eo de media nocte Cæsar, iisdem ducibus usus, qui nuncii ab Iccio venerant, Numidas et Cretas sagittarios, et funditores Baleares, subsidio oppidanis mittit. quorum adventu, et Remis cum spe defensionis studium propugnandi accessit; et hostibus eadem de causa spes potiundi oppidi discessit. Itaque paulisper apud oppidum morati, agrosque Remorum depopulati, omnibus vicis, ædificiisque, quo adire poterant, incensis, ad castra Cæsaris omnibus copiis contenderunt: et a millibus passuum, minus ii, castra posuerunt: quæ castra, ut fumo atque ignibus significabatur, amplius millibus passuum viii in latitudinem patebant.

VIII. Cæsar primo, et propter multitudinem hostium, et propter eximiam opinionem virtutis, prælio supersedere statuit: quotidie tamen equestribus præliis, quid hostis virtute posset, et quid nostri auderent, periclitabatur. Ubi nostros non esse inferiores intellexit, loco pro castris ad aciem instruendam natura opportuno atque idoneo, quod is collis, ubi castra posita erant, paullulum ex planitie editus, tantum adversus in latitudinem patebat, quantum loci acies instructa occupare poterat, atque ex utraque parte lateris dejectus habebat; et in fronte leviter fastigiatus paulatim ad planitiem redibat: ab utroque latere ejus collis transversam fossam obduxit circiter passuum eo: et ad extremas fossas castella constituit; ibique tormenta collocavit: ne, quum aciem intromisset, hostes (quod tantum multitudine poterant) a lateribus suos pugnantes circumvenire possent. Hoc facto, duabus legionibus, quas proxime conscripserat, in castris relictis, ut, si quid opus esset, subsidio duci possent, reliquas sex legiones pro castris in acie constituit. Hostes item suas copias ex castriseductas instruxerant.

IX. Palus erat non magna inter nostrum atque hostium exercitum: hanc si nostri transirent, hostes expectabant; nostri autem, si ab illis initium transeundi fieret, ut impeditos aggrederentur, parati in armis erant. Interim prælio equestri inter duas acies contendebant. Ubi neutri trans-

eundi initium faciunt, secundiore equitum, nostrorum prælio Cæsar suos in castra reduxit. Hostes proximus ex loco ad flumen Axonam contenderunt, quod esse post nostra castra demonstratum est. Ibi vadis repertis, partem suarum copiarum transducere conati sunt; eo consilio, si possent, castellum, cui præerat Q. Titurius legatus, expugnarent, pontemque interficerent: sin minus, agros Remorum popularentur, qui magno nobis usui ad bellum gerendum erant; commeatusque nostros sustinebant.

X. Cæsar certior factus a Titurio omnem equitatum, et levis armaturæ Numidas, funditores, sagittariosque pontem transducit, atque ad eos contendit. Acriter in eo loco pugnatum est. Hostes impeditos nostri in flumine aggressi, magnum eorum numerum occiderunt; per eorum corpora reliquos audacissime transire conantes, multitudine telorum repulerunt; primos, qui transierant, equitatu circumventos interfecerunt. Hostes, ubi et de expugnando oppido, et de flumine transiendo, spem se fessellisse, intellexerunt, neque nostros in locum iniquiorem progredi pugnandi causa viderunt, atque eos res frumentaria deficere cœpit; concilio convocato, constituerunt, optimum esse, domum suam quemque reverti; et quorum in fines primum Romani exercitum introduxissent, ad eos defendendos undique convenire; ut potius in suis, quam alienis finibus decertarent; et domesticis copiis rei frumentariæ uterentur. Ad eam sententiam, cum reliquis causis, hæc quoque ratio eos deduxit; quod Divitiacum atque Æduos finibus Bellovacorum appropinquare, cognoverant. His persuaderi, ut discesserent, ne suis auxilium ferrent, non poterat.

XI. Ea re constituta, secunda vigilia magno cum strepitu ac tumultu castris egressi, nullo certo ordine, neque imperio, quum sibi quisque primum itineris locum peteret, et domum pervenire properaret, fecerunt, ut confusis fugæ profectio videretur. Hac re statim Cæsar per speculatores cognita, insidias veritus; quod, qua de causa discederent, nondum perspexerat, exercitum equitatumque castris continuit. Prima luce confirmata re ab exploratoribus, omnem equitatum, qui novissimum agmen moraretur, præmisit. Eique Q. Pedium, et L. Anrunculeium Cottam, legatos præfecit. T. Labienum legatum cum le-

gignibus tribus subsequi iussit. Hi novissimos adorti, et multa millia passuum profecuti, magnam multitudinem eorum fugientium conciderunt: quum ab extremo agmine hi, ad quos ventum erat, confiterent; fortiterque impetum nostrorum militum sustinerent; priores, quod abesse a periculo viderentur, neque ulla necessitate, neque imperio continerentur, exaudito clamore, perturbatis ordinibus, omnes in fuga sibi subsidium posuerunt. Ita sine ullo periculo tantam eorum multitudinem nostri interfecerunt, quantum fuit diei spatium: sub occasumque Solis sequi destiterunt; sequi in castra, uti erat imperatum, receperunt.

XII. Postridie ejus diei Cæsar; prius quam se hostes ex terrore ac fuga reciperent, in fines Suessionum, qui proximi Remis erant, exercitum duxit; et, magno itinere confecto, ad oppidum Noviodunum contendit. Id ex itinere oppugnare conatus, quod vacuum ab defensoribus esse audiebat, propter latitudinem fossæ, murique altitudinem, paucis defendentibus, expugnare non potuit. Castris munitis, vineas agere, quæque ad oppugnandum usui erant, comparare cœpit. Interim omnis, ex fuga Suessionum multitudo in oppidum proxima nocte convenit. Celeriter vineis ad oppidum actis, aggere jacto, turribusque constitutis, magnitudine operum, quæ neque viderant ante Galli, neque audierant, et celeritate Romanorum permoti, legatos ad Cæsarem de deditione mittunt, et, petentibus Remis, ut conservarentur, impetrant.

XIII. Cæsar, obsidibus acceptis, primis civitatis, atque ipsius Galtæ regis duobus filiis, armisque omnibus ex oppido traditis, in deditionem Sueffiones accepit; exercitumque in Bellovacos duxit. Qui quum se, suæque omnia in oppidum Bratuspantium contulissent, atque ab eo oppido Cæsar cum exercitu circiter millia passuum vabesset, omnes majores natu ex oppido egressi, mapus ad Cæsarem tendere, et voce significare cœperunt, sese in ejus fidem ac potestatem venire; neque contra populum Romanum armis contendere; item, quum ad oppidum accessisset, castraque ibi poneret, pueri, mulieresque ex muro passis manibus, suo more, pacem a Romanis petierunt.

XIV. Pro his Divitiacus (nam post discessum Belgarum, dimissis Aduorum copiis, ad eum revererat) facit verba. Bellovacos omni tempore in fide, atque amicitia civitatis

Æduæ fuisse: impulsos a suis principibus, qui dicerent, Æduos a Cæsare in servitutem redactos, omnes indignitates contumeliasque perferre, et ab Æduis defecisse, et populo Romano bellum intulisse. Qui hujus consilii principes fuissent, quod intelligerent, quantam calamitatem civitati intulissent, in Britanniam profugisse. Petere non solum Bellovacos, sed etiam pro his Æduo, ut sua clementia ac mansuetudine in eos utatur. Quod si fecerit, Æduorum auctoritatem apud omnes Belgas amplificaturum; quorum auxiliis atque opibus, si qua bella inciderint, sustentare consueverint.

XV. Cæsar, honoris Divitiaci atque Æduorum causa, sese eos in fidem recepturum et conservaturum, dixit: et, quod erat civitas magna, et inter Belgas auctoritate ac hominum multitudine præstabat, de obsides poposcit. His traditis, omnibusque armis ex oppido collatis, ab eo loco in fines Ambianorum pervenit, qui se, suæque omnia, sine mora, dederunt. Eorum fines Nervii attingebant: quorum de natura moribusque Cæsar quum quæreret, sic reperiebat: Nullum aditum esse ad eos, mercatoribus: nihil pati vini, reliquarumque rerum ad luxuriam pertinentium, inferri: quod, his rebus relanguescere animos eorumque remitti virtutem, existimarent: esse homines feros, magnæque virtutis: increpitare atque incusare reliquos Belgas, qui se populo Romano deditissent, et patriam virtutem projecissent: confirmare, se neque legatos missuros, neque ullam conditionem pacis accepturos.

XVI. Quum per eorum fines triduo iter fecisset; inveniebat ex captivis, Sabim flumen ab castris suis non amplius millia passuum x abesse: trans id flumen omnes Nervios confedisse; adventumque ibi Romanorum expectare una cum Atrebatibus, et Veromanduis, finitimis suis. nam his utrisque persuaserant, ut eandem belli fortunam experirentur. expectari etiam ab his Atuaticorum copias, atque esse in itinere: mulieres, quique per ætatem ad pugnam inutiles viderentur, in eum locum conjecisse, quo propter paludes exercitui aditus non esset.

XVII. His rebus cognitis, exploratores, centurionesque præmittit, qui locum castris idoneum deligant. Quumque ex dedititiis Belgis, reliquisque Gallis complures, Cæsarem secuti, una iter facerent: quidam ex his, ut postea

ex captivis cognitum est, eorum dierum consuetudine itineris nostri exercitus perspecta, nocte ad Nervios pervenerunt, atque his demonstrarunt, inter singulas legiones, impedimentorum magnum numerum intercedere; neque esse quidquam negotii, cum prima legio in castra venisset, reliquæque legiones magnum spatium abessent, hanc sub sarcinis adoriri: qua pulsa, impedimentisque direptis, futurum, ut reliquæ contra consistere non auderent. Adjuvabat etiam eorum consilium, qui rem deferebant; quod Nervii antiquitus, quum equitatu nihil possent, (neque enim ad hoc tempus ei rei student), sed, quidquid possunt, pedestribus valent copiis, quo facilius finitimorum equitatum, si prædandi causa ad eos venisset, impedirent, teneris arboribus incisis atque inflexis, crebrisque in latitudinem ramis, (*eratis*) et rubis sentibusque interjectis effecerant, ut, instar muri, hæ sepes munimenta præberent: quo non modo intrari, sed ne perspicere quidem posset. his rebus quum iter agminis nostri impediretur, non omittendum sibi consilium Nervii existimaverunt.

XVIII. Loci natura erat hæc, quem nostri castris delegerant. Collis ab summo æqualiter declivis ad flumen Salmam, quod supra nominavimus, vergebat: ab eo flumine pari acclivitate collis nascebatur adversus huic et contrarius, passus circiter cc, infimus, apertus, ab superiore parte silvestris. ut non facile introrsus perspicere posset. Intra eas silvas hostes in occulto sese continebant: in aperto loco, secundum flumen, paucæ stationes equitum videbantur. Fluminis erat altitudo circiter pedum iii.

XIX. Cæsar, equitatu præmissis, subsequeretur omnibus copiis: sed ratio ordoque agminis aliter se habebat, ac Belgæ ad Nervios detulerant, nam, quod hostis appropinquabat, consuetudine sua Cæsar vi legiones expeditas ducbat: post eas totius exercitus impedimenta collocabat: inde duæ legiones, quæ proxime conscriptæ erant, totum agmen claudebant, præsidioque impedimentis erant. Equites nostri cum tunditionibus sagittariisque flumen transgressi cum hostium equitatu prælium committunt. Quum se illi identidem in silvas ad suos recipere, ac ipsius et silva in nostros impetum facerent, neque nostri longius, quam quem ad finem portecta, ac loca aperta pertinebant, cedentes insequi auderent; interim legiones ix, quæ præ-

mæ venerant, opere dimisso, castra munire cœperunt. Ubi prima impedimenta nostri exercitus ab eis, qui in silvis abditi latebant, visa sunt, quod tempus inter eos committendi prælii convenerat; ita ut intra silvas a nemine ordinemque constituerant, atque ipsi sese confirmaverant, subito omnibus copiis provolaverunt, impetumque in nostros equites fecerunt. His facile pulsis ac proturbatis, incredibili celeritate ad flumen decucurrerunt; ut pene uno tempore et ad silvas, et in flumine, et jam in manibus nostris hostes viderentur. Eadem autem celeritate adverso colie ad nostra castra, atque eos, qui in opere occupati erant, contenderunt.

XX. Cæsari omnia uno tempore erant agenda: vexillum proponendum, quod erat insigne, quum ad arma concurrere oporteret: signum tuba dandum: ab opere revocandi milites: qui paullo longius, aggeris petendi causa, processerant, accersendi: acies instruenda: milites cohortandi: signum dandum. Quarum rerum magnam partem temporis brevitatis, et successus et incursus hostium impediēbat. Iis difficultatibus dux res erant subsidio, scientia atque usus militum; quod superioribus præliis exercitati, quid fieri oporteret, non minus commodè ipsi sibi præscribere, quam ab aliis doceri, poterant: et quod ab opere singulisque legionibus singulos legatos Cæsar discedere, nisi munitis castris, vetuerat. Hi, propter celeritatem et propinquitatem hostium, nihil jam Cæsaris imperium spectabant; sed per se, quæ videbantur, administrabant.

XXI. Cæsar, necessariis rebus imperatis, ad cohortandos milites, quam in partem fors obtulit, decucurrit; et ad legionem decimam devenit. Milites non longiore oratione est cohortatus, quam uti suæ pristinae virtutis memoriam retinerent, ne perturbarentur animo, hostiumque impetum fortiter sustinerent; et, quod non longius hostes aberant, quam quo telum adjici posset; prælii committendi signum dedit. Atque item in alteram partem cohortandi causa profectus, pugnantibus occurrit. Temporis tanta fuit exiguitas, hostiumque tam paratus ad dimicandum animus, ut, non modo ad insignia accomodanda, sed etiam ad galeas induendas, scutisque tegimenta detrahenda, tempus defuerit. Quam quisque in partem ab opere caui devenit, quæque prima signa conspexit, ad hæc constitit; ne, in quærendo suos, pugnandi tempus dimitteret.

XXII. Instruſto exercitu, magis, ut loci natura, deſectusque collis, et neceſſitas temporis; quam, ut rei militaris ratio, atque ordo poſtulabat: quum diyerſis locis legiones alie alia in parte hoſtibus reſiſterent, ſepibusque denſiſſimis, ut ante demonſtravimus, interjectis, proſpectus impediretur; neque certa ſubſidia collocari, neque quid in quaque parte opus eſſet, provideri, neque ab uno omnia imperia adminiſtrari poterant. Itaque, in tanta rerum iniquitate, fortunæ quoque eventus varii ſequebantur.

XXIII. Legionis nonæ et decimæ milites, ut in ſiniſtra parte acie conſtiterant, pilis emiſſis, curſu ac laſſitudine exanimatos, vulneribusque conſectos Atrebates (nam hiſ ea pars obvenerat) celeriter ex loco ſuperiore in flumen compulerunt; et tranſire conantes, inſecuti gladiis, magnam partem eorum impeditam interfecerunt. Ipi tranſire flumen non dubitaverunt; et in locum iniquum progreſſi rurfus regreſſos ac reſiſtentes hoſtes, redintegrato proelio, in fugam dederunt. Item alia in parte diverſæ duæ legiones, undecima et octava, proſligatis Veromanduis, quibuſcum erant congreſſi; ex loco ſuperiore in ipſis fluminis ripis præliabantur. At totis fere a fronte et a ſiniſtra parte nudatis caſtris, quum in dextro cornu legio duodecima, et non magno ab ea intervallo ſeptima conſtitiſſet: omnes Nervii conſertiſſimo agmine, duce Eoduoſgnato, qui ſummam imperii tenebat, ad eum locum contenderunt: quorum pars aperto latere legiones circumvenire, pars ſummum locum caſtrorum petere cœpit.

XXIV. Eodem tempore equites noſtri, levisque armaturæ pedites, qui cum hiſ una fuerant, quos primo hoſtium impetu pulſos dixeram, quum ſi in caſtra reciperent, adverſis hoſtibus occurrebant, ac rurfus aliam in partem fugam petebant: et calones, qui Decumana porta, a ſummo jugo collis noſtros victores flumen tranſire, conſpexerant, prædandi cauſa, egreſſi, quum reſpexiſſent, et hoſtes in noſtris caſtris verſari vidiſſent, præcipites ſe fugæ mandabant: ſimul eorum, qui cum impedimentis veniebant, clamor fremituſque oriebatur; alique aliam in partem perterriti ferebantur. Quibus omnibus ſebus permoti equites Treviri, quorum inter Gallos virtutis opinio eſt ſingularis, qui, auxilii cauſa a civitate miſſi, ad Caſſarem venerant, quum multitudine hoſtium caſtra notarent.

compleri, legiones premi, et pæne circumventas teneri, calones, equites, funditores, Numidas, diversos dissipatosque in omnes partes, fugere vidissent, desperatis nostris rebus, domum contenderunt: Romanos pulsos superatosque, castris impedimentisque eorum hostes potitos, civitati renunciaverunt.

XXV. Cæsar, ab ~~decimæ~~ legionis cohortatione ad dextrum cornu profectus, ubi suos urgeri, signisque in unum locum collatis, duodecimæ legionis milites confertos sibi ipsis ad pugnam esse impedimento; quartæ cohortis omnibus centurionibus occisis, signiferoque interfecto, signo amisso, reliquarum cohortium omnibus fere centurionibus aut vulneratis, aut occisis, in his, Primopilo P. Sextio Baculo, fortissimo viro, multis gravibusque vulneribus confecto, ut jam se sustinere non posset; reliquos esse tardiores, et nonnullos a novissimis desertos prælio excedere, ac tela vitare, hostis neque a fronte ex inferiore loco subeuntes intermittere, et ab utroque latere instare, et rem esse in angusto vidit, neque ullum esse subsidium, quod submitti posset; scuto ab novissimis uni militi detracto (quod ipse eo sine scuto venerat,) in primam aciem processit, centurionibusque nominatim appellatis, reliquos cohortatus, milites signa inferre, et manipulos laxare jussit, quo facilius gladiis uti possent. Hujus adventu spe illata militibus, ac redintegrato animo, quum pro se quisque in conspectu Imperatoris etiam in extremis suis rebus operam navare cuperet, paulum hostium impetus tardatus est.

XXVI. Cæsar quum septimam legionem, quæ juxta constiterat, item urgeri ab hoste vidisset, Tribunos militum monuit, ut paulatim sese legiones conjungerent, et conversa signa in hostes inferrent. Quo facto, quum aliis alii subsidium ferrent, neque timerent, ne aversi ab hoste circumvenirentur, audacius resistere, ac fortius pugnare cœperunt. Interim milites legionum duarum, quæ in novissimo agmine præsidio impedimentis fuerant, prælio nunciato, cursu incitato, in summo colle ab hostibus conspiciebantur: et T. Labienus, castris hostium potitus, et ex loco superiore, quæ res in nostris castris gererentur, conspicatus, decimam legionem subsidio nostris misit, qui, quum ex equitum et calonum fuga, quo in loco res es-

set, quantoque in periculo et castra, et legiones, et Imperator versare:ur, cognovissent, nihil ad celeritatem sibi reliqui fecerunt.

XXVII. Horum adventu tanta rerum commutatio est facta, ut nostri, etiam qui vulneribus confecti procubissent, scutis innixi, præliam redintegrarent; tum calones, perterritos hostes conspicati, etiam inermes armatis occurrerent; equites vero, ut turpitudinem fugæ virtute delegerent, omnibus in locis pugnabant, quo se legionariis militibus præferrent. At hostes, etiam in extrema spe salutis tantam virtutem præstiterunt, ut, quum primi eorum cecidissent, proximi jacentibus insisterent, atque ex eorum corporibus pugnarent: his dejectis, et coacervatis cadaveribus, qui superessent, ut ex tumulo tela in nostros conjicerent, pilaque intercepta remitterent: ut non nequidquam tantæ virtutis homines judicari deberet, aulos esse transire latissimum flumen, ascendere altissimas ripas, subire iniquissimum locum: quæ facilia ex difficilimis animi magnitudo redegerat.

XXVIII. Hoc prælio facto, et prope ad internecionem gente ac nomine Nerviorum redacto, majores natu, quos una cum pueris mulieribusque in æstuaria ac paludes collectos dixeramus, hac pugna nunciata, quum victoribus nihil impeditum, victis nihil tuti arbitrarentur; omnium, qui supererant, consensu, levi ad Cæsarem miserunt, seque ei dederunt; et in commemoranda civitatis calamitate, ex dec ad tria milia hominum; ex hominum millibus LX, vix ad n, qui arma ferre possent, sese redactos esse dixerunt: quos Cæsar, ut in miseros supplices usus misericordia videretur, diligentissime conservavit; suisque finibus atque oppidis uti jussit; et finitimis imperavit, ut ab injuria et maleficio se suosque prohiberent.

XXIX. Atuatii, de quibus supra scripsimus, quum omnibus copiis auxilio Nervii venirent; hac pugna nunciata, ex itinere domum reverterunt: cunctis oppidis castellisque desertis, sua omnia in unum oppidum egregie natura munitum contulerunt. Quod quum ex omnibus in circuitu partibus altissimas rupes despectusque haberet, una ex parte leniter acclivis aditus, in latitudinem non amplius cc pedum relinquebatur: quem locum duplici altissimo muro munerant: tum magni ponderis saxa, et

præcutas trabes in muro collocarant. Ipsi erant ex Cimbris, Teutonisque prognati; qui, quum iter in provinciam nostram, atque Italiam facerent, his impedimentis, quæ secum agere, ac portare non poterant, citra flumen Rhenum depositis, custodiæ ex suis ac præsidio vi millia hominum una reliquerunt. Hi, post eorum obitum, multos annos a finitimis exagitati, quum alias bellum inferrent, alias illatum defenderent; consensu eorum omnium pace facta, hunc sibi domicilio locum delegerunt.

XXX. Ac, primo adventu exercitus nostri, crebras ex oppido excursiones faciebant, parvulisque præliis cum nostris contendebant: postea, vallo pedum xii, in circuitu xv millium, crebrisque castellis circummuniti, oppido sese continebant. Ubi, vineis actis, aggere exstructo, turrim constitui procul viderunt, primum irridere ex muro, atque increpitare vocibus, quo tanta machinatio ab tanto spatio institueretur? quibusnam manibus, aut quibus viribus, præsertim homines tantulæ staturæ, (nam plerisque hominibus Gallis, pro magnitudine corporum suorum, brevis nostra contemptui est), tanti oneris turrim in muros sese collocare considerent?

XXXI. Ubi vero moveri, et appropinquare mœnibus viderunt, nova atque inusitata specie commoti, legatos ad Cæsarem de pace miserunt; qui ad hunc modum locuti: Non se existimare, Romanos sine ope deorum bellum gerere; qui tantæ altitudinis machinationes tanta celeritate promovere (et ex propinquitate pugnare) possent: se, suaque omnia eorum potestati permittere, dixerunt. unum petere, ac deprecari; si forte pro sua clementia æmansuetudine, quam ipsi ab aliis audissent, statuisset, Atuaticos esse conservandos, ne se armis despoliaret. sibi omnes fere finitimos esse inimicos, ac suæ virtuti invidere; a quibus se defendere, traditis armis, non possent. sibi præstare, si in eum castrum deducerentur, quamvis fortunam a populo Romano pati, quam ab his per cruciatum interfici, inter quos dominati consueverant.

XXXII. Ad hæc Cæsar respondit: Se magis consuetudine suâ, quam merito eorum, civitatem conservaturum, si prius, quam aries murum attigisset, se dedidissent; sed deditionis nullam esse conditionem, nisi armis traditis: se id, quod in Nervios fecisset, facturum, finitimisque im-

peraturum, ne quam dedititiis populi Romani injuriam inferrent. Re nunciata ad suos, illi se, quæ imperarentur, facere dixerunt. Armorem magna multitudine de muro in fossam, quæ erat ante oppidum, jacta, sic ut prope summam muri aggerisque altitudinem acervi armorum adæquarent: et tamen circiter parte tertia, ut postea perspectum est, celata, atque in oppido retenta, portis patefactis, eo die pace sunt usi.

XXXIII. Sub vesperum Cæsar portas claudi, militesque ex oppido exire, jussit, ne quam nocte oppidani a militibus injuriam acciperent. Illi, ante inito ut intellectum est consilio, quod, deditiione facta, nostros præsidia deducturos, aut denique indigentius servaturos, crediderant, partim cum his, quæ retinuerant et celaverant, armis; partim, scutis ex cortice factis, aut viminibus intextis, quæ subito (ut temporis exiguitas postulabat) pelliculis induxerant; tertiâ vigilia, qua minime arduus ad nostras munitiones adscensus videbatur; omnibus copiis repente ex oppido eruptionem fecerunt. Celeriter, ut ante Cæsar imperaverat, ignibus significatione factâ, ex proximis castellis eo concursus est: pugnatumque ab hostibus ita acriter, ut a viris fortibus in extrema spe salutis, iniquo loco contra eos, qui ex vallo turribusque tela jacerent, pugnari debuit, quum una in virtute omnis spes salutis consisteret. Occisus ad hominum millibus IV, reliqui in oppidum reiecti sunt. Postridie ejus diei, refractis portis, quum jam defenderet nemo, atque intromissis militibus nostris, sectionem ejus oppidi universam Cæsar vendidit. Ab his, qui emigrant, capitum numerus ad eum relatus est millium LIII.

XXXIV. Eodem tempore a P. Crasso, quem cum legione una miserat ad Venetos, Unellos, Osismios, Curiosolitas, Sesuvios, Aulercos, Rhedones, quæ sunt maritimæ civitates, Oceanumque attingunt, certior factus est, omnes eas civitates in ditionem potestatemque populi Romani esse redactas.

XXXV. His rebus gestis, omni Gallia pacata, tanta hujus belli ad barbaros opinio perlata est, ut ab nationibus, quæ trans Rhenum incolerent, mitterentur legati ad Cæsarem, quæ se obsides daturas, imperata facturas, pollicerentur. Quas legationes Cæsar, quod in Italiam Illyri-

etumque properabat, inita proxima æstate, ad se reverti iussit. Ipse in Carnutes, Andes, Turones, quæ civitates propinquæ his locis erant, ubi bellum gesserat, legionibus in hiberna deductis, in Italiam profectus est. Ob eas res, ex literis Cæsaris, dies xv supplicatio decreta est. quod ante id tempus acciderat nulli.

L I B E R III.

I. **Q**UUM in Italiam proficisceretur Cæsar, Serv. Galbam cum legione duodecima et parte equitatus, in Nantuates, Veragros, Sedunosque misit, qui a finibus Allobrogum et lacu Lemanno, et flumine Rhodano ad summas Alpes pertinent. Causa mittendi fuit, quod iter per Alpes, quo magno cum periculo, magnisque portoriis mercatores ire consueverant, patefieri volebat. Huic permisit, si opus esse arbitraretur, uti iis locis legionem, hiemandi causa, collocaret. Galba, secundis aliquot præliis factis, castellisque compluribus eorum expugnatis, missis ad eum, undique legatis, obsidibusque datis, et pace facta, constituit cohortes duas in Nantuatibus collocare: ipse cum reliquis ejus legionis cohortibus in vico Veragrorum, qui appellatur Octodurus, hiemare, qui vicus, positus in valle, non magna adjecta planicie, altissimis montibus undique continetur. Quum hic in duas partes flumine divideretur, alteram partem ejus vici Gallis concessit; alteram, vacuum ab illis relictam, cohortibus ad hiemandum attribuit. Eum locum vallo fossaque munivit.

II. Quum dies hibernorum complures transissent, frumentumque eo comportari jussisset; subito per exploratores certior factus est, ex ea parte vici, quam Gallis concesserat, omnes noctu discessisse, montesque, qui impenderent, a maxima multitudine Sedunorum et Veragrorum teneri. Id aliquot de causis acciderat, ut subito Galli belli renovandi, legionisque opprimendæ, consilium caperent. Primum, quod legionem, neque eam plenissimam, detractis cohortibus duabus, et compluribus sigillatim, qui comineatus petendi causa, missi erant, absentibus, propter paucitatem despiciebant: tum etiam, quod, propter iniquitatem loci, quum ipsi ex montibus in vallem decurre-

rent, et tela conjicerent, ne primum quidem posse impetum sustineri existimabant. Accedebat, quod tuos ad se liberos abstractos obsidum nomine dolebant; et Romanos, non solum itinerum causa, sed etiam perpetuæ possessionis, culmina Alpium occupare conari, et ea loca finitimæ provinciæ adjungere, sibi persuasum habebant.

III. His nuntiis acceptis, Galba, quum neque opus hiernorum, munitionesque plene essent perfectæ, neque de frumento, reliquoque comæatu satis esset provisum, quod deditioe facta, obsidibusque acceptis, nihil de bello timendum existimaverat; consilio celeriter convocato, sententias exquirere cœpit. quo in consilio. quum tantum repentini periculi præter opinionem accidisset, ac jam omnia, fere superiora loca multitudinis armatorum completa conspicerentur, neque subsidio veniri, neque comæatus supportari, interclusis itineribus, possent; prope jam desperata salute, nonnullæ hujusmodi sententiæ dicebantur, ut, impedimentis relictis, eruptione facta, iisdem itineribus, quibus eo pervenissent, ad salutem contenderent. Majori tamen parti placuit, hoc reservato ad extremum consilio, interim rei eventum experiri, et castra defendere.

IV. Brevi spatio interjecto, vix ut his rebus, quas constituisent, collocandis atque administrandis tempus daretur, hostes ex omnibus partibus, signo dato, decurrere; lapides gesaque in vallum conjicere. Nostri, primo integris viribus fortiter repugnare, neque ullum frustra telum ex loco superiore mittere: ut quæque pars castrorum nudata defensoribus premi videbatur, eo occurrere, et auxilium ferre: sed, hoc superari, quod diuturnitate pugnæ hostes defessi prælio excedebant, alii integris viribus succedebant: quarum rerum a nostris propter paucitatem fieri nihil poterat, ac non modo defesso ex pugna excedendi, sed ne saucio quidem ejus loci, ubi constiterat, relinquendi, ac sui recipiendi, facultas dabatur.

V. Quum jam amplius horis vi continerentur pugnaretur, ac non solum vires, sed etiam tela nostris deficerent, atque hostes acrius instarent, languidioribusque nostris, vallum scindere, et fossas complere, cœpissent, resque esset jam ad extremum deducta casum; P. Sextius Baculus, primipili centurio, quem Nervico prælio compluribus confectum vulneribus diximus, et item C. Volusenus, tribu-

nus

nus militum, vir et consilii magni et virtutis, ad Galbam accurrunt, atque unam esse spem salutis docent, si, eruptione facta, extremum auxilium experirentur. Itaque, convocatis centurionibus, celeriter milites certiores facit, paulisper intermitterent proelium, ac tantummodo tela missa exciperent, seque ex labore reficerent; post, signo dato, e castris erumperent, atque omnem spem salutis in virtute ponerent.

VI. Quod iussi sunt, faciunt; ac subito omnibus portis eruptione facta, neque cognoscendi quid fieret, neque sui colligendi hostibus facultatem relinquunt. Ita commutata fortuna, eos, qui in spem potiendorum castrorum venerant, undique circumventos, interficiunt, et ex hominum millibus amplius xix, quem numerum barbarorum ad castra venisse constabat, plus tertia parte interfecta, reliquos perterritos in fugam conjiciunt, ac ne in locis quidem superioribus consistere patiuntur. Sic omnibus hostium copiis fulis, armisque exutis, se in castra munitionesque suas recipiunt. Quo prælio facto, quod sæpius fortunam tentare Galba nolebat, atque alio sese in hiberna consilio venisse meminerat, aliis occurrere rebus videbat, maxime frumenti commeatusque inopia permotus, postero die omnibus ejus vici ædificiis incensis, in provinciam reverti contendit; ac nullo hoste prohibente, aut iter demorante, incolumem legionem in Nantuates, inde in Allobroga, perduxit, ibique hiemavit.

VII. His rebus gestis, quum omnibus de causis Cæsar pacatam Galliam existimaret, superatis Belgis, expulsis Germanis, victis in Alpibus Sedunis; atque ita inita hieme in Illyricum profectus esset, quod eas quoque nationes adire, et regiones cognoscere volebat; subitum bellum in Gallia coortum est. Ejus belli hæc fuit causa. P. Crassus adolescens cum legione vii proximus mare Oceanum Andibus hiemabat. Is, quod in his locis inopia frumenti erat, præfectos tribunosque militum complures in finitimas civitates, frumenti commeatusque petendi causa, dimisit quo in numero erat T. Terrasidius, missus in Eusubios; M. Trebius Gallus, in Curiosolitas; Q. Velanius, cum T. Silio, in Venetos.

VIII. Hujus civitatis est longe amplissima auctoritas oranis oræ maritimæ regionum earum, quod et naves ha-

bent Veneti plurimas; quibus in Britanniam navigare consueverunt; et scientia atque usu nauticarum rerum ceteros antecedunt, et in magno impetu maris atque aperto, paucis portibus interjectis, quos tenent ipsi, omnes fere, qui eodem mari uti consueverunt, habent vestigales. Ab iis fuit initium retinendi Silii atque Velani, quod per eos, suos se obsides, quos Crasso dedissent, recuperaturos existimabant. Horum auctoritate finitimi adducti (ut sunt Gallorum subita et repentina consilia) eadem de causa Trebium Terrasidiumque retinent: et celeriter missis legatis, per suos principes inter se conjurant, nihil, nisi communi consilio, acturos, eundemque omnis fortunæ exitum esse laturos; reliquasque civitates sollicitant, ut in ea libertate, quam a majoribus acceperant, permanere, quam Romanorum servitutem perferre, mallent. Omni ora maritima celeriter ad suam sententiam perducta, communem legationem ad P. Crassum mittunt; si velit suos recipere, obsides sibi remittat.

IX. Quibus de rebus Cæsar a Crasso certior factus, quod ipse aberat longius; naves interim longas ædificari in flumine Ligeri, quod influit Oceanum, remiges ex provincia institui, nautas gubernatoresque comparari, jubet. His rebus celeriter administratis, ipse, quam primum per anni tempus potuit, ad exercitum contendit. Veneti reliquæque item civitates, cognito Cæsaris adventu, simul quod, quantum in se facinus admisissent, intelligebant, legatos, quod nomen ad omnes nationes sacrum inviolatumque semper fuisset, retentos abs se, et in vincula coniectos; pro magnitudine periculi bellum parare, et maxime ea, quæ ad ulum navium pertinerent, providere, instituunt; hoc majore spe, quod multum natura loci confidebant: Perdestria esse itinera concisa æstuariis, navigationem impeditam propter inscientiam locorum, paucitatemque portuum, sciebant. Neque, nostros exercitus, propter frumenti inopiam, diutius apud se morari posse, confidebant. Ac jam ut omnia contra opinionem acciderent, tamen se plurimum navibus posse: Romanos neque ullam facultatem habere navium, neque eorum locorum, ubi bellum gesturi essent, vada, portus insulasque novisse: ac, longe aliam esse navigationem in concluso mari, atque in vastissimo atque apertissimo Oceano, perspiciebant. His initis consiliis, oppida muni-

unt, frumenta ex agris in oppida comportant: naves in Venetiam, ubi Cæsarem primum bellum gesturum conflagabat, quam plurimas possunt, cogunt. Socios sibi ad id bellum Osmios, Lexobios, Nannetes, Ambialites, Morinos, Diablintes, Menapios adsciscunt: auxilia ex Britannia, quæ contra eas regiones posita est, accersunt.

X. Erant hæc difficultates belli gerendi, quas supra ostendimus sed tamen multa Cæsarem ad id bellum incitabant; injuriæ retentorum equitum Romanorum; rebellio facta post deditionem; desertio datis obsequiis; tot civitatum conjuratio: in primis, ne, hac parte neglecta, reliquæ nationes idem tibi licere arbitrentur. Itaque quum intelligeret, omnes fere Gallos novis rebus studere, et ad bellum mobiliter celeriterque excitari, omnes autem homines natura libertati studere, et conditionem servitutis odisse; prius quam plures civitates conspirarent, partiendum sibi ac latius distribuendum exercitum putavit.

XI. Itaque T. Labienam legatum in Treviros, qui proximi Rheno flumini sunt, cum equitatu mittit. Huic mandat; Remos reliquosque Belgas adeat, atque in officio contineat; Germanosque, qui auxilio a Belgis accersiti dicebantur, si per vim navibus flumen transire conentur, prohibeat. P. Crassum cum cohortibus legionariis XII, et magno numero equitatus in Aquitaniam proficisci jubet, ne ex his nationibus auxilia in Galliam mittantur, ac tantæ nationes jungantur. Q. Titurium Sabinum legatum cum legionibus III in Unellos, Curiosolitas Lexobiosque, mittit, qui eam manum distinendam curet. D. Brutum adolescentem classi, Gallicisque navibus, quas ex Pictonibus, et Santonis, reliquisque pacatis regionibus, convenire jusserat, præfecit; et quum primum posset, in Venetos proficisci jubet. Ipse eo pedestribus copiis contendit.

XII. Erant ejusmodi fere situs oppidorum, ut posita in extremis lingulis promontoriisque, neque pedibus aditum haberent, quum ex alto se æstus incitavisset, quod hæc semper accidit horarum XII spatio; neque navibus, quod, rursus minvente æstu, naves in vadis assiderentur. Ita utraque re oppidorum oppugnatio impediabatur: ac, si quando magnitudine operis forte superati, extruso mari aggere ac molibus, atque his ferme mœnibus adjuvatis, suis

fuis fortunis desperare cœperant, magno numero nāvium appulso, cujus rei summam facultatem habebant, sua omnia deportabant; seque in proxima oppida recipiebant: ibi se rursus iisdem opportunitatibus loci defendebant. Hæc eo facilius magnam partem ætatis faciebant, quod nostræ naves tempestatibus detinebantur; summaque erat vasto atque aperto mari, magnis æstibus, raris ac prope nullis portibus, difficultas navigandi.

XIII. Namque ipsorum naves ad hunc modum factæ, armatæque erant. Carinæ aliquanto planiores, quam nostrarum navium, quo facilius vada ac decessum æstus excipere possent: proræ admodum erectæ, atque item puppes, ad magnitudinem fluctuum tempestatumque accommodatæ. Naves totæ factæ ex robore, ad quamvis vim et contumeliam perferendam. Trahætra ex pedalibus in latitudinem trabibus, confixa clavis ferreis digiti pollicis crassitudine: anchoræ, pro funibus, ferreis catenis revinctæ; pelles pro velis, alutæque tenuiter confectæ; sive propter lini inopiam, atque ejus usus inscientiam; sive, quod est magis verisimile, quod tantas tempestates Oceani, tantosque impetus ventorum sustineri, ac tanta onera navium regi velis non satis commode arbitrabantur. Cum his navibus nostræ classi ejusmodi congressus erat; ut una celeritate et pulsu remorum præstarent; reliqua pro loci natura, pro vi tempestatum, illis essent aptiora et accommodatiora: neque enim his nostræ rostro nocere poterant: tanta in his erat firmitudo; neque propter altitudinem facile telum adjiciebatur, et eadem de causa minus incommode scopulis continebantur. Accedebat, quum sævire ventus cœpisset, et se vento dedissent, et tempestatem ferrent facilius, et in vadis consisterent tutius, et ab æstu derelictæ nihil laxa et cautes timerent: quarum rerum omnium nostris navibus casus erat extimescendi.

XIV. Compluribus expugnatis oppidis, Cæsar, ubi intellexit frustra tantum laborem sumi, neque hostium fugam captis oppidis reprimi, neque his noceri posse, ita ita expectandam classem; quæ ubi convenit, ac primum ab hostibus visa est, circiter ccxx naves eorum paratissimæ atque omni genere armorum ornatissimæ e portu profectæ nostris adversæ consisterunt: neque satis Bruto, qui ei præerat, neque tribunis militum, centurionibusque, quibus

bus singulæ naves erant attributæ, constabat, quid agerent, aut quam rationem pugnæ insisterent: rostro enim noceri non posse cognoverant: turribus autem excitatis, tamen has altitudo puppium ex barbaris navibus superabat; ut neque ex inferiore loco satis commode tela adjici possent, et missa a Gallis gravius acciderent. Una erat magno usus res præparata a nostris, falces præcutæ, insertæ affixæque longuriis, non absimili forma muralium falcium. His quum funes, qui antennas ad malos destinabant, comprehensi adductique erant, navigio remis incitato, præsumebantur, quibus abscisis, antennæ necessario concidebant; ut, quum omnis Gallicis navibus spes in velis armamentisque consisteret, his ereptis, omnis usus navium uno tempore eriperetur. Reliquum erat certamen positum in virtute; qua nostri milites facile superabant; atque eo magis, quod in conspectu Cæsaris, atque omnis exercitus res gerebatur; ut nullum paullo fortius factam latere posset: omnes enim colles et loca superiora, unde erat propinquus despectus in mare, ab exercitu tenebantur.

XV. Disiectis, ut diximus, antennis, quum singulas binæ aut ternæ naves circumlisterent, milites summa vi transcendere in hostium naves contendebant. Quod postquam barbari fieri animadverterunt; expugnatis compluribus navibus, quum ei rei nullum reperiretur auxilium; fuga salutem petere contenderunt. Ac, jam conversis in eam partem navibus, quo ventus ferebat, tanta subito malacia, ac tranquillitas existit, ut se loco movere non possent. Quæ quidem res ad negotium conficiendum maxime fuit opportuna; nam singulas nostri confectati expugnaverunt, ut perpaucae ex omni numero, noctis interventu, ad terram pervenerint, quum ab hora fere iv, usque ad solis occasum, pugnaretur.

XVI. Quo prælio bellum Venetorum, totiusque oræ maritimæ confectum est. nam quum omnis juvenus, omnes etiam gravioris ætatis, in quibus aliquid consilii aut dignitatis fuit, eo convenerant; tum navium quod ubique fuerat, unum in locum coegerant: quibus amissis, reliqui neque quo se recipere, neque quemadmodum oppida defenderent, habebant. Itaque se suaque omnia Cæsari dediderunt: in quos eo gravius Cæsar vindican-

dum statuit, quo diligentius in reliquum tempus à barbaris ~~his~~ legatorum conservaretur. Itaque omni senatu ~~abscato~~, reliquos sub corona vendidit.

XVII. Dum hæc in Venetis geruntur; Q. Titurins Sabinus cum his copiis, quas a Cæsare acceperat, in fines Unellorum pervenit. His præerat Viridovix, ac summam imperii tenebat earum omnium civitatum, quæ defece- rant; ex quibus exercitum magnasque copias coegerat. Atque his paucis diebus Aulerci Eburovices, Lexoviique, senatu suo interfecto, quod auctores belli esse volebant, portas clauserunt, seque cum Viridovice conjunxerunt: magnaque præterea multitudo undique ex Gallia perditorum hominum latronumque convenerat, quos spes prædandi, studiumque bellandi, ab agricultura et quotidiano labore revocabat. Sabinus idoneo omnibus rebus loco castris sese tenebat; quum Viridovix contra eum duum millium spatio confedisset, quotidieque productis copiis pugnandi potestatem faceret; ut jam non solum hostibus in contemptionem Sabinus veniret, sed etiam nostrorum militum vocibus nonnihil carperetur: tantamque opinionem timoris præbuit, ut jam ad vallum castrorum hostes accedere auderent. Id ea causa faciebat, quod cum tanta multitudine hostium, præsertim eo absente, qui summam imperii teneret, nisi æquo loco, aut opportunitate aliqua data, legato dimicandum non existimabat.

XVIII. Hac confirmata opinione timoris, idoneum quendam hominem et callidum delegit Gallum, ex iis quos auxilii causa secum habebat. Huic magnis præmiis pollicitationibusque persuadet, uti ad hostes transeat: quid fieri velit, edocet. Qui ubi pro perfuga ad eos venit, timorem Romanorum proponit: quibus angustiis ipse Cæsar a Venetis prematur, docet: neque longius abesse, quin proxima nocte Sabinus clam ex castris exercitum educat, et ad Cæsarem, auxilii ferendi causa, proficiscatur. Quod ubi auditum est, conclamant omnes, occasionem negotii bene gerendi amittendam non esse: ad castra iri oportere. Multæ res ad hoc consilium Gallos hortabantur: superiorum dierum Sabini cunctatio; perfugæ confirmatio; inopia cibariorum, cui rei parum diligenter ab his erat provisum; spes Venetici belli, et quod fere libenter homines, id quod volunt, credunt. Iis rebus adducti non prius

Viridovicem reliquosque duces ex consilio dimittunt, quam ab his sit concessum, arma uti capiant, et ad castra contendunt. Qua re concessa, læti velut explorata victoria, sarmentis virgultisque collectis, quibus fossas Romanorum compleant, ad castra pergunt.

XIX. Locus erat castrorum editus, et paulatim ab imo acclivis, et circiter passus M. Huc magno cursu contendunt, ut quam minimum spatii ad se colligendos armandosque Romanis daretur, exanimatique pervenerunt. Sabinus suos hortatus cupientibus signum dat. Impeditis hostibus, propter ea, quæ ferebant, onera, subito duabus portis eruptionem fieri jubet. Factum est opportunitate loci, hostium inscitia ac defatigatione, virtute militum, ac superiorum pugnarum exercitatione, ut ne unum quidem nostrorum impetum ferrent, ac statim terga verterent. quos impeditos, integris viribus milites nostri consecuti, magnum numerum eorum occiderunt; reliquos equites consecuti, paucos, qui ex fuga evaserant, reliquerunt. Sic, uno tempore, et de navali pugna Sabinus, et de Sabini victoria Cæsar certior factus est: civitatesque omnes se statim Titurio dederunt. Nam ut ad bella suscipienda Gallorum alacer ac promptus est animus; sic mollis ac minime resistens ad calamitates perferendas mens eorum est.

XX. Eodem fere tempore P. Crassus, quum in Aquitaniam pervenisset; quæ pars, ut ante dictum est, et regionum latitudine, et multitudine hominum, ex tertia parte Galliæ est æstimanda, quum intelligeret, in illis locis sibi bellum gerendum, ubi paucis ante annis L. Valerius Præconinus legatus, exercitu pulso, interfectus esset; atque unde L. Manilius Procos. impedimentis amissis, profugisset; non mediocrem sibi diligentiam adhibendam intelligebat. Itaque, re frumentaria provisa, auxiliis equitatuque comparato; multis præterea viris fortibus Tolosa, Carcasone et Narbone, quæ sunt civitates Galliæ provinciae finitimæ, ex his regionibus nominatim evocatis, in Sotiatum fines exercitum introduxit. Cujus adventu cognito Sotiates, magnis copiis coactis equitatuque, quo plurimum valebant, in itinere agmen nostrum adorti; primum equestre prælium commiserunt; deinde, equitatu suo pulso, atque insequentibus nostris, subito pedestres copias,

E

quas

quas in convalle in insidiis collocaverant, ostenderunt. Hi, nostros disiectos adorti, praelium renovaverunt.

XXI. Pugnatum est diu, atque acriter; quum Sotiates superioribus victoriis freti in sua virtute totius Aquitaniae salutem positam putarent. Nostri autem, quid sine imperatore, et sine reliquis legionibus, adolescentulo duce, efficere possent, perspicere cuperent: tandem tamen confecti vulneribus hostes terga vertere: quorum magno numero interfecto, Crassus ex itinere oppidum Sotiatium oppugnare coepit: quibus fortiter resistentibus, vineas turreaque egit. Illi, alias eruptione tentata, alias cuniculis ad aggerem vineasque actis, cujus rei sunt longe peritissimi Aquitani, propterea quod multis locis apud eos arariae structurae sunt; ubi, diligentia nostrorum, nihil his rebus profici posse intellexerunt, legatos ad Crassum mittunt; seque in deditionem ut recipiat, petunt. Qua re impetrata, arma tradere iussi, faciunt.

XXII. Atque in ea re omnium nostrorum intentis animis, alia ex parte oppidi Adcantuannus, qui summam imperii tenebat, cum de devotis, quos illi Soldarios appellant; quorum haec est conditio, ut omnibus in vita commodis una cum his fruantur, quorum se amicitiae dediderint: si quid iis per vim accidat, aut eundem casum una ferant, aut sibi mortem consciscant. Neque adhuc hominum memoria repertus est quisquam, qui, eo interfecto, cujus se amicitiae devovisset, mori recusaret. Cum iis Adcantuannus eruptionem facere conatus, clamore ab ea parte munitionis sublato, quum ad arma milites concurrissent, vehementerque ibi pugnatum esset, repulsus in oppidum est; uti tamen etiam deditionis conditione uteretur, a Crasso impetravit.

XXIII. Armis obsidibusque acceptis, Crassus in fines Vocationum et Tarusatorum profectus est. Tum vero barbari commoti, quod oppidum et natura loci, et manu munitum, paucis diebus, quibus eo ventum erat, expugnatum cognoverant; legatos quoquoersus dimittere, conjurare, obsides inter se dare, copias parare coeperunt. Mittuntur etiam ad eas civitates legati, quae sunt citerioris Hispaniae, finitimae Aquitaniae: inde auxilia ducesque accersuntur. quorum adventu magna cum auctoritate et magna cum hominum multitudine bellum gerere conantur. Duces ve-

ro ii deliguntur, qui uaa cum Q. Sertorio omnes annos fuerant, summamque scientiam rei militaris habere existimabantur. Ii consuetudine populi Romani loca capere, castra munire, commeatibus nostros intercludere instituunt. Quod ubi Crassus animadvertit, suas copias propter exiguitatem non facile diduci, hostem et vagari, et vias obsidere, et castris satis praesidii relinquere; ob eam causam minus commode frumentum commeatumque sibi supportari; in dies hostium numerum augeri; non cunctandum existimavit, quin pugna decertaret. Hac re ad consilium delata, ubi omnes idem sentire intellexit, posterum diem pugnae constituit.

XXIV. Prima luce productis omnibus copiis, duplici acie instituta, auxiliis in mediam aciem coniectis; quid hostes consilii caperent, expectabat. Illi, etsi propter multitudinem et veterem belli gloriam, paucitatemque nostrorum, se tuto dimicatuuros existimabant; tamen tutius esse arbitrabantur, obsessis viis, commeatu intercluso, sine ullo vulnere victoria potiri: et, si propter inopiam rei frumentariae Romani sese recipere coepissent, impeditos agmine, et sub sarcinis inferiores animo, adoriri cogitabant. Hoc consilio probato ab ducibus, productis Romanorum copiis, sese castris tenebant. Hac re perspecta, Crassus, quum sua cunctatione atque opinione, timidiore hostes, nostros milites alacriores ad pugnandum effecisset, atque omnium voces audirentur, expectari diutius non oportere, quin ad castra iretur; cohortatus suos, omnibus cupientibus, ad hostium castra contendit.

XXV. Ibi, quum alii fossas complerent; alii, multis telis coniectis, defensores vallo munitionibusque depellerent, auxiliareque, quibus ad pugnam non multum Crassus confidebat, lapidibus telisque subministrandis, et ad aggerem cespitibus comportandis, speciem atque opinionem pugnantium praebere; quum item ab hostibus constanter, ac non timide, pugnaretur, telaeque ex loco superiore missa non frustra acciderent; equites, circuitis hostium castris Crasso renuocaverunt, non eadem esse diligentia ab Decumana porta castra munita, facilemque aditum habere.

XXVI. Crassus, equitum praefectos cohortatus, ut magis praemiis pollicitationibusque suos excitarent, quid fieri velit, ostendit. Illi, ut erat imperatum, eductis qua-

tuor cohortibus, quæ, præsidio castris relicta, integræ ab labore erant, et longiore itinere circumductis, ne ex hostium castris conspici possent, omnium oculis mentibusque ad pugnam intentis, celeriter ad eas, quas diximus, munitiones pervenerunt; atque his prorutis, prius in hostium castris constiterunt, quam plane ab his videri, aut, quid rei gereretur, cognosci posset. Tum vero, clamoræ ab ea parte audito, nostri redintegratis viribus, quod plerumque in spe victoriæ accidere consuevit, acrius impugnare cœperunt. Hostes undique circumvenire, desperatis omnibus rebus, se per munitiones dejicere, et fuga salutem petere contenderunt. Quos equitatus apertissimis campis confectatus, ex millium L numero, quæ ex Aquitania Cantabrisque venisse constabat, vix quarta parte relicta, multa nocte se in castra recipit.

XXVII. Hac audita pugna, maxima pars Aquitanix sese Crasso dedit, obsidesque ultro misit; quo in numero fuerunt Tarbelli, Bigerriones, Preciani, Vocates, Tarusates, Elusates, Garites, Ausci, Garumni, Sibuzates, Cocofatesque. Paucae ultimæ nationes, anni tempore confisæ, quod hiems suberat, id facere neglexerunt.

XXVIII. Eodem fere tempore Cæsar, etsi prope exacta jam æstas erat, tamen, quod, omni Gallia pacata, Morini Menapiique supererant, qui in armis essent, neque ad eum umquam legatos de pace misissent; arbitratus id bellum celeriter confici posse, eo exercitum adduxit: qui longe alia ratione, ac reliqui Galli, bellum gerere instituerunt. Nam, quod intelligebant, maximas nationes, quæ prælio contendissent, pulsas superatasque esse; continentisque silvas ac paludes habebant; eo se suaque omnia contulerunt. Ad quarum initium silvarum quum pervenisset Cæsar, castraque munire instituisset; neque hostis interim visus esset; dispersis in opere nostris, subito ex omnibus partibus silvæ evolaverunt, et in nostros impetum fecerunt. Nostri celeriter arma ceperunt, eosque in silvas repulerunt; et, compluribus interfectis, longius impeditioribus locis secuti, paucos ex suis deprediderunt.

XXIX. Reliquis deinceps diebus Cæsar silvas cedere instituit, et, ne quis inermibus imprudentibusque militibus ab latere impetus fieri posset, omnem eam materiam, quæ erat caesa, conversam ad hostem collocabat, et pro vallo ad

utrumque latus exstruebat. Incredibili celeritate magno spatio paucis diebus confecto, quum jam pecus atque extrema impedimenta ab nostris tenerentur, ipsi densiores silvas peterent; ejusmodi tempestates sunt consecutæ, uti opus necessario intermitteretur, et, continuatione imbrium, diutius sub pellibus milites contineri non possent. Itaque, vastatis omnibus eorum agris, vicis ædificiisque incensis, Cæsar exercitum reduxit, et in Aulercis Lexoviiisque, reliquis item civitatibus, quæ proxime bellum fecerant, in hibernis collocavit.

L I B E R IV.

EA, quæ secuta est, hieme, qui fuit annus Cn. Pompeio, M. Crasso, cons. Usipetes Germani, et item Tenchtheri, magna cum multitudine hominum, flumen Rhenum transierunt, non longe a mari, quo Rhenus inluit. Causa, transeundi fuit, quod ab Suevis complures annos exagitati, bello premebantur, et agricultura prohibebantur. Suevorum gens est longe maxima et bellicosissima Germanorum omnium. Ii centum pagos habere dicuntur: ex quibus quotannis singula millia armatorum, bellandi causa, suis ex finibus educunt. reliqui domi manent: pro se atque illis colunt. Hi rursus invicem anno post in armis sunt: illi domi remanent. Sic neque agricultura, neque ratio, neque usus belli intermittitur: sed privati ac separati agri apud eos nihil est: neque longius anno remanere uno in loco, incolendi causa, licet: neque multum frumento, sed maximam partem lacte atque pecore vivunt, multumque sunt in venationibus: quæ res et cibi genere, et quotidiana exercitatione, et libertate vitæ (quod a pueris nullo officio aut disciplina assuefacti nihil omnino contra voluntatem faciant), et vires alit, et immani corporum magnitudine efficit. Atque in eam se consuetudinem adduxerunt, ut locis frigidissimis neque vestitus, præter pelles, habeant quidquam, quarum propter exiguitatem, magna est corporis pars aperta, et laventur in fluminibus.

II. Mercatoribus est ad eos aditus; eo magis, ut quæ bello ceperint, quibus vendant, habeant; quam quo ullam rem ad se importari desiderent. Quin etiam jumentis, quibus maxime Gallia delectatur, quæque impenso parat pre-

tio, Germani importatis non utuntur; sed, quæ sunt apud eos nata prava atque deformia, hæc quotidiana exercitatione, summi ut sint laboris, efficiunt. Equestribus præliis sæpe ex equis defiliunt, ac pedibus præbantur; equosque eodem remanere vestigio assuefaciunt; ad quos se celeriter, quum usus poscit, recipiunt. neque eorum moribus turpius quidquam, aut inertius habetur, quam ephippiisuti. Itaque ad quemvis numerum ephippiatorum equitum quamvis pauci adire audeant. Vinum ad se omnino importari non sinunt, quod ea re ad laborem ferendum remollescere homines, atque effeminari arbitrantur.

III. Publice maximam putant esse laudem, quam latissime a suis finibus vacare agros: hac re significari, magnum numerum civitatum suam vim sustinere non potuisse. itaque una ex parte a Suevis circiter millia passuum de agri vacare dicuntur. Ad alteram partem succedunt Ubii, quorum fuit civitas ampla atque florens, ut est captus Germanorum, et paullo, qui sunt ejusdem generis, etiam ceteris humaniores, propterea quod Rhenum attingunt, multique ad eos mercatores ventitant, et ipsi propter propinquitatem Gallicis sunt moribus assuefacti. Hos quum Suevi, multis sæpe bellis experti, propter amplitudinem, gravitatemque civitatis, finibus expellere non potuissent, tamen vestigiales sibi fecerunt, ac multo humiliores infirmioresque reddiderunt.

IV. In eadem causa fuerunt Usipetes et Tenchtheri, quos supra diximus; qui complures annos Suevorum vim sustinuerunt: ad extremum tamen agris expulsi, et multis locis Germaniæ triennium vagati, ad Rhenum pervenerunt: quas regiones Menapii incolebant, ad utramque ripam fluminis agros, ædificia vicosque habebant. sed tantæ multitudinis adventu perterriti, ex his ædificiis, quæ trans flumen habuerant, demigraverunt; et cis Rhenum dispositis prædiis Germanos transire prohibebant. Illi, omnia experti, quum neque vi contendere, propter inopiam navium; neque clam transire, propter custodias Menapiorum possent; reverti se in suas sedes regionesque simulaverunt: et tridui viam progressi rursus reverterunt: atque omni hoc itinere una nocte equitatu confecto, inscios inopinantisque Menapios oppresserunt; quæ de Germanorum discessu per exploratores certiores facti sine me-

tu trans Rhenum in suos vicos remigraverant. His interfectis, navibusque eorum occupatis, priusquam ea pars Menapiorum, quæ citra Rhenum erat, certior fieret, flumen transierunt; atque omnibus eorum ædificiis occupatis, reliquam partem hiemis se eorum copiis aluerunt.

V. His de rebus Cæsar certior factus, et infirmitatem Gallorum veritus, quod sunt in consiliis capiendis mobiles, et novis plerumque rebus student, nihil his committendum existimavit. Est autem hoc Gallicæ consuetudinis, ut, et viatores etiam invitos consilium cogant, et, quod quisque eorum de quaque re audierit aut cognoverit, quærant: et mercatores in oppidis vulgus circumfistat; quibus ex regionibus veniant, quasque res ibi cognoverint, pronunciare cogant. His rumoribus atque auditionibus permoti de summis sæpe rebus consilia ineunt: quorum eos e vestigio pœnitere necesse est, quum incertis rumoribus serviant; et plerique ad voluntatem eorum ficta respondeant.

VI. Qua consuetudine cognita Cæsar, ne graviore bello occurreret, maturius, quam consueverat, ad exercitum proficiscitur. Eo quum venisset, ea, quæ fieri suspicatus erat, facta cognovit; missas legationes a nonnullis civitatibus ad Germanos; invitatosque eos, uti ab Rheno discederent; omniaque, quæ postulassent, ab se fore parata. Qua spe adducti Germani latius jam vagabantur, et in fines Eburonum et Condrusorum, qui sunt Trevirorum clientes, pervenerant. Principibus Galliæ evocatis, Cæsar, ea, quæ cognoverat, dissimulanda sibi existimavit; eorumque animis permulsis et confirmatis, equitatuque imperato, bellum cum Germanis gerere constituit.

VII. Re frumentaria comparata equitibusque delectis, iter in ea loca facere cœpit, quibus in locis Germanos esse audiebat: a quibus quum paucorum dierum iter abesset, legati ab iis venerunt quorum hæc fuit oratio. Germanos neque priores populo Romano bellum inferre; neque tamen recusare, si laceessantur, quin armis contendant: quod Germanorum consuetudo hæc sit a maioribus tradita, quicumque bellum inferant, resistere, neque deprecari: hoc tamen dicere, venisse invitos, ejectos domo. Si suam gratiam Romani velint, posse eis utiles esse amicos: vel sibi

agros attribuant, vel patiantur eos tenere, quos armis possederint: sese unis Suevis concedere; quibus ne Dii quidem immortales pares esse possint: reliquum quidem in terris esse neminem, quem non superare possint.

VIII. Ad hæc Cæsar, quæ visum est, respondit. sed exitus fuit orationis: Sibi nullam cum his amicitiam esse posse, si in Gallia remanerent. neque verum esse, qui suos fines tueri non potuerint, alienos occupare: neque ullos in Gallia vacare agros, qui dari tantæ præsertim multitudini sine injuria possint: sed licere, si velint, in Ubiorum finibus confidere, quorum sint legati apud se, et de Suevorum injuriis querantur, et a se auxilium petant. Hoc se ab Ubiis impetraturum.

IX. Legati hæc se ad suos relaturos dixerunt: et, re deliberata, post diem tertium ad Cæsarem reversuros, interea, ne propius se castra moveret, petierunt: Ne id quidem Cæsar ab se impetrari posse dixit: cognoverat enim magnam partem equitatus ab iis aliquot diebus ante prædandi frumentandique causa ad Ambivaritos trans Mosam missam. Hos exspectari equites, atque ejus rei causa moram interponi, arbitrabatur.

X. Mosa profluit ex monte Vogeso, qui est in finibus Lingonum, et parte quadam Rheni recepta, quæ appellatur Walis, insulam efficit Batavorum: neque longius ab eo millibus passuum LXXX in Oceanum transit. Rhenus autem oritur ex Lepontiis, qui Alpes incolunt, et longo spatio per fines Nantuatium, Helvetiorum, Sequanorum, Mediomatricorum, Tribocorum, Trevirorum, citatus fertur: et, ubi Oceano appropinquavit, in plures diffuit partes, multis ingentibusque insulis effectis, quarum pars magna a feris barbarisque nationibus incolitur: ex quibus sunt, qui piscibus atque ovis avium vivere existimantur: multisque apitibus in Oceanum influit.

XI. Cæsar, quum ab hoste non amplius passuum XII millibus abesset; ut erat constitutum, ad eum legati revertuntur: qui in itinere congressi, magnopere, ne longius progrediretur, orabant. Quum id non impetrassent, petebant, uti ad eos equites, qui agmen antecessissent, præmitteret, eosque pugna prohiberet, sibi que uti potestatem faceret in Ubiis legatos mittendi: quorum si principes ac Senatus sibi jurejurando fidem fecissent, ea conditione, quæ

a Cæsare ferretur, se usuros ostendebant: ad has res conficiendas sibi tridui spatium daret. Hæc omnia Cæsar eodem illo pertinere arbitrabatur, ut, tridui mora interposita, equites eorum, qui abessent, reverterentur: tamen sese non longius millibus passuum iv aquationis causa processurum eo die dixit: huc postero die quam frequentissimi convenirent, ut de eorum postulatis cognosceret. Interim ad præfectos, qui cum omni equitatu antecesserant, mittit, qui nunciarent, ne hostes prælio lacefferent: et, si ipsi lacefferentur, sustinerent, quoad ipse cum exercitu propius accessisset.

XII. At hostes, ubi primum nostros equites conspexerunt, quorum erat v millium numerus, quum ipsi non amplius dccc equites haberent, quod ii, qui frumentandi causa ierant trans Mosam, nondum redierant; nihil nostris timentibus, quod legati eorum paullo ante a Cæsare discesserant, atque iis dies induciis erat ab iis petitus, impetu facto, celeriter nostros perturbaverunt: rursus, resistentibus nostris, consuetudine sua, ad pedes desilierunt, suffossisque equis, compluribusque nostris dejectis, reliquos in fugam conjecerunt; atque ita perterritos egerunt, ut non prius fuga desisterent, quam in conspectum agminis nostri venissent. In eo prælio ex equitibus nostris interficiuntur iv et lxx. In his vir fortissimus Piso Aquitanus, amplissimo genere natus, cujus avus in civitate sua regnum obtinuerat, amicus ab Senatu nostro appellatus. Hic, quum fratri intercluso ab hostibus auxilium ferret, illum periculo eripuit; ipse, equo vulnerato dejectus, quoad potuit, fortissime resistit. Quum circumventus, multis vulneribus acceptis, cecidisset; atque id frater, qui jam prælio excesserat, procul animadvertisset, incitato equo, sese hostibus obtulit, atque interfectus est.

XIII. Hoc facto prælio, Cæsar neque jam sibi legatos audiendos, neque condiciones accipiendas arbitrabatur ab iis, qui, per dolum atque insidias, petita pace, ultro bellum intulissent. Expectare vero dum hostium copiarum augerentur, equitatusque reverteretur, summæ demeriti esse judicabat: et cognita Gallorum infirmitate, quantum jam apud eos hostes uno prælio auctoritatis essent consecuti, sentiebat: quibus ad consilia capienda nihil spatii dandum existimabat. His constitutis rebus, et consilio cum lega-

tis et quæstione communicato, ne quem diem pugnae prætermitteret; opportunissima res accidit, quod postridie ejus diei mane eadem et perfidia et simulatione usi Germani frequentes, omnibus principibus, majoribusque natu adhibitis, ad eum in castra venerunt; simul, ut dicebatur, sui purgandi causa, quod contra, atque esset dictum, et ipsi petissent, prælium pridie commissent; simul, ut, si quid possent, de induciis fallendo impetrarent. Quos sibi Cæsar oblatos gavisus retineri jussit: ipse omnes copias castris eduxit, equitatum, quod recenti prælio perterritum esse existimabat agmen subsequi jussit.

XIV. Acie triplici instituta, et celeriter VIII millium itinere confecto, prius ad hostium castra pervenit, quam, quid aperetur, Germani sentire possent. qui, omnibus rebus subito perterriti, et celeritate adventus nostri, et discessu suorum, neque consilii habendi, neque arma capiendi spatio dato, perturbantur, copiasque adversus hostem educere, an castra defendere, an fugæ salutem petere, præstaret. Quorum timor quum stremitu et concursu significaretur, milites nostri, pristini diei perfidia incitati, in castra irruerunt. quorum qui celeriter arma capere potuerunt, paulisper nostris resistunt, atque inter carnos impedimenta que prælium commiserant. at reliqua multitudo puerorum mulierumque (nam cum omnibus suis domo excesserant, Rhenumque transierant) passim fugere coepit. ad quos confectandos Cæsar equitatum misit.

XV. Germani post tergum clamore audito, quum suos interfici viderent, armis abjectis, signisque militariis relictis, se ex castris ejecerunt, et quum ad confluentem Mosæ et Rheni pervenissent, reliqua fuga desperata, magno numero interfecto, reliqui se in flumen præcipitaverunt; atque ibi, timore, lassitudine et vi fluminis oppressi, perierunt. Nostri ad nauum omnes incolumes, per paucos vulneratis, ex tanti belli timore, quum hostium numerus capitum DCXXX millium fuisset, se in castra receperunt. Cæsar iis, quos in castris retinuerat discedendi potestatem fecit. Illi supplicia cruciatusque Gallorum veriti, quorum agros vexaverant, remanere se apud eum velle dixerunt. Iis Cæsar libertatem concessit.

XVI. Germanico bello confecto, multis de causis Cæsar statuit sibi Rhenum esse transeundum; quæcumque causa

justissima, quod quum videret, Germanos tam facile impelli, ut in Galliam venirent, suis quoque rebus eos timere, voluit; quum intelligerent, et posse, et audere populi Romani exercitum Rhenum transire. Accessit etiam quod illa pars equitatus Usipetum et Tenchtherorum, quam supra commemoravi prædandi frumentandique causa Mosam transisse, neque prælio interfuisse, post fugam suorum se trans Rhenum in fines Sigambrorum receperat, seque cum iis conjunxerat. Ad quos quum Cæsar nuncios misisset, qui postularent, eos, qui sibi, Galliæque bellum intulissent, uti sibi dederent, responderunt: Populi Romani imperium Rhenum finire: si, se invito, Germanos in Galliam transire non æquum existimaret; cur sui quidquam esse imperii aut potestatis trans Rhenum postularet? Ubii autem, qui uni ex Transrhenanis ad Cæsarem legatos miserant, amicitiam fecerant, obsides dederant, magnopere orabant, ut sibi auxilium ferret, quod graviter ab Suevis premerentur; vel, si id facere occupationibus Reipubl. prohiberetur, exercitum modo Rhenum transportaret: id sibi ad auxilium, spemque reliqui temporis satis futurum: tantum esse nomen apud eos, atque opinionem exercitus Romani, Ariovisto pulso, et hoc novissimo prælio facto, etiam ad ultimas Germanorum nationes, uti opinione, et amicitia populi Romani tuti esse possint: navium magnam copiam ad transportandum exercitum pollicebantur.

XVII. Cæsar his de causis, quas commemoravi, Rhenum transire decreverat; sed navibus transire neque satis tutum esse arbitrabatur, neque suæ, neque populi Romani dignitatis esse statuebat. Itaque etsi summa difficultas faciendi pontis proponebatur, propter latitudinem, rapiditatem altitudinemque fluminis; tamen id sibi contendendum, aut aliter non transducendum exercitum existimabat. Rationem igitur pontis hanc instituit. Tigna bina sesquipedalia paullum ab imo præacuta, dimensa ad altitudinem fluminis, intervallo pedum duorum inter se jungebat: hæc cum machinationibus demissa in flumen defixerat, fistucisque adegerat, non sublicæ modo directæ ad perpendiculum, sed prona, ac fastigiata, ut secundum naturam fluminis procumberent. His item contraria et ad eundem modum juncta, intervallo pedum quadragenum ab inferiore parte contra vim atque impetum fluminis conversa statuebat:

tuebat: hæc utraque bipedalibus trabibus immixtis, quantum eorum tignorum junctura distabat; binis utrimque fibulis ab extrema parte distinebantur: quibus disolutis, atque in contrariam partem revinctis, tanta erat operis firmitudo, atque ea rerum natura, ut, quo major vis aquæ se incitavisset, hoc arctius illigata tenerentur. Hæc directæ materia injecta contexebantur, ac longuriis, cratibusque consternebantur: ac nihilo secius publicæ ad inferiorem partem fluminis obliquæ adigebantur; quæ, pro pariete subjæctæ, et cum omni opere conjunctæ, vim fluminis exciperent: et alia item supra pontem mediocri spatio: ut, si arborum trunci, sive naves, dejiciendi operis causa, essent a barbaris missæ, his defensoribus earum rerum vis minueretur, neu ponti nocerent.

XVIII. Diebus x, quibus materia cœpta erat comparari, omni opere effecto, exercitus transducitur. Cæsar, ad utramque partem pontis firmo præsidio relicto, in fines Sigambrorum contendit. Interim a compluribus civitatibus ad eum legati veniunt, quibus pacem atque amicitiam petentibus, liberaliter respondit, obsidesque ad se adduci jubet. Sigambri ex eo tempore, quo gens institui cœptus est, fuga comparatâ, hortantibus iis, quos ex Tenchtheris atque Usipetibus apud se habebant, finibus suis excefferant, suaque omnia exportaverant, seque in solitudinem ac silvas abdiderant.

XIX. Cæsar paucos dies in eorum finibus moratus, omnibus vicis ædificiisque incensis, frumentisque succisis, se in fines Ubiorum recepit; atque his auxilium suum pollicitus, si a Suevis premerentur: hæc ab iis cognovit: Suevos, postquam per exploratores pontem fieri comperissent, more suo, concilio habito, nuncios in omnes partes dimisisse, uti de oppidis demigrarent, liberos, uxores suaque omnia in silvas deponerent: atque omnes, qui arma ferre possent, unum in locum convenirent: hunc esse delectum medium fere regionum earum, quas Suevi obtinerent: ibi Romanorum adventum expectare, atque ibi decertare constituisse. Quod ubi Cæsar comperit, omnibus his rebus confectis, quarum rerum causa exercitum transducere constituerat, ut Germanis metum injiceret, ut Sigambros ulcisceretur, ut Ubios obsidione liberaret: diebus omnino x et viii trans Rhenum consumptis, satis et ad

ad laudem et ad utilitatem profectum arbitratus, se in Galliam recepit, pontemque reiecit.

XX. Exigua parte æstatis reliqua, Cæsar, etsi in his locis, quod omnis Gallia ad Septentrionem vergit, maturæ sunt hiemes, tamen in Britanniam proficisci contendit: quod omnibus fere Gallicis bellis, hostibus nostris inde subministrata auxilia intelligebat: et, si tempus anni ad bellum gerendum deficeret; tamen magno sibi usui fore arbitrabatur, si modo insulam adisset, genus hominum perspexisset, loca, portus, aditus cognovisset: quæ omnia fere Gallis erant incognita: neque enim temere præter mercatores illo adit quisquam: neque iis ipsis quidquam, præter dram maritimam, atque eas regiones, quæ sunt contra Galliam, notum est. Itaque, convocatis ad se undique mercatoribus, neque quanta esset insulæ magnitudo, neque quæ, aut quantæ nationes incolerent, neque quem usum belli haberent, aut quibus institutis uterentur, neque qui essent ad majorum navium multitudinem idonei portus, reperire poterat.

XXI. Ad hæc cognoscenda, prius quam periculum faceret, idoneum esse arbitratus C. Volusenum, cum navi longa præmittit. Huic mandat, ut, exploratis omnibus rebus, ad se quam primum revertatur. Ipse, cum omnibus copiis, in Morinos proficiscitur: quod inde erat brevissimus in Britanniam transiectus. huc naves undique ex finitimis regionibus, et, quam superiore æstate ad Veneticum bellum fecerat classem, jubet convinere. Interim, consilio ejus cognito, et per mercatores perlato ad Britannos, a compluribus ejus insulæ civitatibus ad eum legati veniunt, qui polliceantur, obsides dare; atque imperio populi Romani obtemperare. Quibus auditi, liberaliter pollicitus, hortatusque ut in ea sententia permanerent, eos domum remisit: et cum his una Comum, quem ipse Atrebatibus superatis, regem ibi constituerat; cujus et virtutem, et consilium probabat, et quem sibi fidelem arbitrabatur, cujusque auctoritas in his regionibus magna habebatur, mittit. Huic imperat, quas possit, adeat civitates; horteturque, ut populi Romani fidem sequantur; seque celeriter eo venturum nunciet. Volusenus, perspectis regionibus, quantum ei facultatis dari potuit, qui navi egredi, ac se barbaris committere non auderet, v die ad Cæsarem revertitur, quæque ibi perspexisset, renunciat.

XXII Dum in his locis Cæsar navium parandarum causa moratur, ex magna parte Morinorum ad eum legati venerunt, qui se de superioris temporis consilio excusarent; quod homines barbari, et nostræ consuetudinis imperiti, bellum populo Romano fecissent; seque ea, quæ imperasset, facturos pollicerentur. Hoc sibi satis opportune Cæsar accidisse arbitratus, quod neque post tergum hostem relinquere volebat: neque belli gerendi, propter anni tempus, facultatem habebat; neque has tantularum rerum occupationes sibi Britannicæ anteponendas iudicabat; magnum his numerum oblidum imperat. Quibus adductis, eos in fidem recepit, navibus circiter LXXX onerariis coactis contractisque; quod satis esse ad duas legiones transportandas existimabat: quidquid præterea navium longarum habebat, quætori, legatis præfectisque distribuit. Huc accedebant XVIII onerariæ naves, quæ ex eo loco millibus passuum VIII vento tenebantur, quo minus in eundem portum pervenire possent. Has equitibus distribuit; reliquum exercitum Q. Titurio Sabino, et L. Aurunculeio Cottæ legatis, in Menapios atque in eos pagos Morinorum, ab quibus ad eum legati non venerant, deducendum dedit. P. Sulpicium Rutum legatum cum eo præsidio, quod satis esse arbitrabatur, portum tenere iussit.

XXIII. His constitutis rebus, nactus idoneam ad navigandum tempestatem, tertia fere vigilia solvit, equitesque in ulteriorem portum progredi, et naves conscendere, ac se sequi, iussit: a quibus quum paullo tardius esset administratum, ipse hora circiter diei IV cum primis navibus Britanniam attigit: atque ibi in omnibus collibus expositas hostium copias firmatas conspexit. Cujus loci hæc erat natura: adeo montibus angustis mare continebatur, ut ex locis superioribus in littus telum adjici posset. Hunc ad egrediendum nequaquam idoneum arbitratus locum, dum reliquæ naves eo convenirent, ad horam IX in anchoris expectavit. Interim legatis tribunisque militum convocatis, et quæ ex Voluteno cognovisset; et quæ fieri vellet, ostendit; monuitque, ut rei militaris ratio, maxime ut res marinæ postularent, (ut quæ celerem atque instabilem morum haberent), ad nutum et ad tempus omnes res ab eis administrarentur. His dimissis, et ventum et ætum uno tempore nactus secundum, dato signo et sublati anchoris,

choris, circiter millia passuum viii ab eo loco progressus, a pecto ac plano littore naves constituit.

XXIV. At barbari, consilio Romanorum cognito, præmisso equitatu et essedariis, quo plerumque genere in præliis uti consueverunt, reliquis copiis subsecuti, nostros navibus egredi prohibebant. Erat ob has causas summa difficultas, quod naves propter magnitudinem, nisi in alto, constitui non poterant. militibus autem, ignotis locis, impeditis manibus, magno et gravi onere armorum pressis, simul et navibus dehiendum, et fluctibus consistendum, et cum hostibus erat pugnandum; quum illi aut ex arido, aut paululum in aquam progressi, omnibus membris expediti, notissimis locis, audacter tela conjicerent, et equos insuetos incitarent. Quibus rebus nostri perterriti, atque hujus omnino generis pugne imperiti, non omnes eadem alacritate ac studio, quo in pedestribus uti præliis consueverant, utebantur.

XXV. Quod ubi Cæsar animadvertit, naves longas, quarum et species erat barbaris inusitata, et motu ad usum expeditior, paululum removeri ab onerariis navibus, et remis incitari, et ad latus apertum hostium constitui, atque inde fundis, tormentis, sagittis, hostes propelli ac submoveri iussit: quæ res magno usui nostris fuit. nam et navium figura, et remorum motu, et inusitato genere tormentorum permoti barbari, constiterunt; ac paulum modo pedem retulerunt. At, nostris militibus cunctantibus, maxime propter altitudinem maris, qui x legionis aquilam ferebat, contestatus deos, ut ea res legioni feliciter eveniret: Desilite, inquit, milites, nisi vultis aquilam hostibus prodere. ego certe meum Reipub. atque Imperatori officium præbitero. Hoc quum magna voce dixisset, se ex navi projecit, atque in hostes aquilam terre cepit. Tum nostri cohortati inter se, ne tantum dedecus admitteretur, universi ex navi desilierunt; hos item alii ex proximis primis navibus quum conspexissent subsecuti, hostibus appropinquarunt.

XXVI. Pugnatum est ab utroque acriter. Nostri tamen, quod neque ordines fervare, neque firmiter insistere, neque signa subsequi poterant, atque alius alia ex navi, quibuscumque signis occurrerat, se aggregabat; magnopere perturbabantur. Hostes vero, notis omnibus vadis, ubi

ex littore aliquos singulares ex navi egredientes conspexerant, incitatis equis, impeditos adhibebantur: plures paucos circumstitebant; alii ab latere apertos, in universos tela conieciabant. Quod quum animadvertisset Cæsar, seaphas longarum navium, item speculatoria navigia militibus compleri iussit: et, quos laborantes conspexerat, his subsidia summittebat. Nostri, simul atque in arido constiterant, sedis omnibus consecutis, in hostes impetum fecerunt, atque eos in fugam dederunt, neque longius prosequi potuerunt, quod equites cursum tenere, atque insulam capere non poterant. Hoc unum ad pristinam fortunam Cæsari defuit.

XXVII. Hostes prælio superati, simul atque se ex fuga receperunt, statim ad Cæsarem legatos de pace miserunt: obsides daturus, quæque imperasset, sese facturos, polliciti sunt. Una cum his legatis Comius Atrebas venit, quem supra demonstraveram a Cæsare in Britanniam præmissum. Hunc illi e navi egressum, quum ad eos Imperatoris mandata perferret, comprehenderant, atque in vincula coniecerant. tunc, facto prælio, remiserunt; et in ostenda pæce ejus rei culpam in multitudinem contulerunt: et, propter imprudentiam, ut ignoscere, petiverunt. Cæsar questus, quod, quum ultro in continentem legatis missis pacem a se petissent, bellum sine causa intulisset, ignoscere imprudentiæ dixit; obsidesque imperavit: quorum illi partem statim dederunt; partem ex longinquiore locis accersitam paucis diebus sese datururos dixerunt. Interea suos remigrare in agros iusserunt; principesque undique convenere, et se civitatesque suas Cæsari commendarunt.

XXVIII. His rebus pæce firmata, post diem iv, quam ab ipa Britanniam ventum, naves xviii, de quibus supra demonstratum est, quæ equites intulerant, ex superiore portu huiusmodi solverunt: quæ quum appropinquarent Britanniae, et ex castris viderentur, tanta tempestas subita occurrit, ut nulla earum tutum tenere posset: sed ab eis, eodem, unde erant profectæ, referrentur, alio ad inferiorem partem insulæ, quæ est propius Solis occasum, magno sui cum periculo dejectæ: quæ tamen, anchoris jactis, cum fluctibus complerentur, necessario, adversa nocte in altum prope, continentem petiverunt.

XXIX. Cæsar, cum de nocte in altum prope, continentem petiverunt, supra dictis, et de nocte in altum prope, continentem petiverunt.

XXIX. Eadem nocte accidit, ut esset Luna plena, quæ dies maritimos æstus maximos in Oceano efficere consuevit, nostrisque id erat incognitum. Ita uno tempore longas naves, quibus Cæsar exercitum transportandi curaverat, quasque in aridum subduxerat, æstus comprebatur: et onerarias, quæ ad anchoras erant deligatæ, tempestas afflictabat. neque ulla nostris facultas aut admirandi, aut auxiliandi dabatur. Compluribus navium fractis, reliquæ quum essent funibus, anchoris reliquisque armamentis amissis, ad navigandum inutiles, magna, quod necesse erat accidere, totius exercitus perturbata facta est: neque enim naves erant aliæ, quibus reportarentur; et omnia deerant, quæ ad reficiendas eas utiles sunt, et, quod omnibus constabat hiemare in Gallia oportere, frumentum his in locis in hiemem provisum non esse.

XXX. Quibus rebus cognitis, principes Britannici qui post prælium ad ea, quæ iusserat Cæsar, faciendum convenerant, inter se collocuti; quum equites, et naves et frumentum Romanis deesse intelligerent, et paucitatem militum ex castrorum exiguitate cognoscerent; quæ hi erant etiam angustiora, quod sine impedimentis Cæsar legiones transportaverat; optimum factu esse duxerunt, si bellione facta, frumento comæatuque nostros prohibere et rem in hiemem producere; quod, his superatis aut victu interclusis, neminem postea belli infensendi causa Britanniam transiturum confidebant. Itaque, rursus conjuratione facta, paulatim ex castris discedere, ac sic clam ex agris deducere cœperunt.

XXXI. At Cæsar, etsi nondum eorum consilia cognoverat, tamen et ex eventu navium suarum, et ex eo, quod obfides dare intermiserant, fore id, quod accidit, suspicabatur. Itaque ad omnes casus subsidia comparabat; naves et frumentum ex agris in castra quotidie conferebat; quæ gravissimæ afflictæ erant naves earum materia atque rem ad reliquas reficiendas utebatur; et quæ ad eas res erant usus, ex continenti comportari jubebat. Itaque, quod id summo studio a militibus administraretur, cum navibus amissis, reliquæ ut navigari commodè posset, effecit.

XXXII. Dum ea geruntur, legione, ex consuetudine una frumentatum missa, quæ appellabatur VII, neque alia id tempus belli suspitione interposita, quum pars hominum

DE BELLO GALLICO

in agris remaneret, pars etiā in castra ventitaret, qui pro portis castrorum in statione erant; Caesari renuciaverunt, pulverem majorem, quam consuetudo ferret, in ea parte videri, quam in partem legio iter fecisset. Caesar, id quod erat, suspicatur, aliquid novi a barbaris tum consilii, cohortes, quae in stationibus erant, secum eam partem proficisci, duas in stationem succedere, reuas armari, et confestim se subsequi, jussit. Quum ullo longius a castris processisset; suos ab hostibus prelo, atque agere sustinere, et conferta legione ex omnibus partibus tela conjici animadvertit. nam quod omni ex reuis partibus demesso frumento, una pars erat reliqua, picati hostes huc nostros esse venturos, noctu in silvis lituerant. tum dispersos, depositis armis, in metendo zapatos subito adorti, paucis interfectis, reliquos incordinibus perturbaverant: simul equitatu atque elis circumdederant.

XXXIII. Genus hoc est ex essedis pugnae: primo permes partes perequitant, et tela conjiciunt, atque ipso rore equorum et strepitu rotarum, ordines plerumque perturbant: et quum se inter equitum turmas inliavere, ex essedis desiliunt, et pedibus praeliuntur. Auxer interim paullum e proelio excedunt, atque ita se colant, ut, si illi a multitudine hostium premantur, exitum ad suos receptum habeant. Ita mobilitatem equin, stabilitatem peditum in proliis praestant; ac tantum usu quotidiano, et exercitatione efficiunt, ut in devi ac praecipiti loco incitatos equos sustinere, et breviaderari, ac flectere, et per temonem percurrere, et in eo insistere, et inde se in currus citissime recipere conoverint.

XXXIV. Quibus rebus, perturbatis nostris novitate pugnae tempore opportunissimo Caesar auxilium tulit: namque ejus adventu hostes constiterant, nostri ex timore receperunt. Quo facto, ad laceessendum hostem, et committendum praelium, alienum esse tempus arbitratus, suo loco continuit; et, brevi tempore intermisso, in castraiones reduxit. Dum haec geruntur, nostris omnibus upatis, qui erant in agris, reliqui discesserant. Secutae et continuos dies complures tempestates; quae et nostros castris continerent, et hostem a pugna prohiberent. Inim barbari nuncios in omnes partes dimiserunt; paucitatemque

tatemque nostrorum militum suis prædicaverunt; et, quanta prædæ faciendæ, atque in perpetuum sui liberandi facultas daretur, si Romanos castris expulissent, demonstraverunt. His rebus celeriter magna multitudo peditatus equitatusque coacta, ad castra venerunt.

XXXV. Cæsar etsi idem, quod superioribus diebus acciderat, fore videbat; ut, si essent hostes pulsi, celeritate periculum effugerent; tamen nactus equites circiter xxx, quos Comius Atrebas, de quo ante dictum est, secum transportaverat, legiones in acie pro castris constituit. Commisso prælio, diutius nostrorum militum impetum hostes ferre non potuerunt, ac terga verterunt: quos tanto spatio secuti, quantum cursu et viribus efficere potuerunt, complures ex iis occiderunt; deinde omnibus longe lateque ædificiis incensis, se in castra receperunt.

XXXVI. Eodem die legati ab hostibus missi ad Cæsarem de pace venerunt. His Cæsar numerum obsidum, quem antea imperaverat, duplicavit; eosque in continentem adduci iussit; quod, propinqua die æquinoctii, infirmis navibus hiemi navigationem subjiendam non existimabat. Ipse idoneam tempestatem nactus, paullo post mediam noctem naves solvit: quæ omnes incolumes ad continentem pervenerunt. Ex his onerariæ et eisdem portus, quos reliquæ, capere non potuerunt; sed paullo infra delatæ sunt.

XXXVII. Quibus ex navibus, quum essent exposti milites circiter ccc, atque in castra contenderent; Morini, quos Cæsar, in Britanniam proficiscens, pacatos reliquerat, spe prædæ adducti, primo non ita magno suorum numero circumsteterunt; ac, si sese interfici nollent, arma ponere iusserunt. Quum illi, orbe facto, sese defenderent, celeriter ad clamorem hominum circiter millia vi conveniunt. Quare nunciata, Cæsar omnem ex castris equitatum suis auxilio misit. Interim nostri milites impetum hostium sustinuerunt; atque amplius horis iv fortissime pugnaverunt; et paucis vulneribus acceptis, complures ex iis occiderunt. Postea vero quam equitatus noster in conspectum venit; hostes, abjectis armis, terga verterunt; magnique eorum numerus est occisus.

XXXVIII. Cæsar, postero die, T. Labienum legatum cum iis legionibus, quas ex Britannia reduxerat, in Mo-

rimos, qui rebellionem fecerant, misit. qui quum propter siccitates paludum, quo se reciperent, non haberent; quo perfugio superiore anno fuerant usi; omnes fere in potestatem Labieni venerunt. At Q. Titurius et L. Cotta legati, qui in Menapiorum fines legiones duxerant, omnibus eorum agris vastatis, frumentis succis ædificiisque incensis, quod Menapii omnes se in densissimas silvas abdiderant, ad Cæsarem se receperunt. Cæsar in Belgis omnium legionum hiberna constituit. Eo duæ omnino civitates ex Britannia obsides miserunt: reliquæ neglexerunt. His rebus gestis, ex literis Cæsaris dierum xx supplicatio a Senatu decreta est.

L I B E R V.

I. **L**UCIO Domitio, Appio Claudio, cons. discedens ab hibernis Cæsar in Italiam, ut quotannis facere instituerat, legatis imperat, quos legionibus præfecerat, uti quamplurimas possent hieme naves ædificandas, veteresque reficiendas curarent. Earum modum formamque demonstrat. Ad celeritatem onerandi, subductionesque, paullo facit humiliores, quam quibus nostro mari uti consuevimus; atque id eo magis, quod, propter crebras commutationes ætuum, minus magnos ibi fluctus fieri cognoverat; ad onera, et ad multitudinem junctorum transportandam paullo latiores, quam quibus in reliquis utimur maribus. Has omnes ætuarias imperat fieri; quam ad rem humilitas multum adjuvat. Ea, quæ sunt usui ad armandas naves, ex Hispania apportari jubet. Ipse, conventibus Galliarum citerioris peractis, in Illyricum proficiscitur, quod a Pirustis finitimam partem provinciarum incursionibus gallari audiebat. Eo quum venisset, civitatibus milites imperat; certumque in locum convenire jubet. Quare nunciata, Pirustis legatos ad eum mittunt, qui doceant, nihil earum rerum publico factum consilio: seseque paratos esse demonstrant, omnibus rationibus de injuriis satisfacere. Accepta oratione eorum, Cæsar obsides imperat, omnesque ad certam diem adduci jubet: nisi ita fecerint, sese bello civitatem persecuturum demonstrat. His adductis, ut imperaverat, arbitros inter civitates dat, qui litem æstimant, poenamque constituunt.

II. His confectis rebus conventibusque peractis, in ceteriorem Galliam revertitur atque inde ad exercitum proficiscitur. Eo quum venisset, circuitis omnibus hibernis, singulari militum studio, in summa rerum omnium inopia, circiter de ejus generis, cujus supra demonstravimus, nares, et longas xxviii invenit constructas, neque multum abesse, (ab eo) quin paucis diebus deduci possent. Collaudatis militibus, atque iis, qui negotio praeleverant, quid fieri velit, ostendit; atque omnis ad portum Ithum convenire jubet: quo ex portu commodissimum in Britanniam transiectum esse cognoverat, circiter milium passuum xxx a continenti. Huic rei quod satis esse visum est militum, relinquit: ipse cum legionibus expeditis vi, et equitibus dccc in fines Trevirorum proficiscitur: quod hi neque ad concilia veniebant, neque imperio parebant, Germanosque Transrhenanos sollicitare dicebantur.

III. Haec civitas longe plurimum totius Galliae equitatu valet, magnasque habet copias peditum, Rhenumque, ut supra demonstravimus, tangit. In ea civitate de principatu inter se contendebant Induciomarus et Cingetorix, ex quibus alter, simulatque de Caesaris legionumque adventu cognitum est, ad eum venit; se suosque omnes in officio futuros, neque ab amicitia populi Romani defecturos, confirmavit; quaeque in Treviris gererentur, ostendit. At Induciomarus equitatum peditatumque cogere; usque qui per aetatem in armis esse non poterant, in silvam Arduennam additis, quae ingenti magnitudine per medios fines Trevirorum a flumine Rheno ad initium Remorum pertinet, bellum parare instituit. sed postea quam nonnulli principes ex ea civitate et familiaritate Cingetorigis adducti et adventu nostri exercitus perterriti ad Caesarem venerunt, et de suis privatim rebus ab eo petere ceperunt, quoniam civitati consulere non possent; veritus, ne ab omnibus desereretur, Induciomarus legatos ad Caesarem mittit, sese idcirco a sedis discedere, atque ad eum venire noluisse, quo facilius civitatem in officio contineret, ac omnis nobilitatis discessu, plebs propter imprudentiam laboreretur: itaque civitatem in sua potestate esse: seque, si Caesar permitteret, ad eum in castra venturum, et suarum civitatisque fortunas ejus fidei permittendum.

IV. Caesar, etsi intelligebat, quae de causa ea dicerentur, quaeque eum res ab infirmo consilio detererent, magnam

ne ætatem in Treviris consumere cogeretur omnibus rebus ad Britannicum bellum comparatis. Induciomarum ad se cum eo obliuibus venire iussit. His adductis, in iis filio propinquitque ejus omnibus, quos nominatim evocaverat, consolatus Induciomarum, hortatusque est, uti in offi-
 io permaneret: nihilo tamen fecius principibus Trevi-
 rotorum ad se convocatis, eos sigillatim Cingetorigi conciliavit, quod quum merito ejus a se fieri intelligebat; tum magni interesse arbitrabatur, ejus auctoritatem inter suos quamplurimum valere, cujus tam egregiam in se voluntatem perspexisset. Id factum graviter tulit Inducio-
 marus; suam gratiam inter suos minuit: et, qui jam ante inimico in nos animo fuisset; multo gravior hoc dolore exarsit.

V. His rebus constitutis, Cæsar ad portum Itium cum legionibus pervenit, ibi cognoscit XL naves, quæ in Mel-
 dis factæ erant, tempestate rejectas, tenere cuiusmodi non potuisse, atque eodem, unde erant profectæ, relatas: reli-
 quas paratas ad navigandum, atque omnibus rebus instructas invenit. Eodem equitatus totius Galliæ convenit, numero milium IV, principesque ex omnibus civitatibus; ex quibus perpaucos, quorum in se fidem perspexerat, relin-
 quere in Gallia, reliquos obsidum loco secum ducere decreverat; quod, quum ipse abisset, motum Galliæ verebatur.

VI. Erat una cum ceteris Dumnorix Æduus, de quo a nobis antea dictum est. Hunc secum ducere in primis constituerat, quod eum cupidum rerum novarum cupidum imperii, magni animi, magnæ inter Gallos auctoritatis, cognoverat. Accedebat huc, quod jam in concilio Æduorum Dumnorix dixerat; Sibi a Cæsare regnum civitatis deterri: quod dictum Ædui graviter ferebant: neque recusandi, neque deprecandi causa legatos ad Cæsarem mittere audebant. Id factum ex suis hospitibus Cæsar cognoverat. Ille primo omnibus precibus petere contendit, ut in Gallia remanerent, partim quod insuetis navigandi mare timeret; partim quod religionibus se se diceret impediri. Posteaquam id obstinate sibi negari vidit, omni spe impetrandi adempta, principes Galliæ sollicitare, sevocare singulos hortarique coepit; ut in continenti rem nerent, metu territate; non sine causa fieri, ut Gallia omni nobilitate spoliaretur: id esse in conspectu Cæsaris; ut, quos in conspectu Galliæ interficere vereretur, hos omnes

in Britanniam transfundendos necaret: fidem reliquis interponere; iusjurandum poscere; ut, quod esse ex usu Galliae intellexissent. communi consilio administrarent.

VII. Hæc a compluribus ad Cæsarem deferbantur. quare cognita, Cæsar, quod tantum civitati Æduæ dignitatis tribuebat, coercendum atque deterrendum quibuscunque rebus posset Dumnorigem itatuebat: quod longius ejus amentiam progredi videbat. prospiciendum. ne quid sibi ac Reipublicæ nocere posset. Itaque dies circiter xxv in eo loco commoratus, quod Cornus ventus navigationem impediabat; qui magnam partem omnis temporis in his locis flare consuevit; dabat operam, ut Dumnorigem in officio contineret, nihilo tamen secius omnia ejus consilia cognosceret: tandem idoneam tempestatem nactus, milites equitesque conscendere naves jubet. At impeditis omnium animis, Dumnorix cum equitibus Æduorum ac caltris, insciente Cæsare domum discedere cœpit. Quare nunciata, Cæsar intermissa profectioe, atque omnibus rebus postpositis, magnam partem equitatus ad eum insequendum mittit, retrahique imperat; si vim faciat, neque patent, interfici jubet: nihil hunc se absente pro sano facturum arbitratus; qui præsentis imperium neglexisset. Ille enim revocatus resistere, ac se manu defendere, suorumque fidem implorare cœpit, sæpe clamitans: Liberum se, liberæque civitatis esse. Illi, ut erat imperatum, circumstant hominemque interficiunt: at Ædúi equites ad Cæsarem omnes revertuntur.

VIII. His rebus gestis, Labieno in continente cum iiii legionibus, et equitum millibus ii relicto, ut portus tueretur, et rei frumentariæ provideret, quæque in Gallia gererentur, cognosceret, et consilium pro tempore, et pro re caperet; ipse cum legionibus v, et pari numero equitum, quem in continente reliquerat, ad solis occasum naves solvit: et leni Africo profectus, media circiter nocte vento intermisso, cursum non tenuit; et longius delatus æstu, orta luce, sub sinistra Britanniam relictam conspexit. Tum rursus æstus commutationem secutus rensis contendit, ut eam partem insuæ caperet, qua optimum esse egressum superiore æstate cognoverat. Qua in re admodum fuit militum virtus laudanda, qui vectoris gravibusque navigiis, non intermisso remigandi labore, longarum navium cursum adæquarunt.

adæquarunt. Accessum est ad Britanniam omnibus navibus meridiano fere tempore: neque in eo loco hostis est visus; sed, ut postea Cæsar ex captivis comperit, quum magnæ manus eo convenissent, multitudine navium perterritæ, quæ cum annotinis privatisque, quas sui quisque commodi causa fecerat, amplius decem uno erant visæ, timore a littore discesserant, ac se in superiora loca abdiderant.

IX. Cæsar, exposito exercitu, ac loco castris idoneo capto, ubi ex captivis cognovit, quo in loco hostium copæ consedissent, cohortibus x ad mare relictis, et equitibus ccc. qui præsidio navibus essent, de iii vigilia ad hostes contendit; eo minus veritus navibus, quod in littore molli atque aperto, deligatas ad anchoram relinquebat; et præsidio navibus Q. Atrium præfecit. Ipse noctu progressus millia passuum circiter xii hostium copias conspiciatus est. Illi equitatu atque effedis ad flumen progressi e loco superiore nostros prohibere, et prælium committere cœperunt. Repulsi ab equitatu se in silvas abdidērunt, locum nacti, egregie et natura et opere munitam; quem, domestici belli, ut videbatur, causa, jam ante præparaverant. nam crebris arboribus succis omnes introitus erant præclusi. Ipsi ex silvis rari propugnabant, nostrosque intra munitiones ingredi prohibebant. at milites legionis vii, testudine facta, et aggere ad munitiones adjecto, locum ceperunt, eosque e silvis expulerunt, paucis vulneribus acceptis. sed eos fugientes longius Cæsar persequi vetuit; et quod loci naturam ignorabat; et quod, magna parte diei consumpta, munitioni castrorum tempus relinqui volebat.

X. Postridie ejus diei, mane, tripartito milites equitesque in expeditionem misit; ut eos qui fugerant, persequerentur. Iis aliquantum itineris progressis, quum jam extremi essent in prospectu, equites a Q. Atrio ad Cæsarem venerunt, qui nunciarent, superiori nocte maxima coorta tempestate, prope omnes naves afflictas, atque in littore ejectas esse; quod neque anchoræ, funesque subsisterent, neque nauræ gubernatoresque vim tempestatis pati possent. Itaque ex eo concursu navium magnum esse incommodum acceptum.

XI. His rebus cognitis, Cæsar legiones equitatumque revocari, atque itinere desistere jubet: ipse ad naves revertitur:

vertitur: eadem fere, quæ ex nunciis literisque cognoverat, coram perspicit; sic, ut, amissis circiter XL navibus, reliquæ tamen refici posse magno negotio viderentur. Itaque ex legionibus fabros deligit, et ex continentii alios accersiri jubet: Labieno scribit, ut, quamplurimas posset, iis legionibus, quæ sunt apud eum, naves instituat. Ipse, etsi res erat multæ operæ ac laboris, tamen commodissimum esse statuit, omnes naves subduci, et cum castris una munitione conjungi. In his rebus circiter dies x consumit, ne nocturnis quidem temporibus ad laborem militum intermissis. Subductis navibus, castrisque egregie munitis, easdem copias, quas ante, præsidio navibus relinquit: ipse eodem, unde redierat, proficiscitur. Eo quum venisset, majoresque undique in eum locum copię Britannorum convenerant: summa imperii bellique administrandi, communi consilio, permixta est Cativellauno, cujus fines a maximis civitatibus flumen dividit quod appellatur Tamisa, a mari circiter millia passuum LXXX. Huic superior tempore cum reliquis civitatibus continentia bella intexerant. Sed, nostro adventu permoti Britanni, hunc toti bello imperioque præfecerant.

XII. Britannia pars interior ab iis incolitur, quos natos in insula ipsa memoria proditum dicunt. Maritima pars ab iis, qui, prædæ ac belli inferendi causa, ex Belgio transferant, qui omnes fere iis nominibus civitatum appellantur, quibus orti ex civitatibus eo pervenerunt, et bello illato ibi remanserunt, atque agros colere cœperunt. Hominum est infinita multitudo, creberrimæque ædificia fere Gallicis consimilia; pecoris magnus numerus. Utuntur aut æreo, aut taleis ferreis ad certum pondus examinatis pro nummo. Nascitur ibi plumbum album in mediterraneis regionibus, in maritimis ferrum: sed ejus exigua est copia: ære utuntur importato. Materia cujusque generis, ut in Gallia est, præter fagum atque abietem. Leporem et gallinam, et anserem gustare, fas non putant. hæc tamen alunt, animi voluptatisque causa. Loca sunt temperatiora, quam in Gallia, remissioribus frigoribus.

XIII. Insula natura triquetra, cujus unum latus est contra Galliam: hujus lateris alter angulus, qui est ad Cantium, quo fere ex Gallia naves appellantur, ad orientem Solem; inferior, ad Meridiem spectat. Hoc la-

tus tenet circiter millia passuum D. Alterum vergit ad Hispaniam, atque occidentem Solem: qua ex parte est Ilibernia, dimidio minor, ut existimatur, quam Britannia, sed pari spatio transmissus, atque ex Gallia est in Britanniam. In hoc medio cursu est insula, quæ appellatur Mona: complures præterea minores objectæ insulæ existimantur de quibus insulis nonnulli scripserunt, dies continuos xxx sub bruma esse noctem nos nihil de eo percontationibus reperiebamus, nisi certis ex aqua mensuris, breviores esse noctes, quam in continente, videbamus. Hujus est longitudo lateris, ut fert illorum opinio, dcc millium passuum. Tertium est contra Septentrionem. cui parti nulla est objecta terra: sed ejus angulus lateris maxime ad Germaniam spectat. Huic millia passuum dcc in longitudinem esse existimatur. Ita omnis insula est in circuitu vices centena millia passuum.

XIV. Ex his omnibus longe sunt humanissimi, qui Cantium incolunt: quæ regio est maritima omnis, neque multum a Gallica differunt consuetudine. Interiores plerique frumenta non ferunt: sed lacte et carne vivunt; pellibusque sunt vestiti; omnes vero se Britanni vitro inficiunt, quod cæruleum efficit colorem. atque hoc horribiliore sunt in pugna adspectu; capilloque sunt promisso; atque omni parte corporis rafa, præter caput; et labrum superius. Uxores habent deni duodenique inter se communes, et maxime fratres cum fratribus, et parentes cum liberis: sed si qui sunt ex his nati, eorum habentur liberi, a quibus primum virgines quæque deductæ sunt.

XV. Equites hostium essedarii que acriter prælio cum equitatu nostro in itinere confixerunt; ita tamen, ut nostri omnibus partibus superiores fuerint, atque eos in silvas collesque compulerint: sed compluribus interfectis, cupidius insecuti nonnullos ex suis amiserunt. At illi, intermisso spatio, imprudentibus nostris atque occupatis in munitione castrorum, subito se ex silvis ejecerunt; impetuque in eos facto, qui erant in statione pro castris collocati, acriter pugnaverunt, duabusque missis subsidio cohortibus a Cæsare, atque his primis legionum duarum; quum hæ, intermisso perexiguo loci spatio, inter se constitissent, novo genere pugne perterritis nostris, per medios audacissime proruperunt, seque inde incolumes receperunt. Eo die

Q. Laberius

Q. Laberius Durus tribunus militum interficitur. — Illi, pluribus submissis cohortibus, repelluntur.

XVI. Toto hoc in genere, pugnae quum sub oculis omnium, ac pro castris dimicaretur, intellectum est, nostros, propter gravitatem armorum, quod neque insequi cedentes possent, neque ab signis discedere auderent, minus aptos esse ad hujus generis hostem; equites autem magno cum periculo dimicare, propterea quod illi etiam consulto plerumque cederent; et, quum paullulum ab legionibus nostros removissent, ex essedis desilirent, et pedibus dispari proelio contenderent. Equestris autem praelii ratio, et cedentibus et insequentibus, par atque idem periculum inferebat. Accedebat huc, ut, numquam conferti, sed rari, magnisque intervallis praeliarentur, stationesque dispositas haberent, atque alios alii deinceps exciperent, integrique et recentes defatigatis succederent.

XVII. Postero die procul a castris hostes in collibus constiterunt, rarique se ostendere, et lentius, quam pridie, nostros equites proelio laceffere coeperunt. Sed meridie, quum Caesar pabulandi causa III legiones, atque omnem equitatum cum C. Trebonio legato misisset, repente, ex omnibus partibus ad pabulatores advolaverunt, sic uti ab signis legionibusque non abisterent. Nostri, acriter in eos impetu facto, repulerunt: neque finem insequendi fecerunt, quoad subsidio consili equites, quum post se legiones viderent, praecipites hostes egerunt: magnoque eorum numero interfecto, neque sui colligendi neque consistendi aut ex essedis desiliendi facultatem dederunt. Ex hac fuga protinus, quae undique convenerant, auxilia discesserunt; neque post id tempus umquam summis nobiscum copiis hostes contenderunt.

XVIII. Caesar, cognito consilio eorum, ad flumen Tamesin, in fines Cassivellauni exercitum duxit. quod flumen uno omnino loco pedibus, atque hoc aegre transiri potest. Eo quum venisset, animadvertit, ad alteram fluminis ripam magnas esse copias hostium instructas. ripa autem erat acutis sudibus praefixis munita; ejusdemque generis sub aqua defixae fudes flumine tegebantur. His rebus cognitis a captivis perfugisque, Caesar, praemisso equitatu, confestim legiones subsequi iussit. Sed ea celeritate, atque impetu milites ierunt, quum capite solo ex

aqua exstarent, ut hostes impetum legionum atque equitum sustinere non possent, ripasque dimitterent, ac se fugæ mandarent.

XIX. Cassivellaunus, ut supra demonstravimus, omni spe deposita contentionis, dimissis amphoribus copiis, milibus circiter IV essedariorum retentis, itinera nostra servabat; paullulumque ex via excedebat, locisque impeditis atque silvestribus sese occultabat; atque iis regionibus, quibus nos iter facturos cognoverat, pecora atque homines ex agris in silvas compellebat: et, quum equitatus noster liberius, vastandi prædandique causa, se in agros effunderet, omnibus viis notis semitisque essedarios ex silvis emittebat; et, magno cum periculo nostrorum equitum cum iis conflegebat; atque hoc metu latius vagari prohibebat. Relinquebatur, ut neque longius ab agmine legionum discedi Cæsar pateretur, et tantum in agris vastandis incendiisque faciendis hostibus noceretur, quantum labore atque itinere legionarii milites efficere poterant.

XX. Interim Trinobantes, prope firmissima earum regionum civitas, ex qua Mandubratius adolescens, Cæsaris fidem secutus, ad eum in continentem (Galliam) venerat; cujus pater Imanuentius in ea civitate regnum obtinuerat, interfectusque erat a Cassivellauno, ipse fuga mortem vitaverat, legatos ad Cæsarem mittunt; pollicenturque sese ei dedituros, et imperata facturos: petunt, ut Mandubratium ab injuria Cassivellauni defendat; atque in civitatem mittat, qui præsit imperiumque obtineat. His Cæsar imperat obliides XL, frumentumque exercitui; Mandubratiumque ad eos mittit. Illi imperata celeriter fecerunt: obliides ad numerum, frumentumque miserunt.

XXI. Trinobantibus defensis, atque ab omni militum injuria prohibitis, Cenimagni, Segontiaci, Ancalites, Bibroci, Cassi, legationibus missis; sese Cæsari dediderunt. Ab his cognoscit non longe ex loco oppidum Cassivellauni abesse, silvis paludibusque munitum, quo satis magnus hominum pecorisque numerus convenerit. Oppidum autem Britanni vocant, quum silvas impeditas vallo atque fossa munierunt, quo, incursionis hostium vitandæ causa, convenire consueverunt. Eo profisciscitur cum legionibus: locum reperit egregie naturæ atque opere munitum: tamen hunc duabus ex partibus oppugnare contendit. Hos-

tes paullisper morati militum nostrorum inspetum non tulerunt; seseque ex alia parte oppidi ejecerunt. Magnus ibi numerus pecoris repertus: multique in fuga sunt comprehensi atque interfecti.

XXII. Dum hæc in his locis geruntur, Cassivellaunus ad Cantium, quod esse ad mare supra demonstravimus, quibus regionibus IV reges præerant, Cingetorix, Carnilius, Taximagulus, Segonax, nuncios mittit: atque his imperat; ut, coactis omnibus copiis, castra navalia de improviso adoriantur, atque oppugnent. Hi quum ad castra venissent, nostri, eruptione facta, multis eorum interfectis, capto etiam nobili duce Lugotorige, suos incolumes reduxerunt. Cassivellaunus, hoc prælio nunciato, tot detrimentis acceptis, vastatis finibus, maxime etiam permotus defectione civitatum, legatos per Atrebatem Comium de deditioe ad Cæsarem mittit. Cæsar, quum statuisset hiemem in continente propter repentinos Galliæ motus agere, neque multum æstatis superesset, atque id facile extrahi posse intelligeret, obsides imperat: et, quid in annos singulos vectigalis populo Romano Britannia penderet, constituit. interdicat atque imperat Cassivellauno, ne Mandubratio neu Trinobantibus noceat.

XXIII. Obsidibus acceptis, exercitum reducit ad mare, naves invenit resecas. His deductis, quod et captivorum magnum numerum habebat, et nonnullæ tempestate deperrierant naves, duobus commeatibus exercitum reportare constituit. ac sic accedit, ut ex tanto navium numero, tot navigationibus, neque hoc, neque superiore anno ulla omnino navis, quæ milites portaret, desideraretur. At ex iis, quæ inanes ex continente ad eum remitterentur, et prioris commeatus expositis militibus, et quas postea Labienus faciendas curaverat numero LX, perpaucae locum caperent; reliquæ fere omnes rejicerentur: quas quum aliquamdiu Cæsar frustra expectasset, ne anni tempore navigatione excluderetur; quod æquinotium suberat, necessario angustius milites collocavit, ac summam tranquillitatem consecutus, secunda inita quum solvisset vigilia, prima luce terram attigit, omnesque incolumes naves perduxit.

XXIV. Subductis navibus, concilioque Gallorum Samarobriæ peracto, quod eo anno frumentum in Gallia, propter siccitates, angustius provenerat; coactus est aliter,

ac superioribus annis, exercitum in hibernis collocare, legionesque in plures civitates distribuere: ex quibus unam in Morinos ducendam C. Fabio legato dedit; alteram in Nervios Q. Ciceroni: tertiam in Efluos L. Roscio: quartam in Remis cum T. Labieno in confinio Trevirorum, hiemare iussit. Tres in Belgio collocavit. His M. Crassum quaestorem, et L. Munatium Plancum, et C. Trebonium legatos praefecit. Unam legionem, quam proxime trans Padum conscripserat, et cohortes v in Eburones, quorum pars maxima est inter Mosam et Rhenum, qui sub imperio Ambiorigis et Cativulci erant, misit. His militibus Q. Titurium Sabinum et L. Aurunculeium Cottam legatos praesse iussit. Ad hunc modum distributis legionibus, facillime inopiae frumentariae sese mederi posse existimavit: atque harum tamen omnium legionum hiberna (praeter eam, quam L. Roscio in pacatissimam et quietissimam partem ducendam dederat) millibus passuum continebantur. Ipse interea, quoad legiones collocasset, munitaque hiberna cognovisset, in Gallia morari constituit.

XXV. Erat in Carantibus summo loco natus Tasgetius; ejus majores in sua civitate regnum obtinuerant. Hinc Caesar, pro ejus virtute atque in se benevolentia, quod in omnibus bellis singulari ejus opera fuerat usus, majorum locum restituerat. Tertium jam hunc annum regnantem inimici palam, multis etiam ex civitate auctoribus, interfecerunt. Defertur ea res ad Caesarem, ille veritus, quod ad plures res pertinebat, ne civitas eorum impulsu deficeret, L. Plancum cum legione ex Belgio celeriter in Carnutes proficisci jubet, ibique hiemare; quorumque opera cognoverit Tasgetium interfectum, hos comprehensos ad se mittere. Interim ab omnibus legatis quaestoribusque, quibus legiones transiderat, certior factus est, in hiberna perventum, locumque hibernis esse manitum.

XXVI. Diebus circiter xv, quibus in hiberna ventum est, initium repentini tumultus ac defectionis ortum est ab Amborige et Cativulco: qui, quum ad fines regni sui Sabino Cottaeque praesto fuissent, frumentumque in hiberna comportavissent, Induciomari Treviri punciis impulsu, suos concitaverunt; subitoque oppressis lignatoribus, magna manu castra oppugnatum venerunt. Quum celeriter nostris arma cepissent, vallumque adscendissent; atque, una ex parte

te Hispanis equitibus emissis, equestri proelio superiores fuissent; desperata re, hostes suos ab oppugnatione reduxerunt. Tum suo more conclamaverunt, uti aliqui ex nostris ad colloquium prodirent: habere sese quæ de re communi dicere vellent, quibus controversias minui posse sperarent.

XXVII. Mittitur ad eos colloquendi causa C. Arpinus, eques Romanus. familiaris Q. Titurii, Q. Junius ex Hispania quidam, qui jam ante missu Cæsaris ad Ambiorigem ventitare consueverat: apud quos Ambiorix in hunc modum locutus est: Sese pro Cæsaris in se beneficiis plurimum ei confiteri debere, quod ejus opera stipendio liberatus esset, quod Atuaticis finitimis suis pendere consueffet; quodque ei et filius, et fratris filius ab Cæsare remissi essent, quos Atuatici obsidum numero missos apud se in servitute et catenis tenuissent: neque id, quod fecerat de oppugnatione castrorum, aut judicio, aut voluntate sua fecisse, sed coactu civitatis: suaque esse ejusmodi imperia, ut non minus haberet in se juris multitudinem, quam ipse in multitudinem. Civitati porro hanc fuisse belli causam, quod repentinæ Gallorum conjurationi resistere non potuerit, id se facile ex humilitate sua probare posse; quod non adeo sit imperitus rerum, ut suis copiis populum Romanum se superare posse confidat; sed esse Galliarum commune consilium; omnibus hibernis Cæsaris oppugnandis hunc esse dictum diem, ne qua legio alteræ legioni subsidio venire posset: non facile Gallos Gallis negare potuisse; præsertim quum de recuperanda communi libertate consilium initum videretur: quibus quoniam pro pietate satisfecerit, habere se nunc rationem officii; pro beneficiis Cæsarem monere, orare Titurium pro hospitio, ut suæ ac milium saluti consulat: magnam manum Germanorum conductam Rhenum transisse; hanc affore biduo: ipsorum esse consilium, velintne prius, quam finitimi sentiant, eductos ex hibernis milites aut ad Ciceronem, aut ad Labienum deducere, quorum alter milia passuum circiter L., alter paullo amplius absit: illud se polliceri, et jurejurando confirmare, tutum se iter per fines suos datum: quod quum faciat, et civitati sese consulere, quod hibernis levetur, et Cæsari pro ejus meritis gratiam referre. Hac oratione habita discedit Ambiorix.

XXVIII. C. Arpineius et Junius, quæ audierant, ad legatos deferunt. Illi repentina re perturbati; etsi ab hoste ea dicebantur, non tamen negligenda existimabant: maximeque hac re permovebantur, quod civitatem ignobilem atque humilem Eburonum sua sponte populo Romano bellum facere ausam vix erat credendum. Itaque ad consilium rem deferunt: magnaue inter eos existit controversia. L. Aurunculeius, compluresque tribuni militum et primorum ordinum centuriones, nihil temere agendum, neque ex hibernis injussu Cæsaris discedendum existimabant quantavis magnas copias etiam Germanorum sustineri posse, munitis hibernis, docebant: rem esse testimonio, quod primum hostium impetum, multis ultro vulneribus illatis, fortissime sustinuerint: re frumentaria non premi: interea et ex proximis hibernis, et a Cæsare conventura subsidia: postremo quid esse levius aut turpius, quam auctore hoste de summis rebus capere consilium?

XXIX. Contra ea Titurius, fero facturos clamitabat, quum majores manus hostium, adjunctis Germanis, convenissent, aut quum aliquid calamitatis in proximis hibernis esset acceptum: brevem consulendi esse occasionem. Cæsarem arbitrari profectum in Italiam: nec aliter Carnutes interficiendi Tasgetii consilium fuisse capturos, neque Eburones, si ille adesset, tanta cum contemptione nostri ad castra venturos esse: non hostem auctorem, sed rem, spectare: subesse Rhenum; magno esse Germanis dolori Ariovisti mortem, et superiores nostras victorias: ardere Galliam tot contumeliis acceptis sub populi Romani imperium redactam, superiore gloria rei militaris extincta: postremo quis hoc sibi persuaderet, sine certa re Ambiorigem ad ejusmodi consilium descendisse? Suam sententiam in utramque partem esse tutam: si nil sit durus, nullo periculo ad proximam legionem perventuros; si Gallia omnis cum Germanis consentiat, unam esse in celeritate positam salutem. Cotæ quidem, atque eorum, qui dissentirent, consilium quem haberet exitum? In quo si non præsens periculum, at certe longa obsidione fames esset pertimescenda.

XXX. Hac in utramque partem habita disputatione, quum a Cotta primisque ordinibus acriter resisteretur: Vincite, inquit, si ita vultis, Sabinus; et id clariore voce, ut magna pars militum exaudiret: neque is sum, inquit, qui

qui gravissime ex vobis mortis periculo terrear: hi sapient, et si gravius quid acciderit, abs te rationem repositent: qui, si per te liceat, perendino die cum proximis hibernis conjuncti, communem cum reliquis casum sustineat: nec rejecti et relegati longe ab cæteris, aut ferro, aut fame intereant.

XXXI. Consurgitur ex consilio. Comprehendunt utrumque, et orant, ne sua dissensione et pertinacia rem in summum periculum deducant: facilem esse rem, seu maneant, seu proficiantur; si modo unum omnes sentiant ac probent: contra in dissensione nullam se salutem perspicere. Res disputatione ad mediam noctem perducitur. Tandem dat Cotta permotus manus. Superat sententia Sabini. Pronunciatur, prima luce ituros. Consumitur vigiliis reliqua pars noctis, quum sua quisque miles circumspiceret, quid secum portare posset, quid ex instrumento hibernorum relinquere cogeretur. Omnia excogitantur, quare nec sine periculo maneatur, et languore militum, et vigiliis periculum augeatur. Prima luce sic ex castris proficiuntur; ut, quibus esset persuasum, non ab hoste, sed ab homine amicissimo Ambiorige consilium datum, longissimo agmine, magnisque impedimentis.

XXXII. At hostes, postea quam ex nocturno fremitu vigiliisque de profectione eorum senserunt, collocatis insidiis bipartito in silvis, opportuno atque occulto loco, a millibus passuum circiter ii Romanorum adventum expectabant: et, quum se major pars agminis in magnam convallem demisisset, ex utraque parte ejus vallis subito sese ostenderunt; novissimosque premere, et primos prohibere adscensu, atque iniquissimo nostris loco prælium committere cœperunt.

XXXIII. Tum demum Titurius, uti qui nihil ante providisset, trepidare, et concurrere, cohortesque disponere: hæc tamen ipsa timide, atque ut eum omnia deficere viderentur: quod plerumque iis accidere consuevit, qui in ipso negotio consilium capere coguntur. At Cotta, qui cogitasset hæc posse in itinere accidere, atque ob eam causam profectionis auctor non fuisset; nulla in re communi saluti deerat; et, in appellandis cohortandisque militibus, imperatoris; et in pugna, militis officia præstabat. Quumque propter longitudinem agminis minus facile per

per se omnia obire, et quid quoque loco faciendum esset, providere possent; jusserunt pronounciari, ut impedimenta relinquerent, atque in orbem consisterent: quod consilium etsi in ejusmodi casu reprehendendum non est, tamen incommode accidit; nam et nostris militibus spem minuit, et hostes ad pugnandum alacriores effecit: quod non sine summo timore et desperatione id factum videbatur. Præterea accidit, quod fieri necesse erat, ut vulgo milites ab signis discederent; quæque quisque eorum carissima haberet, ab impedimentis petere, atque arripere properaret, et clamore ac fletu omnia complerentur.

XXXIV. At barbaris consilium non defuit: nam duces eorum tota acie pronounciari jusserunt, ne quis ab loco discederet: illorum esse prædam, atque illis reservari, quæcûmque Romani reliquissent: proinde omnia in victoria posita existimarent. Erant et virtute, et numero pugnando pares nostri: tametsi a duce et a fortuna deserebantur: tamen omnem spem salutis in virtute ponebant; et, quoties quæque cohors procurrerat, ab ea parte magnus hostium numerus cadebat. Qua re animadversa, Ambiorix pronounciari jubet; ut procul tela conjiciant, ne propius accedant: et, quam in partem Romani impetum fecerint, cedant: levitate armorum et quotidiana exercitatione nihil iis noceri posse: rursus se ad signa recipientes insequantur.

XXXV. Quo præcepto ab iis diligentissime observato, quum quæpiam cohors ex orbe excesserat, atque impetum fecerat, hostes velocissime fugiebant. Interim ea parte nudari necesse erat, et ab latere aperto tela recipi. Rursus, quum in eum locum, unde erant egressi, reverti coeperant, et ab iis, qui cesserant; et ab iis, qui proximi steterant, circumveniebantur: sin autem locum tenere vellet, neque virtuti locus relinquebatur, neque a tanta multitudine conjecta tela conferti vitare poterant. Tamen tam multis incommodis conflati, multis vulneribus acceptis, resistebant, et magna parte diei consumpta, quum a prima luce ad horam viæ pugnaretur, nihil, quod ipsis esset indignum, committebant. Tum T. Balventio, qui superiore anno primum pilum duxerat, viro forti et magnæ auctoritatis, utrumque femur tragula transjicitur. Q. Lucanius ejusdem ordinis fortissime pugnans, dum circumvento filio

subvenit, interficitur. L. Cotta legatus, omnes cohortes ordinesque adhortans, in adversum os funda vulneratur.

XXXVI. His rebus permotus Q. Titurius, quum procul Ambiorigem suos cohortantem conspexisset, interpretem suum Cn. Pompeium ad eum mittit, rogatum, ut sibi militibusque parcat. Ille, appellatus respondit: si velit secum colloqui, licere; sperare a multitudine impetrari posse, quod ad militum salutem pertineat: ipsi vero nihil nocitum iri; inque eam rem se suam fidem interponere. Ille cum Cotta faucio communicat, si videatur, pugna ut excedant, et cum Ambiorige una colloquantur: sperare se ab eo de sua ac militum salute impetrare posse. Cotta se ad armatum hostem iturum negat, atque in eo perseverat.

XXXVII. Sabinus, quos in praesentia tribunos militum circum se habebat et primorum ordinum centuriones, se sequi jubet: et quum propius Ambiorigem accessisset, iussus arma abjicere imperatum facit; suisque, ut idem faciant, imperat. Interim, dum de conditionibus inter se agunt, longiorque consulto ab Ambiorige instituitur sermo, paullatim circumventus, interficitur. Tum vero, suo more, victoriam conclamant, atque ululatum tollunt; impetuque in nostros facto, ordines perturbant. Ibi L. Cotta pugnant interficitur cum maxima parte militum. Reliqui se in castra recipiunt, unde erant egressi: ex quibus L. Petrosidius aquilifer, quum magna multitudine hostium premieretur, aquilam intra vallum projecit. Ipse pro castris fortissime pugnant occiditur. Alii ægre ad noctem oppugnationem sustinent: noctu ad unum omnes, desperata salute, se ipsi interficiunt. Pauci ex proelio elapsi incertis itineribus per silvas ad T. Labienum legatum in hiberna perveniunt, atque eum de rebus gestis certiores faciunt.

XXXVIII. Hac victoria sublati Ambiorix, statim cum equitatu in Atuaticos, qui erant ejus regno finitimi, proficiscitur; neque diem, neque noctem intermittit; pediatumque se subsequi jubet. Re demonstrata, Atuaticisque concitatis, postero die in Nervios pervenit: hortaturque, ne, sui in perpetuum liberandi, atque ulciscendi Romanos, pro iis, quas acceperint, injuriis, occasionem dimittant: interfectos esse legatos duos, magnamque partem exercitus interfecisse demonstrat: nihil esse negotii, subito oppressam legionem, quæ cum Cicerone hiemet, interfici: se ad

eam rem profitetur adiutorem. Facile hac oratione Nervii persuadet

XXXIX Itaque, confestim dimissis nunciis ad Centrones, Grudios, Levacos, Pleumofios, Gordunos, qui emnes sub eorum imperio sunt, quam maximas manus possunt, cogunt; et de improvviso ad Ciceronis hiberna advolant; nondum ad eum fama de Titurii morte perlata. Huic quoque accidit, quod fuit necesse, ut nonnulli milites, qui lignationis munitionisque causa in silvas discessissent, repentino equitum adventu interciperentur. His circumventis, magna manu Eburones, Atuatici, Nervii, atque horum omnium socii et clientes legionem oppugnare incipiunt. Nostri celeriter ad arma concurrunt, vallum conscendunt. Ægre is dies sustentatur, quod omnem spem hostes in celeritate ponebant, atque hanc adepti victoriam in perpetuum se fore victores confidebant.

XL Mittuntur ad Cæsarem confestim a Cicerone litteræ, magnis propositis præmiis, si pertulissent. Obsessis omnibus viis, missi intercipientur. Noctu ex ea materia, quam munitionis causa comportaverant, turres cxx excitantur incredibili celeritate. Quæ deesse operi videbantur, perficiuntur. Hostes postero die multo majoribus copiis coactis castra oppugnant, fossam complent. A nostris eadem ratione, quæ pridie, resistitur. Hoc idem deinceps reliquis fit diebus. Nulla pars nocturni temporis ad laborem intermittitur: non ægris, non vulneratis facultas quietis datur. Quæcumque ad proximi diei oppugnationem opus sunt, noctu comparantur: multæ præustæ fudes, magnus muralium pilorum numerus instituitur: turres contabulantur: pinnæ loriceque ex cratibus attexuntur. Ipse Cicero, quum tenuissima valetudine esset, ne nocturnum quidem sibi tempus ad quietem relinquebat; ut ultro, militum concursu ac vocibus, sibi parcere cogeretur.

XLI. Tunc duces principesque Nerviorum, qui aliquem sermonis aditum, causamque amicitie cum Cicerone habebant, colloqui sese velle dicunt. Facta potestate, eadem, quæ Ambiorix cum Titurio egerat, commemorant: omnem esse in armis Galliam; Germanos Rhenum transisse: Cæsaris reliquorumque hiberna oppugnari. Addunt etiam de Sabini morte. Amborigem ostentant, fidei faciendæ causa. Errare eos dicunt, si quidquam ab

his præsidii sperent, qui suis rebus diffidant: sese tamen hoc esse in Ciceronem populumque Romanum animo, ut nihil, nisi hiberna recusent, atque hanc inveterascere consuetudinem nolint: licere illis incolumibus per se ex hibernis discedere, et in quascumque partes velint, sine metu proficisci. Cicero ad hæc unum modo respondit: Non esse consuetudinem populi Romani, ullam accipere ab hoste armato conditionem. Si ab armis discedere velint, se adju tore utantur, legatosque ad Cæsarem mittant; sperare se, pro ejus justitia, quæ petierint, impetraturos.

XLII. Ab hac spe repulsi Nervii, vâllo pedum xi et fossa pedum xv hiberna cingunt. Hæc superiorum annorum consuetudine a nostris cognoverant; et, quosdam de exercitu nacti captivos, ab his docebantur. Sed nulla his ferramentorum copia, quæ esset ad hunc usum idonea; gladiis cespitem circumcidere, manibus sagulisque terram exhaurire cogebantur. Qua quidem ex re hominum multitudo cognosci potuit; nam, minus horis tribus, millium passuum xv in circuitu munitionem perfecerunt: reliquisque diebus turres ad altitudinem valli, falces testudinesque, quas iidem captivi docuerant, parare ac facere cœperunt.

XLIII. Septimo oppugnationis die, maximo coorto vento, ferventes fusili ex argilla glandes, fundis, et fervefacta jacula in casas, quæ more Gallico stramentis erant testæ, jacere cœperunt. Hæ celeriter ignem comprehenderunt, et, venti magnitudine, in omnem castrorum locum distulerunt. Hostes, maximo clamore infecuti, quasi parta jam atque explorata victoria, turres testudinesque agere, et scalis vallum adscendere cœperunt. At tanta militum virtus, atque ea præsentia animi fuit; ut, quum undique flamma torrerentur, maximaque telorum multitudine premerentur, suaque omnia impedimenta atque omnes fortunas conflagrare intelligerent: non modo demigrandi causa de vâllo decederet nemo, sed pæne ne respiceret quidem quisquam; ac tum omnes accerrime fortissimeque pugnarent. Hic dies nostris longe gravissimus fuit: sed tamen hunc habuit eventum, ut eo die maximus numerus hostium vulneraretur, etque interficeretur, ut se sub ipso vâllo constipaverant, recessumque primis ultimis non dabant. Paullum quidem intermissa flammâ, et quodam loco turri adacta et confingente vallum, tertie co-

H

hortis

hortis centuriones, ex eo, quo stabant, loco recesserunt, suosque omnes removerunt: nuntii vocibusque hostes, si introire vellent, vocare cœperunt: quorum progredi ausus est nemo. Tum ex omni parte lapidibus coniectis deturbati, turrisque succensa est.

XLIV. Erant in ea legione fortissimi viri centuriones, qui jam primis ordinibus appropinquarent, T. Pulsio, et L. Varenus. Ii perpetuas controversias inter se habebant, uter alteri anteferretur, omnibusque annis de loco summis simultatibus contendebant. Ex iis Pulsio, quum acerrime ad munitiones pugnaretur: Quid dubitas, inquit, Varene? Aut quem locum probandæ virtutis tuæ expectas? Hic dies de nostris controversiis judicabit. Hæc quum dixisset, procedit extra munitiones; et, quæ pars hostium confertissima visa est, in eam irrumpit. Ne Varenus quidem tum vallo sese continet, sed omnium veritus existimationem subsequitur, mediocri spatio relicto. Pulsio pilum in hostes mittit, atque unum ex multitudine procurrentem transjicit; quo percusso et exanimato, hunc scutis protegunt hostes, et in illum universi tela conjiciunt; neque dant regrediendi facultatem. Transfigitur scutum Pulsioni, et verutum in balteo defigitur. Avertit hic casus vaginam, et gladium educere conantis dextram moratur manum, impeditumque hostes circumstant. Succurrit inimicus illi Varenus, et laboranti subvenit. Ad hunc se confestim a Pulsione omnis multitudo convertit. Illum veruto transfixum arbitrantur. Illic vero occurfat ocus gladio, cominusque rem gerit Varenus; atque uno intersecto reliquos paullum propellit. Dum cupidius instat, in locum inferiorem dejectus concidit. Huic rursus circumvento fert subsidium Pulsio; atque ambo incolumes, compluribus interfectis, summa cum laude sese intra munitiones recipiunt. Sic fortuna in contentione, et certamen ætrumque versavit, ut alter alteri inimicus auxilio salutique esset; neque disjudicari posset, uter utri virtute anteferendus videretur.

XLV. Quanto erat in dies gravior atque asperior oppugnatio, et maxime quod, magna parte militum confecta vulneribus, res ad paucitatem defensorum pervenerat; tanto crebriores literæ nuntiique ad Cæsarem mittebantur: quorum pars deprehensa in conspectu nostro

rum (militum) cum cruciatu necabatur. Erat unus intus Nervius, nomine Vertico, loco natus honesto, qui a prima obsidione ad Ciceronem profugerat, suamque ei fidem præstiterat. Huic servo, spe libertatis, magnisque persuadet præmiis, ut literas ad Cæsarem deferat. Has ille in jaculo illigatas affert; et Gallus inter Gallos sine ulla suspicione versatus, ad Cæsarem pervenit. Ab eo de periculo Ciceronis legionisque cognoscit.

XLVI. Cæsar, acceptis literis circiter hora xi diei, statim nuncium in Bellovacos ad M. Crassum quæstorem mittit; cujus hiberna aberant ab eo millia passuum xxv. Jubet media nocte legionem proficisci, celeriterque ad se venire. Exiit cum nuncio Crassus. Alterum ad C. Fabium legatum mittit, ut in Atrebatium fines legionem adducat, qua sibi iter faciendum sciebat. Scribit Labieno, si Reipublicæ commodo facere posset, cum legione ad fines Nerviorum veniat: reliquam partem exercitus, quod paullo aberat longius, non putant expectandam: equites circiter eo ex proximis hibernis cogit.

XLVII. Hora circiter iii ab antecursoribus de Crassi adventu certior est factus: eo die millia passuum xx progreditur. Crassum Samarobriæ præficit, legionemque ei attribuit, quod ibi impedimenta exercitus, obsides civitatum, literas publicas frumentumque omne, quod eo tolerandæ hiemis causa devexerat, relinquebat. Fabius, ut imperatum erat, non ita multum moratus, in itinere cum legione occurrit. Labienus, interitu Sabini, et cæde cohortum cognita, quum omnes ad eum Trevirorum copię venissent, veritus, si ex hibernis fugæ similem profec-tionem fecisset, ut hostium impetum sustinere non posset; præsertim quos recenti victoria efferri sciret; literas Cæsari dimittit; quanto cum periculo legionem ex hibernis educturus esset: rem gestam in Eburonibus perscribit: docet omnes peditatus equitatusque copias Trevirorum iii millia passuum longe ab suis castris confedis-sisse.

XLVIII. Cæsar, consilio ejus probato, etsi, opinione iii legionum dejectus, ad ii redierat, tamen unum communis salutis auxilium in celeritate ponebat. Venit magnis itineribus in Nerviorum fines. Ibi ex captivis cognoscit, quæ apud Ciceronem gerantur, quantoque in periculo res sit. Tum cuidam ex equitibus Gallis magnis præmiis

præmiis persuadet, uti ad Ciceronem epistolam deferat. Hanc Græcis conscriptam literis mittit; ne intercepta epistola, nostra ab hostibus consilia cognoscantur: si adire non possit, monet, ut tragulam cum epistola adamentum deligata, intra munitiones castrorum abjiciat. In literis scribit, se cum legionibus profectum celeriter affore: hortatur, ut pristinam virtutem retineat. Gallus periculum veritus, ut erat præceptum, tragulam mittit. Hæc casu ad turrinam adhæsit, neque ab nostris biduo animadversa. Tertio die a quodam milite conspicitur, dempta ad Ciceronem deferitur. Ille perlectam in conventu militum recitat, maximaque omnes lætitia afficit. Tum fumi incendiis procul videbantur; quæ res omnem dubitationem adventus legionum expulit.

XLIX. Galli, re cognita per exploratores, obsidionem relinquunt, ad Cæsarem omnibus copiis contendunt. Erant armatorum circiter millia LX. Cicero data facultate, Gallum ab eodem Verticone, quem supra demonstravimus, reperit, qui literas ad Cæsarem deferat; hunc admonet, iter caute diligenterque faciat; perscribit in literis, hostes ab se discessisse, omnemque ad eum multitudinem convertisse. Quibus literis circiter media nocte, Cæsar allatis, suos facit certiores, eosque ad dimicandum animo confirmat. Postero die luce prima movet castra; et circiter millia passuum IV progressus trans vallem magnam et rivum, hostium multitudinem conspicitur. Erat magni periculi res, cum tantis copiis iniquo loco dimicare. Tamen quoniam liberatum obsidione Ciceronem sciebat, eoque omnino remittendum de celeritate existimabat, confedit, et quam æquissimo loco potest, castra communit: atque hæc, etsi erant exigua per se, vix hominum millium VII, præsertim nullis cum impedimentis, tamen angustiis viarum, quam maxime potest, contrahit; eo consilio, ut in summam contemtionem hostibus veniat. Interim speculatoribus in omnes partes dimissis, explorat, quo commodissime itinere vallem transire posset.

L. Eo die parvulis equestribus præliis ad aquam factis, utrique sese suo loco continent. Galli, quod ampliores copias, quæ nondum convenerant, exspectabant; Cæsar, si forte timoris simulatione hostes in suum locum elicere posset, citra vallem, ut pro castris prælio contenderet; si

id efficere non posset; ut, exploratis itineribus, minore cum periculo vallem rivumque transiret. Prima luce hostium equitatus ad castra accedit, praeliumque cum nostris equitibus committit, Cæsar consulto equites cedere, seque in castra recipere jubet; simul, ex omnibus partibus castra altiore vallo muniri, portasque obstrui, atque in iis administrandis rebus quam maxime concurrari, et cum simulatione agi timoris jubet.

LI. Quibus omnibus rebus hostes invitati, copias transducunt, aciemque iniquo loco constituunt: nostris vero etiam de vallo deductis, propius accedunt; et tela intra munitionem ex omnibus partibus conjiciunt; præconibusque circummissis, pronunciari jubent, seu quis Gallus seu Romanus velit ante horam tertiam ad se transire, sine periculo licere, post id tempus non fore potestatem. Ac sic nostros contempserunt; sit, obstructis in speciem portis singulis ordinibus cespitem, quod ea non posse introrumpere videbantur, alii vallum manu scandere, alii fossas comple-re, inciperent. Tunc Cæsar, omnibus portis eruptione facta, equitatuque emissio, celeriter hostes dat in fugam. Sic ut omnino pugnandi causa resisteret nemo, magnumque ex his numerum occidit, atque omnes armis exuit.

LII. Longius prosequi veritus, quod silvæ paludesque intercedebant; neque etiam parvulo detrimento illorum, locum relinqui videbat; omnibus suis incolumibus copiis, eodem die ad Ciceronem pervenit. Institutas turres, testudines munitionesque hostium admiratur. Legione producta, cognoscit non decimum quemque esse relictum militem sine vulnere. Ex his omnibus judicat rebus, quanto cum periculo et quanta virtute, sint res administratæ. Ciceronem pro ejus merito legionemque collaudat: centuriones sigillatim tribunosque militum appellat, quorum egregiam fuisse virtutem, testimonio Ciceronis cognoverat. De casu Sabini et Cottæ certius ex captivis cognoscit. Postero die, concione habita, rem gestam proponit: milites consolatur et confirmat: quod detrimentum culpa et temeritate legati sit acceptum, hoc æquiore animo ferendum docet, quod beneficio deorum immortalium, et virtute eorum expiato incommodo, neque hostibus diutina lætatio, neque ipsis longior dolor relinquatur.

LIII. Interim ad Labienum per Remos incredibili celeritate de victoria Cæsaris fama perfertur; ut, quum ab hibernis Ciceronis millia passuum L abesset, eoque post horam IX diei Cæsar pervenisset, ante mediam noctem ad portas castrorum clamor oriretur; quo clamore significatio victoriæ gratulatioque ab Remis Labieno fieret. Hac fama ad Treviros perlata, Induciomarus, qui postero die castra Labieni oppugnare decreverat, noctu profugit, copiasque omnes in Treviros reducit. Cæsar Fabium cum legione in sua remittit hiberna. Ipse cum III legionibus circum Samarobriam trinis hibernis hiemare constituit; et, quod tanti motus Galliæ existerant, totam hiemem ipse ad exercitum manere decrevit: nam illo incommodo de Sabini morte perlato, omnes fere Galliæ civitates de bello consultabant, nuncios legationesque in omnes partes dimittebant; et, quid reliqui consilii caperent, atque unde initium belli fieret, explorabant; nocturnaque in locis desertis consilia habebant: neque ullum totius hiemis tempus intercessit sine solitudine Cæsaris, quin aliquem de consiliis, et metu Gallorum nuntium acciperet. In his ab L. Roscio legato, quem legioni XIII præfecerat, certior est factus, magnas Gallorum copias earum civitatum, quæ Armoricæ appellantur, oppugnandi sui causa, convenisse: neque longius millia passuum VIII ab hibernis suis abfuisse: sed, nuncio allato de victoria Cæsaris, discessisse; adeo ut fugæ similis discessus videretur.

LIV. At Cæsar, principibus cujusque civitatis ad se evocatis, alias territando, quum se scire, quæ fierent, denunciaret; alias cohortando, magnam partem Galliæ in officio tenuit: tamen Senones, quæ est civitas in primis firma, et maxime inter Gallos auctoritatis, Cavarinum, quem Cæsar apud eos regem constituerat, cujus frater Moritasgus, adventu in Galliam Cætaris, cujusque majores regnum obtinuerant, interficere publico consilio conati; cum ille præsensisset, ac profugisset, usque ad fines inseguti, regno domoque expulerunt, et, missis ad Cæsarem satisfaciendi causa legatis; quum is omnem ad se Senatum venire jussisset, dicto audientes non fuerunt. Tantum apud homines barbaros valuit, esse repertos aliquos principes belli interendi, tantamque omnium voluntatis commutationem attulit; ut præter Æduos et Remos, - quos præcipuo

præcipuo semper honore Cæsar habuit, alteros pro vetere ac perpetua erga populum Romanum fide; alteros, pro recentibus belli Gallici officiis, nulla fere fuerit civitas non suspecta nobis. Idque adeo haud scio mirandumne sit; quum compluribus aliis de causis, tum maxime, quod, qui virtute belli omnibus gentibus præferebantur; tantum se ejus opinionis deperdidisse, ut populi Romani imperia perferrent, gravissime dolebant.

LV. Treviri vero atque Induciomarus, totius hiemis nullum tempus intermiserunt, quin trans Rhenum legatos mitterent; civitates sollicitarent; pecunias pollicerentur; magna parte exercitus nostri interfecta, multo minorem superesse dicerent partem. neque tamen ulli civitati Germanorum persuaderi potuit, ut Rhenum transiret; quum se bis expertos dicerent, Ariovisti bello et Tenchtherorum transitu, non esse fortunam amplius tentaturos. Hac spe lapsus Induciomarus nihilo minus copias cogere, exigere a finitimis, equos parare, exsules damnatosque e Gallia magnis præmiis ad se allicere cœpit; ac tantam sibi jam iis rebus in Gallia auctoritatem comparaverat; ut undique ad eum legationes concurrerent; gratiam, atque amicitiam publice privatimque peterent.

LVI. Ubi intellexit ultro ad se veniri; altera ex parte Senones Carnutesque conscientia facinoris instigari; altera Nervios Atuaticosque bellum Romanis parare; neque sibi voluntariorum copias defore, si ex finibus suis progredi cœpisset; armatum concilium indicit. Hoc more Gallorum est initium belli, quo, lege communi, omnes puberes armati convenire coguntur: et qui ex iis novissimus venit, in conspectu multitudinis omnibus cruciatibus affectus necatur. In eo concilio Cingetorigem, alterius principem factionis, generum suum, quem supra demonstravimus Cæsaris secutum fidem ab eo non discessisse, hostem judicandum curat; bonaque ejus publicat. His rebus confectis, in concilio pronunciat, accersitum se Senonibus et Carnutibus aliisque compluribus Galliarum civitatibus; huc iter facturum per fines Remorum; eorumque agros populaturum; ac prius quam id faciat, castra Labieni oppugnaturum. Quæque fieri velit, præcipit.

LVII. Labienus, quum et loci natura et manu munitissimis castris sese contineret, de suo ac legionis periculo

nihil timebat; sed ne quam occasionem rei bene gerendæ dimitteret, cogitabat. Itaque a Cingetorige atque ejus propinquis oratione Induciomari cognita, quam in concilio habuerat, nuncios mittit ad finitimas civitates, equitesque undique convocat. Iis certam diem conveniendi dicit. Interim prope quotidie cum omni equitatu Induciomarus sub castris ejus vagabatur; alias ut situm castrorum cognosceret, alias colloquendi aut territandi causa. Equites plerumque omnes tela intra vallum conjiciebant. Labienus suos intra munitiones continebat: timorisque opinionem, quibuscumque poterat rebus augebat.

LVIII. Quum majore in dies contemptione Induciomarus ad castra accederet, nocte una intromissis equitibus omnium finitimarum civitatum, quos accersendos curaverat, tanta diligentia omnes suos custodiis intra castra continuit, ut nulla ratione ea res enunciari, aut ad Treviros perferri posset. Interim, ex consuetudine quotidiana, Induciomarus ad castra accedit; atque ibi magnam partem diei consumit. Equites tela conjiciunt, et magna contumelia verborum nostros ad pugnam evocant. Nullo a nostris dato responso, ubi visum est, sub vesperum, dispersi ac dissipati discedunt; subito Labienus duabus portis omnem equitatum emittit; præcipit atque interdicit, perterritis hostibus atque in fugam coniectis, quod fore, sicut accidit, videbat, omnes unum peterent Induciomarus, neu quis quemquam prius vulneraret, quam illum interfectum viderit: quod, mora reliquorum, illum, spatium nasum, effugere nolebat. Magna proponit iis, qui occiderint, præmia. Summittit cohortes equitibus subsidio. Comprobat hominis consilium fortuna; et, quum unum omnes peterent, in ipso fluminis vado deprehensus Induciomarus interficitur; caputque ejus refertur in castra. Redeuntes equites, quos possunt, conlectantur atque occidunt. Hac re cognita, omnes Eburonem et Nerviorum, quæ convenerant, copię discedunt; paulloque habuit post id factum Cæsar quietiorem Galliam.

Peter Garsworth
LIBER
Albany, N. D. 1802.

L I B E R VI.

I. **M**ULTIS de causis Cæsar majorem Galliæ motum expectans, per M. Silanum, C. Antistium Reginum, T. Sextium legatos; delectum habere instituit: simul ab Cn. Pompeio proconsole petit, quoniam ipse ad urbem cum imperio Reipublicæ causa maneret, quos ex Cisalpina Gallia consulis sacramento rogavisset, ad signa convenire, et ad se proficisci juberet. Magni interesse etiam in reliquum tempus, ad opinionem Galliæ, existimans, tantas videri Italiæ facultates, ut, si quid esset in bello detrimenti acceptum, non modo id brevi tempore sarciri, sed etiam majoribus adaugeri copiis posset. Quod quum Pompeius et Reipublicæ et amicitiae tribuisset; celeriter confecto per suos dilectu, tribuis ante exactam hiemem et constitutis et adductis legionibus, duplicatoque earum cohortium numero, quas cum Q. Titurio amiserat, et celeritate et copiis docuit, quid populi Romani disciplina atque opes possent.

II. Interfecto Induiciomaro, ut docuimus, ad ejus propinquos a Trevisis imperium defertur. Illi finitimos Germanos sollicitare, et pecuniam polliceri, non desistunt. Quum ab proximis impetrare non possent, ulteriores tentant: inventis nonnullis, civitates jurejurando inter se confirmant, obsidibusque de pecunia cavent. Ambiorigem sibi societate et foedere adjungunt. Quibus rebus cognitis, Cæsar, quum undique bellum parari videret, Nervios, Atuaticos ac Menapios, adjunctis Cistrhænanis omnibus Germanis, esse in armis; Senones ad imperatum non venire; et cum Carnutibus finitimisque civitatibus consilia communicare; a Trevisis Germanos crebris legationibus sollicitari: maturius sibi de bello cogitandum putavit.

III. Itaque, nondum hieme confecta, proximis xv legionibus coactis, de improvviso in fines Nerviorum contendit; et, prius quam illi aut convenire, aut profugere possent, magno pecoris atque hominum numero capto, atque ea præda militibus concessa, vastatisque agris, in deditiorem venit, atque obsides sibi dare coegit. Eo celeriter confecto negotio, rursus legiones in hiberna reduxit. Concilio Galliæ primo vere, ut instituerat, indicto; quum re-

liqui, præter Senones, Carnutes Trevirosque, venissent; initium belli ac defectionis hoc esse arbitratus; ut omnia postponere videretur, concilium Lutetiam Parisiorum transfert. Confines erant hi Senonibus, civitatemque patrum memoria conjunxerant: sed ab hoc consilio abfuisse existimabantur. Hac re produggestu pronunciata, eodem die cum legionibus in Senones proficiscitur, magnisque itineribus eo pervenit.

IV. Cognito ejus adventu, Acco qui princeps ejus consilii fuerat, jubet in oppida multitudinem convenire: conantibus, priusquam id effici posset, adesse Romanos nunciatur. Necessario sententia desistunt, legatosque deprecandi causa ad Cæsarem mittunt. Adeunt per Æduos, quorum antiquitus erat in fide civitas. Libenter Cæsar, petentibus Ædus, dat veniam: excusationemque accipit; quod æstivum tempus instantis belli, non quæstionis esse arbitrabatur. Obsidibus imperatis centum, hos Ædus custodiendos tradit. Eodem Carnutes legatos obfidesque mittunt, usi deprecatoribus Remis, quorum erant in clientela. Eadem ferunt responsa. Peragit concilium Cæsar, equitesque imperat civitatibus.

V. Hac parte Galliæ pacata, totus et mente et animo in bellum Trevirorum et Ambiorigis insistit. Cavarinum cum equitatu Senonum secum proficisci jubet, nequis aut ex hujus iracundia, aut ex eo, quod meruerat, odio civitatis motus existat. His rebus constitutis, quod pro explorato habebat Amborigem prælio non esse certaturum, reliqua ejus consilia animo circumspiciebat. Erant Menapii propinqui Eburonum finibus, perpetuis paludibus silvisque muniti; qui uni ex Gallia, de pace, ad Cæsarem legatos numquam miserant. Cum iis esse hospitium Amborigi sciebat: item per Treviros venisse Germanis in amicitiam cognoverat. Hæc prius illi detrahenda auxilia existimabat, quam ipsum bello laceßendum; ne desperata salute, aut se in Menapios abderet, aut cum Transrhenanis congredi cogeretur. Hoc inito consilio, totius exercitus impedimenta ad Labienum in Treviros mittit, duasque legiones ad eum proficisci jubet. Ipse cum legionibus expeditis in Menapios proficiscitur. Illi, nulla coacta manu, loci præsidio freti, in silvas paludesque confugiant; suaque eodem conferunt.

VI. Cæsar partitis copiis cum C. Fabio legato et M. Crasso quæstore, celeriterque effectis pontibus, adiit tripartito, ædificia vicofque incendit, magno pecoris atque hominum numero potitur. Quibus rebus coacti Menapii, legatos ad eum, pacis petendæ causa, mittunt. Ille, obsidibus acceptis; hostium se habiturum numero confirmat, si aut Ambiorigem, aut ejus legatos, finibus suis recepissent. His confirmatis rebus, Comium Atrebatem cum equitatu, custodis loco, in Menapiis relinquit; ipse in Treviros proficiscitur.

VII. Dum hæc a Cæsare geruntur, Treviri, magnis coactis peditatus equitatusque copiis, Labienum cum una legione, quæ in eorum finibus hiemaverat, adcirari parabant. Jamque ab eo non longius bidui via aberant, quum duas venisse legiones missu Cæsaris cognoscunt. Positis castris a millibus passuum xv, auxilia Germanorum expectare constituunt. Labienus, hostium cognito consilio, sperans temeritate eorum fore aliquam dimicandi facultatem, v cohortium præsidio impedimentis relicto, cum xxv cohortibus, magnoque equitatu, contra hostem proficiscitur; et, m. passuum intermisso spatio, castra communit. Erat inter Labienum atque hostem, difficili transitu flumen ripisque præruptis. Hoc neque ipse transire habebat in animo, neque hostes transituros existimabat. Augebatur auxiliorum quotidie spes. Loquitur in concilio palam; quoniam Germani appropinquare dicuntur, sese suas exercitusque fortunas in dubium non devocaturum, et postero die prima luce castra moturum. Celeriter hæc ad hostes deferuntur; ut ex magno Gallorum equitatus numero nonnullos Gallicis rebus favere natura cogeat. Labienus, noctu tribunis militum primisque ordinibus convocatis, quid sui consilii sit, proponit; et, quo facilius hostibus timoris det suspensionem, majore strepitu et tumultu, quam populi Romani fert consuetudo, castra moveri jubet. His rebus fugæ similem professionem efficit. Hæc quoque per exploratores ante lucem, in tantâ propinquitate castrorum, ad hostes deferuntur.

VIII. Vix agmen novissimum extra munitiones processerat; cum Galli, cohortati inter se, ne speratam prædam ex manibus dimitterent; longum esse, perterritis Romanis, Germanorum auxilium expectare; neque suam

pati dignitatem, ut tantis copiis tam exiguum manum, præsertim fugientum atque impeditam, adoriri non audeant; flumen transire, et iniquo loco prælium committere non dubitant. Quæ fore suspicatus Labienus, ut omnes citra flumen eliceret, eadem usus simulatione itineris, placide progrediebatur. Tum præmissis paullum impedimentis, atque in tumultu quodam collocatis; Habetis, inquit, milites, quam petistis, facultatem: hostem impedito atque iniquo loco tenetis: præstate eandem nobis ducibus virtutem, quam sæpenumero imperatori præstitistis; eum adesse, et hæc coram cernere, existimate. Simul signa ad hostem converti, aciemque dirigi jubet: et, paucis turmis præsidio ad impedimenta dimissis, reliquos equites ad latera disponit. Celeriter nostri, clamore sublato, pila in hostes jaciunt. Illi, ubi præter spem, quos fugere credebant, infestis signis, ad se ire viderunt, impetum modo ferre non potuerunt: ac primo concursu in fugam coniecti, proximas silvas petiverunt: quos Labienus equitatu confectatus, magno numero interfecto, compluribus captis, paucis post diebus civitatem recipit. Nam Germani, qui auxilio veniebant, percepta Trevirorum fuga, sese domum contulerunt. Cum iis propinqui Induciomari, qui defectionis auctores fuerant, comitati eos, ex civitate excessere. Cingetorigi, quem ab initio permanisse in officio demonstravimus, principatus atque imperium est traditum.

IX. Cæsar, postquam ex Menapiis in Treviros venit, duabus de causis Rhenum transire constituit: quarum erat altera, quod auxilia contra se Treviris miserant: altera, ne Ambiorix receptum ad eos haberet. His constitutis rebus, paullum supra eum locum, quo antea exercitum transduxerat, facere pontem instituit. Nota atque instituta ratione, magno militum studio, paucis diebus, opus efficitur: firmo in Treviris præsidio ad pontem relicto, ne quis ab iis subito motus oriretur, reliquas copias equitatumque transducit. Ubii, qui ante obsides dederant, atque in deditionem venerant, purgandi sui causa ad eum legatos mittunt: qui doceant, neque ex sua civitate auxilia in Treviros missa, neque ab se fidem læsam. Petunt atque orant, ut sibi parcat; ne, communi odio Germanorum, innocentes pro nocentibus pœnas pendant. Si amplius obsidum velit, dare pollicentur. Cognita, Cæsar, causa, reperit,

perit, ab Suevis auxilia missa esse; Ubiorum satisfactio-
nem accepit: aditus viasque in Suevos perquirat.

X. Interim, paucis post diebus fit ab Ubiis certior, Sue-
vos omnes in unum locum copias cogere, atque iis natio-
nibus, quæ sub eorum sunt imperio, denunciare; ut auxi-
lia peditatus equitatusque mittant. His cognitis rebus,
rem frumentariam providet, castris idoneum locum deli-
git: Ubiis imperat, ut pecora deducant; suaque omnia ex
agris in oppida conferant; sperans, barbaros atque impe-
ritos homines, inopia cibariorum adductos, ad iniquam
pugnandi conditionem posse deduci: mandat, ut crebros
exploratores in Suevos mittant, quæque apud eos geran-
tur, cognoscant. Illi imperata faciunt; et, paucis diebus
intermissis, refertur: Suevos omnes, posteaquam certio-
res nuncii de exercitu Romanorum venerant, cum omni-
bus suis sociorumque copiis, quas coëgissent, penitus ad
extremos fines sese recepisse. Silvam esse ibi infinitæ mag-
nitudinis, quæ appellatur Bacenis: hanc longe introrsus
pertinere, et pro nativo muro objectam, Cheruscos a
Suevis, Suevosque a Cheruscis, injuriis incursionibusque
prohibere. Ad ejus initium silvæ Suevos adventum Roma-
norum expectare constituisse.

XI. Quoniam ad hunc locum perventum est, non alie-
num esse videtur de Galliæ Germaniæque moribus, et quo
differant eæ nationes inter sese, proponere. In GALLIA
non solum in omnibus civitatibus atque pagis partibus-
que; sed pæne etiam in singulis domibus factiones sunt.
Earumque factionum sunt principes, qui summam auc-
toritatem eorum judicio habere existimantur: quorum
ad arbitrium, judiciumque summa omnium rerum con-
siliorumque redeat. Idque ejus rei causa antiquitus in-
stitutum videtur, ne quis ex plebe contra potentiorum
auxilii egeret. Suos enim opprimi quisque, et circumveni-
ri non patitur; neque, aliter si faciat, ullam inter suas ha-
beat auctoritatem. Hæc eadem ratio est in summa totius
Galliæ. Namque omnes civitates in duas partes divisæ sunt.

XII. Quum Cæsar in Galliam venit, alterius factionis
principes erant Ædui, alterius Sequani. Hi quum per se
minus valerent. quod summa auctoritas antiquitus erat in
Æduis, magnæque eorum erant clientelæ, Germanos. at-
que Ariovistum, sibi adjunxerant, eosque ad se magnis jac-

turis pollicitationibusque perduxerant. Præliis vero compluribus factis secundis, atque omni nobilitate Æduorum interfecta, tantum potentia antecesserant, ut magnam partem clientum ab Æduis ad se transducerent; obsidesque ab iis principum filios acciperent; et publice jurare cogerent, nihil se contra Sequanos consilii inituros; et partem finitimi agri, per vim occupatam possiderent; Galliaque totius principatum obtinerent. Qua necessitate adductus Divitiacus, auxilii petendi causa Romam ad Senatum profectus, infecta re redierat. Adventu Cæsaris facta commutatione ærum, obsidibus Æduis redditis, veteribus clientelis restitutis, novis per Cæsarem comparatis; quod ii, qui se ad eorum amicitiam aggregaverant, meliore conditione atque imperio æquiore se uti videbant, reliquis rebus eorum, gratia dignitateque amplificata, Sequani principatum dimiserant. In eorum locum Remi successerant; quos, quod adæquare apud Cæsarem gratia intelligebatur: ii, qui propter veteres inimicitias nullo modo cum Æduis conjungi poterant, se Remis in clientelam dicabant. Hos illi diligenter tuebantur. Ita et novam, et repente collectam auctoritatem tenebant. Eo tum statu res erat, ut longe principes haberentur Ædui, secundum locum dignitatis Remi obtinerent.

XIII. In omni Gallia eorum hominum, qui aliquo sunt numero atque honore, genera sunt duo. Nam plebs pæne fervorum habetur loco, quæ per se nihil audet, et nulli adhibetur consilio. Plerique, quum aut ære alieno, aut magnitudine tributorum, aut injuria potentiorum premuntur, sese in servitutem dicant nobilibus. In hos eadem omnia sunt jura, quæ dominis in servos. Sed de his duobus generibus alterum est Druidum, alterum Equitum. Illi rebus divinis intersunt, sacrificia publica ac privata procurant, religiones interpretantur. Ad hos magnus adolescentium numerus disciplinæ causa concurrit; magnoque ii sunt apud eos honore. Nam fere de omnibus controversiis, publicis privatisque, constituunt: et, si quod est admissum facinus; si cædes facta; si de hæreditate, de finibus controversia est, iidem decernunt; præmia, pœnasque constituunt: si quis aut privatus, aut publicus, eorum decreto non stetit, sacrificiis interdicunt. Hæc pœna apud eos est gravissima. Quibus ita est interdictum, ii numero im-

plorum ac sceleratorum habentur; iis omnes decedunt; aditum eorum sermonemque defugiunt: ne quid ex contagione incommodi accipiant: neque iis petentibus jus redditur, neque honos ullus communicatur. His autem omnibus Druidibus præest unus, qui summam inter eos habet auctoritatem. Hoc mortuo, si quis ex reliquis excellit dignitate, succedit. At, si sunt plures pares, suffragio Druidum adlegitur; nonnunquam etiam de principatu armis contendunt. Ii certo anni tempore in finibus Carnutum, quæ regio totius Galliæ media habetur, confidunt, in loco consecrato. Huc omnes undique, qui controversias habent, conveniunt, eorumque judiciis decretisque parent. Disciplina in Britannia reperta, atque inde in Galliam translata esse existimatur. Et nunc, quæ diligentius eam rem cognoscere volunt, plerumque illo, discendi causa, proficiscuntur.

XIV. Druides a bello abesse consueverunt, neque tributa una cum reliquis pendunt, militiæ vacationem, omniumque rerum habent immunitatem. Tantis excitati præmiis; et sua sponte multi in disciplinam conveniunt, et a propinquis parentibusque mittuntur. Magnum ibi numerum versuum ediscere dicuntur. Itaque nonnulli annos videnos in disciplina permanent; neque fas esse existimant ea literis mandare, quum in reliquis fere rebus, publicis privatisque rationibus, (Græcis) literis utantur. Id mihi duabus de causis instituisse videntur; quod neque in vulgus disciplinam efferri velint; neque eos, qui discunt, literis confisos, minus memoriæ studere. Quod fere plerisque accidit, ut præsidio literarum, diligentiam in perdiscendo ac memoriam remittant. In primis hoc volunt persuadere; Non interire animas, sed ab aliis post mortem transire ad alios atque hoc maxime ad virtutem excitari putant, metu mortis neglecto. Multa præterea de sideribus atque eorum motu, de mundi ac terrarum magnitudine; de rerum natura, de Deorum immortalium vi ac potestate disputant, et juventuti transdunt.

XV. Alterum genus est Equitum. Ii, quum est usus, atque aliquod bellum incidit (quod ante Cæsaris adventum fere quotannis accidere solebat, uti aut ipsi injurias inferrent, aut illatas propulsarent); omnes in bello versantur; atque eorum, ut quisque est genere copiisque amplissimas,

ita plurimos circum se ambactos clientesque habet. Hanc unam gratiam potentiamque noverunt.

XVI. Natio est omnis Gallorum admodum dedita religionibus, atque ob eam causam, qui sunt affecti gravioribus morbis, quique in proeliis periculisque versantur, aut pro victimis homines immolant, aut se immolatu-
 vovent, ministrisque ad ea sacrificia Druidibus utuntur; quod pro vita hominis, nisi vita hominis reddatur, non posse aliter Deorum immortalium numen placari arbitrantur: publiceque ejusdem generis habent instituta sacrificia. Alii immani magnitudine simulacra habent; quorum contexta viminibus membra vivis hominibus complent; quibus succensis, circumventi flamma exanimantur homines. Supplicia eorum, qui in furto aut latrocinio, aut aliqua noxa sint comprehensi, gratiora Diis immortalibus esse arbitrantur. Sed quum ejus generis copia deficit, etiam ad innocentium supplicia descendunt.

XVII. Deum maxime Mercurium colunt. Hujus sunt plurima simulacra: hunc omnium inventorem artium ferunt; hunc viarum atque itinerum ducem; hunc ad questus pecuniæ mercaturasque habere vim maximam arbitrantur. Post hunc, Apollinem, et Martem, et Jovem, et Minervam. De his eandem fere, quam reliquæ gentes, habent opinionem. Apollinem, morbos depellere; Minervam, operum atque artificiorum initia transfere; Jovem, imperium cælestium tenere; Martem, bella regere. Huic, quum prælio dimicare constituerunt, ea, quæ bello ceperunt, plerumque devovent. Quæ superaverint, animalia capta immolant; reliquas res in unum locum conferunt. Multis in civitatibus harum rerum exstructos tumulos locis consecratis conspici licet. Neque sæpe accidit, ut, neglecta quispiam religione, aut capta apud se occultare, aut posita tollere auderet: gravissimumque ei rei supplicium cum cruciatu constitutum est.

XVIII. Galli se omnes ab Dite patre prognatos prædicant: idque ab Druidibus proditum dicunt: ob eam causam spatia omnis temporis, non numero dierum, sed noctium, finiunt; et dies natales, et mensium, et annorum initia sic observant, ut noctem dies subsequatur. In reliquis vitæ institutis hoc fere ab reliquis differunt, quod suos liberos, nisi quum adoleverint, ut munus militiæ susti-

nere

nere possint, palam ad se adire non patiuntur; filiumque in puerili ætate in publico, in conspectu patris assistere, turpe ducunt.

XIX. Viri quantas pecunias ab uxoribus dotis nomine acceperunt, tantas ex suis bonis, æstimatione facta, cum dotibus communicant. Hujus omnis pecuniæ conjunctim ratio habetur, fructusque servantur. Uter eorum vita superarit, ad eum pars utriusque cum fructibus superiorum temporum pervenit. Viri in uxores, sicuti in liberos, vitæ necisque habent potestatem; et quum paterfamilias illustriore loco natus decessit, ejus propinqui conveniunt; et de morte, si res in suspensionem venit, de uxoribus in servilem modum quæstionem habent: et, si compertum est, igni atque omnibus tormentis excruciatas interficiunt. Funera sunt pro cultu Gallorum magnifica et sumptuosa; omniaque, quæ vivis cordi fuisse arbitrantur, in ignem inferunt, etiam animalia; ac, paullo supra hanc memoriam, servi et clientes, quos ab iis dilectos esse constabat, justis funebribus confectis, una cremabantur.

XX. Quæ civitates commodius suam Rempublicam administrare existimantur, habent legibus sanctum, si quis quid de Republica a finitimis rumore aut fama acceperit, uti ad magistratum deferat, neve cum quo alio communicet; quod sæpe homines temerarios atque imperitos falsis rumoribus terreri, et ad facinus impelli, et de summis rebus consilium capere cognitum est. Magistratus, quæ visa sunt, occultant; quæque esse ex usu judicaverint, multitudini produnt. De Republica, nisi per concilium loqui non conceditur.

XXI. GERMANI multum ab hac consuetudine differunt. Nam neque Druides habent, qui rebus divinis præsent; neque sacrificiis student. Deorum numero eos solos ducunt, quos cernunt, et quorum opibus aperte juvantur, Solem et Vulcanum et Lunam, reliquos ne fama quidem acceperunt. Vita omnis in venationibus atque in studiis rei militaris consistit. Ab parvulis labori ac duritiei student. Qui diutissime impuberes permanserunt, maximam inter suos ferunt laudem: hoc ali staturam, ali vires, nervosque confirmari putant. Intra annum vero vicesimum feminae notitiam habuisse, in turpissimis habent rebus. Cujus rei nulla est occultatio; quod et promiscue in flumini-

bus perluuntur, et pellibus aut parvis Rhenonum tegumentis utuntur, magna corporis parte nuda.

XXII. Agriculturæ non student; majorque pars victus eorum lacte et caseo et carne consistit: neque quisquam agri modum certum, aut fines proprios habet; sed magistratus ac principes in annos singulos gentibus cognationibusque hominum, qui una coierint, quantum eis, et quo loco visum est, attribuant agri; atque anno post alio transire cogunt. Ejus rei multas afferunt causas; ne assidue consuetudine capti studium belli gerendi agricultura commutent; ne latos fines parare studeant, potentioresque humiliores possessionibus expellant; ne accuratius, ad frigora atque æstus vitandos, ædificent, ne qua oriatur pecuniæ cupiditas; qua ex re factiones dissensionesque nascuntur: ut animi æquitatē plebem contineant, quum suas quisque opes cum potentissimis æquari videat.

XXIII. Civitatibus maxima laus est, quam latissimas circum se vastatis finibus solitudines habere. Hoc proprium virtutis existimant, expulsos agris finitimos cedere, neque quemquam prope se audere consistere. simul hoc se fore tutiores arbitrantur, repentinæ incursionis timore sublato. Quum bellum civitas aut illatum defendit, aut infert; magistratus, qui ei bello præsent, ut vitæ necisque habeant potestatem, deliguntur. In pace nullus communis est magistratus, sed principes regionum atque pagorum inter suos jus dicunt, controversiasque minuunt. Latrocinia nullam habent infamiam, quæ extra fines cuiusque civitatis fiunt: atque ea juventutis exercendæ ac desidie minuendæ causa fieri prædicant. Atque, ubi quis ex principibus in consilio se dixit ducem fore, ut qui sequi velint, profiteantur; consurgunt ii, qui et causam, et hominem probant, suumque auxilium pollicentur; atque ab multitudine collaudantur: qui ex iis secuti non sunt, in desertorum ac proditorum numero ducuntur: omniumque rerum iis postea fides abrogatur. Hospites violare, fas non putant: qui, quaque de causa, ad eos venerunt, ab injuria prohibent, sanctosque habent: iis omnium domus patent, victusque communicatur.

XXIV. Ac fuit antea tempus, quum Germanos Galli virtute superarent, et ultro bella inferrent; ac, propter hominum multitudinem agrique inopiam, trans Rhenum colo-

nias mitterent. Itaque ea, quæ fertilissima sunt, Germaniæ loca circum Hercyniam silvam, quam Eratostheni et quibusdam Græcis fama notum esse video, quam illi Orcyniam appellant, Volcæ Testofages occuparunt, atque ibi confederunt. Quæ gens ad hoc tempus iis sedibus se continet, summamque habet iustitiæ et bellicæ laudis opinionem: nuncque in eadem inopia, egestate, patientia, qua Germani, permanent; eodem victu et cultu corporis utuntur. Gallis autem propinquitas et transmarinarum rerum notitia, multa ad copiam atque usus largitur. Paulatim assuefacti superari, multisque victi proëliis, ne se quidem ipsi cum illis virtute comparant.

XXV. Hujus Hercyniæ silvæ, quæ supra demonstrata est, latitudo ix dierum iter expedito patet: non enim aliter finiri potest, neque mensuras itinerum noverunt. Oritur ab Helvetiorum et Nemetum et Rauracorum finibus, rectaque fluminis Danubii regione pertinet ad fines Dacorum et Anartium. Hinc se flectit sinistrorsus, diversis a flumine regionibus, multarumque gentium fines propter magnitudinem attingit. Neque quisquam est hujus Germaniæ, qui se adisse ad initium ejus silvæ dicat, quum dierum iter lx processerit, aut quo ex loco oriatur, acciperit. Multa in ea genera ferarum nasci constat, quæ reliquis in locis visa non sint: ex quibus quæ maxime differant ab cæteris, et memoriæ prodenda videantur, hæc sunt.

XXVI. Est bos cervi figura: cujus a media fronte inter aures unum cornu existit excelsius, magisque directum his, quæ nobis nota sunt, cornibus. Ab ejus summo sicut palmæ, rami quam late diffunduntur. Eadem est femine marisque natura, eadem forma, magnitudoque cornuum.

XXVII. Sunt item, quæ appellantur Alces. Harum est consimilis capris figura et varietas pelium; sed magnitudine paullo antecedunt, mutilæque sunt cornibus, et crura sine nodis articulisque habent, neque quietis causa procumbunt: neque, si quo afflictæ casu conciderunt, erigere sese aut sublevare, possunt. His sunt arbores pro cubilibus. Ad eas se applicant, atque ita paullum modo reclinatæ quietem capiunt: quarum ex vestigiis quum est animadversum a venatoribus, quo se recipere consueverint, omnes eo loco, aut a radicibus subruunt, aut accidunt arbores tantum, ut summa species earum stantium relinquatur.

tur. Huc quum se ex consuetudine reclinaverint, infirmas arbores, pondere affligunt, atque una ipsæ concidunt.

XXVIII. Tertium est genus eorum, qui Uri appellantur. Ii sunt magnitudine paullo infra elephantos; specie et colore et figura tauri. Magna vis est eorum et magna velocitas, neque homini, neque feræ, quam conspexerint, parcent. Hos studiose foveis captos interficiunt. Hoc se labore durant adolescentes, atque hoc genere venationis exercent; et, qui plurimos ex his interfecerunt, relatis in publicum cornibus, quæ sint testimonio, magnam ferunt laudem. Sed assuescere ad homines, et mansuescere, ne parvuli quidem, excepti, possunt. Amplitudo cornuum, et figura et species multum a nostrorum boum cornibus differt. Hæc studiose conquistata ab labris argento circumcludunt: atque in amplissimis epulis popoculis utuntur.

XXIX. Cæsar, postquam per Ubios exploratores comperit, Suevos sese in silvas recepisse: inopiam frumenti veritus; quod, ut supra demonstravimus, minime omnes Germani agriculturæ student, constituit non progredi longius: sed, ne omnino metum reditus sui barbaris toleret, atque ut eorum auxilia tardaret, reducto exercitu partem ultimam pontis, quæ ripas Ubiorum contingebat, in longitudinem pedum cc rescindit, atque in extremo ponte turrim tabulatorum iv constituit, præsidiumque cohortium xii pontis tuendi causa, ponit; magnisque eam locum munitionibus firmat. Ei loco præsidioque C. Volcatium Tullum adolescentem præfecit. Ipse, quum maturescere frumenta inciperent, ad bellum Ambiorigis, per Arduennam silvam, quæ est totius Galliæ maxima, atque ab ripis Rheni finibusque Trevirorum ad Nervios pertinet, millibusque amplius v in longitudinem patet, L. Minucium Basilum cum omni equitatu præmittit; si quid celeritate itineris atque opportunitate temporis proficere possit; monet, ut ignes fieri in castris prohibeat, ne qua ejus adventus procul significatio fiat. Sese confestim subsequi dicit.

XXX. Basilus, ut imperatum est, facit; celeriter, contraque omnium opinionem confecto itinere, multos in agris inopinantes apprehendit; eorum indicio ad ipsum Ambiorigem contendit, quo in loco cum paucis equitibus esse dicebatur.

dicebatur. Multum quum in omnibus rebus, tum in re militari fortuna potest: nam sicut magno accidit casu, ut in ipsum incautum atque imparatum incideret: priusque ejus adventus ab hominibus videretur, quam fama ac nunciis afferretur: sic magnæ fuit fortunæ, omni militari instrumento, quod circum se habebat, erepto, rhedis equisque comprehensis, ipsum effugere (mortem). Sed hoc eo factum est; quod, ædificio circumdato silva (ut sunt fere domicilia Gallorum, qui, vitandi æstus causa, plerumque silvarum ac fluminum petunt propinquitates) comites familiaresque ejus angusto in loco equitum nostrorum vim paulisper sustinuerunt. Iis pugnantibus, illum in equum quidam ex suis intulit. Fugientem silvæ texerunt. Sic ad subeundum periculum, et ad vitandum, multum fortuna valuit.

XXXI. Ambiorix copias suas judicione non conduxit; quod pro dimicandum non existimaverit: an tempore exclusus, et repentino equitum adventu prohibitus fuerit; quum reliquum exercitum subsequi crederet; dubium est. Sed certe, clam dimissis per agros nunciis, sibi quemque consulere jussit, quorum pars in Arduennam silvam, pars in continentes paludes profugit: Qui proximi Oceano fuerunt, ii in insulis sese occultaverunt, quas æstus efficere consueverunt. Multi ex suis finibus egressi se suaque omnia alienissimis crediderunt. Cativulus rex dimidiæ partis Eburonum, qui una cum Ambiorige consilium inierat, ætate jam confectus, quum laborem aut belli aut fugæ ferre non posset, omnibus precibus detestatus Ambiorigem, qui ejus consilii auctor fuisset; taxo, cujus magna in Gallia Germanique copia est, se exanimavit.

XXXII. Segni Condrusique, ex gente et numero Germanorum, qui sunt inter Eburones Trevirosque, legatos ad Cæsarem miserunt; oratum, ne se in hostium numero duceret, neve omnium Germanorum, qui essent citra Rhenum, causam esse unam judicaret: nihil se de bello cogitasse, nulla Ambiorigi auxilia misisse, Cæsar explorata re quæstione captivorum, si qui ad eos Eburones ex fuga convenissent, ad se ut reducerentur, imperavit: si ita fecissent, fines eorum se violaturum negavit. Tum copiis in tres partes distributis impedimenta omnium legionum Atuaticam contulit. Id castelli nomen est. Hoc fere est

in

in mediis Eburonum finibus, ubi Titurius atque Aurunculeius, hiemandi causa confederant. Hunc quum reliquis rebus locum probabat Cæsar; tum quod superioris anni munitiones integræ manebant, ut militum laborem sublevaret, præsidio impedimentis legionem XIV reliquit, unam ex iis III, quas proxime conscriptas ex Italia transfuderat. Ei legioni castrisque Q. Tullium Ciceronem præfecit, ducentosque equites attribuit.

XXXIII. Partito exercitu, T. Labienum cum legionibus III ad Oceanum versus in eas partes, quæ Menapios attingunt, proficisci jubet. C. Trebonium cum pari legionum numero ad eam regionem, quæ Atuaticis adjacet, depopulandam mittit; ipse cum reliquis tribus ad flumen Scaldim, quod influit in Mosam, extremasque Arduennæ partes, ire constituit; quo cum paucis equitibus profectum Amborigem audiebat. Discedens post diem VII sese reversum confirmat: quam ad diem ei legioni, quæ in præsidio relinquebatur, deberi frumentum sciebat. Labienum, Treboniumque hortatur, si Reipublicæ commodo facere possint, ad eam diem revertantur; ut, rursus communicato consilio, exploratisque hostium rationibus, aliud initium belli capere possint.

XXXIV. Erat, ut supra demonstravimus, manus certa nulla, non præsidium, non oppidum, quod se armis defenderet, sed in omnes partes dispersa multitudo. Ubi cuique aut vallis abdita, aut locus silvestris, aut palus impedita spem præsidii aut salutis aliquam offerebat, confederat. Hæc loca vicinitatibus erant nota, magnamque res diligentiam requirebat, non in summa exercitus tuenda, (nullum enim poterat, universis perterritis ac dispersis, periculum accidere) sed in singulis militibus conservandis; quæ tamen ex parte res ad salutem exercitus pertinebat. Nam et præde cupiditas multos longius evocabat; ac silvæ incertis occultisque itineribus, confertos adire prohibebant. Si negotium confici, stirpemque hominum sceleratorum interfici vellet, dimittendæ plures manus, diducendique erant milites. Si continere ad signa manipulos vellet, ut instituta ratio et consuetudo exercitus Romani postulabat; locus ipse erat præsidio barbaris; neque ex occulte insidiandi, et dispersos circumveniendi singulis deerat audacia. At in ejusmodi difficultatibus, quantum di-

ligentia

līgētia providēri poterat, providebatur: ut potius in nocendo aliquid omīteretur, et si omnium animi ad ulciscendum ardebant, quam cum aliquo detrimento militum noceretur. Cæsar ad finitimas civitates nuncios dimittit. Omnes evocat spe prædæ, ad diripiendos Eburones; ut potius in silvis Gallorum vitæ, quam legionariorum periclitaretur; simul ut, magna multitudine circumfusa, pro tali facinore, stirps ac nomen civitatis tollatur. Magnus undique numerus celeriter convenit.

XXXV. Hæc in omnibus Eburonum partibus gerebantur; diesque appetebat vii, quem ad diem Cæsar ad impedimenta legionemque reverti constituerat. Hic, quantum in bello fortuna possit, et quantos afferat casus, cognosci potuit. Dissipatis ac perterritis hostibus, ut demonstravimus, manus erat nulla, quæ parvam modo timoris causam afferret. Trans Rhenum ad Germanos pervenit fama, diripi Eburones, atque ultro omnes ad prædam evocari. Cogunt equitum ii millia Sigambri, qui sunt proximi Rheno: a quibus receptos ex fuga Tenchtheros atque Usipetes, supra docuimus. Transcuntes Rhenum navibus ratibusque, xxx millibus passuum infra eum locum, ubi pons erat imperfectus, præsidiumque ab Cæsare relictum, primos Eburonum fines adeunt: multos ex fuga dispersos excipiunt: magno pecoris numero, cujus sunt cupidissimi barbari, potiuntur. Invitati præda longius procedunt. Non hos palus in bello latrociniiisque natos, non silvæ morantur: quibus in locis sit Cæsar, ex captivis quærent: profectum longius reperiunt, omnemque exercitum discessisse cognoscunt. Atque unus ex captivis: Quid vos inquit, hanc miseram ac tenuem sectamini prædam, quibus jam licet esse fortunatissimis? iii horis Atuaticam venire potestis: huc omnes fortunas exercitus Romanorum contulit. Præsidii tantum est, ut ne murus quidem cingi possit, neque quisquam egredi extra munitiones audeat. Oblata spe, Germani, quam nati erant prædam, in occulto relinquunt: ipsi Atuaticam continent, usi eodem duce, cujus hæc indicio cognoverant.

XXXVI. Cicero, qui per omnes superiores dies præceptis Cæsaris summa diligentia milites in castris continuisset, ac ne calonem quidem quemquam extra munitionem egredi passus esset; vii die diffidens Cæsarem de numero

dierum

dierum fidem servaturum, quod longius eum progressum audiebat, neque ulla de ejus reditu fama afferebatur: simul eorum permotus vocibus, qui illius patientiam, pæne obsessionem appellabant: siquidem ex castris egredi non liceret, nullum hujusmodi casum expectans, quo ex oppositis legionibus, maximoque equitatu, dispersis ac pæne deletis hostibus, in millibus passuum inoffendi posset, et cohortes frumentatum in proximas segetes misit, quas inter et castra, unus omnino collis intererat. Complures erant in castris ex legionibus ægri relictæ: ex quibus qui hoc spatio dierum convaluerant, circiter ccc sub vexillo una mittuntur: magna præterea multitudo calorum, magna vis jumentorum, quæ in castris subsederat, facta potestate, sequitur.

XXXVII. Hoc ipso tempore et casu Germani equites interveniunt, protinusque eodem illo, quo venerant, cursu ab Decumana porta in castra irrumpere conantur: nec prius sunt visi, objectis ab ea parte silvis, quam castris appropinquarent; usque eo, ut, qui sub vallo tenderent mercatores, respiciendi sui non haberent facultatem. Inopinantes nostri re nova perturbantur: ac vix primum impetum cohors in statione sustinet. Circumfunduntur hostes ex reliquis partibus, si quem aditum reperire possent. Ægre nostri portas tuentur. Reliquos aditus locus ipse per se munitioque defendit. Totis trepidatur castris, atque alius ex alio causam tumultus quærit: neque, quo signa ferantur, neque quam in partem quisque conveniat, provident. Alius jam capta castra pronunciat: alius, deleto exercitu atque imperatore, victores barbaros venisse contendit: plerique navas sibi ex loco religiones fingunt: Cottæque et Titurii calamitatem, qui in eodem occiderint castello, ante oculos ponunt. Tali timore omnibus perterritis, confirmatur opinio barbaris, ut ex captivo audierant, nullum esse intus præsidium. Perrumpere nituntur, seque ipsi adhortantur; ne tantam fortunam ex manibus dimittant.

XXXVIII. Erat æger in præsidio relictus P. Sextius Baculus, qui primum pilum apud Cæsarem duxerat, cuius mentionem superioribus præliis fecimus: ac diem jam v cibo caruerat. Hic, diffusus suæ ac omnium salutis, inermis ex tabernaculo prodit: videt imminere hostes, atque in sum-

mo

mo esse rem discrimine: capit arma a proximis, atque in porta consistit. Sequuntur hunc centuriones ejus cohortis, quæ in statione erat. Paullisper prælium una sustinent. Relinquit animus Sextium, gravibus acceptis vulneribus: ægre per manus tractus, servatur. Hoc spatio interposito, reliqui sese confirmant; tantum ut in munitionibus consistere audeant, speciemque defensorum præbeant.

XXXIX. Interim, confecta frumentatione, milites nostri clamorem exaudiunt, præcurrunt equites: quanto res sit in periculo, cognoscunt. Hic vero nulla munitio est, quæ perterritos recipiat. Modo conscripti, atque usus militaris imperiti, ad tribunum militum centurionesque ora convertunt: quid ab his præcipiatur, exspectant. Nemo est tam fortis, quin rei novitate perturbetur. Barbari, signa procul conspicati, ab oppugnatione desistunt; redisse primo legiones credunt, quas longius discessisse, ex captivis cognoverant. Postea, despecta paucitate, ex omnibus partibus impetum faciunt.

XL. Calones in proximum tumultum procurrun. Hinc celeriter dejecti se in signa manipulosque conjiciunt: eo magis timidos perterrent milites. Alii, cuneo facto ut celeriter perrumpant, censent: quoniam tam propinqua sint castra: etsi pars aliqua circumventa ceciderit, at reliquos servari posse confidunt: alii, ut in jugo consistent, atque eundem omnes ferant casum. Hoc veteres non probant milites, quos sub vexillo una profectos docuimus. Itaque, inter se cohortati, duce C. Trebonio equite Romano, qui eis erat præpositus, per medios hostes perrumpunt, incolumesque ad unum in castra perveniunt omnes. Hos subsecuti calones equitesque, eodem impetu, militum virtute servantur. At ii, qui in jugo constiterant, nullo etiam nunc usu rei militaris (percepto) neque in eo, quod probaverant, consilio permanere, ut se loco superiore defenderent, neque eam, quam profuisse aliis vim, celeritatemque viderant, imitari potuerunt; sed se, in castra recipere conati, iniquum in locum demiserunt. Centuriones, quorum nonnulli ex inferioribus ordinibus reliquarum legionum causa, virtutis, in superiores erant ordines hujus legionis transducti, ne antepartam rei militaris laudem amitterent, fortissime pugnantes conciderunt. Militum pars, horum virtute summotis hostibus, præter spem incolumis

columis in castra pervenit: pars a barbaris circumventa, periit.

XLI. Germani, desperata expugnatione castrorum, quod nostros jam constitisse in munitionibus videbant, cum ea praeda, quam in silvis deposuerant, trans Rhenum sese receperunt. Ac tantus fuit etiam post discessum hostium terror, ut ea nocte, quum C. Volusenus missus cum equitatu ad castra venisset, fidem non faceret, adesse cum incolumi Cæsarem exercitu. Sic omnium animos timor præoccupaverat; ut, pæne alienata mente, deletis omnibus copiis, equitatum tantum se ex fuga recepisse dicerent, neque, incolumi exercitu, Germanos castra oppugnatos fuisse contenderent. Quem timorem, Cæsaris adventus tulit.

XLII. Reversus ille, eventus belli non ignarus; unum, quod cohortes ex statione et præsidio essent emissæ, questus, ne minimo quidem casu locum relinqui debuisse, multum fortunam in repentino hostium adventu potuisse iudicavit: multo etiam amplius, quod pæne ab ipso vallo portisque castrorum barbaros avertissent. Quarum omnium rerum maxime admirandum videbatur, quod Germani, qui eo consilio Rhenum transierant, ut Ambiorigis fines depopularentur, ad castra Romanorum delati, optatissimum Ambiorigi beneficium obtulerant.

XLIII. Cæsar, ad vexandos rursus hostes profectus, magno coacto numero ex finitimis civitatibus, in omnes partes dimittit. Omnes vici atque omnia ædificia, quæ quisque conspexerat, incendebantur: praeda ex omnibus locis agebatur: frumenta non solum a tanta multitudine jumentorum atque hominum consumebantur; sed etiam anni tempore, atque imbribus procubuerant, ut, si qui etiam in præsentia se occultassent; tamen iis, deducto exercitu, rerum omnium inopia pereundum videretur. Ac sæpe in eum locum ventum est, tanto in omnes partes diviso equitatu, ut non modo visum ab se Ambiorigem in fuga captivi; sed nec plane etiam abisse ex conspectu contenderent: ut spe consequendi illata, atque infinito labore suscepto, qui se summam a Cæsare gratiam inituros putarent, pæne naturam studio vincerent: semperque paullum ad summam felicitatem defuisse videretur; atque ille latebris, ac silvis, aut saltibus se eriperet; et noctu occultatus, alias regiones partesque peteret, non majore equitum præsidio, quam IV, quibus solis vitam suam committere audebat.

XLIV. Tali modo vastatis regionibus, exercitum Cæsar, duarum cohortium damno, Durocotorum Remorum reducit: concilioque in eum locum Galliæ indicto, de conjuratione Senonum et Carnutum questionem habere instituit; et de Accone, qui princeps ejus consilii fuerat, graviore sententia pronunciata, more majorum supplicium sumpsit. Nonnulli, judicium veriti, profugerunt: quibus quum aqua atque igni interdixisset, 11 legiones ad fines Trevirorum, 11 in Lingonibus, vi reliquas in Senonum finibus Agendici in hibernis collocavit; frumentoque exercitui proviso, ut instituerat, in Italiam ad conventus agendos profectus est.

L I B E R VII.

I. **Q**UIETA Gallia, Cæsar, ut constituerat, in Italiam ad conventus agendos proficiscitur: ubi cognoscit de P. Clodii cæde; de Senatusque consulto certior factus, ut omnes Italiæ juniores conjurarent, delectum tota provincia habere instituit. Ex res in Galliâ Transalpinam celeriter perferuntur. Addunt ipsi et affingunt rumoribus Galli, quod res poscere videbatur, retinere urbano motu Cæsarem, neque in tantis dissensionibus ad exercitum venire posse. Hac impulsæ occasione, qui jam ante se populi Romani imperio subiectos dolerent, liberius atque audacius de bello consilia inire incipiunt. Indictis inter se principes Galliæ conciliis, silvestribus ac remotis locis, queruntur de Acconis morte: hunc casum ad ipsos recidere posse, demonstrant: miserantur communem Galliæ fortunam, omnibus pollicitationibus ac præmiis deponunt, qui belli initium faciant, et sui capitis periculo Galliam in libertatem vindicent. Ejus in primis rationem habendam esse dicunt, prius quam eorum clandestina consilia efferantur: ut Cæsar ab exercitu intercludatur: id esse facile, quod neque legiones, absente imperatore, audeant ex hibernis egredi; neque imperator sine præsidio ad legiones pervenire possit. Postremo in acie præstare interfici, quam non veterem belli gloriam libertatemque, quam a majoribus acceperint, recuperare.

II. His rebus agitatis, profitentur Carnutes, se nullum periculum, communis salutis causa, recusare; principes-

que se ex omnibus bellum facturos pollicentur: et, quoniam in præsentia obsidibus cavere inter se non possent, ne res efferatur, ut jurejurando ac fide sanciantur, petunt; collatis militaribus signis, quo more eorum gravissimæ ceremoniæ continentur; ne, facto initio belli, a reliquis deferantur. Tunc, collaudatis Carnutibus, dato jurejurando ab omnibus, qui aderant, tempore ejus rei constituto, ab concilio disceditur.

III. Ubi ea dies venit, Carnutes, Cotuato et Conetoduno ducibus, desperatis hominibus, Genabum dato signo concurrunt; civesque Romanos, qui negotiandi causa ibi contiterant, in iis C. Fusium Cottam, honestum equitem Romanum, qui rei frumentariæ, jussu Cæsaris, præerat, interficiunt; bonaque eorum diripiunt. Celeriter ad omnes Galliæ civitates fama perfertur. Nam, ubi major atque illustrior incidit res, clamore per agros regionesque significant; hunc alii deinceps excipiunt, et proximis tradunt; ut tunc accidit. Nam, quæ Genabi oriente Sole gesta essent, ante primam confectam vigiliam in sinibus Arvernorum audita sunt: quod spatium est, millium passuum circiter clx.

IV. Simili ratione ibi Vercingetorix, Celtilli filius, Arvernus, summæ potentæ adolescens, cujus pater principatum Galliæ totius obtinuerat, et ob eam causam, quod regnum appetebat, ab civitate erat interfectus; convocatis suis clientibus, facile eos incendit. Cognito ejus consilio, ad arma concurritur: ab Gobanitione, patruo suo, reliquisque principibus, qui hanc tentandam fortunam non existimabant, expellitur ex oppido Gergovia: non tamen desistit; atque in agris habet delectum egentium ac perditorum. Hac coacta manu, quoscumque adit ex civitate, in suam sententiam perducit. Hortatur, ut, communis libertatis causa, arma capiant: magnisque coactis copiis, adversarios suos, a quibus paullo ante erat ejectus, expellit ex civitate. Rex ab suis appellatur. Dimittit quoque versus legationes: obtestatur, ut in fide maneant. Celeriter sibi Senones, Parisios, Pictones, Cadurcos, Turones, Aulercos Lemovices, Andes, reliquosque omnes, qui Oceanum attingunt, adjungit. Omnium consensu ad eum deferitur imperium. Qua oblata potestate, omnibus iis civitatibus obsides imperat, certum numerum militum celeriter ad se adduci jubet. Armorum quantum quæque civitas

domi, quodque ante tempus efficiat, constituit. In primis equitatus studet: summæ diligentiae summam imperiî severitatem addit: magnitudine supplicii dubitantes cogit. Nam, majore commisso delicto, igni atque omnibus tormentis necat: leviori de causa, auribus defectis, aut singulis effossis oculis, domum remittit; ut sint reliquis documento, et magnitudine pœnæ perterreant alios.

V. His suppliciis celeriter coacto exercitu, Lucterium Cadurcum, summæ hominem audaciæ cum parte copiarum in Ruthenos mittit. Ipse in Bituriges proficiscitur. Ejus adventu Bituriges ad Æduos, quorum erant in fide, legatos mittunt, subsidium rogatum, quo facilius hostium copias sustinere possint. Ædúi de consilio legatorum, quos Cæsar ad exercitum reliquerat, copias equitatus peditatusque subsidio Biturigibus mittunt: qui quum ad flumen Ligerim venissent, quod Bituriges ab Æduis dividit, paucos dies ibi morati, neque flumen transire ausi, domum revertunt: legatisque nostris renunciant, se Biturigum perfidiam veritos revertisse: quibus id concilii fuisse cognoverint, ut, si flumen transissent, una ex parte ipsi, altera Arverni se circumstiterent. Id eane de causa, quam legatis promunciarunt, an perfidia adducti fecerint, quod nihil nobis constat, non videtur pro certo esse ponendum. Bituriges eorum discessu statim se cum Arvernīs conjungunt.

VI. His rebus in Italiam Cæsari nunciatis, quum jam ille virtute Cn. Pompeii urbanas res commodiorem in statum pervenisse intelligeret, in Transalpinam Galliam profectus est. Eo quum venisset, magna difficultate affiebatur, qua ratione ad exercitum pervenire posset. Nam, si legiones in provinciam accerferet, se absente in itinere pœlio dimicaturas intelligebat. Si ipse ad exercitum contenderet, ne iis quidem, qui eo tempore pacati viderentur, suam salutem recte committi videbat.

VII. Interim Lucterius Cadurcus in Ruthenos missus eam civitatem Arvernīs conciliat. Progressus in Nitiobriges et Gabalos, ab utrisque obsides accipit; et, magna coacta manu, in provinciam Narbonem versus, eruptionem facere contendit. Qua re nunciata Cæsar omnibus consiliis antevertendum existimavit, ut Narbonem proficisceretur. Eo quum venisset, timentes confirmat; præsidia in Ruthenis Provinciis, Volcis Arecomitis, Tolosatibus, circumquæ

circumque Narbonem, quæ loca erant hostibus finitima, constituit; partem copiarum ex provincia supplementumque, quod ex Italia adduxerat, in Helvios, qui fines Arvernorum contingunt, convenire jubet.

VIII His rebus comparatis, represso jam Lucterio et remoto, quod intrare intra præsidia periculosum putabat, in Helvios proficiscitur: etsi mons Cebenna, qui Arvernos ab Helviis discludit, durissimo tempore anni, altissima nive iter impediēbat: tamen discussa nive vi in altitudinem pedum, atque ita viis patefactis, summo militum labore ad fines Arvernorum pervenit. Quibus oppressis inopinantibus, quod se Cebenna, ut muro, munitos existimabant ac ne singulari quidem homini unquam eo tempore anni semitæ patuerant; equitibus imperat, ut, quam latissime possent, vagentur, et quam maximum hostibus terrorem inferant. Celeriter hæc fama ac nunciis ad Vercingetorigem perferuntur: quem perterriti omnes Arverni circumstant, atque obsecrant, ut suis fortunis consulat, non se ab hostibus diripi patiatur; præsertim quum videat omne ad se bellum translatum. Quorum ille precibus permotus castra ex Biturigibus movet in Arvernos versus.

IX. At Cæsar biduum in iis locis moratus, quod hæc de Vercingetorige usu ventura, opinione præceperat, per causam supplementi, equitatusque cogendi, ab exercitu discedit: Brutum adolescentem iis copiis præficit: hunc monet, ut in omnes partes equites quam latissime pervagentur. Daturum se operam, ne longius triduo ab castris absit. His constitutis rebus, suis inopinantibus, qua maximis potest itineribus Viennam pervenit. Ibi nactus recentem equitatum, quem multis ante diebus eo præmiserat, neque diurno, neque nocturno itinere intermisso, per fines Æduorum in Lingones contendit; ubi 11 legiones hiemabant; ut, si quid etiam de sua salute ab Æduis iniretur consilii, celeritate præcurreret. Eo quum pervenisset, ad reliquas legiones mittit, priusque in unum locum omnes cogit, quam de ejus adventu Arvernus nunciari posset. Hac re cognita, Vercingetorix rursus in Bituriges exercitum reducit, atque inde profectus (Gergoniam) Boiorum oppidum, quos ibi Helvetico prælo victos Cæsar collocaverat, Æduisque attritu erat, oppugnare instituit.

X. Magnam hæc res Cæsari difficultatem ad consilium capiendum afferebat, si reliquam partem hiemis uno in loco legiones contineret; ne, stipendiariis Æduorum expugnatis, cuncta Gallia deficeret, quod nullum in eo amicis præsidium videretur positum esse: sin maturius ex hibernis educeret, ne ab re frumentaria duris subvectionibus laboraret. Præstare visum est tamen omnes difficultates perpeti, quam, tanta contumelia accepta, omnium suorum voluntates alienare. Itaque cohortatus Æduos de supportando comœatu, præmittit ad Boios, qui de suo adventu doceant, hortenturque ut in fide maneant, atque hostium impetum magno animo sustineant. Duabus Agendici legionibus, atque impedimentis totius exercitus relictis, ad Boios proficiscitur.

XI. Altero die quum ad oppidum Senonum Vellaunodunum venisset, ne quem post se hostem relinqueret, quo expeditiore re frumentaria uteretur, oppugnare instituit. Idque biduo circumvallavit. Tertio die missis ex oppido legatis de deditione: arma proferri, jumenta produci, ac obsides dari jubet. Ea qui conficeret, C. Trebonium legatum relinquit. Ipse, ut quamprimum iter faceret, Genabum Carnutum proficiscitur; qui tunc primum, allato nuncio de oppugnatione Vellaunoduni, quum longius eam rem ductum iri existimarent, præsidium Genabi tuendi causa, quod eo mitterent, comparabant. Huc biduo Cæsar pervenit; et, castris ante oppidum positis, diei tempore exclusus, in posterum oppugnationem differt; quæque ad eam rem usui sint militibus imperat; et, quod oppidum Genabum pons fluminis Ligeris continebat; veritus, ne noctu ex oppido profugerent, 11 legiones in armis excubare jubet. Genabenses paullo ante mediam noctem silentio ex oppido egressi flumen transire cœperunt. Quare per exploratores nunciata Cæsar legiones, quas expeditas esse jusserat, portis incensis, intromittit; atque oppido potitur, per paucis ex hostium numero desideratis, quin cuncti caperentur, quod pontis atque itinerum angustia multitudinis fugam intercluserant. Oppidum diripit atque incendit, prædam militibus donat: exercitum Ligerim transducit, atque in Biturigum fines pervenit.

XII. Vercingetorix, ubi de Cæsaris adventu cognovit, oppugnatione desistit, atque obviam Cæsari proficiscitur.

Ille oppidum Biturigum positum in via Noviodunum expugnare instituerat. Quo ex oppido quum legati ad eum venissent, oratum, ut sibi ignosceret, suæque vitæ confu-deret; ut celeritate reliquas res conficeret, qua pleraque erat consecutus, arma proferri, equos produci, obsides dari jubet. Parte jam obsidum transdita, quum reliqua administrarentur, centurionibus et paucis militibus intro-missis, qui arma jumentaque conquirent, equitatus hos-tium procul visus est, qui agmen Vercingetorigis anteces-ferat: quem simul atque oppidani conspexerunt, atque in spem auxilii venerunt, clamore sublato, arma capere, portas claudere, murum complere cœperunt. Centuriones in oppido, quum ex significatione Gallorum novi aliquid ab his iniri consilii intellexissent, gladiis districtis portas occupaverunt, suosque omnes incolumes receperunt.

XIII. Cæsar ex castris equitatum educi jubet, præli-umque equestre committit: laborantibus jam suis Ger-manos equites circiter eo submittit, quos ab initio secum habere instituerat. Eorum impetum Galli sustinere non potuerunt, atque in fugam coniecti, multis amissis, sese ad agmen receperunt: quibus profligatis, rursus oppidani perterriti, comprehensos eos, quorum opera plebem cen-citatem exstimabant, ad Cæsarem perduxerunt, seseque ei dederunt. Quibus rebus confectis, Cæsar ad oppi-dum Avaricum, quod erat maximè munitissimumque in finibus Biturigum, atque agri fertilissima regione pro-fectus est: quod, eo oppido recepto, civitatem Biturigum se in potestatem redacturum confidebat.

XV. Vercingetorix, tot continuis incommodis Vellau-noduni, Genabi, Novioduni acceptis, suos ad consilium convocat. Docet longe alia ratione esse bellum geren-dum, atque antea sit gestum: omnibus modis huic rei stu-dendum, ut pabula ione et commeatu Romani prohibean-tur. Id esse facile, quod equitatu ipsi abundant; et quod anni tempore subleventur. Pabulum secari non posse. Ne-cessario dispersos hostes ex ædificiis petere: hos omnes quotidie ab equitibus deleri posse. Præterea, salutis cau-sa, rei familiaris commoda negligenda. Vicos atque ædi-ficia incendi oportere, hoc spatio a (Boia) quoquo ventus, quo pabulandi causa adire posse videantur. Harum ipsi serum copiam suppetere, quod, quorum in finibus bellum geratur,

geratur, eorum opibus sublevantur: Romanos aut inopiam non laturos, aut magno cum periculo longius a castris progressuros: neque interesse, ipsos ne interficiant, impedimentisve exuant, quibus amissis bellum geri non possit: præterea, oppida incendi oportere, quæ non munitione, et loci natura, ab omni sint periculo tuta: neu suis sint ad detractandam militiam receptacula, neu Romanis proposita ad copiam commeatus, prædamque tollendam. Hæc si gravia, aut acerba videantur, multo illa gravius æstimari debere, liberos, conjuges in servitutem abstrahi, ipsos interfici; quæ sit necesse accidere victis.

XV. Omnium consensu hæc sententia probata, uno die amplius xx urbes Biturigum incenduntur. Hoc idem fit in reliquis civitatibus. In omnibus partibus incendia conspiciuntur: quæ etsi magno cum dolore omnes ferebant, tamen hoc sibi solatii proponebant, quod se, prope explorata victoria, celeriter amissa recuperaturos confidebant. Deliberatur de Avarico in communi concilio, incendi placeret, an defendi. Procumbunt Gallis omnibus ad pedes Bituriges, ne pulcherrimam prope totius Galliæ urbem, quæ et præsidio et ornamento sit civitati, suis manibus succendere cogerentur: facile se loci natura defensuros dicunt; quod prope ex omnibus partibus flumine et palude circumdata, unum habeat et perangustum aditum. Datur petentibus venia, dissuadente primo Vercingetorige, post concedente, et precibus ipsorum, et misericordia vulgi. Defensores idonei oppido deliguntur.

XVI. Vercingetorix minoribus Cæsarem itineribus subsequitur, et locum castris deligit, paludibus silvisque munitum, ab Avarico longe millia passuum xv. Ibi per certos exploratores in singula diei tempora, quæ ad Avaricum agerentur, cognoscebat; et quid fieri vellet, imperabat. Omnes nostras pabulationes frumentationesque observabat, dispersosque, quum longius necessario procederent, adoriebatur, magnoque incommodo afficiebat; etsi, quantum ratione provideri poterat, ab nostris occurrebatur, ut incertis temporibus, diversisque itineribus iretur.

XVII. Castris ad eam partem oppidi positis, Cæsar, quæ intermissa a flumine et palude aditum, ut supra diximus, angustum habebat, aggerem apparare, vineas agere, turres duas constituere cœpit: nam circumvallare loci

natura prohibebat. De re frumentaria Boios, atque Æduos, adhortari non destitit: quorum alteri, quod nullo studio agebant, non multum adjuvabant; alteri non magnis facultatibus, quod civitas erat exigua et infirma, celeriter, quod habuerunt, consumpserunt. Summa difficultate rei frumentariæ affecto exercitu, tenuitate Boiorum, indiligentia Æduorum, incendiis ædificiorum; usque eo, ut complures dies milites frumento caruerint, et pecore, e longinquiore vicis adacto, extremam famem sustentarent: nulla tamen vox est ab iis audita populi Romani majestate, et superioribus victoriis indigna. Quia etiam Cæsar, quum in opere singulas legiones appellaret; et, si acerbius inopiam ferrent, se dimissurum oppugnationem diceret; universi ab eo, ne id faceret, petebant: sic se complures annos, illo imperante meruisse, ut nullam ignominiam acciperent, nunquam infecta re discederent: hoc se ignominie latus loco, si inceptam oppugnationem reliquissent: præstare omnes perferre acerbitates, quam non civibus Romanis qui Genabi perfidia Gallorum interissent, parentarent. Hæc eadem centurionibus, tribunisque militum mandabant, ut per eos ad Cæsarem deferrentur.

XVIII. Quum jam muro appropinquassent turres, ex captivis Cæsar cognovit, Vercingetorigem, consumpto pabulo castra movisse propius Avaricum, atque ipsum, cum equitatu expeditisque, qui inter equites præliari consueissent, insidiarum causa eo profectum, quo nostros postero die pabulatum venturos arbitrabatur. Quibus rebus cognitis, media nocte silentio profectus, ad hostium castra mane pervenit. Illi, celeriter per exploratores adventu Cæsaris cognito, carros impedimenta que sua, in arctiores silvas abdiderunt; copias omnes, in loco edito atque aperto, instruxerunt. Qua re nunciata, Cæsar celeriter sarcinas conferri, arma expediri iussit.

XIX. Collis erat leniter ab infimo acclivis. Hunc ex omnibus fere partibus palus difficilis atque impedita cingebat, non latior pedibus L. Hoc se colle, interruptis pontibus, Galli fiducia loci continebant, generatimque distributi in civitates, omnia vada ac saltus ejus paludis, certis custodiis obtinebant; sic animo parati, ut si eam paludem Romani percurrere conarentur, hæsitantes premerent ex

loco superiore : ut qui propinquitatem loci viderent, paratos prope æquo Marte ad dimicandum existimarent : qui iniquitatem conditionis perspicerent, inani simulatione sese ostentare cognoscerent. Indignantibus milites Cæsar, quod conspectum suum hostes ferre possent, tantulo spatio interjecto, et signum prælii exposcentes, edocet ; quanto detrimento et quot virorum fortium morte necesse esset constare victoriam : quos quum sic animo paratos videret, ut nullum pro sua laude periculum recusarent, summæ se iniquitatis condemnari debere, nisi eorum vitam sua salute habeat cariorem : Sic milites consolatus eodem die reducit in castra ; reliquaque, quæ ad oppugnationem oppidi pertinebant, administrare instituit.

XX. Vercingetorix, quum ad suos redisset, prodicionis infimulatus, quod castra propius Romanos movisset, quod cum omni equitatu discessisset, quod sine imperio tantas copias reliquisset, quod ejus discessu Romani tanta opportunitate et celeritate venissent : non hæc omnia fortuito, aut sine consilio accidere potuisse : regnum illum Galliæ malle Cæsaris concessu, quam ipsorum habere beneficio. Tali modo accusatus ad hæc respondit : Quod castra movisset, factum inopia pabuli, etiam ipsis hortantibus : quod propius Romanos accessisset, persuasum loci opportunitate, qui se ipsum munitione defenderet : equitum vero operam neque in loco palustri desiderari debuisse, et illic fuisse utilem, quo sint profecti, summam imperii se consulto nulli discedentem tradidisse, ne is multitudinis studio ad dimicandum impelleretur : cui rei, propter animi molliem studere omnes videret, quod diutius laborem ferre non possent : Romani si casu intervenerint, fortunæ : si alicujus indicio vocati, huic habendam gratiam, quod et paucitatem eorum ex loco superiore cognoscere, et virtutem despicere potuerint ; qui dimicare non ausi turpiter se in castra receperint. Imperium se a Cæsare per prodicionem nullum desiderare, quod habere victoria posset, quæ jam esset sibi, ac omnibus Gallis explorata. Quin etiam ipsis remittere, si sibi magis honorem tribuere, quam ab se salutem accipere videantur. Quod ut intellegatis, inquit, sincere a me pronunciari, audite Romanos milites. Producit servos, quos in pabulatione paucis ante diebus exceperat, et fame vinculisque excruciaverat. Li jam ante edocti, quæ interrogati

interrogati pronunciarent, milites se esse legionarios dicunt; fame et inopia adductos, clam ex castris exisse, si quid frumenti, aut pecoris in agris reperire possent. Simili omnem exercitum inopia premi, nec jam vires sufficere cujuscunque, nec ferre operis laborem posse. Itaque statuisse imperatorem, si nihil in oppugnatione oppidi profecisset, triduo exercitum deducere. Hæc a me, inquit Vercingetorix, beneficia habetis, quem prodicionis insimulatis: cujus opera, sine vestro sanguine, tantum exercitum victorem fame pæne consumptum videtis: quem turpiter se ex hac fuga recipientem, ne qua civitas suis finibus recipiat a me provisum est.

XXI. Conclamat omnis multitudo, et suo more armis concrepat: quod facere in eo consueverunt, cujus orationem approbant: summum esse Vercingetorigem ducem, nec de ejus fide dubitandum, nec majori ratione bellum administrari posse. Statunt, ut decem millia hominum selecta ex omnibus copiis in oppidum submittantur: nec solis Biturigibus communem salutem committendam censent; quod penes eos, si oppidum retinuisent, summam victoriæ constare, intelligebant.

XXII. Singulari militum nostrorum virtuti consilia cujusque modi Gallorum occurebant: ut est summæ genus sollertiæ, atque ad omnia imitanda atque efficienda, quæ ab quoque traduntur, aptissimum. Nam et laqueis falces avertebant, quas quum destinaverant, tormentis introrsus redutebant, et aggerem cuniculis subtrahebant: eo scientius, quod apud eos magnæ sunt ferrariæ, atque omne genus cuniculorum notum atque usitatum est. Totum autem murum ex omni parte turribus contabulaverant, atque has coriis intexerant. Tum crebris diurnis nocturnisque eruptionibus, aut aggeri ignem inferebant, aut milites occupatos in opere adoriebantur; et nostrarum turrium altitudinem, quantum has quotidianus agger expresserat, commissis suarum turrium malis, adæquabant; et apertos cuniculos præusta et præacuta materia, et pice fervefacta, et maximi ponderis saxis morabantur, mœnibusque appropinquare prohibebant.

XXIII. Muris autem omnibus Gallicis hæc fere forma est. Trabes directæ perpetuæ in longitudinem, paribus intervallis, distantes inter se binos pedes, in solo collocan-

tur.

tur. Eæ revinciuntur introrsus; et multo aggere velliuntur. Ea autem, quæ diximus, intervalla grandibus in fronte saxis effarciuntur. Iis collocatis et coagmentatis, alius insuper ordo adjicitur, ut idem illud intervallum fervetur, neque inter se contingant trabes; sed paribus intermissæ spatiis, singulæ singulis saxis interjectis, arte contineantur. Sic deinceps omne opus contextitur, dum iusta muri altitudo expleatur. Hoc quum in speciem varietatemque opus deforme non est, alternis trabibus, aut saxis, quæ rectis lineis suos ordines servant: tum, ad utilitatem et defensionem urbium, summam habet opportunitatem; quod et ab incendio lapis, et ab ariete materia defendit: quæ, perpetuis trabibus pedes quadragenos plerumque introrsus revincta, neque perrumpi, neque distrahi potest.

XXIV. Iis tot rebus impedita oppugnatione, milites quum toto tempore luto, frigore et assiduis imbris tardarentur, tamen continenti labore omnia hæc superaverunt, et diebus xxv aggerem latum pedes cccxxx, altum pedes lxxx, exstruxerunt. Quum is murum hostium pæne contingeret, et Cæsar ad opus consuetudine excubaret, militesque cohortaretur, ne quod omnino tempus ab opere intermitteretur; paullo ante iii vigiliam est animadversum, fumare aggerem, quem cuniculo hostes succenderant; eodemque tempore toto muro clamore sublato, duabus portis ab utroque latere turrium eruptio fiebat. Alii facies atque aridam materiam de muro in aggerem eminus jaciebant; picem alii reliquasque res, quibus ignis excitari potest, fundebant; ut, quo primum occurreretur, aut cui rei ferretur auxilium, vix ratio iniri posset. Tamen, quod instituto Cæsaris duæ semper legiones pro castris excubabant, pluresque partitis temporibus in opere erant, celeriter factum est, ut alii eruptionibus resisterent, alii turres reducerent, aggeremque interscinderent, omnis vero ex castris multitudo ad restringendum concurreret.

XXV. Quum in omnibus locis, consumpta jam reliqua parte noctis, pugnaretur, semperque hostibus spes victoriæ redintegraretur; eo magis, quod deustos pluteos turrium videbant, nec facile adire apertos ad auxiliandum animadvertabant, semperque ipsi recentes defessis succederent, omnemque Galliæ salutem in illo vestigio temporis positam arbitrarentur; accidit inspectantibus nobis,

quod, dignum memoria visum, prætermittendum non existimavimus. Quidam ante portam oppidi Gallus, qui per manus sevi ac picis transdita glebas in ignem e regione turris projiciebat, scorpione ab latere dextro transiectus, exanimatusque concidit: hunc ex proximis unus jacentem transgressus eodem illo munere fungebatur: eadem ratione ictu scorpionis exanimato altero, successit tertius, et tertio quartus: nec ille prius est a propugnatoribus vacuum relictus locus, quam restincto aggere, atque omni parte submotis hostibus, finis est pugnandi factus.

XXVI. Omnia experti Galli, quod res nulla successerat, postero die, consilium ceperunt ex oppido profugere, hortante et jubente Vercingetorige. Id silentio noctis conati non magna jactura suorum sese effecturos sperabant: propterea quod neque longè ab oppido castra Vercingetorigis aberant; et palus, quæ perpetua intercedebat, Romanos ad insequendum tardabat. Jamque hoc facere noctu apparabant, quum matresfamilias repente in publicum procurrerunt, flentesque projectæ ad pedes suorum, omnibus precibus petierunt, ne se et communes liberos hostibus ad supplicium dederent: quos ad capiendam fugam natura et virium infirmitas impediret. Ubi eos perstare in sententia viderunt, quod plerumque in summo periculo timor misericordiam non recipit, conclamare; et significare de fuga Romanis cœperunt. Quo timore perterriti Galli, ne ab equitatu Romanorum viæ præoccuparentur, consilio destiterunt.

XXVII. Postero die Cæsar promota turri, directisque operibus, quæ facere instituerat: magno coorto imbri, non inutilem hanc ad capiendam consilium tempestatem arbitratus est, quod paullo incautius custodias in muro dispositas videbat: suosque languidius in opere versari jussit, et quid fieri vellet, ostendit. Legiones intra vineas in occulto expeditas cohortatus, ut aliquando pro tantis laboribus fructum victoriæ perciperent; iis, qui primi murum adscendissent, præmia proposuit, militibusque signum dedit. Illi subito ex omnibus partibus evolaverunt, murumque celeriter complerunt.

XXVIII. Hostes re nova perterriti, muro turribusque dejecti in foro ac locis patentioribus cuneatim coaluerunt; hoc animo, ut, si qua ex parte obviam contraveniretur,

retur,

retur, acie instructa, depugnarent. Ubi neminem in æquum locum sese demittere, sed toto undique muro circumfundi viderunt, veriti, ne omnino spes fugæ tolleretur, abjectis armis, ultimas oppidi partes continenti impetu petiverunt: parsque ibi, quum angusto exitu portarum se ipsi premerent, a militibus; pars jam egressa portis ab equitibus est interfecta. Nec fuit quisquam, qui prædæ studeret. Sic, et Genabensi cæde, et labore operis incitati, non ætate confectis, non mulieribus, non infantibus pepercerunt. Denique ex omni eo numero, qui fuit circiter XL millium, vix DCCC, qui primo clamore audito se ex oppido ejecerant, incolumes ad Vercingetorigem pervenerunt. Quos ille, multa jam nocte, silentio sic ex fuga excepit, (veritus, ne qua in castris ex eorum concursu et misericordia vulgi seditio oriretur), ut procul in via dispositis familiaribus suis, principibusque civitatum, disparandos deducendosque ad suos curaret; quæ cuique civitati pars castrorum ab initio obvenerat.

XXIX. Postero die concilio convocato, consolatus cohortatusque est, ne se admodum animo demitterent, neve perturbarentur incommodo: non virtute, neque acie vicisse Romanos: sed artificio quodam et scientia oppugnationis; cujus rei fuerint ipsi imperiti: errare, si qui in bello omnes secundos rerum eventus expectent: sibi nunquam placuisse Avaricum defendi, cujus rei testes ipsos haberet; sed factum imprudentia Biturigum, et nimia obsequentia reliquorum uti hoc incommodum acciperetur: id tamen se celeriter majoribus commodis sanaturum. Nam, quæ ab reliquis Gallis civitates dissentirent, has sua diligentia adjuncturum; atque unum consilium totius Galliæ effecturum; cujus consensu ne orbis quidem terrarum possit obsistere: idque se prope jam effectum habere. Interea æquum esse, ab iis communis salutis causa impetrari, ut castra munire instituerent, quo facilius hostium repentinos impetus sustinere possent.

XXX. Fuit hæc oratio non ingrata Gallis, maxime, quod ipse animo non defecerat, tanto accepto incommodo, neque se in occultum abdiderat, neque conspectum multitudinis fugerat: plusque animo providere et præsentire existimabatur, quod re integra primo incendendum Avaricum, post deferendum censuerat. Itaque ut reliquorum

imperatorum res adversæ auctoritatem minuunt; sic hujus ex contrario dignitas, incommodo accepto, in dies augebatur. Simul in spem veniebant, ejus affirmatione de reliquis adjungendis civitatibus, primumque eo tempore Galli castra munire instituerunt: et sic sunt animo consternati homines insueti laboris; ut omnia, quæ imperarentur, sibi patienda existimarent.

XXXI. Nec minus, quam est pollicitus, Vercingetorix animo laborabat, ut reliquas civitates adjungeret, atque earum principes donis pollicitationibusque alliciebat. Huic rei idoneos homines deligebat, quorum quisque et oratione subdola aut amicitia facillime capi posset. Qui Avarico expugnato refugerant, armandos veltiendosque curat. Simul ut diminutæ copiæ redintegrarentur, imperat certum numerum militum civitatibus; quem, et quam ante diem in castra adduci velit; sagittariosque omnes, quorum erat permagnus numerus in Gallia, conqueri, et ad se mitti, jubet. His rebus celeriter id, quod Avarici deperierat, expletur. Interim Theutomatus Olloviconis filius rex Nitiobrigum, cujus pater ab Senatu nostro amicus erat appellatus, cum magno equitum suorum numero, et quos ex Aquitania conduxerat, ad eum pervenit.

XXXII. Cæsar Avarici complures dies commoratus, summamque ibi copiam frumenti, et reliqui commeatus nactus, exercitum ex labore atque inopia refecit. Jam prope hieme confecta, quum ipso anni tempore ad gerendum bellum vocaretur; et ad hostem proficisci constituisset; sive eum ex paludibus silvisque elicere, sive obsidione premere posset; legati ad eum principes Æduorum veniunt, oratum: ut maxime necessario tempore civitati subveniat: summo esse in periculo rem, quod, quum singuli magistratus antiquitus creari, atque regiam potestatem annum obtinere consueissent, duo magistratum gerant; et se uterque eorum legibus creatum esse dicat. Horum esse alterum Convictolitanem, florentem et illustrem adolescentem; alterum Cotum antiquissima familia natum, atque ipsum hominem summæ potentæ, et magnæ cognationis, cujus frater Vedeliacus proximo anno eundem magistratum gesserit: civitatem omnem esse in armis: divisum Senatum, divisum populum in suas cujusque eorum clientelas. Quod si diutius alatur controversia; fore, uti

pars

pars cum civitatis parte configat: id ne accadat, positum in ejus diligentia atque auctoritate.

XXXIII. Cæsar, etsi a bello atque hoste discedere, detrimentosum esse existimabat; tamen non ignorans, quanta ex dissensionibus incommoda oriri consueissent; ne tanta, et tam conjuncta populo Romano civitas, quam ipse semper aluisset, omnibusque rebus ornasset, ad vim, atque ad arma, descenderet; atque ea pars, quæ minus sibi confideret, auxilia a Vercingetorige accerseret; huic rei prævertendum existimavit: et, quod, legibus Æduorum, iis, qui summum magistratum obtinerent, excedere ex finibus non liceret; ne quid de jure, aut legibus eorum diminuisse videretur, ipse in Æduos proficisci statuit, Senatumque omnem, et quos inter controversia esset, Decetiam ad se evocavit. Quum prope omnis civitas eo convenisset, docereturque, paucis clam vocatis, alio loco, alio tempore, atque oportuerit, fratrem a fratre renunciatum; quum leges, duos ex una familia, vivo utroque, non solum magistratus creari vetarent, sed etiam in Senatu esse prohiberent; Cotum magistratum deponere coegit: Convictolitanem, qui per sacerdotes, more civitatis, intermissis magistratibus, esset creatus, potestatem obtinere jussit.

XXXIV. Hoc decreto interposito, cohortatus Æduos, ut controversiarum ac dissensionum obliviscerentur, atque, omnibus omissis rebus, huic bello servirent; eaque, quæ meruissent, præmia ab se, devicta Gallia, expectarent, equitatumque omnem, et peditum millia x sibi celeriter mitterent, quæ in præsidiis rei frumentariæ causa disponeret; exercitum in duas partes divisit. xv legiones in Senones Parisiosque Labieno ducendas dedit: vi ipse in Arvernos, ad oppidum Gergoviam secundum flumen Elaver duxit. Equitatus partem illi attribuit, partem sibi reliquit. Qua re cognita, Vercingetorix, omnibus interruptis ejus fluminis pontibus, ab altera Elaveris parte iter facere cepit.

XXXV. Quum uterque utrique esset exercitus in conspectu, fereque e regione castris castra poneret; dispositis exploratoribus, necubi effecto ponte Romani copias transducerent; erat in magnis Cæsari difficultatibus res, ne majorem æstatis partem flumine impediretur; quod non fere ante autumnum Elaver vado transiri soleat. Itaque, ne id

accideret, silvestri loco castris positis, e regione unius eorum pontium, quos Vercingetorix rescindendos curaverat, potero die cum 11 legionibus in occulto restitit: reliquas copias cum omnibus impedimentis, ut consueverat, misit, demptis (quartis) quibusque cohortibus, uti numerus legionum constare videretur. Iis quam longissime possent progredi iussis; quum jam ex diei tempore conjecturam caperet, in castra perventum, iisdem sublicis, quarum pars inferior integra remanebat, pontem reficere cepit. Celeriter effecto opere, legionibusque transductis, et loco castris idoneo delecto, reliquas copias revocavit. Vercingetorix, re cognita, ne contra suam voluntatem dimicare cogeretur, magnis itineribus antecessit.

XXXVI. Cæsar ex eo loco quintis castris Gergoviam pervenit, equestrique prælio eo die levi factò, perspecto urbis situ, quæ posita in altissimo monte omnes aditus difficiles habebat, de expugnatione desperavit: de obsessione non prius agendum constituit, quam rem frumentariam expedisset. At Vercingetorix, castris prope oppidum in monte positis, mediocribus circum se intervallis, separatim singularum civitatum copias collocaverat; atque omnibus ejus jugi collibus occupatis, qua despici poterat horribilem speciem præbebat; principesque earum civitatum, quos sibi ad consilium capiendum delegerat, prima luce ad se quotidie convenire jubebat; seu quid communicandum, seu quid administrandum videretur: neque ullum fere diem intermittebat, quin, equestri prælio interjectis sagittariis, quid in quoque esset animi ac virtutis suorum, periclitaretur. Erat e regione oppidi collis sub ipsis radicibus montis egregie munitus, atque ex omni parte circumcissus: quem si tenerent nostri, et aquæ magna parte, et pabulatione libera prohibitori hostes videbantur. Sed is locus præsidio ab iis non nimis firmo tenebatur. Tamen silentio noctis Cæsar, ex castris egressus, prius quam subsidium ex oppido veniri posset, dejecto præsidio, potius loco, duas ibi legiones collocavit; fossamque duplicem duodenum pedum a majoribus castris ad minora perduxit: ut tuto ab repentino hostium incursum etiam singuli commeari possent.

XXXVII. Dum hæc ad Gergoviam geruntur, Convictolanis Æduis, cui magistratum adjudicatum a Cæsare demonstravimus,

demonstravimus, sollicitatus ab Arvernīs pecunia, cum quibusdam adolescentibus colloquitur: quorum erat princeps Litavicus, atque ejus fratres, amplissima familia nati adolescentes. Cum iis præmium communicat; hortaturque eos, ut se liberos, et imperio natos, meminerint: unam esse Æduorum civitatem, quæ certissimam Galliæ victoriam diltineat: ejus auctoritate reliquas contineri, qua transducta, locum consistendi Romanis in Gallia non fore: esse nonnullo se Cæsaris beneficio affectum, sic tamen, ut justissimam apud eum causam obtinuerit; sed plus communi libertati tribuere. Cur enim potius Ædui de suo jure, et de legibus ad Cæsarem disceptaturi, quam Romani ad Æduos, veniant? Celeriter adolescentibus, et ratione magistratus, et præmio deducis, quum se vel principes ejus consilii fore profiterentur; ratioque perficiendi quærebatur; quod civitatem temere ad suscipiendum bellum adduci posse non confidebant. Placuit, ut Litavicus decem illis millibus, quæ Cæsari ad bellum mitterentur, præficeretur; atque ea ducenda curaret, fratresque ejus ad Cæsarem præcurrerent: reliqua qua ratione agi placeat, constituunt.

XXXVIII. Litavicus, accepto exercitu, quum millia passuum circiter xxx ab Gergovia abesset, convocatis subito militibus, lacrimans: Quo proficiscimur, inquit, milites? Omnis noster equitatus, nobilitas omnis interiit; principes civitatis Eporedorix, et Virдумarus intulati proditiōnis ab Romanis, indicta causa, interfecti sunt. Hæc ab iis cognoscite, qui ex ipsa cæde fugerunt. Nam ego, fratribus atque omnibus propinquis meis interfectis, dolore prohibeor, quæ gesta sunt, pronunciare. Producentur ii, quos ille edocuerat, quæ dici vellet: atque eadem, quæ Litavicus pronuntiaverat, multitudinī exponunt: multos equites Æduorum interfectos, quod collocuti cum Arvernīs dicerentur; ipsos se inter multitudinem militum occultasse, atque ex media cæde profugisse. Conclamant Ædui, et Litavicum obsecrant, ut sibi consulat. Quasi vero, inquit ille, consiliū sit res, ac non necesse sit nobis Gergoviam contendere, et cum Arvernīs nosmet conjungere? An dubitamus, quin, nefario facinore admisso, Romani jam ad nos interficiendos concurrant? Proinde, si quid in nobis animi est, persequamur eorum mortem, qui indignissime interierunt:

interierunt: atque hos latrones interficiamus. Ostendit cives Romanos, qui ejus præsidiî fiducia una erant. Continuo magnum numerum frumenti, commeatusque diripit, ipsos crudeliter excruciatos interficit: nuncios tota civitate Æduorum dimittit: eodem mendacio, de cæde equitum et principum, permovet: hortatur, ut simili ratione, atque ipse fecerit, suas injurias persequantur.

XXXIX. Eporedorix Æduus summo loco natus adolescens, et summæ domi potentiæ, et una Virdomarus, pari ætate et gratia; sed genere dispari; quem Cæsar sibi ab Divitiaco transditum ex humili loco ad summam dignitatem perduxerat, in equitum numero convenerant, nominatim ab eo evocati. His erat inter se de principatu contentio: et in illa magistratuum controversia alter pro Convictolitane, alter pro Coto summis opibus pugnabat. Ex iis Eporedorix, cognito Litavici consilio, media fere nocte rem ad Cæsarem desert; orat, ne patiat, civitatem pravis adolescentium consiliis, ab amicitia populi Romani deficere: quod futurum provideat, si se tot hominum millia cum hostibus conjunxerint, quorum salutem neque propinqui negligere, neque civitas levi momento æstimare posset.

XL. Magna affectus sollicitudine hoc nuncio Cæsar, quod semper Æduorum civitati præcipue induxerat, nulla interposita dubitatione, legiones expeditas IV, equitatumque omnem ex castris educit. Nec fuit spatium tali tempore ad contrahenda castra: quod res in celeritate posita esse videbatur. C. Fabium legatum cum legionibus II castris præsidio relinquit. Fratres Litavici, quum comprehendî jussisset, paullo ante reperit ad hostes profugisse. Adhortatus milites, ne necessario tempore itineris labore permoveantur: cupidissimis omnibus, progressus millia passuum XXV, agmen Æduorum conspiciatus, immisso equitatu, iter eorum moratur atque impedit: interdiciteque omnibus, ne quemquam interficiant. Eporedorigem et Virdomarum, quos illi interfectos existimabant, inter equites versari, suosque appellare, jubet. Iis cognitis, et Litavici fraude perspecta, Ædui manus tendere, et deditionem significare, et projectis armis, mortem deprecari incipiunt. Litavicus cum suis clientibus, quibus nefas more Gallorum,

ca.

est, etiam in extrema fortuna deferere patronos, Gergoviam profugit.

XLII. Cæsar, nunciis ad civitatem Æduorum missis, qui suo beneficio conservatos docerent, quos jure belli interficere potuisset, tribusque horis noctis exercitui ad quietem datis, castra ad Gergoviam movit. Medio fere itinere, equites a Fabio missi, quanto res in periculo fuerit, exponunt: summis copiis castra oppugnata demonstrant: quam crebro integri defessis succederent, nostrosque assiduo labore defatigarent, quibus, propter multitudinem castrorum, perpetuo esset iidem in vallo permanendum: multitudine sagittarum, atque omnis generis telorum multos vulneratos: ad hæc sustinenda magnò usui fuisse tormenta: Fabium discessu eorum, duabus relictis portis, obstruere ceteras, plateasque vallo addere, et se in posterum diem similem ad casum parare. his rebus cognitis, Cæsar summo studio militum, ante ortum Solis in castra pervenit.

XLIII. Dum hæc ad Gergoviam geruntur, Ædui, primis nunciis a Litavico acceptis, nullum sibi ad cognoscendum spatium relinquunt. Impellit alios avaritia, alios iracundia et temeritas, quæ maxime illi hominum generi est innata, ut levem auditionem habeat pro re comperta. Bona civium Romanorum diripiunt, cædes faciunt, in servitutem abstrahunt. Adjuvat rem proclinatam Convictolanis, plebemque ad furorem impellit; ut, facinore admissò, ad sanitatem reverti pudeat. M. Arius tribunum militum, iter ad legionem facientem, fide data, ex oppido Cabillono educunt. Idem facere cogunt eos, qui negotiandi causa ibi constiterant. Hos continuo in itinere adorti, omnibus impedimentis exuunt; repugnantes diem noctemque obsident, multis utrimque interfectis, majorem multitudinem ad arma concitant.

XLIII. Interim, nuncio allato, omnes eorum milites in potestate Cæsaris teneri, concurrunt ad Arietium: nihil publico factum consilio demonstrant: quæstionem de bonis direptis decernunt: Litavici, fratrumque bona publicant: legatos ad Cæsarem, sui purgandi gratia, mittunt: hæc faciunt, recuperandorum suorum causa: sed contaminati facinore, et capti compendio ex direptis bonis, quod ea res ad multos pertinebat, et timore pœnæ exterriti,

territi, consilia clam de bello inire incipiunt, civitatesque reliquas legationibus sollicitant. Quæ tametsi Cæsar intelligebat, tamen, quam mitissime potest, legatos appellat: nihil se, propter inscientiam levitatemque vulgi, gravius de civitate judicare, neque de sua in Æduos benevolentia deminuere. Ipse majorem Galliæ motum expectans, ne ab omnibus civitatibus circumlisteretur, consilia inibat, quemadmodum a Gergovia discederet, ac rursus omnem exercitum contraheret; ne profectio nata a timore defectionis similis fugæ videretur.

XLIV. Hæc cogitanti accidere visa est facultas bene rei gerendæ. Nam quum minora in castra, operis perspicendi causa, venisset, animadvertit, collem, qui ab hostibus tenebatur, nudatum hominibus, qui superioribus diebus vix præ multitudine cerni poterat. Admiratus, quærît ex perfugis causam; quorum magnus ad eum quotidie numerus confluebat. Constabat inter omnes, quod jam ipse Cæsar per exploratores cognoverat, dorsum esse ejus jugi prope æquum; sed silvestre et angustum, qua esset aditus ad alteram partem oppidi: vehementer huic illos loco timere; nec jam aliter sentire, uno colle ab Romanis occupato, si alterum amississent, quin præne circumvallati, atque omni exitu et pabulatione interclusi viderentur: ad hunc muniendum locum omnes a Vercingetorige evocatos.

XLV. Hac re cognita, Cæsar mittit complures equitum turmas eo de media nocte: iis imperat, ut paullo tumultuosius omnibus in locis pervagarentur. Prima luce magnum numerum impedimentorum ex castris mulierumque produci, eque iis stramenta detrahi, mulionesque cum cassidibus, equitum specie ac simulatione, collibus circumvehi jubet. His paucos addit equites, qui latius ostentationis causa vagarentur; longo circuitu easdem omnes jubet petere regiones. Hæc procul ex oppido videbantur, ut erat a Gergovia despectus in castra: neque tanto spatium, certi quid esset, explorari poterat. Legionem unam eodem jugo mittit, et paulum progressam inferiore loco constituit, silvisque occultat. Augetur Gallis suspicio; atque omnes illo munitionum copiarum transducuntur. Væva castra hostium Cæsar conspiciens, tectis insignibus suorum, occultatisque signis militaribus, raros milites, ne
ex

ex oppido animadverterentur. ex majoribus castris in minora transducit: legatisque, quos singulis legionibus praeceperat, quid fieri vellet, ostendit: in primis monet, ut contineant milites, ne studio pugnandi, aut spe praedae longius progrediantur. Quid iniquitas loci habeat incommodi, proponit. Hoc una celeritate posse vitari. Occasionis esse rem, non proelii. His rebus expositis, signum dat, et ab dextera parte alio adscensu eodem tempore Aeduos mittit.

XLVI. Oppidi murus ab planitie, atque initio adscensus, recta regione, si nullus anfractus intercederet, nec passus aberat. Quidquid huic circuitus ad molliendum clium accesserat, id spatium itineris augebat. A medio fere colle in longitudine, ut natura montis ferebat, ex grandibus faxis vi pedum murum, qui nostrorum impetum tardaret, praeduxerant Galli; atque, inferiore omni spatio vacuo relicto, superiorem partem collis usque ad murum oppidi densissimis castris compleyerant. Milites signo dato, celeriter ad munitionem perveniunt, eamque transgressi trinis castris potiuntur. Ac tanta fuit in capiendis castris celeritas, ut Theutomatus Rex Nitiobrigum subito in tabernaculo oppressus, ut meridie conquieverat, superiore corporis parte nudata, vulnerato equo, vix se ex manibus praedantium militum eriperet.

XLVII. Consecutus id, quod animo proposuerat, Caesar receptui cani iussit: legionisque decimae, qua cum erat concionatus, signa constitere. At reliquarum milites legionum, non exaudito tubae sono, quod satis magna valis intercedebat, tamen a tribunis militum legatisque, ut erat a Caesare praeceptum, retinebantur. Sed elati spe celeris victoriae, et hostium fuga, superiorumque temporum secundis proeliis, nihil adeo arduum sibi existimabant, quod non virtute consequi possent, neque prius finem sequendi fecerunt, quam muro oppidi portisque appropinquarunt. Tum vero ex omnibus urbis partibus, orto clamore, qui longius aberant, repentino tumultu perterriti, quum hostes intra portas esse existimarent, sese ex oppido ejecerunt. Matresfamilias de muro vestem argentumque iactabant; et pectore nudo prominentes, passis manibus obtestabantur Romanos, ut sibi parcerent; neu, sicut Avarici fecissent, ne mulieribus quidem atque infantibus

abstinerent.

abstinerent. Nonnullæ de muris per manus demissæ, sese militibus transdebant. L. Fabius centurio legionis VIII, quem inter suos eo die dixisse constabat excitari se Avaricencibus præmiis, neque commissurum, ut prius quisquam murum adscenderet, tres suos nactus manipulares, atque ab iis sublevatus murum adscendit. Eos ipse rursus singulos exceptans, in murum extulit.

XLVIII. Interim ii, qui ad alteram partem oppidi, ut supra demonstravimus, munitionis causa, convenerant, primo exaudito clamore, inde etiam crebris nunciis incitati, oppidum ab Romanis teneri, præmissis equitibus, magno concursu eo contenderunt. Eorum ut quisque primus venerat, sub muro consistebat, suorumque pugnantium numerum augebat. Quorum quum magna multitudo convenisset, matresfamilias, quæ paullo ante Romanis de muro manus tendebant, suos obtestari, et, more Gallico, passum capillum ostentare, liberosque in conspectum proferre cœperunt. Erat Romanis nec loco, nec numero æqua contentio; simul et cursu, et spatio pugnae defatigati non facile recentes atque integros sustinebant.

XLIX. Cæsar, quum iniquo loco pugnari, hostiumque augeri copias videret, præmetuens suis, ad T. Sextium legatum, quem minoribus castris præsidio reliquerat, mittit, ut cohortes ex castris celeriter educeret, et sub infimo colle ab dextro latere hostium constitueret: ut, si nostros depulsos loco vidisset, quo minus libere hostes insequerentur, terreret. Ipse paullum ex eo loco cum legione progressus, ubi constiterat, eventum pugnae expectabat.

L. Quum acerrime comminus pugnaretur; hostes loco et numero, nostri virtute confiderent: subito sunt Ædui visi, ab latere nostris aperto: quos Cæsar ab dextra parte alio adcensu, manus distinendæ causa miserat. Ii similitudine armorum vehementer nostros perterruerunt: ac, tametsi dextris humeris exertis animadvertabantur, quod insigne pacatis esse consueverat, tamen id ipsum sui fallendi causa milites ab hostibus factum existimabant. Eodem tempore L. Fabius centurio, quique una murum adscenderant, circumventi, atque interfecti, de muro præcipitantur. M. Petreius ejusdem legionis centurio, quum portas excindere conatus esset, a multitudine oppressus, ac sibi desperans, multis jam vulneribus acceptis, manipula-

ribus

ribus suis, qui illum secuti erant: Quoniam, inquit, me una vobiscum servare non possum, vestrae quidem certe saluti prospiciam, quos cupiditate gloriae adductus in periculum deduxi. Vos, data facultate, vobis consulite. Simul irrupit in medios hostes; duobusque interfectis, reliquos a porta paulum submovit. Conantibus auxiliari suis: Frustra, inquit, meae vitae subvenire conamini, quem jam sanguis viresque deficiunt. Proinde hinc abite, dum est facultas, vosque ad legionem recipite. Ita pugnans post paulum concidit, ac suis saluti fuit.

LI. Nostri, quum undique premerentur, XLVI centurionibus amissis, dejecti sunt loco; sed intolerantius Gallos insequentes legio x tardavit, quae pro subsidio paulo aequiore loco constiterat. Hanc rursus XIII legionis cohortes exceperunt; quae ex castris minoribus educatae, cum T. Sextio legato ceperant locum superiorem. Legiones ubi primum planitiem attigerunt, infestis contra hostes signis constiterunt. Vercingetorix ab radicibus collis suos intra munitiones reduxit. Eo die milites sunt paulo minus dec desiderati.

LII. Postero die Caesar, concione advocata, temeritatem cupiditatemque militum reprehendit; quod sibi ipsi iudicavissent, quo procedendum, aut quid agendum videretur, neque, signo recipiendi dato, constitissent, neque a tribunis militum legatisque retineri potuissent: exposuit, quid iniquitas loci posset, quid ipse ad Avaricum sensit, quum, sine duce, et sine equitatu deprehensis hostibus, exploratum victoriam dimisisset: ne parvum modo detrimentum in contentione propter iniquitatem loci acciperet. Quantopere eorum animi magnitudinem admiraretur, quos non castrorum munitiones, altitudo montis, non murus oppidi tardare potuisset: tantopere licentiam arrogantiamque reprehendere, quod plus se, quam imperatorem, de victoria atque exitu rerum sentire existimarent: nec minus se in milite modestiam et continentiam, quam virtutem, atque animi magnitudinem, desiderare.

LIII. Hac habita concione, et ad extremum oratione confirmatis militibus, ne ob hanc causam animo permoveerentur, neu, quod iniquitas loci attulisset, id virtuti hostium tribuerent: eadem de prosecutione cogitans, quae ante senserat, legiones ex castris eduxit: aciemque idoneo loco

constituit. Quum Vercingetorix nihilo magis in æquum locum descenderet, levi facto equestri prælio, atque eo secundo, in castra exercitum reduxit. Quum hoc idem postero die fecisset, satis ad Gallicam ostentationem minuendam, militumque animos confirmandos factum existimans, in Æduos castra movit. Ne tum quidem insecutis hostibus, III die ad flumen Elaver pontem refecit, atque exercitum transduxit.

LIV. Ibi a Viridomaro atque Eporedorige Æduis appellatus, discit, cum omni equitatu Litavicum ad sollicitandos Æduos profectum; opus esse et ipsos præcedere ad confirmandam civitatem. Etsi multis jam rebus perfidiam Æduorum Cæsar perspectam habebat, atque horum discessu ad maturari defectionem civitatis existimabat; tamen retinendos eos non censuit; ne aut inferre injuriam videretur, aut dare timoris aliquam suspicionem. Discedentibus his, breviter sua in Æduos merita exposuit: quos, et quam humiles accepisset: compulsos in oppida, multatos agris, omnibus ereptis copiis, imposito stipendio, obsidibus summa cum contumelia extortis, quam in fortunam quamque in amplitudinem deduxisset; ut non solum in pristinum statum redissent, sed omnium temporum dignitatem et gratiam antecessisse viderentur. His datis mandatis, eos ab se dimisit.

LV. Noviodunum erat oppidum Æduorum, ad ripas Ligeris opportuno loco positum. Huc Cæsar omnes obsides Galliæ, frumentum, pecuniam publicam, suorum atque exercitus impedimentorum magnam partem contulerat. Huc magnum numerum equorum hujus belli causa in Italia atque Hispania cõemptorum miserat. Eo quum Eporedorige Viridomarusque venissent, et de statu civitatis cognovissent, Litavicum Bibracte ab Æduis receptum, quod est oppidum apud eos maximæ auctoritatis, Convictolitanem, magistratum magnamque partem Senatus ad eum convenisse, legatos ad Vercingetorigem de pace et amicitia concilianda publice missos: non prætermittendum tantum commodum existimaverunt; itaque, interfecit Noviodunum custodibus, quique eo negotiandi aut itineris causa convenerant, pecuniam atque equos inter se partiti sunt; obsides civitatum Bibracte ad magistratum deducendos curaverunt; oppidum, quod ab se teneri non posse ju-

dicabant, ne cui esset usui Romanis, incenderunt; frumenti, quod subito potuerunt, navibus avexerunt: reliquum flumine atque incendio corruperunt: ipsi ex finitimis regionibus copias cogere, præsidia custodiasque ad ripas Ligeris disponere, equitatumque omnibus locis, injiciendi timoris causa, ostentare cœperunt, si aut re frumentaria Romanos excludere, aut adductos inopia ex Provincia expellere possent: quam ad spem multum eos adjuvabat, quod Liger ex nivibus creverat, ut omnino vado transiri non posse videretur.

LVI. Quibus rebus cognitis Cæsar maturandum sibi censuit, si esset in perficiendis pontibus periclitandum; ut prius, quam essent majores eo copiarum coactæ, dimicaret. Nam ut commutato consilio iter in Provinciam converteret, id ne tum quidem necessario faciendum existimabat, quum infamia atque indignitas rei, et oppositus mons Gebenna, viarumque difficultas impediabat; tum maxime, quod adjungi Labieno atque iis legionibus, quas una miserat, vehementer cupiebat. Itaque admodum magnis diurnis atque nocturnis itineribus confectis, contra omnium opinionem, ad Ligerim pervenit; vadoque per equites invento, pro rei necessitate, opportuno; ut brachia modo atque humeri ad sustinenda arma liberi ab aqua esse possent, disposito equitatu, qui vim fluminis refringeret, atque hostibus primo adspectu perturbatis, incolumem exercitum transduxit, frumentumque in agris, et copiam pecoris nactus, repleto iis rebus exercitu, iter in Senones facere instituit.

LVII. Dum hæc apud Cæsarem geruntur, Labienus eo supplemento, quod nuper ex Italia venerat, relicto Agendici, ut esset impedimentis præsidio, cum IV legionibus Lutetiam proficiscitur. Id est oppidum Parisiorum, positum in insula fluminis Sequanæ, cujus adventu ab hostibus cognito, magnæ ex finitimis civitatibus copiarum convenerunt. Summa imperii transditur Camulogeno Aulercis: qui prope confectus ætate, tamen propter singularem scientiam rei militaris ad eum est honorem evocatus. Is, quum animadvertisset, perpetuam esse paludem, quæ influeret in Sequanam, atque illum omnem locum magnopere impediret, hic confedit; nostrosque transitu prohibere instituit.

LVIII. Labienus primò vineas agere, cratibus atque aggere paludem explere, atque iter munire conabatur. Postquam id difficiliter confieri animadvertit, silentio e castris tertia vigilia egressus, eodem, quo venerat, itinere Metiosedum pervenit. Id est oppidum Senonum, in insula Sequanæ positum, ut paullo ante Lutetiam diximus. Deprehensis navibus circiter L, celeriterque conjunctis, atque eo militibus impositis, et rei novitate perterritis oppidanis, quorum magna pars erat ad bellum evocata, sine contentione oppido potitur. Refecto ponte, quem superioribus diebus hostes resciderant, exercitum transducit, et secundo flumine ad Lutetiam iter facere cœpit. Hostes, re cognita ab iis, qui a Metiosedo profugerant, Lutetiam incendi, pontesque ejus oppidi rescindi jubent; ipsi profecti palude, in ripis Sequanæ, e regione Lutetiæ, contra Labieni castra confidunt.

LIX. Jam Cæsar a Gergovia discessisse audiebatur: jam de Æduorum defectione, et secundo Galliæ motu rumores afferebantur, Gallique in colloquiis, interclusum itinere et Ligere Cæsarem, inopia frumenti coactum, in Provinciam contendisse confirmabant. Bellovaci autem, defectione Æduorum cognita, qui ante erant per se infideles, manus cogere, atque aperte bellum parare cœperunt. Tum Labienus, tantâ rerum commutatione, longe aliud sibi capiendum consilium, atque antea censerat, intelligebat. Neque jam, ut aliquid acquireret, prælioque hostes lacefferet, sed ut incolumem exercitum Agendicum reduceret, cogitabat. Namque altera ex parte Bellovaci, quæ civitas in Gallia maximam habet opinionem virtutis, instabant: alteram Camulogenus parato atque instructo exercitu tenebat. Tum legiones a præsidio atque impedimentis interclusas maximum flumen distinebat. Tantjs subito difficultatibus objectis, ab animi virtute auxilium petendum videbat.

LX. Itaque sub vespere consilio convocato, cohortatus, ut ea, quæ imperasset, diligenter industrieque administrarent; naves, quas e Metiosedo deduxerat, singulas equitibus Romanis attribuit; et, prima confecta vigilia, IV millia passuum secundo flumine progredi silentio, ibique se expectari, jubet. V cohortes, quas minime firmas ad dimicandum esse existimabat, castris præsidio relinquit. V ejusdem legionis reliquas de media nocte cum omnibus impedimentis

mentis adverso flumine magno tumultu proficisci imperat. Conquirat etiam lintres. Has magno sonitu remorum incitatas, in eandem partem mittit. Ipse post paullo, silentio egressus cum III legionibus, eum locum petit, quæ naves appellari jusserat.

LXI. Eo quum esset ventum, exploratores hostium, ut omni fluminis parte erant dispositi, inopinantes, quod magna subito erat coorta tempestas, ab nostris opprimuntur, exercitus equitatusque, equitibus Romanis administrantibus, quos ei negotio præfecerat, celeriter transmittitur. Uno fere tempore sub lucem hostibus nunciatur, in castris Romanorum præter consuetudinem tumultuari, et magnum ire agmen adverso flumine, sonitumque remorum in eadem parte exaudiri, et paullo infra milites navibus transportari. Quibus rebus auditis, quod existimabant, tribus locis transire legiones, atque omnes perturbatos defectione Æduorum fugam parare, suas quoque copias in tres partes distribuerunt. Nam et præsidio e regione castrorum relicto, et parva manu Metiosedum versus missa, quæ tantum progredieretur, quantum naves processissent; reliquas copias contra Labienum duxerunt.

LXII. Prima luce et nostri omnes erant transportati, et hostium acies cernebatur. Labienus, milites cohortatus, ut suæ pristinae virtutis, et tot secundissimorum præliorum memoriam tenerent, atque ipsum Cæsarem, cujus ductu sæpenumero hostes superassent, adesse existimarent; dat signum prælii. Primo concursu, ab dextro cornu, ubi VII legio constiterat, hostes pelluntur, atque in fugam conjiciuntur: ab sinistro, quem locum XII legio tenebat, quum primi ordines hostium transfixi pilis concidissent, tamen acerrime reliqui resistebant, nec dabat suspicionem fugæ quisquam. Ipse dux hostium Camulogenus suis aderat, atque eos cohortabatur. At, incerto etiam nunc exitu victoriæ, quum VII legionis Tribunis esset nuntiatum, quæ in sinistro cornu gererentur, post tergum hostium legionem ostenderunt, signaque intulerunt. Ne eo quidem tempore quisquam loco cessit, sed circumventi omnes interfectique sunt. Eandem fortunam tulit Camulogenus. At ii, qui præsidio contra castra Labienæ erant relicti, quum prælium commissum audissent, subsidio suis ierunt, collemque ceperunt, neque nostrorum

militem victorum impetum sustinere potuerunt. Sic, cum suis fugientibus permitti, quos non silvæ montesque tegerent, ab equitatu sunt interfecti. Hoc negotio confecto, Labienus revertitur Agendicum: ubi impedimenta totius exercitus relicta erant. Inde, cum omnibus copiis, ad Cæsarem pervenit.

LXIII. Defectione Æduorum cognita, bellum augetur. Legationes in omnes partes circummittuntur. Quantum gratia, auctoritate, pecunia valent, ad sollicitandas civitates nituntur. Nati obsides, quos Cæsar apud eos deposuerat, horum supplicio dubitantes territant. Petunt a Vercingetorige Ædui, ut ad se veniat, rationesque belli gerendi communicet. Re impetrata, contendunt, ut ipsis summa imperii transdatur: et, re in controversiam deducta, totius Gallie concilium Bibracte indicitur. Eodem convenient undique frequentes. Multitudinis suffragiis res peramittitur. Ad unum omnes Vercingetorigem probant imperatorem. Ab hoc concilio Remi, Lingones, Treveri abstulerunt: illi, quod amicitiam Romanorum sequerentur: Treveri, quod aberant longius, et ab Germanis premebantur: quæ sit causa, quare toto abessent bello et neutris auxilia mitterent. Magno dolore Ædui fecerunt se dejectos principatu: queruntur fortunæ commutationem; et Cæsaris indulgentiam in se requirunt: neque tamen, suscepto bello, suum concilium ab reliquis separatim audent. Inviti summae spei adolescentes Eporedorix et Viridomarus, Vercingetorigi parent.

LXIV. Ille imperat reliquis civitatibus obsides. Denique ei rei constituit diem: huc omnes equites xv millia numero celeriter convenire jubet. Peditatu, quem ante habuerit, se fore contentum dicit; neque fortunam tentaturum, neque acie dimicaturam; sed, quoniam abundet equitatu, perfacile esse factu, frumentationibus pabulationibusque Romanos prohibere: æquo modo animo sua ipsi frumenta corrumpant ædificiaque incendant; qua rei familiaris jactura, perpetuum imperium libertatemque se consequi videant. His constitutis rebus, Ædvis Segusianisque, qui sunt finitimi Provinciæ, x millia peditum imperat. Huc addit equites dccc. His præficit fratrem Eporedorigis, bellumque inferre Allobrogibus jubet. Altera ex parte Gabales proximisque pagos Arverno un-

in Helvies, item Ruthenos Cadurcosque ad fines Volcarum Arecomicorum depopulandos mittit. Hic nihilo minus clandestinis nunciis legationibusque Allobroges sollicitat, quorum mentes nondum a superiore bello resedisse sperabat. Horum principibus pecunias, civitati autem imperium totius provincie pollicetur.

LXV. Ad hos omnes casus provisa erant præsidia cohortium duarum et viginti, quæ ex ipsa coacta provincia ab L. Cæsare legato ad omnes partes opponebantur. Helvii sua sponte cum finitimis prælio congressi pelluntur, et C. Valerio Donotauro Caburi filio principe civitatis, compluribusque aliis interfectis, intra oppida murosque compelluntur. Allobroges, crebris ad Rhodanum dispositis præditiis, magna cum cura et diligentia suos fines tuentur. Cæsar, quod hostes equitatu superiores esse intelligebat, et interclusis omnibus itineribus, nulla re ex Provincia atque Italia sublevari poterat, trans Rhenum in Germaniam mittit ad eas civitates, quas superioribus annis pacaverat; equitesque ab his accersit; et levis armaturæ pedites, qui inter eos præliari consueverant. Eorum adventu, quod minus idoneis equis utebantur, a tribunis militum reliquisque, sed et equitibus Romanis, atque evocatis, equos sumit, Germanisque distribuit.

LXVI. Interea dum hæc geruntur, hostium copie ex Arvernibus, equitesque, qui toti Gallie erant imperati, conveniunt. Magno horum coacto numero, quum Cæsar in Sequanos per extremos Lingonum fines iter faceret, quo facilius subsidium Provincie ferri posset, circiter millia passuum x ab Romanis trinis castris Vercingetorix confedit; convocatisque ad concilium præfatis equitum, venisse tempus victoriæ, demonstrat: fugere in Provinciam Romanos, Galliaque excedere: id sibi ad præsentem obtinendam libertatem satis esse: ad reliqui temporis pacem atque otium, parum profici. Majoribus enim coactis copiis reversuros, neque finem bellandi facturos. Proinde agmine impeditos adorianitur. Si pedites suis auxilium ferant, atque in eo morentur, iter confici non posse: sin, id quod magis futurum confidat, relictis impedimentis, suæ salutis consulant, et usa rerum necessariarum, et dignitate spoliatum iri. Nam de equitibus hostium, quin nemo eorum progredi modo extra agmen audeat, ne ipsos quidem debere dubitare.

Id quo majore faciant animo, copias se omnes pro castris habiturum, et terrori hostibus futurum. Conclamant equites sanctissimo jurejurando confirmari oportere; ne tecto recipiatur, ne ad liberos, ne ad parentes, ne ad uxorem aditum habeat, qui non bis per hostium agmen perequitasset.

LXVII. Probata re, atque omnibus ad iurjurandum adactis, postero die in tres partes distributo equitatu, duæ se acies a duobus lateribus ostendunt. Una a primo agmine iter impedire cœpit. Qua re nunciata, Cæsar suum quoque equitatum tripartito divisum ire contra hostem jubet. Pugnatur una omnibus in partibus. Consistit agmen. Impedimenta inter legiones recipiuntur. Si qua in parte nostri laborare, aut gravius premi videbantur, eo signa inferri Cæsar, aciemque converti jubebat. Quæ res et hostes ad insequendum tardabat, et nostros spe auxilii confirmabat. Tandem Germani ab dextro latere, summum jugum nacti, hostes loco depellunt: fugientes usque ad flumen, ubi Vercingetorix cum pedestribus copiis confederat, persequuntur, compluresque interficiunt. Qua re animadversa, reliqui, ne circumvenirentur, veriti, se fugæ mandant. Omnibus locis fit cædes. Tres nobilissimi Ædui capti ad Cæsarem perducuntur, Cotus præfectus equitum, qui controversiam cum Convictolitane proximis comitiis habuerat; et Cavarillus, qui post defectionem Litavici pedestribus copiis præfuerat; et Eporedorix, quo duce ante adventum Cæsaris Ædui cum Sequanis bello contenderunt.

LXVIII. Eugato omni equitatu, Vercingetorix copias suas, ut pro castris collocaverat, reduxit; protinusque Alesiam, quod est oppidum Mandubiorum, iter facere cœpit; celeriterque impedimenta ex castris educi, et se subsequi jussit. Cæsar, impedimentis in proximum collem deductis, duabusque legionibus præsidio elictis, sequutus. Quantum diei tempus est passum, circiter III millibus hostium ex novissimo agmine interfectis, altero die ad Alesiam castra fecit. Perspecto urbis situ, perterritisque hostibus, quod equitatu, qua maxime parte exercitus confidebant, erant pulsi; adhortatus ad laborem milites, Alesiam circumvallare instituit.

LXIX. Ipsum erat oppidum in colle summo, admodum

edito loco, ut nisi obsidione expugnari non posse videretur. Cujus collis radices duo duabus ex partibus flumina subleuant. Ante oppidum planities circiter millia passuum in longitudinem patebat. Reliquis ex omnibus partibus colles, mediocri interjecto spatio, pari altitudinis fastigio oppidum cingebant. Sub muro, quæ pars collis ad orientem spectabat, hunc omnem locum copię Gallorum compleverant; fossamque et maceriam vi in altitudinem pedum prædixerant. Ejus munitionis, quæ ab Romanis instituebatur, circuitus xi millium passuum tenebat. Castra opportunis locis erant posita; ibique castella xxiii facta, in quibus interdiu stationes disponebantur, ne qua subito eruptio fieret. Hæc eadem noctu excubitoribus, ac firmis præsidiiis tenebantur.

LXX. Opere instituto, fit equestre prælium in ea planitie, quam intermissam collibus iii millium passuum in longitudinem patere supra demonstravimus. Summa vi ab utrisque contenditur. Laborantibus nostris Cæsar Germanos submittit, legionesque pro castris constituit, ne qua subito irruptio ab hostium peditatu fiat. Præsidio legionum addito, nostris animus augetur: hostes in fugam conjecti se ipsi multitudine impediunt; atque angustioribus portis (relictis) coartantur. Germani acrius usque ad munitiones sequuntur. Fit magna cædes. Nonnulli, relictis equis, fossam transire, et maceriam transcendere conantur. Paullum legiones Cæsar, quas pro vallo constituerat, promoveri jubet. Non minus, qui intra munitiones erant, Galli perturbantur. Veniri ad se confestim existimantes, ad arma conclamant. Nonnulli perterriti in oppidum irrumpunt. Vercingetorix jubet portas claudi, ne castra nudentur. Multis interfectis, compluribus equis captis, Germani sese recipiunt.

LXXI. Vercingetorix, priusquam munitiones ab Romanis perficiantur, consilium capit, omnem a se equitatum noctu dimittere. Discedentibus mandat, ut suam quisque eorum civitatem adeat, omnesque, qui per ætatem arma ferre possent, ad bellum cogant. Sua in illos merita proponit; obtestaturque, ut suæ salutis rationem habeant, ne se de communi libertate optime meritum in cruciatum hostibus dedant: qui si indiligentiores fuerint, millia hominum lxxx delecta secum interitura demonstrat,

ratione inita, frumentum se exigue dierum xxx habere, sed paullo etiam longius tolerare posse parcendo. His datis mandatis, qua erat nostrum opus intermissum, secunda vigilia silentio equitatum dimittit; frumentum omne ad se ferri jubet: capitis poenam iis, qui non paruerint, constituit: pecus, cujus magna erat ab Mandubiis compulsa copia, viritum distribuit: frumentum parce, et paulatim metiri instituit: copias omnes, quas pro oppido collocaverat, in oppidum recipit. His rationibus auxilia Galliæ expectare, et bellum administrare parat.

LXXII. Quibus rebus cognitis ex perfugis et captivis, Cæsar hæc genera munitionis instituit. Fossam pedum xx directis lateribus duxit; ut ejus solum tantundem pateret, quantum summa labra distabant. Reliquas omnes munitiones ab ea fossa pedibus cō reduxit: id hoc consilio, quoniam tantum esset necessario spatium complexus, nec facile totum opus militum corona cingeretur; ne de improvviso, aut noctu ad munitiones hostium multitudo advolaret, aut interdium tela in nostros operi destinatos conjicere possent. Hoc intermisso spatio, duas fossas, xv pedes latas, eadem altitudine, perduxit: quarum interiorē campestribus ac demissis locis, aqua ex flumine derivata, complevit. Post eas aggerem et vallum xii pedum extruxit. Huic lorica pinvasque adjecit, grandibus cervis eminentibus ad commissuras pluteorum, atque aggeris; qui adscensum hostium tardarent: et turrēs toto opere circumdedit, quæ pedes lxxx inter se distarent.

LXXIII. Erat uno tempore et materiari, et frumentari, et tantas munitiones fieri necesse, deminutis nostris copiis, quæ longius ab castris progrediebantur; et nunquam opera nostra Galli tentare, atque eruptionem ex oppido pluribus portis facere summa vi conabantur. Quare ad hæc rursus opera addendum Cæsar putavit, quo minore numero militum munitiones defendi possent. Itaque truncis arborum, aut admodum firmis ramis abscisis, atque horum dolabratis, atque præacutis cacuminibus, perpetuæ fossæ quinos pedes altæ, ducebantur. Huc illi stipites demissi, et ab infimo revincti, ne revelli possent, ab ramis eminebant. Quini erant ordines conjuncti inter se atque implicati; quo qui intraverant, se ipsi acutissimis wallis induebant. Hos Cippos appellabant. Ante hos, ob-

liquis ordinibus in quincuncem dispositis, scrobes trium in altitudinem pedum fodiebantur, paullatim angustiore ad summum fastigio. Huc teretes stipites feminis crassitudine, ab summo præacuti et præusti, demittebantur; ita ut non amplius iv digitis ex terra emerent: simul confirmandi et stabiliendi causa singuli ab infimo solo pedes terra exculcabantur: reliqua pars scrobis ad occultandas insidias viminibus ac virgultis integebatur. Hujus generis octoni ordines ducti, ternos inter se pedes distabant. Id ex similitudine floris Liliū appellabant. Ante hæc talæ pedem longæ ferreis hamis infixis totæ in terram infodiebantur; mediocribusque intermissis spatiis, omnibus locis differebantur, quos Stimulos nominabant.

LXXIV. His rebus perfectis, regiones secutus, quam potuit, æquissimas pro loci natura, xiv millia passuum complexus, pares ejusdem generis munitiones, diversas ab his contra exteriorem hostem perfecit, ut ne magna quidem multitudine, si ita accidat, ejus discessu, munitionum præsidia circumfundi possent: ne cum periculo ex castris egredi cogerentur; dierum xxx pabulum frumentumque habere omnes convectorum jubet.

LXXV. Dum hæc ad Alesiam geruntur, Galli, concilio principum indicto, non omnes, qui arma ferre possent, ut censuit Vercingetorix, convocandos statuunt; sed certum numerum cuique civitati imperandum; ne, tanta multitudine confusa, nec moderari, nec discernere suos, nec frumentandi rationem habere possent. Imperant Æduis atque eorum clientibus, Segusianis Ambivaretis, Aulercis Brannovicibus, (Brannoviis) millia xxxv; parem numerum Arvernīs, adjunctis Eleutheris Cadurcis, Gabalis, Velaunis, qui sub imperio Arvernorum esse consueverunt; Senonibus, Sequanis, Biturigibus, Xantonibus, Ruthenis, Carnutibus duodena millia; Bellovacis x; totidem Lemovicibus; octona Pictonibus, et Turonis, et Parisiis, et Eleutheris Sueffonibus; Ambianis, Mediomatricis, Petrocoriis, Nervii, Morinis, Nitiobrigibus quina millia; Aulercis Cenomanis totidem; Atrebatibus iv millia; Bellocassis, Lexoviiis, Aulercis Eburonibus terna; Rauracis, et Boiis xxx; universis civitatibus, quæ Oceanum attingunt, quæque eorum consuetudine Armoricæ appellantur, (quo sunt in numero Curiosolites, Rhedones, Ambibari, Cadetes, Osismii,

mji, Lemovices, Veneti, Unelli.) vi. Ex his Bellovaci suum numerum non contulerunt; quod se suo nomine atque arbitrio cum Romanis bellum gesturos dicerent, neque cujusquam imperio obtemperaturos: rogati tamen a Commio, pro ejus hospitio ii milia miserunt.

LXXVI. Hujus opera Comii, ita ut antea demonstravimus, fideli, atque utili superioribus annis erat usus in Britannia Cæsar: pro quibus meritis civitatem ejus immunem esse jusserat; jura legesque reddiderat; atque ipsi Morinos attribuerat. Tanta tamen universæ Galliæ consensus fuit libertatis vindicandæ, et pristinæ belli laudis recuperandæ, ut neque beneficiis neque amicitia memoria moverentur; omnesque et animo, et opibus in id bellum incumberent; coactis equitum viii millibus, et peditum circiter ccxl. Hæc in Æduorum finibus recensebantur; numerusque inibatur: præfecti constituebantur; Commio Atrebat, Viridomaro, et Eporedorigi Ædus, Vergasillauno Arverno consobрино Vercingetorigis summa imperii transdatur. Iis delecti ex civitatibus tribuuntur, quorum consilio bellum administraretur. Omnes alacres, et fiduciæ pleni ad Alesiam profiscuntur. Nec erat omnium quisquam, qui adspectum modo tantæ multitudinis sustineri posse arbitraretur, præsertim ancipiti prælio; quum ex oppido eruptione pugnaretur, et foris tantæ copię equitatus peditatusque cernerentur.

LXXVII. At ii, qui Alesiæ obsidebantur, præterita die, qua suorum auxilia exspectaverant, consumpto omniframento, inscii, quid in Ædus gereretur, concilio coacto, de exitu fortunarum suarum consultabant. Ac variis dictis sententiis, quarum pars deditiorem; pars, dum vires suppeterent, eruptionem censebant; non prætereunda videtur oratio Critognati, propter ejus singularem ac nefariam crudelitatem. Hic summo in Arvernibus natus loco, et magnæ habitus auctoritatis; Nihil, inquit, de eorum sententiâ dicturus sum, qui turpissimam servitutem deditiōis nomine appellant; neque hos habendos civium loco, neque ad concilium adhibendos censeo. Cum iis mihi res sit, qui eruptionem probant: quorum in consilio omnium vestrum consensu pristinae residere virtutis memoria videtur. Animi est ista mollities, non virtus, inopiam patullisper ferre non posse. Qui se ultro mor-

si offerant, facilius reperiuntur, quam qui dolorem patienter ferant. Atque ego hanc sententiam probarem. Nam apud me multum dignitas potest; si nullam, præterquam vitæ nostræ, jacturam fieri viderem: sed in consilio capi-endo omnem Galliam respiciamus, quam ad nostrum auxilium concitavimus. Quid, hominum millibus LXXX uno loco interfectis, propinquis consanguineisque nostris, animi fore existimatis, si pæne in ipsis cadaveribus prælio decertare cogentur? Nolite hos vestro auxilio spoliare, qui vestræ salutis causa suum periculum neglexerint, nec stultitia ac temeritate vestra, aut imbecillitate animi omnem Galliam prosternere: ac perpetuæ servituti addicere. An, quod ad diem non venerint, de eorum fide constantiaque dubitatis? Quid ergo? Romanos in illis ulterioribus munitionibus animine causa quotidie exerceri putatis? Si illorum nunciis confirmari non potestis, omni aditu præsepto, iis utinam testibus, appropinquare eorum adventum; cuius rei timore exterriti, diem noctemque in opere versantur. Quid ergo mei consilii est: facere, quod nostri majores nequaquam pari bello Cimbrorum Teutonumque fecerunt, qui in oppida compulsi, ac simili inopia subacti, eorum corporibus, qui ætate inutiles ad bellum videbantur, vitam toleraverunt, neque se hostibus transdiderunt. Cujus rei exemplum si non haberemus, tamen libertatis causa institui et posteris prodi pulcherrimum judicarem. Nam quid huic simile bello fuit? Depopulata Gallia, magnaue illata calamitate, Cimbri finibus nostris aliquando excefferunt, atque alias terras petierunt: jura, leges, agros, libertatem nobis reliquerunt. Romani vero quid petunt aliud, aut quid volunt, nisi invidia adducti, quos fama nobiles, pontesque bello cognoverunt, horum in agris civitatibusque consistere, atque his æternam injungere servitutem. Neque enim unquam alia conditione bella gesserunt. Quod si ea, quæ in longinquis nationibus geruntur, ignoratis, respicite finitimam Galliam, quæ in provinciam redacta, jure et legibus commutatis, securibus subjecta, perpetua premittitur servitute.

LXXVIII. Sententiis dictis, constituunt, ut, qui valitudine aut ætate inutiles sunt bello, oppido excedant; atque omnia prius experiantur, quam ad Critognati sententiam

N

descendant:

descendant: illo tamen potius utendum consilio, si res cogat atque auxilia morentur, quam deditiōnis aut pacis subeundam conditionem. Mandubii, qui eos oppido receperant, cum liberis atque uxoribus exire coguntur. Ii, quum ad munitiones Romanorum accessissent, fletus, omnibus precibus orabant, ut se in servitutem receptos cibo iuvarent. Hos Cæsar, dispositis in vallo custodiis, recipi prohibebat.

LXXIX. Interea Comius, et reliqui duces, quibus summa imperii permissa erat, cum omnibus copiis ad Alefiam perveniunt: et, colle exteriori occupato, non longius a passibus a nostris munitionibus confidunt. Postero die, equitatu ex castris educto, omnem eam planitiem, quam in longitudinem tria millia passuum patere demonstravimus, complent; pedestresque copias, paullum ab eo loco, abditas in locis superioribus constituunt. Erat ex oppido Alefia despectus in campum. Concurritur, his auxiliis visis: fit gratulatio inter eos, atque omnium animi ad lætitiā excitantur. Itaque, productis copiis, ante oppidum confidunt; et proximam fossam cratibus integunt atque aggere explent; seque ad eruptionem, atque omnes casus comparant.

LXXX. Cæsar, omni exercitu ad utramque partem munitionum disposito, ut, si usus veniat, suum quisque locum teneat et noverit; equitatum ex castris educi, et prælium committi jubet. Erat ex omnibus castris, quæ summum undique jugum tenebant, despectus; atque omnium militum intenti animi pugnae eventum expectabant. Galli inter equites, raros sagittarios, expeditosque levis armaturæ interjecerant, qui suis cedentibus auxilio succurrerent; et nostrorum equitum impetum sustinerent. Ab his complures de improvviso vulnerati, prælio excedebant. Quum suos pugna superiores esse Galli confiderent, et hostros premi multitudine viderent; ex omnibus partibus, et ii, qui munitionibus continebantur, et ii, qui ad auxilium convenerant, clamore et ululatu suorum animos confirmabant. Quod in conspectu omnium res gerebatur, neque recte, aut turpiter factum celari poterat, utrosque et laudis cupiditas, et timor ignominiae ad virtutem excitabat. Quum a meridie prope ad Solis occasum dubia victoria pugnaretur, Germani una in parte confertis turmis in hostes impetum fecerunt, eosque propulerunt. Quibus

in fugam coniectis, sagittarii circumventi interfestique sunt. Item ex reliquis partibus nostri cedentes usque ad castra insecuti, sui colligendi facultatem non dederunt. At ii, qui ab Alesia processerant, mœstii, prope victoria desperata, se in oppidum receperunt.

LXXXI. Uno die intermisso, Galli, atque hoc spatio, magno cratium, sealarum, harpagonum numero effecto, media nocte silentio ex castris egressi, ad campestris munitiones accedunt. Subito clamore sublato, qua significatione, qui in oppido obsidebantur, de suo adventu cognoscere possent, crates projicere, fundis, sagittis, lapidibus nostros de vallo deturbare, reliquaque, quæ ad oppugnationem pertinent, administrare. Eodem tempore, clamore exaudito, dat tuba signum suis Vercingetorix, atque ex oppido educit. Nostri, ut superioribus diebus suis cuique erat locus attributus, ad munitiones accedunt; fundis, librilibus sudibusque, quas in opere disposuerant, ac glandibus Gallos perterrent. Prospectu tenebris adempto, multa utrimque vulnera accipiuntur, complura tormentis tela conjiciuntur. At M. Antonius et C. Trebonius legati, quibus ex partes ad defendendum obvenerant, quæ ex parte premi nostros intellexerant, iis auxilio ex ulterioribus castellis deductos submittebant.

LXXXII. Dum longius ab munitione aberant Galli, plus multitudine telorum proficiebant: postea quam propius successerunt, aut se ipsi stimulis inopinantes inducunt; aut in scrobes delapsi transfodiebantur; aut ex vallo, et turribus transiecti pilis muralibus interibant. Multis undique vulneribus acceptis, nulla munitione perrupta enim lux appeteret; veriti, ne ab latere aperto ex superioribus castris eruptione circumvenirentur, se ad suos receperunt. At interiores, dum ea, quæ a Vercingetorige ad eruptionem præparata erant, proferunt, priores fossas expleant: diutius in iis rebus administrandis morati prius suos discessisse cognoverunt, quam munitionibus appropinquarent. Ita re infecta in oppidum reverterunt.

LXXXII. Bis magno cum detrimento repulsi Galli quid agant, consulunt. Locorum peritos adhibent. Ab his superiorum castrorum situs, munitionesque cognoscunt. Erat a Septemtrionibus collis, quem quia, propter magnitudinem circuitus, opere circumplecti non potuerant, nostri

necessario pæne iniquo loco, et leniter declivi, castra fecerunt. Hæc C. Antistius Reginus et C. Caninius Rebilus legati cum II legionibus obtinebant. Cognitis per exploratores regionibus, duces hostium LV millia ex omni numero deligunt earum civitatum, quæ maximam virtutis opinionem habebant: quid, quoquo pacto, agi placeat, occulte inter se constituunt. Adeundi tempus definiunt, quum meridies esse videatur. Iis copiis Vergasillaunum Arvernum, unum ex IV ducibus, propinquum Vercingetorigis, præficiunt. Ille ex castris prima vigilia egressus, prope confecto sub lucem itinere, post montem se occultavit, militesque ex nocturno labore sese reficere iussit: quum jam meridies appropinquare videretur, ad ea castra, quæ supra demonstravimus, contendit; eodemque tempore equitatus ad campestres munitiones accedere, et reliquæ copiæ sese pro castris ostendere cœperunt.

LXXXIV. Vercingetorix ex arce Alesia suos conspiciatus ex oppido egreditur, e castris longurios, musculos, falces, reliquaque, quæ eruptionis causa paraverat, profert. Pugnatur uno tempore omnibus locis, atque omnia tentantur. Quæ minime visa pars firma esset, huc concurritur. Romanorum manus tantis munitionibus distinctur nec facile pluribus locis occurrit. Multum ad terrendos nostros valuit clamor, qui post tergum pugnantibus exstitit, quod suum periculum in aliena vident virtute consistere. Omnia enim plerumque quæ absunt, vehementius hominum mentes perturbant.

LXXXV. Cæsar idoneum locum nactus, quid quaque in parte geratur, cognoscit, laborantibus submittit. Utrisque ad animum occurrit, unum illud esse tempus, quo maxime contendere conveniat. Galli nisi perfregerint munitiones, de omni salute desperant. Romani, si rem obtinuerint, finem laborem omnium expectant. Maxime ad superiores munitiones laboratur, quo Vergasillaunum missum demonstravimus. Exiguum loci ad declivitatem fastigium, magnum habet momentum. Alii tela conjiciunt, alii testudine facta subeunt, defatigatis invicem integri succedunt, agger ab universis in munitionem coniectus, et adscensum dat Gallis, et quæ in terram occultayerant Romani, contegit. Nec jam arma nostris, nec vires suppetunt.

LXXXVI. His rebus cognitis, Cæsar Labienum cum cohortibus vi subsidio laborantibus mittit. Imperat, si sustinere non possit, deductis cohortibus eruptione pugnaret. Id, nisi necessario, non faciat. Ipse adit reliquos: cohortatur, ne labori succumbant: omnium superiorum dimicationum fructum in eo die atque hora docet consistere. Interiores, desperatis campestribus locis, propter magnitudinem munitionum, loca prærupta ex adfensu tentant. Huc ea, quæ paraverant, conferunt: multitudine telorum ex turribus propugnantes deturbant: aggeres et cratibus, aditus expediunt falcibus vallum ac loricae rescindunt.

LXXXVII. Cæsar mittit primo Brutum adolescentem cum cohortibus vi, post cum aliis vii Fabium legatum. Postremo ipse, quum vehementius pugnaretur, integros subsidio adducit. Restituto prælio ac repulsis hostibus, eo, quo Labienum miserat, contendit. Cohortes iv ex proximo castello educit. Equitum se partem sequi, partem circumire exteriores munitiones, et ab tergo hostes adoriri jubet. Labienus, postquam neque aggeres, neque fossæ vim hostium sustinere poterant, coactis una de quadraginta cohortibus, quas ex proximis præsidiis deductas fors obtulit, Cæsarem per nuncios facit certiores, quid faciendum existimet. Accelerat Cæsar, ut prælio intersit.

LXXXVIII. Ejus adventu ex colore vestitus cognito, quo insigni in præliis uti consueverat, turmisque equitum et cohortibus visis, quas se sequi jusserat, ut de locis superioribus hæc declivia, et deversa cernebantur, hostes committunt prælium. Utrunque clamore sublato, excipit rursus ex vallo, atque omnibus munitionibus clamor. Nocturi, emissis pilis, gladiis rem gerunt. Repente post tergum equitatus cernitur. Cohortes alii appropinquant. Hostes terga vertunt. Fugientibus equites occurrunt. Fit magna cædes. Sedulius dux et princeps Lemovicus occiditur: Vergasillaunus Arvernus vivus in fuga comprehenditur. Signa militaria lxxiv ad Cæsarem referuntur. Pauci, ex tanto numero, se incolumes in castra recipiunt. Conspicati ex oppido eadem et fugam suorum, desperata salute, copias a munitionibus reducant. Fit protinus, hac re audita, ex castris Gallorum fuga. Quod nisi crebris subsidiis, ac totius diei labore milites fuissent de-

fecti, omnes hostium copiae deleri potuissent. De media nocte missus equitatus novissimum agmen consequitur. Magnus numerus capitur, atque interficitur: reliqui ex fuga in civitates discedunt.

LXXXIX. Postero die Vercingetorix, concilio convocato, id se bellum suscepisse non suarum, necessitatum, sed communis libertatis causa demonstrat; et quoniam sit fortunæ cedendum, ad utramque rem se illis offerre, seu morte sua Romanis satisfacere, seu vivum transdere velint. Mittuntur de his rebus ad Cæsarem legati. Jubet arma transdi, principes produci. Ipse in munitione pro castris confedit. Eo duces producuntur. Vercingetorix deditur. Arma projiciuntur. Reservatis Æduis atque Arvernīs, si per eos civitates recuperare posset, ex reliquis captivis toto exercitu capita singula, prædæ nomine, distribuit.

XC. His rebus confectis, in Æduos proficiscitur, civitatem recipit. Eo legati ab Arvernīs missi, quæ imperaret, se facturos pollicentur. Imperat magnum numerum obsidum. Legiones in hiberna mittit. Captivorum circiter xx millia Æduis Arvernisque reddit. T. Labienum cum ii legionibus et equitatu in Sequanos proficisci jubet. Huic M. Sempronium Rutilum attribuit. C. Fabium, et L. Minucium Basilum cum ii legionibus in Remis collocat, ne quam a finitimis Bellovacis calamitatem accipiant. C. Antistium Reginum in Ambivarētos, T. Sextium in Bituriges, C. Caninium Rebilum in Rhutenos cum singulis legionibus mittit. Q. Tullium Ciceronem, et P. Sulpicium Cabillonem, et Matisconem in Æduis ad Ararim, rei frumentariæ causa, collocat. Ipse Bibracte hiemare constituit. His rebus Cæsaris literis cognitis, Romæ dierum xx supplicatio indicitur.

L I B E R VIII.

Scriptore

A. HIRTIO PANSA.

COACTUS assiduis tuis vocibus, Balbe, quum quotidiana mea recusatio non difficultatis excusationem, sed inertie videretur deprecationem habere, difficillimam

rem suscepi. Cæsaris nostri Commentarios rerum gestarum Galliae non comparandos superioribus atque insequentibus ejus scriptis, contexui: novissimeque imperfecta ab rebus gestis Alexandriae confeci, usque ad exitum non quidem civilis dissensionis, cujus finem nullum videmus, sed vitae Cæsaris. Quos utinam qui legent, scire possent, quam invitus susceperim scribendos, quo facilius caream stultitiae atque arrogantiae crimini, qui me mediis interposuerim Cæsaris scriptis. Constat enim inter omnes, nihil tam operose ab aliis esse perfectum, quod non horum elegantia Commentariorum superetur: qui sunt editi, ne scientia tantarum rerum scriptoribus deesset: adeoque probantur omnium judicio, ut praecepta, non praebita facultas scriptoribus videatur. Cujus tamen rei major nostra, quam reliquorum est admiratio. Ceteri enim quam bene atque emendate; nos etiam quam facile atque celeriter eos confecerit, scimus. Erat autem in Cæsare quum facultas, atque elegantia summa scribendi, tum verissima suorum scientia consiliorum explicandorum. Mihi ne illud quidem accidit, ut Alexandrino atque Africano bello interesssem. Quae bella quamquam ex parte nobis Cæsaris sermone sint nota: tamen aliter audimus ea, quae rerum novitate, aut admiratione nos capiunt: aliter, quae pro testimonio sumus dicturi. Sed ego nimirum, dum omnes excusationis causas colligo, ne cum Cæsare conferar, hoc ipsum crimen arrogantiae subeo, quod me judicio cujusquam existimem posse cum Cæsare comparari. Vale.

I. **O**MNI Gallia devicta, Cæsar quum a superiore ætate nullum bellandi tempus intermisset, militesque hibernorum quiete reficere a tantis laboribus vellet; complures eodem tempore civitates renovare belli consilia nunciabantur, conjurationesque facere. Cujus rei verisimilis causa afferebatur, quod Gallis omnibus cognitum esset, neque ulla multitudo in unum locum coacta resisti posse Romanis; nec, si diversa bella complures eodem tempore intulissent civitates, satis auxilii aut spatii, aut copiarum habiturum exercitum populi Romani ad omnia persequenda: non esse autem alicui civitati sortem incommodi recusandam, si tali mora reliquæ possent se vindicare in libertatem.

II. Quæ ne opinio Gallorum confirmaretur, Cæsar M. Antonium quæstorem suis præfecit hibernis: ipse, equitatus præsidio, pridie Kal. Januarii ab oppido Bibracte proficiscitur ad legionem XII, quam non longe a finibus Eduorum collocaverat in finibus Biturigum, eique adjungit legionem XI, quæ proxima fuerat. Binis cohortibus ad impedimenta tuenda relictis, reliquum exercitum in copiosissimos agros Biturigum inducit: qui quum latos fines et complura oppida haberent, unius legionis hibernis non potuerant contineri, quin bellum pararent, conjurationesque facerent.

III. Repentino adventu Cæsaris, accidit, quod imparatis disiectisque fuit necesse, ut sine timore ullo ruralcolentes prius ab equitatu opprimerentur, quam confugere in oppida possent. Namque etiam illud vulgare incursionis signum hostium, quod incendiis ædificiorum intelligi consuevit, Cæsaris id erat interdicto sublatum: ne aut copia pabuli frumentique, si longius progredi vellet, deficeret; aut hostes incendiis terrentur. Multis hominum millibus captis, perterriti Bituriges, qui primum adventum effugere poterant Romanorum, in finitimas civitates, aut privatis hospitibus confisi, aut societate consiliorum, confugerant. Frustra. Nam Cæsar magnis itineribus omnibus locis occurrit; nec dat ulli civitati spatium de aliena potius, quam de domestica salute cogitandi. Qua celeritate, et fideles amicos retinebat; et dubitantes terrore ad conditiones pacis adducebat. Tali conditione proposita, Bituriges, quum sibi viderent clementia Cæsaris reditum patere in ejus amicitiam, finitimasque civitates sine ulla pœna dedisse obsides, atque in fidem receptas esse, idem fecerunt.

IV. Cæsar militibus pro tanto labore ac patientia, qui brumalibus diebus, itineribus difficillimis, frigoribus intelerandis studiosissime permanserant in labore, duceños festertios, centurionibus XI millia nummum prædæ nomine condonanda pollicetur: legionibusque in hiberna remissis, ipse se recepit die XI Bibracte. Ibi quum jus diceret, Bituriges ad eum legatos mittunt, auxilium petatum contra Carnutes, quos intulisse bellum sibi querebantur. Qua re cognita, quum non amplius X et VIII dies in hibernis esset commoratus, legiones XIV, et VI ex hibernis ab Arare educit, quas ibi collocatas explicandæ rei frumentariæ causa, superiores

superiore Commentario demonstratum est. Ita cum 11 legionibus ad persequendos Carnutes proficiscitur.

V. Quum fama exercitus ad hostes esset perlata, calamitate cæterorum ducti Carnutes, desertis vicis oppidisque, quæ tolerandæ hiemis causa, constitutis repente exiguis ad necessitatem ædificiis, incolebant (nuper enim devicti complura oppida dimiserant) dispersi profugiant. Cæsar erumpentes eo maxime tempore acerrimas tempestates quum subire milites nollent, in oppido Carnutum Genabo castra pōnit, atque in tecta partim Gallorum, partim quæ conjectis celeriter stramentis, tentoriorum integendorum gratia erant inædificata, milites contegit. Equites tamen et auxiliarios pedites in omnes partes mittit, quascumque petisse dicebantur hostes: nec frustra. Nam plerumque magna præda potiti nostri revertuntur. Oppressi Carnutes hiemis difficultate, terrore periculi, quum tectis expulsi nullo loco diutius consistere auderent, nec silvarum præsidio tempestatibus durissimis tegi possent; dispersi, magna parte amissa suorum, dissipantur in finitimas civitates.

VI. Cæsar, tempore anni difficillimo, quum fatis haberet convenientes manus dissipare, ne quod initium belli nasceretur; quantumque in ratione esset, exploratum haberet, sub tempus æstivorum nullum summum bellum posse conflare; C. Trebonium cum 11 legionibus, quas secum habebat, in hibernis Genabi collocavit: ipse, quum crebris legationibus Remorum certior fieret, Bellovacos, qui belli gloria Gallos omnes Belgasque præstabant, finitimasque in civitates, duce Correo Bellovaco et Commio Atreæte, exercitum comparare, atque in unum locum cogere; ut omni multitudine in fines Sueffionum, qui Remis erant attributi, facerent impressionem, pertinere autem non tantum ad dignitatem, sed etiam ad salutem suam judicaret, nullam calamitatem socios optime de republica meritos accipere; legionem ex hibernis evocat rursus 11; literas autem ad C. Fabium mittit; ut in fines Sueffionum legiones 11, quas habebat, adduceret; alteramque ex duabus ab T. Labieno accersit. Ita quantum hibernorum opportunitas, bellicque ratio postulabat, perpetuo suo labore, invicem legionibus expeditionum onus injungebat.

VII. His copiis coactis, ad Bellovacos proficiscitur; castrisque

trisque in eorum finibus positis, equitum turmas dimittit in omnes partes ad aliquos excipiendos, ex quibus hostium consilia cognosceret. Equites officio functi renunciant paucos in ædificiis esse inventos; atque hos, non qui agrorum incolendorum causa remansissent, (namque esse undique diligenter demigratum) sed qui speculandi gratia essent remissi. A quibus quum quæreret Cæsar, quo loco multitudo esset Bellovacorum, quodque esset consilium eorum; inveniebat, Bellovacos omnes, qui arma ferre possent, in unum locum convenisse, itemque Ambianos, Aulercos, Caletes, Vellocaffes, Atrebates locum castris excelsum, impedita circumdatum palude, delegisse; omnia impedimenta in ultiores silvas contulisse; complures esse principes belli auctores, sed multitudinem maxime Correo obtemperare, quod ei summo odio esse nomen populi Romani intellexissent. Paucis ante diebus ex his castris Comium discessisse ad auxilia Germanorum adducenda, quorum et vicinitas propinqua, et multitudo esset infinita. Constituisse autem Bellovacos, omnium principum consensu, summa plebis cupiditate, si, ut diceretur, Cæsar cum XII legionibus veniret; offerre se ad dimicandum; ne, miseriore ac duriore postea conditione, cum toto exercitu decertare cogerentur: sin majores copias adduceret, in eo loco permanere, quem delegissent; pabulatione autem, quæ propter anni tempus quum exigua, tum disjecta esset, et frumentatione, et reliquo commeatu ex insidiis prohibere Romanos.

VIII. Quæ Cæsar quum, consentientibus plurimis, cognovisset, atque ea, quæ proponerentur, consilia plena prudentiæ, longeque a temeritate barbarorum remota esse judicaret; omnibus rebus inserviendum statuit, quo celerius hostes, contempta suorum paucitate, prodirent in aciem. Singularis enim virtutis veteranas legiones VII, VIII, et IX habebat, summæ spei, delectæque juventutis XI, quæ octavo jam stipendio functa, tamen, collatione reliquarum, nondum eandem vetustatis et virtutis ceperat opinionem. Itaque, consilio advocato, rebus iis, quæ ad se essent delatæ, omnibus expositis, animos multitudinis confirmat. Si forte hostes XII legionum numero posset elicere ad dimicandum, agminis ordinem ita constituit; ut legio VII, VIII, et IX ante omnia iret impedimenta; deinde

omnium impedimentorum agmen (quod tamen erat mediocre, ut in expeditionibus esse consuevit) cogeret xi, ne majoris multitudinis species accidere hostibus posset, quam sibi depoposcissent. Hac ratione pæne quadrato agmine instructo, in conspectum hostium celerius opinione eorum exercitum adducit.

IX. Quam legiones repente instructas velut in acie certo gradu accederè Galli viderent, quorum erant ad Cæsarem plena fiduciæ consilia perlata: sive certaminis periculo, sive subito adventu, seu expectatione nostri consilii, copias instruunt pro castris, nec loco superiore decedunt. Cæsar, etsi dimicare optaverat; tamen admiratus tantam multitudinem hostium, velle intermissa, magis in altitudinem depressa, quam late patente, castra castris hostium confert. Hæc imperat vallo pedum xii muni, coronisque pro ratione ejus altitudinis inædificari; fossam duplicem, pedum quinum denum, lateribus directis, deprimi; turres crebras excitari, in altitudinem iii tabulatorum, pontibus transiectis constratisque conjungi; quorum frontes viminea lorica munirentur; ut hostis a duplici propugnatorum ordine depelleretur; quorum alter ex pontibus, quo tutior altitudine esset, hoc audacius longiusque tela permetteret; alter, qui propior hostem in ipso vallo collocatus esset, ponte ab incidentibus telis tegeretur. Portis fores altioresque turres imposuit.

X. Hujus munitionis duplex erat consilium: namque et operum magnitudinem et timorem suum sperabat fiduciam barbaris allaturum; et, quum pabulatum frumentatumque longius esset proficiscendum, parvis copiis castra munitione ipsa videbat posse defendi. Interim, crebro paucis utrimque procurrentibus, inter bina castra palude interjecta, contendebatur: quam tamen paludem nonnunquam aut nostra auxilia Gallorum Germanorumque transibant, acriusque hostes insequabantur, aut vicissim hostes eandem transgressi nostros longius submovebant. Accidebat autem quotidianis pabulationibus, (id quod accidere erat necesse, quum raris disiectisque ex ædificiis pabulum conquireretur,) ut impeditis locis dispersi pabulatores circumvenirentur. Quæ res etsi mediocre detrimentum jumentorum ac servorum nostris afferebat, tamen stultas cogitationes incitabat barbarorum. Atque eo magis,

magis, quod Commius, quem profectum ad auxilia Germanorum accersenda dixeram, cum equitibus venerat: qui tametsi numero non amplius erant quingentis; tamen Germanorum adventu barbari inflabantur.

XI. Cæsar, quum animadverteret hostem complures dies castris palude et loci natura munitis se tenere: neque oppugnari castra eorum sine dimicatione perniciofa, nec locum munitionibus claudi, nisi a majore exercitu posse: literas ad Trebonium mittit; ut, quam celerrime posset, legionem XIII, quæ cum T. Sextio legato, in Biturigibus hiemabat, accerferet, atque ita cum III legionibus magnis itineribus ad se veniret. Ipse equites invicem Rhemorum ac Lingonum reliquarumque civitatum, quorum magnum numerum evocaverat, præsidio pabulatoribus mittit; qui subitas hostium incursiones sustinerent.

XII. Quod quum quotidie fieret, ac jam consuetudine, diligentia minueretur (quod plerumque accidit diuturnitate,) Bellovaci delecta manu peditum, cognitis stationibus quotidianis equitum nostrorum, silvestribus locis insidias disponunt; eodemque equites postero die mittunt, qui primum elicerent nostros in insidias, deinde circumventus aggredierentur. Cujus mali fors incidit Rhemis, quibus illa dies fungendi muneris obvenerat. Namque ii, quum repente hostium equites animadvertissent, ac numero superiores paucitatem contempsissent, cupidius insecuti a peditibus undique sunt circumdati. Quo facto perturbati celerius, quam consuetudo fert equestris prælii, se receperunt, amisso Vertisco, principe civitatis, præfecto equitum: qui quum vix equo propter ætatem posset uti, tamen consuetudine Gallorum, neque ætatis excusatione in suscipienda præfectura usus erat, neque dimicari sine se voluerat. Instantur atque incitantur hostium animi secundo prælio, principe et præfecto Rhemorum interfecto. Nostri detrimento admonentur, diligentius exploratis locis stationes disponere, ac moderatius cedentem insequi hostem.

XIII. Non intermittuntur interim quotidiana prælia in conspectu utrorumque castrorum, quæ ad vada transitusque fiebant paludis. Qua contentione Germani, quos propterea Cæsar transduxerat Rhenum, ut equitibus interpositi præliarentur, quum constantius universi paludem transissent,

transissent, paucisque resistentibus interfectis, pertinacius reliquam multitudinem essent insecuti, perterriti non solum ii, qui aut comminus opprimebantur, aut eminus vulnerabantur; sed etiam qui longius subsidiari consueverant, turpiter fugerunt; nec prius finem fugæ fecerunt, sæpe amissis superioribus locis, quam se aut in castra suorum reciperent, aut nonnulli pavore coacti longius profugerent. Quorum periculo sic omnes copiæ sunt perturbatae, ut vix judicari posset, utrum secundis nimisque rebus insolentiores; an adversis mediocribusque timidiore essent.

XIV. Complurimis diebus iisdem in castris consumptis, quum propius accessisse legiones, et C. Trebonium legatum cognovissent; duces Bellovacorum veriti similem obsessionem Alesiae noctu dimittunt eos, quos aut ætate, aut viribus inferiores, aut inermes habebant, unaque reliqua impedimenta: quorum perturbatum et confusum dum explicant agmen, (magna enim multitudo carrorum etiam expeditos sequi Gallos consuevit) oppressi luce copias armatorum pro suis instruunt castris; ne prius Romani persequi se inciperent, quam longius agmen impedimentorum suorum processisset. At Cæsar neque resistentes tanto collis adscensu laceffendos judicabat; neque non usque eo legiones admovendas, ut discedere ex eo loco sine periculo barbari militibus instantibus non possent: ita quum paludem impeditam a castris castra dividere, quæ transeundi difficultas celeritatem insequendi tardare posset; atque id jugum, quod trans paludem pæne ad hostium castra pertineret, mediocri valle a castris eorum intercisum animadverteret; pontibus palude constricta, legiones transducit, celeriterque in summam planitiem jugi pervenit; quæ declivi fastigio duobus ab lateribus muniebatur. Ibi legionibus instructis ad ultimum jugum pervenit: aciemque eo loco constituit, unde tormento missa tela in hostium cuneos conjici possent.

XV. Barbari confisi loci natura, quum dimicare non recusarent, si forte Romani subire collem conarentur, paullatimque copias distributas dimittere non auderent, ne dispersi perturbarentur, in acie permanserunt. Quorum pertinacia cognita, Cæsar xx cohortibus instructis, castrisque eo loco metatis, muniri jubet castra. Absolutis

operibus,

operibus, legiones pro vallo instructas collocat: equites frenatis equis in stationibus disponit. Bellovacii cum Romanos ad insequendum paratos viderent, neque pernoctare, neque diutius permanere sine cibariis eodem loco possent, tale consilium sui recipiendi inierunt: Fasces, ubi confederant, (nam, in acie sedere Gallos consueisse, superioribus Commentariis declaratum est), stramentorum ac virgultorum, quorum summa erat in castris copia, per manus inter se transditos, ante aciem collocaverunt; extremoque tempore diei, signo pronunciato, uno tempore incenderunt. Ita continens flamma copias omnes repente a conspectu texit Romanorum. Quod ubi accidit, barbari vehementissimo cursu fugerunt.

XVI. Cæsar, etsi discessum hostium animadvertere non poterat incendiis oppositis; tamen id consilium quum fugæ causa initum suspicaretur, legiones promovet; et turmas mittit ad insequendum: ipse veritus insidias, ne forte in eodem loco subsistere hostis, atque elicere nostros in locum conaretur iniquum, tardius procedit. Equites, quum intrare fumum, et flammam densissimam timerent: ac, si qui cupidius intraverant, vix suorum ipsi priores partes animadverterent equorum, insidias veriti, liberam facultatem sui recipiendi Bellovacis dederunt. Ita, fugæ timoris simul calliditatisque plena, sine ullo detrimento, millia non amplius x progressi hostes, munitissimo loco castra posuerunt. Inde, quum sæpe in insidiis equites peditesque disponderent, magna detrimenta Romanis pabulationibus inferebant.

XVII. Quod quum crebrius accideret, ex captivo quodam comperit Cæsar, Correum Bellovacorum ducem, fortissimorum millia vi peditum delegisse, equitesque ex omni numero m, quos in insidiis eo loco collocaret, quem in locum, propter copiam frumenti ac pabuli, Romanos pabulum missuros suspicaretur. Quo cognito consilio, Cæsar, legiones plures, quam solebat, educit; equitatumque, qua consuetudine pabulatoribus mittere præsidio consueverat, præmittit. Huic interponit præsidia levis armaturæ: ipse cum legionibus quam potest maxime appropinquat.

XVIII. Hostes in insidiis dispositi quum sibi delegissent campum ad rem gerendam non amplius patentem in

omnes

omnes partes passibus m, silvis undique impeditissimis, aut altissimo flumine, velut indagine munitum, hunc insidiis circumdederunt nostri. Explorato hostium consilio, ad præliandum animo atque armis parati; quum, subsequentibus legionibus, nullam dimicationem recusarent, turmatim in eum locum deveniunt. Quorum adventu quum sibi Correas oblatam occasionem rei gerendæ existimaret, primum cum paucis se ostendit; atque in proximas turmas impetum facit. Nostri constanter impetum sustinent insidiarum; neque plures in unum locum conveniunt; quod plerumque equestribus præliis quum propter aliquem timorem accidit, tum multitudine ipsorum detrimentum accipitur.

XIX. Quum dispositis turmis invicem rari præliarentur, neque ab lateribus circumveniri suos paterentur; erumpunt ceteri, Correo præliante, ex silvis. Fit magna contentione diversum prælium: quod quum diutius pari Marte iniretur; paullatim ex silvis instructa multitudo procedit peditum, quæ nostros cogit cedere equites; quibus celeriter subveniunt levis armaturæ pedites, quos ante legiones missos docui; turmisque nostrorum interpositi, constanter præliantur. Pugnatur aliquandiu pari contentione; deinde, ut ratio postulabat prælii, qui sustinebant primos impetus insidiarum, hoc ipso fiunt superiores, quod nullum ab insidiantibus imprudentes acceperant detrimentum. Accedunt propius interim legiones, crebrique eodem tempore et nostris et hostibus nuncii afferuntur, imperatorem instructis copiis adesse. Qua re cognita, præsidio cohortium confisi nostri, acerrime præliantur: ne, si tardius rem gessissent, victoriæ gloriam communicasse cum legionibus viderentur. Hostes concidunt animis; atque itineribus diversis fugam quærunt. Nequidquam: nam quibus difficultatibus locorum Romanos claudere voluerant, iis ipsi tenebantur. Victi tamen propulsique, maiore parte amissa, consternati, quo fors tulerat, confugiunt: partim silvis petitis, partim flumine; qui tamen in fuga a nostris acriter insequentibus consiciuntur. Quum interim nulla calamitate victus Correas, excedere prælio silvasque petere, aut invitantibus nostris ad deditionem, potuit adduci, quin fortissime præliando,

O 2

compluresque

compluresque vulnerando, cogeret elatos iracundia victores in se tela conjicere.

XX. Tali modo re gesta, recentibus proelii vestigiis ingressus Cæsar, quum victos tanta calamitate existimaret hostes, nuncio accepto, locum castrorum relicturos, quæ non longius ab ea cæde abesse plus minus VIII millibus passuum dicebantur, tametsi flumine impeditum transitum videbat; tamen, exercitu transducto, progreditur. At Bellovaci reliquæque civitates, repente ex fuga paucis, atque his vulneratis, receptis, qui silvarum beneficio casum evitaverant, omnibus adversis, cognita calamitate, interfecto Correo, amisso equitatu, et fortissimis peditibus, quum adventare Romanos existimarent, concilio repente cantu tubarum convocato, conclamant, ut legati obsidesque ad Cæsarem mittantur.

XXI. Hoc omnibus probato concilio, Commius Atrebas ad eos profugit Germanos, a quibus ad id bellum auxilia mutuatus erat. Ceteri e vestigio mittunt ad Cæsarem legatos, petuntque, ut ea pœna sit contentus (hostium), quam si sine dimicatione inferre integris posset, pro sua clementia atque humanitate, numquam profecto esset illaturus: afflictas opes equestri proelio Bellovacorum esse: delectorum peditum multa millia interiisse: vix refugisse nuncios cædis. Tamen magnum, ut in tanta calamitate, Bellovacos eo proelio commodum esse consecutos; quod Correus, auctor belli, concitator multitudinis, esset interfectus. Numquam enim Senatum tantum in civitate, illo vivo quantum imperitam plebem, potuisse.

XXII. Hæc orantibus legatis, commemorat Cæsar, eodem tempore superiore anno Bellovacos, ceterasque Galliæ civitates suscepisse bellum: pertinacissime hos ex omnibus in sententia permanuisse, neque ad sanitatem reliquorum deditione esse perductos: scire, atque intelligere se, causam peccati facillime mortuis delegari: neminem vero tantum pollere, ut invitis principibus, resistente Senatu, omnibus bonis repugnantibus, infirma manu plebis bellum concitare et gerere posset: sed tamen se contentum fore ea pœna, quam sibi ipsi contraxissent.

XXIII. Nocte insequenti legati responsa ad suos referunt, obsides conficiunt. Concurrunt reliquarum civitatum legati, quæ Bellovacorum speculabantur eventum. Ot-

fides

fidēs dant. Imperata faciunt, excepto Commio, quem timor cohibebat cujusquam fidei suam committere salutem. Nam superiore anno T. Labienus, Cæsare in Gallia citeriore jus dicente, quum Commium comperisset sollicitare civitates, et conjurationem contra Cæsarem facere; infidelitatem ejus sine ulla perfidia judicavit comprimī posse, quem quia non arbitrabatur vocatum in castra venturum, ne tentando cautionem faceret; C. Volusenum Quadratum misit, qui eum, per simulationem colloqui, curaret interficiendum. Ad eam rem delectos transdidit centuriones. Quum in colloquium ventum esset, et, ut convenerat, manum Commii Volusenus arripuisset, centurio, velut, insueta re permotus, vellet hominem conficere, celeriter a familiaribus prohibitus Commii, non potuit. Graviter tamen primo ictu gladio caput percussit. Quum utrimque gladii districti essent; non tam pugnandi quam diffugiendi fuit utrorumque consilium; nostrorum, quod mortifero vulnere Commium credebant affectum; Gallorum, quod, insidiis cognitis, plura, quam videbant, extimescebant. Quo facto statuisse Commius dicebatur, numquam in conspectum cujusquam Romani venire.

XXIV. Bellicosissimis gentibus devictis, Cæsar, quum videret nullam jam esse civitatem, quæ bellum pararet, quo sibi resisteret: sed nonnullos ex oppidis demigrare, ex agris effugere, ad præsens imperium evitandum, plures in partes exercitum dimittere constituit. M. Antonium quæstorem, cum legione xi sibi conjungit; C. Fabium legatum cum cohortibus xxv mittit in diversissimam partem Galliz: quod ibi quasdam civitates in armis esse audiebat, neque C. Caninium Rebilum legatum, qui illis regionibus præerat, satis firmas ii legiones habere existimabat. T. Labienum ad se evocat: legionemque xii, quæ cum eo fuerat in hibernis, in Togatam Galliam mittit, ad colonias civium Romanorum tuendas; ne quod simile incommodum accideret decursione barbarorum, ac superiore ætate Tergestinis accidisset; qui repentino latrocinio atque impetu eorum erant oppressi. Ipse ad devastandos depopulandosque fines Ambiorigis proficiscitur: quem perterritum, atque fugientem quum redigi posse in suam potestatem desperasset; proximum (sua dignitati) esse ducebat,

bat, adeo fines ejus vastare civibus, ædificiis, pecore, ut odio suorum Ambiorix, si quos fortuna fecisset reliquos, nullum reditum propter tantas calamitates haberet in civitatem.

XXV. Quum in omnes partes finium Ambiorigis aut legiones, aut auxilia dimisisset, atque omnia cædibus, incendiis, rapinis vastasset; magno numero hominum interfecto aut capto, Labienum cum 11 legionibus, in Treviros mittit; quorum civitas, propter Germaniæ vicinitatem, quotidianis exercitata bellis, cultu et feritate, non multum a Germanis differebat: neque imperata unquam, nisi exercitu coacta, faciebat.

XXVI. Interim C. Caninius legatus, quum, magnam multitudinem convenisse hostium in fines Pictonum; literis nunciisque Duratii cognovisset, qui perpetuo in amicitia Romanorum permanserat, quum pars quædam civitatis ejus defecisset; ad oppidum Limonum contendit. Quo quum adventaret, atque ex captivis certius cognosceret, multis hominum millibus, Dumnaco duce Andium, Duratium clausum, Limonum oppugnari; neque infirmas legiones hostibus committere auderet; castra munito loco posuit. Dumnacus, quum appropinquare Caninium cognovisset, copiis omnibus ad legiones converfis, castra Romanorum oppugnare instituit. Quum complures dies in oppugnatione consumpsisset; et, magno suorum detrimento, nullam partem munitionum convellere potuisset, rursus ad obsidendum Limonum redit.

XXVII. Eodem tempore C. Fabius legatus complures civitates in fidem recipit, obsidibus firmat, literisque C. Caninij, certior fit, quæ in Pictonibus gerantur. Quibus rebus cognitis, proficiscitur ad auxilium Duratio ferendum. At Dumnacus, adventu Fabii cognito, desperata salute, si tempore eodem coactus esset, et Romanum externum sustinere hostem, et respicere ac timere oppidanos, repente eo ex loco cum copiis recedit; nec se satis tutum fore arbitratur, nisi flumen Ligerim, quod erat ponte propter magnitudinem transeundum, copias transduxisset. Fabius, etsi nondum in conspectum venerat hostibus, neque se cum Caninio conjunxerat, tamen doctus ab iis, qui locorum noverant naturam, potissimum credidit, hostes perterritos eum locum, quem petebant, petituros. Ita-

que cum copiis ad eundem pontem contendit, equitatumque tantum procedere ante agmen imperat legionum, quantum quum processisset, sine defatigatione equorum in eadem se reciperet castra. Consequuntur equites nostri, ut erat præceptum, invaduntque Dumnaci agmen: et fugientes perterritosque sub sarcinis in itinere aggressi, magna præda, multis interfectis, potiuntur. Itaque, re bene gesta, se recipiunt in castra.

XXVIII. Insequenti nocte Fabius equites præmittit, sic paratos, ut confingerent, atque omne agmen morarentur, dum consequeretur ipse. Cujus præceptis ut res gereretur, Q. Atius Varus, præfectus equitum, singularia et animi et prudentiæ vir, suos hortatur, agmenque hostium consecutus, turmas partim idoneis locis disponit, partim equitum prælium committit. Consistit audacius equitatus hostium, succedentibus sibi peditibus, qui toto agmine subsistentes, equitibus suis contra nostros ferunt auxilium. Fit prælium acri certamine. Namque nostri, contemptis pridie superatis hostibus, quum subsequi legiones meminissent, et pudore cedendi, et cupiditate celerius per se conficiendi prælii, fortissime contra pedites præliantur: hostesque nihil amplius copiarum accessurum credentes, ut pridie cognoverant, delendi equitatus nostri nacti occasionem videbantur.

XXIX. Quum aliquandiu summa contentione dimicaretur; Dumnacus instruit aciem, quæ suis esset equitibus invicem præsidio. Tum repente confertæ legiones in conspectum hostium veniunt. Quibus visis, percussæ barbarorum turmæ ac perterritæ acies hostium, perturbato impedimentorum agmine, magno clamore discursuque passim fugæ se mandant. At nostri equites, qui paullo antequam resistentibus fortissime conflixerant, lætitiæ victoriæ elati, magno undique clamore sublato, cedentibus circumfusi, quantum equorum vires ad persequendum, dextræque ad cædendum valent, tantum eo prælio interficiunt. Itaque amplius millibus XII aut armatorum, aut eorum, qui timore arma projecerant, interfectis, omnis multitudo capitur impedimentorum.

XXX. Qua ex fuga, quum constaret Drapetem Senonem (qui, ut primum defecerat Gallia, collectis undique perditis hominibus, servis ad libertatem vocatis, exsilibus

omnium civitatum accitis, receptis latronibus, impedimenta et commeatus Romanorum interceperat) non amplius hominum v millibus ex fuga collectis, provinciam petere, unaque consilium cum eo Luterium Cadurcum cepisse, quem in superiore Commentario, prima defectione Galliae facere in provinciam impetum voluisse, cognitum est: Caninius legatus, cum legionibus it ad eos persequendos contendit, ne de timore aut detrimento provinciae magna infamia, perditorum hominum latrociniiis, caperetur.

XXXI. C. Fabius cum reliquo exercitu in Carnutes, reliquasque proficiscitur civitates, quarum eo proelio, quod cum Dumnaco fecerat, copias esse accitas sciebat. Non enim dubitabat, quin recenti calamitate submissiores essent futurae; dato vero spatio ac tempore, eodem instante Dumnaco, possent concitari. Qua in re summa felicitas celeritasque in recipiendis civitatibus Fabium consequitur. Nam Carnutes, qui saepe vexati nunquam pacis fecerant mentionem, datis obsidibus, veniunt in ditionem; ceteraeque civitates positae in ultimis Galliae finibus, Oceano conjunctae, quae Armoricae appellantur, auctoritate adductae Carnutum, adventu Fabii legionumque, imperata sine mora faciunt. Dumnacus suis finibus expulsus, errans latitansque, solus extremas Galliae regiones petere coactus est.

XXXII. At Drapes, unaque Luterius, quum legiones Caniniumque adesse cognoscerent, nec se sine certa pernicie, persequente exercitu, putarent Provinciae fines intrare posse; nec jam liberam vagandi latrocinandique facultatem haberent, consistunt in agris Cadurcorum. Ibi quum Luterius apud suos cives quondam, integris rebus, multum potuisset, semperque auctor novorum consiliorum magnam apud barbaros auctoritatem haberet; oppidum Uxellodunum, quod in clientela fuerat ejus, natura loci egregie munitum, occupat suis et Drapetis copiis, oppidanosque sibi conjungit.

XXXIII. Quo quum confestim C. Caninius venisset, animadverteretque omnes oppidi partes praeruptissimis faxis esse munitas; quo, defendente nullo, tamen armatis ascendere esset difficile; magna autem impedimenta oppidanorum videret; quae si clandestina fuga subtrahere conarentur,

conarentur, effugere non modo equitatum, sed ne legiones quidem possent: tripartito cohortibus divisis, trina excelssimo loco castra fecit, a quibus paullatim, quantum copiae patiebantur, vallum in oppidi circuitu ducere instituit.

XXXIV. Quod quum animadverterent oppidani, miserimaeque Alesiae memoria solliciti, similem casum obfessionis vererentur, maximeque ex omnibus Luterius, qui fortunae illius periculum fecerat, moneret rationem frumenti esse habendam: constituunt omnium consensu parte ibi relicta copiarum, ipsi cum expeditis ad importandum frumentum proficisci. Eo consilio probato, proxima nocte, ii millibus armatorum relictis, reliquos ex oppido Drapes et Luterius educunt. Ii, paucos dies morati, ex finibus Cadurcorum, qui partim re frumentaria sublevare eos cupiebant, partim prohibere, quo minus fumerent, non poterant; magnum numerum frumenti comparant. Nonnunquam autem expeditionibus nocturnis castella nostrorum adoriuntur. Quam ob causam C. Caninius totq. oppido munitiones circumdare moratur; ne aut opus effectum tueri non possit, apt plurimis in locis infirma disponat praesidia.

XXXV. Magna copia frumenti comparata, confidunt Drapes et Luterius non longius ab oppido x millibus passuum, unde paullatim frumentum in oppidum supportarent. Ipsi inter se provincias partiuntur. Drapes castris praesidio cum parte copiarum restitit: Luterius agmen jumentorum ad oppidum adducit. Dispositis ibi praesidiis, hora noctis circiter x silvestribus angustisque itineribus frumentum importare in oppidum instituit. Quorum strepitum vigiles castrorum quum sensissent; exploratoresque missi, quae agerentur, renunciasent, Caninius celeriter cum cohortibus armatis ex proximis castellis, in frumentarios sub ipsam lucem impetum fecit. Ii, repentino malo perterriti, diffugiunt ad sua praesidia: quae nostri ut viderunt, acrius contra armatos incitati, neminem ex eo numero vivum capi patiuntur. Effugit inde cum paucis Luterius, nec se recipit in castra.

XXXVI. Re bene gesta, Caninius ex captivis comperit, partem copiarum cum Drapete esse in castris millibus non amplius x. Qua re ex compluribus cognita, quum intelligeret,

telligeret, fugato duce altero perterritos reliquos facile opprimi posse; magnæ felicitatis esse arbitratur, neminem ex cæde refugisse in castra, qui de accepta calamitate nuncium Drapeti perferret. Sed, quum in experiendo periculum nullum videret, equitatum omnem, Germanosque pedites summæ velocitatis omnes ad castra hostium præmittit, ipse legionem unam in trina castra distribuit; alteram secum expeditam ducit. Quum propius hostem accessisset, ab exploratoribus, quos præmiserat, cognoscit, castra eorum, ut barbarorum fert consuetudo, relictis locis superioribus, ad ripas fluminis demissa, at Germanos equites imprudentibus omnibus de improvviso advolasse, et prælium commisisse. Qua re cognita, legionem armatam instructamque adducit. Ita, repente omnibus ex partibus signo dato, loca superiora capiuntur. Quod ubi accidit, Germani equites, signis legionis visis, vehementissime præliantur. Confestim omnes cohortes undique impetum faciunt: omnibus aut interfectis aut captis, magna præda potiuntur. Capitur ipse eo prælio Drapes.

XXXVII. Caninius, felicissime re gesta, sine ullo pæne militis vulnere, ad obsidendos oppidanos revertitur: exter-noque hoste deleto, cuius timore augere præsidia, et munitione oppidanos circumdare prohibitus erat, opera undique imperat administrari. Venit eodem cum suis copiis postero die C. Fabius, partemque oppidi sumit ad obsidendum.

XXXVIII. Cæsar interim M. Antonium quæstorem cum cohortibus xv in Bellovacis reliquit: ne qua rursus novorum consiliorum capiendorum Belgis facultas daretur. Ipse reliquas civitates adit: obsides plures imperat: timentes omnium animos consolatione sanat. Quum in Carnutes venisset, quorum consilio in civitate superiore Commentario Cæsar exposuit initium belli esse ortum, quod præcipue eos, propter conscientiam facti timere animadvertibat; quo celerius civitatem metu liberaret, principem sceleris ipsius, et concitatore belli Guturvatum ad supplicium deposcit. Qui etsi ne civibus quidem suis se committebat; tamen celeriter, omnium cura quæsitus, in castra perducitur. Cogitur in ejus supplicium Cæsar contra naturam suam, maximo militum concursu; qui omnia pericula et detrimenta belli a Guturvato accepta refere-

bant; adeo ut verberibus exanimatum corpus securi feriretur.

XXXIX. Ibi crebris literis Caninii fit certior, quæ de Drapete, et Luterio gesta essent, quoque in consilio permanerent oppidani: quorum etsi paucitatem contemnebat, tamen pertinaciam magna pœna esse afficiendam judicabat; ne universa Gallia non vires sibi defuisse ad resistendum Romanis, sed constantiam, putaret; neve hoc exemplo ceteræ civitates, locorum opportunitate fretæ, se vindicarent in libertatem; quum omnibus Gallis notum esse sciret, reliquam esse unam æstatem suæ provinciæ: quam si sustinere potuissent, nullum ultra periculum vererentur. Itaque Q. Calenum legatum cum legionibus relinquit, qui justis itineribus se subsequeretur: ipse cum omni equitatu, quam potest celerrime, ad Caninium contendit.

XL. Quum, contra expectationem omnium, Cæsar Uxellodunum venisse, oppidumque operibus clausum animadverteret; neque ab oppugnatione recedi videret ulla conditione posse; magna autem copia frumenti abundare oppidanos, ex perfugis cognovisset; aqua prohibere hostem tentare cœpit. Flumen infimam vallem dividebat, quæ pene totum montem cingebat, in quo positum erat præruptum undique oppidum Uxellodunum. Hoc avertere loci natura prohibebat. Si enim imis radicibus montis ferebatur, ut nullam in partem, depressis fossis, derivari posset. Erat autem oppidanis difficilis, et præruptus eo descensus; ut, prohibentibus nostris, sine vulneribus ac periculo vitæ, neque adire flumen, neque arduo se recipere possent adscensu. Qua difficultate eorum cognita, Cæsar sagittariis funditoribusque dispositis, tormentis etiam quibusdam locis contra facillimos descensus collocatis, aqua fluminis prohibebat oppidanos: quorum omnis postea multitudo aequatum unum in locum conveniebat.

XLI. Sub ipsius oppidi murum magnus fons prorumpbat ab ea parte, quæ fere pedum ccc intervallo fluminis circuitu vacabat. Hoc fonte prohiberi posse oppidanos quum optarent reliqui; Cæsar unus videret, non sine magno periculo, e regione ejus vineas agere adversus montem, et aggeres struere cœpit, magno cum labore et continua dimicatione. Oppidani enim loco superiore

decurrentes

decurrentes sine periculo praeliabantur, multosque pertinaciter succedentes vulnerabant; ut tamen non deterrentur milites nostri vineas proferre, et labore atque operibus locorum vincere difficultates. Eodem tempore tectos cuniculos, crates et vineas agunt ad caput fontis. Quod genus operis sine ullo periculo et sine suspicione hostium facere licebat. Exstruitur agger in altitudinem pedum LX. Collocatur in eo turris x tabulorum; non quidem quæ mœnibus æquaretur, (id enim nullis operibus effici poterat) sed quæ superaret fontis fastigium. Ex ea quum tela tormentis jacerentur ad fontis aditus; nec sine periculo possent adaquari oppidani; non tantum pecora atque jumenta, sed etiam magna hominum multitudo siti consumebatur.

XLII. Quo malo perterriti oppidani cupas sevo, pice, scandalis complent. Eas adentes in opera provolvunt. Eodem tempore acerrime praeliantur, ut ab incendio restringendo dimicatione et periculo deterreant Romanos. Magna repente in ipsis operibus flamma existit. Quæcunque enim per locum præcipitem missa erant, ea vineis et aggere suppressa comprehendebant id ipsum, quod morabatur. Milites contra nostri, quanquam periculoso genere praelii locoque iniquo premebantur, tamen omnia paratissimo sustinebant animo. Res enim gerebatur et excelso loco et in conspectu exercitus nostri: magnusque utrimque clamor oriebatur; ita quam quisque poterat, maxime insignis, quo notior testatiorque virtus ejus esset, telis hostium flammæque se offerebat.

XLIII. Cæsar, quum complures suos vulnerari videret, ex omnibus oppidi partibus cohortes montem adscendere, et, simulatione mœnium occupandorum, clamorem undique jubet tollere. Quo facto perterriti oppidani, quum quid ageretur in locis reliquis, essent ignari, revocant ab impugnandis operibus armatos, murisque disponunt. Ita nostri, sine praelio facto, celeriter opera flamma comprehensa partim restringunt, partim interseindunt. Quum pertinaciter resisterent oppidani, et jam magna parte suorum siti amissa, in sententia permanerent: ad postremum cuniculis venæ fontis intercisæ sunt atque averse. Quo facto repente fons perennis exhaustus, tantam attulit oppidanis salutis desperationem, ut id non hominum consilio,

sed

sed Deorum voluntate factum putarent. Itaque necessitate coacti se transfuderunt.

XLIV. Cæsar, quum suam lenitatem cognitam omnibus sciret, neque vereretur ne quid crudelitate naturæ videretur asperius fecisse, neque exitum consiliorum suorum animadverteret, si tali ratione diversis in locis plures rebellare cœpissent; exemplo supplicii deterrendos reliquos existimavit. Itaque omnibus, qui arma tulerant, manus præcidit. Vitam concessit; quo testatior esset pœna improborum. Drapes, quem captum esse a Caninio docui, sive indignatione et dolore vinculorum, sive timore gravioris supplicii, paucis diebus sese cibo abstinuit, atque ita interiit. Eodem tempore Luterius, quem profugisse ex prælio scripsi, quum in potestatem venisset Epasnahti Arverni, (crebro enim mutandis locis, multorum fidei se committebat, quod nusquam diutius sine periculo commoraturus videbatur, quum sibi conscius esset, quam inimicum deberet Cæsarem habere) hunc Epasnahtus Arvernus, amicissimus populi Romani sine dubitatione ulla vinculum ad Cæsarem duxit.

XLV. Labienus interim in Treviris equestre prælium secundum facit; compluribusque Treviris interfectis, et Germanis, qui nulli adversus Romanos auxilia denegabant, principes eorum vivos in suam redegit potestatem, atque in iis Surum Æduum, qui et virtutis, et generis summam nobilitatem habebat, solusque ex Æduis ad id tempus permanserat in armis.

XLVI. Ea re cognita, Cæsar quum in omnibus partibus Galliæ bene res gestas videret, judicaretque superioribus æstivis Galliam devictam et subactum esse, Aquitaniam nunquam ipse adisset, sed per P. Crassum quadam ex parte devicisset; cum ii legionibus in eam partem est profectus, ubi extremum tempus consumeret æstivorum. Quam rem, sicut cetera, celeriter feliciterque confecit. Namque omnes Aquitanicæ civitates legatos ad eum miserunt, obsidesque ei dederunt. Quibus rebus gestis, ipse cum equitum præsidio Narbonem profectus est: exercitum per legatos in hiberna deduxit: iv legiones in Belgio collocavit cum M. Antonio, et C. Trebonio, et P. Vatinio, et Q. Tullio legatis. ii in Æduos misit, quarum in omni Gallia summam esse auctoritatem sciebat: ii in

Turonis ad fines Carnutum posuit, quæ omnem regionem conjunctam Oceano continerent: ii reliquas in Lemovicum fines non longe ab Arvernīs, ne qua pars Galliæ vacua ab exercitu esset. Paucos dies ipse in provincia moratus, quum celeriter omnes conventus percucurrisset; publicas controversias cognovisset; bene meritis præmia tribuisset: cognoscendi enim maximam facultatem habebat, quali quisque animo in rempublicam fuisset totius Galliæ defectione, quam sustinuerat fidelitate atque auxiliis provinciæ illius. His rebus confectis, ad legiones in Belgium se recipit, hibernavitque Nemetocennæ.

XLVII Ibi cognoscit Commium Atrebatem prælio cum equitatu suo contendisse. Nam quum Antonius in hiberna venisset, civitasque Atrebatum in officio maneret; Commius, qui post illam vulnerationem, quam supra commemoravimus, semper ad omnes motus paratus suis civibus esse consueverat, ne consilia belli quærentibus auctor armorum duxque deesset, parente Romanis civitate, cum suis equitibus se, suosque latrociniiis alebat, infestisque itineribus commeatus complures, qui comportabantur in hiberna Romanorum, interciperet.

XLVIII. Erat attributus Antonio præfectus equitum C. Volusenus Quadratus, qui cum eo hiemaret. Hunc Antonius ad persequendum equitatum hostium mittit. Volusenus autem ad eam virtutem, quæ singularis in eo erat, magnum odium Commii adjungebat, quo libentius id faceret, quod imperabatur. Itaque, dispositis insidiis, sæpius ejus equites aggressus, secunda prælia faciebat. Novissime, quum vehementius contenderetur, ac Volusenus ipsius intercipiendi Commii cupiditate pertinacius cum cum paucis insecutus esset; ille autem fuga vehementi Volusenum longius produxisset; repente omnium suorum invocat fidem atque auxilium, ne sua vulnera, perfidia interposita, paterentur inulta, conversoque equo, se a ceteris incautius permittit in præfectum. Faciunt idem omnes ejus equites, paucosque nostros convertunt atque insequuntur. Commius incensum calcaribus equum jungit equo Quadrati, lanceaque infesta medium femur ejus magnis viribus transjicit. Præfecto vulnerato, non dubitant nostri resistere, et converti hostem pelleret. Quod ubi accidit, complures hostium, magno nostrorum impetu pulsi, vulnerantur,

rantur, et partim in fuga proteruntur, partim intercipiuntur. Quod ubi malum dux equi velocitate evitavit; graviter vulneratus præfatus, ut vitæ periculum aditurus videretur, refertur in castra. Commius autem sive expiato suo dolore, sive magna parte amissa suorum, legatos ad Antonium mittit, seque ibi futurum, ubi præscripserit, et ea facturum, quæ imperaverit, obsidibus datis firmat: unum illud erat, ut timori suo concedatur, ne in conspectum veniat cujusquam Romani. Quam postulationem Antonius quum judicaret ab iusto nasci timore, veniam petendi dedit; obsides accepit.

Scio, Cæsarem singulorum annorum singulos Commentarios confecisse: quod ego non existimavi mihi esse faciendum; propterea quod insequens annus L. Paullo, C. Marcello, Coss. nullas habet Galliarum magnopere res gestas. Ne quis tamen ignoraret, quibus in locis Cæsar exercitusque eo tempore fuissent, pauca scribenda conjungendaque huic Commentario statui.

XLIX. CÆSAR, quum in Belgio hiemaret, unum illud propositum habebat, continere in amicitia civitates, nulli spem aut causam dare armorum. Nihil enim minus volebat, quam sub discessum suum necessitatem sibi aliquam imponi belli gerendi; ne, quum exercitum deduciturus esset, bellum aliquod relinqueretur, quod omnis Gallia libenter sine præsentis periculo susciperet. Itaque, honorifice civitates appellando, principes maximis præmiis afficiendo, nulla onera nova imponendo, defessam tot adversis præliis Galliam, conditione parendi meliore, facile in pace continuit.

L. Ipse, hibernis peractis, contra consuetudinem in Italiam quam maximis itineribus est profectus, ut municipia et colonias appellaret, quibus M. Antonii quaestoris sui commendaret sacerdotii petitionem. Contendebat enim (gratia) quum libenter pro homine sibi conjunctissimo, quem paullo ante præmiserat ad petitionem; tum acriter contra factionem et potentiam paucorum, qui M. Antonii repulsa, Cæsaris decedentis convellere gratiam cupiebant. Hunc etsi augurem prius factum, quam Italiam attingeret, in itinere audierat; tamen non minus justam sibi causam municipia et colonias adeundi existimavit; ut iis gratias ageret, quod frequentiam atque officium suum

Antonio præstitissent: simulque se et honorem suum in sequentis anni commendaret petitione; propterea quod insolenter adversarii sui gloriarentur, L. Lentulum et C. Marcellum Coss. creatos, qui omni honore et dignitate Cæsarem expoliarent, ereptum Sergio Galbæ consulatum, quum is multo plus grátia suffragiisque valuisset, quod sibi conjunctus et familiaritate, et necessitudine legationis esset.

LI. Exceptus est Cæsaris adventus ab omnibus municipiis et coloniis incredibili honore atque amore. Tum primum enim veniebat ab illo universæ Galliæ bello. Nihil relinquebatur, quod ad ornatum portarum, itinerum locorumque omnium, qua Cæsar iturus erat, excogitari posset. Cum liberis omnis multitudo obviam procedebat. Hostiæ omnibus locis immolabantur. Tricliniis stratis fora templaque occupabantur, ut vel expectatissimi triumphi lætitia præcipi posset. Tanta erat magnificentia apud opulentiores, cupiditas apud humiliores.

LII. Quum omnes regiones Galliæ Togatæ Cæsar percurrisset, summa celeritate ad exercitum Nemetocennam rediit; legionibusque ex omnibus hibernis ad fines Trevirorū evocatis, eo profectus est, ibique exercitum lustravit. T. Labienum Galliæ Togatæ præfecit, quo majore commendatione conciliaretur ad consulatus petitionem. Iple tantum itinerum faciebat, quantum satis esse ad mutationem locorum, propter salubritatem existimabat. Ibi quanquam crebro audiebat, Labienum ab inimicis suis sollicitari; certiorque fiebat, id agi paucorum consiliis, ut, interposita Senatus auctoritate aliqua parte exercitus spoliaretur: tamen neque de Labieno credidit quidquam; neque contra Senatus auctoritatem, ut aliquid faceret, potuit adduci. Judicabat enim, liberis sententiis patrum conscriptorum causam suam facile obtineri. Nam C. Curio tribunus plebis quum Cæsaris causam dignitatemque defendendam suscepisset, sæpe erat Senatui pollicitus; si quem timor armorum Cæsaris læderet; et quoniam Pompeii dominatio, atque arma, non minimum terrorem foro inferrent; discederet uterque ab armis, exercitusque dimitteret. Fore eo pacto liberam et sui juris civitatem. Neque hoc tantum pollicitus est; sed etiam per se Senatus discessionem facere cœpit. Quod ne fieret, consules,

amicique

amicique Pompeii intercesserunt, atque, ita rem moderando, discesserunt.

LIII. Magnum hoc testimonium Senatus erat universi, conveniensque superiori factō. Nam Marcellus proximo anno, quum impugnaret Cæsaris dignitatem, contra legem Pompeii et Craffi, retulerat ante tempus ad Senatum, de Cæsaris provinciis, sententiisque dictis, discessionem faciente Marcello, qui sibi omnem dignitatem ex Cæsaris invidia quærebat, Senatus frequens in alia omnia transiit. Quibus non frangebantur animi inimicorum Cæsaris, sed admonebantur, quo majores pararent necessitudines, quibus cogi posset Senatus id probare, quod ipsi constituissent.

LIV. Fit deinde senatusconsultum, ut ad bellum Parthicum legio una a Cn. Pompeio, altera a C. Cæsare mitterentur. Neque obscure hæ duæ legiones uni Cæsari detrahuntur. Nam Cn. Pompeius legionem primam, quam ad Cæsarem miserat, confectam ex delectu provinciarum, Cæsari eam tanquam ex suo numero dedit. Cæsar autem, quum de voluntate adversariorum nemini dubium esset, Cn. Pompeio legionem remisit, et ex suo numero xv, quam in Gallia citeriore habuerat, ex senatusconsulto jubet transdi. In ejus locum xiiii legionem in Italiam mittit, quæ præsidia tueretur, ex quibus præsidiis xv deducebatur: ipse exercitum distribuit per hiberna; C. Trebonium cum legionibus iv in Belgio collocat; C. Fabium cum totidem in Æduos deducit. Sic enim existimabat tutissimam fore Galliam, si Belgæ, quorum maxima virtus; et Ædui, quorum auctoritas summa esset, exercitibus continerentur.

LV. Ipse in Italiam profectus est. Quo quum venisset, cognoscit, per C. Marcellum consulem legiones ii ab se remissas, quæ ex senatusconsulto deberent ad Parthicum bellum duci, Cn. Pompeio transditas, atque in Italia tentas esse. Hoc factō, quamquam nulli erat dubium, quin arma contra Cæsarem pararentur; tamen Cæsar omnia patienda esse statuit, quoad sibi spes aliqua relinqueretur jure potius disceptandi, quam belli gerendi.

C. JULII CÆSARIS
COMMENTARIORUM
DE BELLO CIVILI,
LIBER I.

I. LITERIS (a Fabio C.) Cæsaris consulibus redditis, ægre ab iis impetratum est, summa tribunorum plebis contentione, ut in Senatu recitarentur. Ut vero ex literis ad Senatum referretur, impetrari non potuit. Referunt consules de Republica (in civitate), L. Lentulus consul Senatu Reique publicæ se non defuturum pollicetur; si audacter ac fortiter sententias dicere velint: sin Cæsarem respiciant atque ejus gratiam sequantur, ut superioribus fecerint temporibus, se sibi consilium capturum, neque Senatus auctoritati obtemperaturum: habere se quoque ad Cæsaris gratiam atque amicitiam receptum. In eandem sententiam loquitur Scipio: Pompeio esse in animo, Reipublicæ non deesse, si Senatus sequatur: sin cunctetur atque agat lenius, nequidquam ejus auxilium, si postea velit, imploraturum.

II. Hæc Scipionis oratio, quod Senatus in urbe habebatur, Pompeiusque aderat, ex ipsius ore Pompeii mitti videbatur. Dixerat aliquis leniorem sententiam, ut primo M. Marcellus ingressus in eam orationem, non oportere ante de Republica ad Senatum referri, quam delectus tota Italia habiti, et exercitus conscripti essent; quo præsidio, tuto et libere, Senatus, quæ vellet, decernere videret: ut M. Calidius, qui censebat, ut Pompeius in suas provincias proficisceretur, ne qua esset armorum causa: timere Cæsarem, abreptis ab eo 11 legionibus, ne ad ejus periculum reservare et retinere eas ad urbem Pompeius videretur: ut M. Rufus, qui sententiam Calidii, paucis fere mutatis verbis, sequebatur. Ii omnes convicio L. Lentuli consulis torrepti exagitabantur. Lentulus sententiam Calidii pronunciaturum se omnino negavit. Marcellus perturbatione conviciis a sua sententia discessit. Sic vocibus consulis,

terrore præsentis exercitus, minis amicorum Pompeii, plerique compulsi, inviti et coacti, Scipionis sententiam sequuntur; Uti ante certam diem Cæsar exercitum dimittat: si non faciat, eum adversus Rempublicam facturum videri. Intercedit M. Antonius, Q. Cassius, tribuni plebis. Refertur confestim de intercessione tribunorum. Dicuntur sententiæ graves, ut quisque acerbissime crudelissimeque dixit, ita quam maxime ab inimicis Cæsaris collaudatur.

III. Misso ad vesperum Senatu, omnes, qui sunt ejus ordinis, a Pompeio evocantur. Laudat promptos, atque in posterum confirmat, seigniores castigat, atque incitat. Multi undique ex veteribus Pompeii exercitibus, spe præmiorum atque ordinum, evocantur. Multi ex duabus legionibus, quæ sunt traditæ a Cæsare, accersuntur. Completur urbs ad jus comitiorum. Tribunos plebis C. Curio evocat. Omnes amici consulum, necessarii Pompeii, atque eorum, qui veteres inimicitias cum Cæsare gerebant, coguntur in Senatum: quorum vocibus et concursu terrentur infirmiores, dubii confirmantur; plerisque vero libere potestas decernendi eripitur. Pollicetur L. Piso Censor, sese iturum ad Cæsarem; item L. Roscius prætor, qui de his rebus eum doceant. vi Dies ad eam rem conficiendam spatii postulant. Dicuntur etiam a nonnullis sententiæ, ut legati ad Cæsarem mittantur, qui voluntatem Senatus ei proponant.

IV. Omnibus his resistitur; omnibusque oratio consulis, Scipionis, Catonis opponitur. Catonem veteres inimiciæ Cæsaris incitant, et dolor repulsæ. Lentulus ærialeni magnitudine, et spe exercitus, ac provinciarum, et regum appellandorum largitionibus movetur: seque alterum fore Syllam, inter suos gloriatur, ad quem summa imperii redeat. Scipionem eadem spes provinciæ atque exercituum impellit, quos se pro necessitudine partiturum cum Pompeio arbitratur: simul judiciorum metus, adulatio, atque ostentatio sui potentium, qui in Republica judiciisque tum plurimum pollebant. Ipse Pompeius ab inimicis Cæsaris incitatus, et quod neminem dignitate secum exæquari volebat, totum se ab ejus amicitia avertebat, et cum communibus inimicis in gratiam redierat; quorum ipse maximam partem illo affinitatis tempore ad-

junxerat

junxerat Cæsari. Simul infamia et legionum permotus, quas ab itinere Asiæ Syriæque ad suam potentiam dominatumque converterat, rem ad arma deduci studebat.

V. His de causis aguntur omnia raptim atque turbate; neque docendi Cæsaris propinquis ejus spatium datur, nec tribunis plebis sui periculi deprecandi, neque etiam extremi juris intercessione retinendi, quod L. Sylla reliquerat, facultas tribuitur; sed de sua salute die vii cogitare coguntur; quod illi turbulentissimi superioribus temporibus tribuni plebis viii denique mense suarum actionum respicere, ac timere consueverant. Decurritur ad illud extremum atque ultimum SC. quo, nisi pene in ipso urbis incendio atque desperatione omnium salutis, latorum audacia, numquam ante discessum est: Dent operam consules, prætores, tribuni plebis, quique pro consulibus sunt ad urbem, ne quid Respublica detrimenti capiat. Hæc SC. perscribuntur a. d. vii Idus Januarii. Itaque v primis diebus, quibus haberi Senatus potuit, qua ex die consulatûm iniit Lentulus, biduo excepto comitali, et de imperio Cæsaris, et de amplissimis viris tribunis plebis gravissime acerbissimeque decernitur. Profugiunt statim ex urbe tribuni plebis seseque ad Cæsarem conferunt. Is eo tempore erat Ravennæ, expectabatque suis lenissimis postulatis responsa: si qua hominum æquitate res ad otium deduci posset.

VI. Proximis diebus habetur Senatus extra urbem. Pompeius eadem illa, quæ per Scipionem ostenderat, agit; Senatus virtutem constantiamque collaudat; copias suas exponit; legiones habere sese paratas x. Præterea cognitum compertumque sibi, alieno esse animo in Cæsarem milites, neque iis posse persuaderi, ut eum defendiant, aut sequantur. De reliquis rebus ad Senatum refertur. Tota ut Italia delectus habeatur; Faustus Sylla proprætor in Mauritaniâ mittatur: pecunia uti ex ærario Pompeio detur. Refertur etiam de rege Juba, ut socius sit atque amicus. Marcellus vero passurum se in præsentia negat. De Fausto impedit Philippus tribunus plebis. De reliquis rebus SC. perscribuntur. Provinciæ privatis decernuntur; duæ consulares, reliquæ prætoris. Scipioni obvenit Syria; L. Domitio Gallia: Philippus et Marcellus privato consilio prætereuntur, neque eorum sortes deiciuntur. In reliquis provincias prætores mittuntur, neque expectant, quod

quod superioribus annis acciderat, ut de eorum imperio ad populum referatur, Paludatique, votis nuncupatis, ex-
cant. Consules, quod ante id tempus acciderat nun-
quam, ex urbe proficiscuntur: lictoresque habent in urbe
et Capitolio privati, contra omnia vetustatis exempla.
Tota Italia delectus habetur, arma imperantur, pecuniæ
a municipiis exiguntur, et e fanis tolluntur: omnia divi-
na, et humana jura permiscuntur.

VII. Quibus rebus cognitis, Cæsar apud milites con-
tionatur; omnium temporum injurias inimicorum in se
commemorat, a quibus diductum et depravatum Pom-
peium queritur, invidia atque obtreptione laudis suæ,
cujus ipse honori, et dignitati semper faverit, adjutorque
fuerit. Novum in Republica introductum exemplum que-
ritur, ut tribunicia intercessio armis notaretur atque op-
primeretur; quæ superioribus annis esset restituta. Syl-
lam, nudata omnibus rebus tribunicia potestate, tamen
intercessionem liberam reliquisse. Pompeium, qui amis-
sam restituisse videatur; dona etiam, quæ ante habuerat,
ademisse: quotiescunque sit decretum, *Darent magistratus
operam, ne quid Respublica detrimenti caperet*; qua voce et
quo SC. populus Romanus ad arma sit vocatus: factum
in perniciosis legibus, in vi Tribunicia, in successione po-
puli, templis locisque editioribus occupatis: atque hæc
superioris ætatis exempla expiata Saturnini atque Grac-
chorum casibus docet: quarum rerum illo tempore nihil
factum, ne cogitatum quidem; nulla lex promulgata, non
cum populo agi cœptum, nulla secessio facta. Hortatur,
cujus imperatoris ductu ix annis Rempublicam felicissime
gesserint, plurimaque proelia secunda fecerint, omnem
Galliam Germaniamque pacaverint; ut ejus existimatio-
nem dignitatemque ab inimicis defendant. Conclamant
legionis XIII, quæ aderat, milites, (hanc enim initio tu-
multus evocaverat: reliquæ nondum convenerant,) sese
paratos esse imperatoris sui Tribunorumque plebis inju-
rias defendere.

VIII. Cognita militum voluntate, Ariminum cum ea
legione proficiscitur, ibique Tribunos plebis qui ad eum
confugerant, convenit: reliquas legiones ex hibernis evo-
cat, et subsequi jubet. Eo L. Cæsar adolescens venit:
cujus pater Cæsaris erat legatus. Is, reliquo sermone
confecto,

confecto, ejus rei causa venerat, habere se a Pompeio ad eum privati officii mandata demonstrat: velle Pompeium se Cæsari purgatum; ne ea, quæ Reipublicæ causa egerit, in suam contumeliam vertat: semper se Reipublicæ commoda privatis necessitatibus habuisse potiora: Cæsarem quoque pro sua dignitate debere et studium et iracundiam suam Reipublicæ dimittere, neque adeo graviter irasci inimicis: ne, quum illis nocere se speret, Reipublicæ noceat. Pauca ejusdem generis addit, cum excusatione Pompeii conjuncta. Eadem fere, atque eisdem de rebus prætor Roscius agit cum Cæsare, sibi que Pompeium commemorasse demonstrat.

IX. Quæ res etsi nihil ad levandas injurias pertinere videbantur: tamen idoneos nactus homines, per quos ea, quæ vellet, ad eum perferrentur, petit ab utroque, quoniam Pompeii mandata ad se detulerint, ne graventur sua quoque ad eum postulata deferre; si parvo labore magnas controversias tollere, atque omnem Italiam metu liberare possint. Sibi semper Reipublicæ primam fuisse dignitatem, vitæque potiorem: doluisse se, quod populi Romani beneficium sibi per contumeliam ab inimicis extorqueretur, ereptoque semestri imperio, in urbem retraheretur; cujus absentis rationem haberi proximis comitiis populis jussisset: tamen hanc honoris jacturam sui Reipublicæ causa æquo animo tulisse: quum literas ad Senatûm miserit, ut omnes ab exercitibus discederent; ne id quidem impetravisse: tota Italia delectus haberi, retineri legiones 11, quæ ab se simulatione Parthici belli sint abductæ: civitatem esse in armis. Quoniam hæc omnia, nisi ad suam perniciem, pertinere; sed tamen ad omnia se descendere paratum, atque omnia pati Reipublicæ causa. Proficiscatur Pompeius in suas provincias: ipsi exercitus dimittant: discedant in Italia omnes ab armis: metus e civitate tollatur: libera comitia, atque omnis Respublica Senatui populoque Romano permittatur. Hæc quo facilius, certisque conditionibus fiant, et jurejurando sanciantur; aut ipse propius accedat, aut se patiatur accedere. Fore, uti per colloquia omnes controversiæ componantur.

X. Acceptis mandatis Roscius dum L. Cæsare Capuam pervenit, ibique consules Pompeiumque invenit. Postulata Cæsaris renunciat. Illi re deliberata respondent, scriptaque

taque ad eum mandata per eos remittunt: quorum hæc erat summa: Cæsar in Galliam reverteretur, Arimino excederet, exercitus dimitteret. Quæ si fecisset, Pompeium in Hispanias iturum. Interea, quoad fides esset data, Cæsarem facturum, quæ polliceretur, non intermissuros consules Pompeiumque delectus

XI. Erat iniqua conditio, postulare, ut Cæsar Arimino excederet, atque in provinciam reverteretur; ipsum et provincias et legiones alienas tenere: exercitum Cæsaris velle dimitti, delectus habere: polliceri, se in provinciam iturum; neque, ante quem diem iturus sit, definire: ut, si peracto Cæsaris consulatu Pompeius profectus non esset, nulla tamen mendacii religione obstrictus videretur. Tempus vero colloquio non dare, neque accessurum polliceri, magnam pacis desperationem afferebat. Itaque ab Arimino M. Antonium cum cohortibus v Arretium mittit: ipse Arimini cum ii legionibus sublestit, ibique delectum habere instituit. Pisaurum, Fanum, Anconam singulis cohortibus occupat.

XII. Interea certior factus, Iguvium Thermum prætorem cohortibus v tenere, oppidum munire, omniumque esse Iguvinorum optimam erga se voluntatem: Curionem cum iii cohortibus, quas Pisauri et Arimini habebat, mittit. Cujus adventu cognito, diffusus municipii voluntati Thermus cohortes ex urbe educit et profugit: milites in itinere ab eo discedunt, ac domum revertuntur. Curio, omnium summa voluntate, Iguvium recipit. Quibus rebus cognitis, confusus municipiorum voluntatibus Cæsar, cohortes legionis xiii ex prælidiis deducit, Auximumque proficiscitur: quod oppidum Attius cohortibus introductis tenebat, delectumque toto Piceno, circummissis senatoribus, habebat.

XIII. Adventu Cæsaris cognito, decuriones Auximi ad Attium Varum frequentes conveniunt: docent sui iudicii rem non esse: neque reliquos municipales pati posse, C. Cæsarem imperatorem bene de Republica meritum, tantis rebus gestis, oppido mœnibusque prohiberi: proinde habeat rationem posteritatis et periculi sui. Quorum oratione permotus Attius Varus, præsidium, quod introduxerat, ex oppido educit, et profugit. Hunc ex primo ordine pauci Cæsaris consecuti milites, consistere cogunt:

commissoque

commissoque prælio deferitur a suis Varus: nonnulla pars militum domum discedit: reliqui ad Cæsarem perveniunt: atque una cum iis deprehensus L. Pupius primipili centurio adducitur, qui hunc eundem ordinem in exercitu Cn. Pompeii antea duxerat. At Cæsar milites Attianos collaudat, Pupium dimittit, Auximatibus agit gratias, seque eorum facti memorem fore pollicetur.

XIV. Quibus rebus Romam nunciatis, tantus repente terror invasit; ut, quum Lentulus consul ad aperiendum ærarium venisset, ad Æmiliam Pompeio ex SC. proferendam, protinus, aperit. Cunctiore ærario, ex urbe profugeret Cæsar enim a Cæsare, jam jamque adesse ejus equites falso nunciabatur. Hunc Marcellus collega et plerique magistratus persecuti sunt. Cn. Pompeius pridie ejus diei ex urbe profectus iter ad legiones habebat, quas a Cæsare acceptas in Apulia hibernorum causa disposuerat. Delectus ex urbe intermittuntur. Nihil citra Capuam tutum esse omnibus videtur. Capuæ primum sese confirmant et colligunt, delectumque colonorum, qui lege Julia Capuam deducti erant, habere instituunt; gladiatoresque, quos ibi Cæsar in ludo habebat, in forum productos, Lentulus libertati confirmat, atque iis equos attribuit, et se sequi iussit: quos postea, monitus a suis, quod ea res omnium iudicio reprehendebatur, circum familiares conventus Campaniæ, custodiæ causa, distribuit.

XV. Auximo Cæsar progressus omnem agrum Picenum percurrit. Cunctas earum regionum præfecturæ libentissimis animis eum recipiunt, exercitumque ejus omnibus rebus juvant. Etiam Cingulo, quod oppidum Labienus constituerat, suæque pecunia exædificaverat, ad eum legati veniunt; quæque imperarit, sese cupidissime facturos pollicentur. Milites imperat. Mittunt. Interea legio XII Cæsarem consequitur, cum his in Asculum Picenum proficiscitur. Id oppidum Lentulus Spinther x cohortibus tenebat: qui Cæsaris adventu cognito profugit ex oppido, cohortesque secum abducere conatus, a magna parte militum deferitur. Relictus in itinere cum paucis incidit in Vibullium Rufum, missum a Pompeio in agrum Picenum, confirmandorum hominum causa. A quo factus Vibullius certior, quæ res in Piceno gererentur, milites ab eo accipit, ipsum dimittit. Item ex finitimis regionibus, quas potest,

test, contrahit cohortes ex delectibus Pompeianis. In iis Camerino fugientem Ulcillem Hirum, cum vi cohortibus, quas ibi in praesidio habuerat, excipit. Quibus coactis, xiiii efficit. Cum iis ad Domitium Ahenobarbum Corfinium magnis itineribus pervenit; Caesaremque adesse cum legionibus ii nunciat. Domitius per se circiter xx cohortes Alba, ex Maris et Pelignis et finitimis ab regionibus coegerat.

XVI. Recepto Asculo, expulsoque Lentulo, Caesar conquiri milites, qui ab eo discesserant, delectumque institui jubet. Ipse, unum diem ibi, rei frumentariae causa, moratus, Corfinium contendit. Eo quum venisset, cohortes v praemissae a Domitio ex oppido pontem fluminis interrompebant, qui erat ab oppido millia passuum circiter xii. Ibi cum antecursoribus Caesaris praelio commisso, celeriter Domitiani a ponte repulsi se in oppidum receperunt. Caesar, legionibus transductis, ad oppidum constitit, juxtaque murum castra posuit.

XVII. Re cognita, Domitius ad Pompeium in Apuliam peritos regionum magno proposito praemio cum literis mittit; qui petant atque orent, ut sibi subveniat. Caesarem duobus exercitibus, et locorum angustiis facile intercludi posse, frumentoque prohiberi. Quod nisi fecerit, se, cohortesque amplius xxx, magnamque numerum senatorum, atque equitum Romanorum in periculum esse venturum. Interim suos cohortatus tormenta in muris disponit: certasque cuique partes ad custodiam urbis attribuit: militibus in concione agros ex suis possessionibus pollicetur, quaterna in singulos jugera, et pro rata parte centurionibus evocatisque.

XVIII. Interim Caesari nunciatur Sulmonenses, quod oppidum a Corfinio vii millium intervallo abest, cupere eum facere, quae vellet, sed a Q. Lucretio senatore, et Attio Peligno prohiberi, qui id oppidum vii cohortium praesidio tenebant. Mittit eo M. Antonium cum legionis viii cohortibus v. Sulmonenses, simul atque nostra signa viderunt, portas aperuerunt; universique et oppidani, et milites obviam gratulantes Antonio exierunt. Lucretius et Attius de muro se dejecerunt. Attius ad Antonium deductus petit, ut ad Caesarem mitteretur. Antonius cum cohortibus et Attio, eodem die, quo profectus erat, re-

Q.

vertitur. Cæsar eas cohortes cum exercitu suo conjunxit, Attiumque incolumem dimisit. Cæsar tribus primis diebus castra magnis operibus munire, et ex finitimis municipiis frumentum comportare, reliquasque copias expectare, instituit. Eo triduo legio viii ad eum venit, cohortesque ex novis Galliæ delectibus xxii, equitesque a rege Norico circiter ccc. Quorum adventu altera castra ad alteram oppidi partem ponit. Iis castris Curionem præfecit: reliquis diebus oppidum vallo castellisque circummunire instituit. Cujus operis maxima parte effecta; eodem fere tempore missi ad Pompeium revertuntur.

XIX. Literis perlectis Domitius dissimulans in consilio pronunciat Pompeium celeriter subsidio venturum; hortaturque eos, ne animo deficient, quæque usui ad defendendum oppidum sint, parent. Ipse arcana cum paucis familiaribus suis colloquitur; consiliumque fugæ capere constituit. Quam vultus Domitii cum oratione non consentiret, atque omnia trepidantius timidiusque ageret, quam superioribus diebus consueisset, multumque cum suis consiliandi causa secreto, præter consuetudinem, colloqueretur; concilia conventusque hominum fugeret; res diutius tegi dissimularique non potuit. Pompeius enim rescripserat sese rem in summum periculum deducturum non esse; neque suo consilio aut voluntate Domitium se in oppidum Corfinium contulisse. Proinde, si qua facultas fuisset, ad se cum omnibus copiis veniret. Id ne fieri posset, obsidione atque oppidi circummunitione fiebat.

XX. Divulgato Domitii consilio, milites qui erant Corfinii, prima vespere secessionem faciunt: atque ita inter se per tribunos militum centurionesque, atque honestissimos sui generis, colloquuntur; obsideri se a Cæsare; opera munitionesque prope esse perfectas; ducem suum Domitium, cujus spe atque fiducia permanserint, projectis omnibus, fugæ consilium capere: debere se suæ salutis rationem habere. Ab his primo Marsi dissentire incipiunt, eamque oppidi partem, quæ munitissima videretur, occupant: tantaque inter eos dissensio exstitit, ut manum conferere atque armis dimicare conarentur. Post paullo tamen, internunciis ultro citroque missis, quæ ignorabant, de L. Domitii fuga, cognoscunt. Itaque omnes uno consilio Domitium productum in publicum circumfistunt, et custodiunt;

todiunt; legatosque ex suo numero ad Cæsarem mittunt: sese paratos esse portas aperire, quæque imperaverit facere, et L. Domitium vivum in ejus potestatem transfere.

XXI. Quibus rebus cognitis Cæsar, etsi magni interesse arbitrabatur, quamprimum oppido potiri, cohortesque ad se in castra transducere, ne qua aut largitionibus, aut animi confirmatione, aut falsis punciis commutatio fieret voluntatis, quod sæpe in bello parvis momentis magni casus intercederent; tamen veritus, ne militum introitu, et nocturni temporis licentia oppidum diriperetur, eos, qui venerant, collaudat, atque in oppidum dimittit; portas murosque asservari jubet. Ipse iis operibus, quæ facere instituerat, milites disponit, non certis spatiis intermissis, ut erat superiorum dierum consuetudo, sed perpetuis vigiliis stationibusque, ut contingant inter se, atque omnem munitionem expleant: tribunos militum et præfectos circummittit; atque hortatur, non solum ab eruptionibus cavēant, sed etiam singulorum hominum occultos exitus asservent. Neque vero tam remisso ac languido animo quisquam omnium fuit, qui ea nocte conquieverit. Tanta erat summā rerum expectatio, ut alius in aliam partem mente atque animo traheretur, quid ipsis Corfiniensibus, quid Domitio, quid Lentulo, quid reliquis accideret, qui quosque eventus exciperet.

XXII. Quarta vigilia circiter Lentulus Spinther de muro cum vigiliis custodibusque nostris colloquitur; velle, si sibi fiat potestas, Cæsarem convenire. Facta potestate, ex oppido mittitur, neque ab eo prius Domitiani milites discedunt, quam in conspectum Cæsaris deducatur. Cum eo de salute sua agit, atque obsecrat, sibi ut parcat; veteremque amicitiam commemorat; Cæsarisque in se beneficia exponit; quæ erant maxima; quod per eum in collegium pontificum venerat; quod provinciam Hispaniam ex prætura habuerat; quod in petitione consulatus ab eo erat sublevatus. Cujus orationem Cæsar interpellat: Se, non maleficii causa ex provincia egressum, sed uti se a contumeliis inimicorum defenderet; ut tribunos plebis ex re ex civitate expulsos, in suam dignitatem restitueret; ut se, et populum Romanum, paucorum factione oppressum, in libertatem vindicaret. Cujus oratione confirmatus Lentulus, ut in oppidum reverti liceat, petit: quod de

sua salute impetraverit, fore etiam reliquis ad suam spe solatio. Adeo esse perterritos nonnullos, ut suæ vitæ durius consulere cogantur. Facta potestate, discedit.

XXIII. Cæsar, ubi illuxit, omnes senatores, senatorumque liberos, tribunos militum equitesque Romanos ad se produci jubet. Erant senatorii ordinis L. Domitius et P. Lentulus Spinther, L. Vibullius Rufus, Sex. Quintilius Varus quæstor, L. Rubrius; præterea filius Domitii aliique complures adolescentes, et magnus numerus equitum Romanorum et Decurionum, quos ex municipiis Domitius evocaverat. Hos omnes productos a contumeliis militum conviciisque prohibet: pauca apud eos loquitur, quod sibi a parte eorum gratia relata non sit pro suis in eos maximis beneficiis; dimittit omnes incolumes. Sextertium sexagies, quod aurum adduxerat Domitius, atque in publicum deposuerat, allatum ad se ab Duumviris Corfiniensibus Domitio reddit, ne continentior in vita hominum, quam in pecunia fuisse videatur; etsi eam pecuniam publicam esse constabat, datamque a Pompeio in stipendium. Milites Domitianos sacramentum apud se dicere jubet: atque eo die castra movet: justumque iter conficit. VII omnino dies ad Corfinium commoratus, et per fines Marrucinorum, Frentanorum, Larinadum in Apuliam pervenit.

XXIV. Pompeius, iis rebus cognitis, quæ erant ad Corfinium gestæ, Luceria proficiscitur Canusium, aque inde Brundisium. Copias undique omnes ex novis delectibus ad se cogi jubet. Servos, pastores armat; atque his equos attribuit. Ex iis circiter ccc equites conficit. L. Manlius prætor Alba cum cohortibus vi profugit: Rutilus Lupus prætor Tarracina cum iii: quæ, procul equitatum Cæsaris conspiciatæ, cui præerat Bivius Curius, relicto prætore, signa ad Curium transferunt, atque ad eum transeunt. Item reliquis itineribus nonnullæ cohortes in agmen Cæsaris, aliæ in equites incidunt. Reducitur ad eum deprehensus ex itinere Cn. Magius Cremona præfectus fabrum Cn. Pompeii: quem Cæsar ad eum remittit cum mandatis: quoniam ad id tempus facultas colloquendi non fuerit, atque ad se Brundisium sit venturus, interesse Reipublicæ et communis salutis, se cum Pompeio colloqui: reliquæ vero idem perfici longo itineris spatio, quum per alies

conditiones ferantur, ac si coram de omnibus conditionibus disceptetur.

XXV. His datis mandatis, Brundisium cum legionibus vi pervenit, veteranis iv: reliquis, quas ex novo delectu confecerat, atque in itinere compleverat. Domitianas enim cohortes protinus a Corfinio in Siciliam miserat. Reperit consules Dyrrhachium profectos cum magna parte exercitus, Pompeium remanere Brundisii cum cohortibus xx. Neque certum inveniri poterat, obtinendine causa Brundisii ibi remansisset, quo facilius omne Hadriaticum mare, extremis Italiae partibus regionibusque Græciæ, in potestatem haberet, atque ex utraque parte bellum administrare posset, an inopia navium ibi restitisset. Veritusque, ne Italiam ille dimittendam non existimaret, exitus administrationesque Brundisini portus impedire instituit: quorum operum hæc erat ratio. Qua fauces erant angustissimæ portus, molem atque aggerem ab utraque parte litoris jaciebat, quod his locis erat mare vadofum. Longius progressus, quum agger altiore aqua contineri non posset, rates duplices, quoquo versus pedum xxx e regione molis collocabat. Has quaternis anchoris ex quatuor angulis destinabat, ne fluctibus moverentur. His perfectis, collocatisque, alias deinceps pari magnitudine rates jungebat. Hasterra atque aggere contegebat, ne aditus atque incursus ad defendendum impediretur: a fronte atque ab utroque latere cratibus ac pluteis protegebat. In quarta quaque earum turres binorum tabulatorum excitabat, quo commodius ab impetu navium incendiisque defenderet.

XXVI. Contra hæc Pompeius naves magnas onerarias, quas in portu Brundisino deprehenderat, adornabat. Ibi turres cum ternis tabulatis erigebat, easque multis tormentis et omni genere telorum completas, ad opera Cæsaris appellebat; ut rates perrumperet, atque opera disturbaret: sic quotidie utrimque eminus fundis, sagittis reliquisque telis, pugnabatur. Atque hæc ita Cæsar administrabat, ut conditiones pacis dimittendas non existimaret; ac tametsi magnopere admirabatur, Magium, quem ad Pompeium cum mandatis miserat, ad se non remitti: atque ea res sæpe tentata. etsi impetus ejus consiliaque tardabat, tamen omnibus rebus in eo perseverandum putabat. Itaque Caninium Rebilum legatum, familiarem ne-

cessariumque Scribonii Libonis, mittit ad eum colloquii causa. Mandat, ut Libonem de consilianda pace hortetur; in primis, ut ipse eum Pompeio colloqueretur, postulat. Magnopere sese confidere demonstrat, si ejus rei sit potestas facta, fore, ut æquis conditionibus ab armis discedatur: cujus rei magnam partem laudis atque existimationis ad Libonem perventuram, si illo auctore atque agente, ab armis sit discessum. Libo a colloquio Caninii digressus, ad Pompeium proficiscitur. Paulo post renunciat, quod consules absint, sine illis de compositione agi non posse. Ita sæpius rem frustra tentatam Cæsar aliquando dimittendam sibi judicabat, et de bello agendum.

XXVII. Prope dimidia parte operis a Cæsare effecta, diebusque in ea re consumptis ix, naves a consulibus Dyrachio remissæ, quæ priorem partem exercitus eo deportaverant, Brundisium revertuntur. Pompeius, sive operibus Cæsaris permotus, sive etiam quod ab initio Italia excedere constituerat, adventu navium profectionem parare incipit: et, quo facilius impetum Cæsaris tardaret, ne sub ipsa profectione milites oppidum irrumperent, portas obstruit, vicos plateasque inædificat, fossas transversas viis præducit, atque ibi fudes stipitesque præcutos desigit. Hæc levibus cratibus, terraque inæquat. Aditus autem atque itinera duo, quæ extra murum ad portum ferebant, maximis defixis trabibus, atque eis præcutis, præsepit. His paratis rebus, milites silentio naves conscendere jubet; expeditos autem ex evocatis sagittariis funditoribusque, raros in muro turribusque disponit. Hos certo signo revocare constituit, quum omnes milites naves conscendissent; atque iis expedito loco actuaria navigia relinquit.

XXVIII. Brundisini Pompeianorum militum injuriis, atque ipsius Pompeii contumeliis permoti Cæsaris rebus favebant. Itaque, cognita Pompeii profectione, concurrentibus illis, atque in ea re occupatis, vulgo ex testis significabant: per quos re cognita, Cæsar scalas parari, militesque armari jubet, ne quam rei gerendæ facultatem dimittat. Pompeius sub noctem naves solvit: Qui erant in muro custodiæ causa collocati, eo signo, quod convenerat, revocantur, notisque itineribus ad naves decurrunt. Milites positis scalis muros ascendunt. Sed monti a Brundisinis, ut vallum cæcum fossasque caveant, subsistunt,

et longo itinere ab iis circumducti ad portum perveniunt, duasque naves cum militibus, quæ ad moles Cæsaris adhæserant, scaphis lintribusque deprehendunt; deprehensasque excipiunt.

XXIX. Cæsar etsi ad spem conficiendi negotii maxime probabat coactis navibus mare transire, et Pompeium sequi, prius quam ille sese transmarinis auxiliis confirmaret; tamen rei ejus moram temporisque longinquitatem timebat: quod, omnibus coactis navibus, Pompeius præsentem facultatem insequendi sui ademerat. Relinquebatur, ut ex longinquiorebus regionibus Galliæ Picensique, et a Fretò naves essent expectandæ. Sed id propter anni tempus, longum atque impeditum videbatur. Interea veterem exercitum, duas Hispanias confirmari; quarum altera erat maximis beneficiis Pompeii devincta; auxilia, equitatum parari; Galliam Italiamque tentari se absente, nolebat.

XXX. Itaque in præsentia Pompeii insequendi rationem omittit: in Hispaniam proficisci constituit: ut viris municipiorum omnium imperat, ut naves conquirant, Brundisiumque deducendas curent. Mittit in Sardiniam cum legione una Valerium legatum, in Siciliam Curionem proprætorem cum legionibus III: eundem, quum Siciliam recepisset, protinus in Africam transducere exercitum jubet. Sardiniam obtinebat M. Cotta, Siciliam M. Cato: Africam sorte Tubero obtinere debebat. Caralitani, simul ad se Valerium mitti audierunt, nondum profecto ex Italia, sua sponte ex oppido Cottam ejiciunt. Ille perterritus, quod omnem provinciam consentire intelligeret, ex Sardinia in Africam profugit. Cato in Sicilia naves longas veteres reficiebat: novas civitatibus imperabat: hæc magno studio agebat: in Lucanis, Brutiisque, per legatos suos civium Romanorum delectus habebat, equitum peditumque certum numerum a civitatibus Siciliæ exigebat. Quibus rebus pæne perfectis, adventu Curionis cognito, queritur in concione sese projectum ac proditum a Cn. Pompeio; qui, omnibus rebus imparatissimus, non necessarium bellum suscepisset; et ab se reliquisque in Senatu interrogatus, omnia sibi esse ad bellum apta ac parata confirmasset. Hæc in concione questus, ex provincia fugit.

XXXI. Nacti vacuas ab imperiis, Sardiniam Valerius, Curio Siciliam, cum exercitibus eo perveniunt. Tuberus, quum in Africam venisset, invenit in provincia cum imperio Attium Varum, qui ad Auximum, ut supra demonstravimus, amissis cohortibus, protinus ex fuga in Africam pervenerat, atque eam sua sponte vacuum occupaverat; delectuque habito, si legiones effecerat, hominum et locorum notitia et usu ejus provinciae, nactus aditus ad ea conanda; quod paucis ante annis ex praetura eam provinciam obtinuerat. Hic venientem Uticam cum navibus Tuberonem portu atque oppido prohibet, neque affectum valetudine filium exponere in terram patitur, sed sublatis anchoris excedere eo loco cogit.

XXXII. His rebus confectis Caesar, ut reliquum tempus a labore intermitteretur, milites in proxima municipia deducit. Ipse ad Urbem proficiscitur. Causa Senatu, injurias inimicorum commemorat: docet se nullum extraordinarium honorem appetisse; sed, expectato legitimo tempore consulatus, se fuisse contentum, quod omnibus civibus pateret, latum ab x Tribunis plebis contradicentibus inimicis, Catone vero acerrime repugnante, et pristina consuetudine dicendi mora diem extrahente, ut sui ratio absentis haberetur, ipso consule Pompeio; qui si improbasset, cur ferri passus esset? sin probasset, cur se uti populi beneficio prohibuisset? Patientiam proponit suam, quum de exercitibus dimittendis ultro postulavisset; in quo iacturam dignitatis atque honoris ipse facturus esset. Acerbitatem inimicorum docet; qui, quod ab altero postularent, in se recusarent; atque omnia permisceri malent, quam imperium exercitusque dimittere. Injuriam in eripiendis legionibus praedicat; crudelitatem et insolentiam in circumscribendis Tribunis plebis, condiciones a se latas, et expetita colloquia et denegata, commemorat. Pro quibus rebus orat ac postulat, Rempublicam suscipiant, atque una secum administrent. Sin timore defugiant, illis se oneri non futurum, et per se Rempublicam administraturum. Legatos ad Pompeium de compositione mitti oportere: neque se reformidare, quod in Senatu paullo ante Pompeius dixisset, ad quos legati mitterentur, iis auctoritatem attribui; timoremque eorum, qui mitterent, significari: tenuis, atque infirmi hanc animi videri: se ve-

ro, ut opibus anteire studuerit, sic iustitia et æquitate velle superare.

XXXIII. Probat rem Senatus de mittendis legatis: sed qui mitterentur, non reperiebantur, maximeque timoris causa pro se quisque id munus legationis recusabat. Pompeius enim discedens ab urbe in Senatu dixerat, eodem se habiturum loco, qui Romæ remansissent, et qui in castris Cæsaris fuissent. Sic triduum disputationibus excusationibusque extrahitur. Subjicitur etiam L. Metellus Tribunus plebis ab inimicis Cæsaris, qui hanc rem distrahat, reliquasque res, quasunque agere instituerit, impediat. Cujus cognito consilio, Cæsar, frustra diebus aliquot consumptis, ne reliquum tempus omittat, infectis iis, quæ agere destinaverat, ab urbe profisciscitur, atque in ulteriorem Galliam pervenit.

XXXIV. Quo quum venisset, cognoscit missum in Hispaniam a Pompeio Vibullium Rufum, quem paucis diebus ante Corfinio captum dimiserat: profectum item Domitium ad occupandam Massiliam navibus actuariis vii, quas Igili, et in Cosano a privatis coactas, servis, libertis, colonis suis compleverat: præmissos etiam legatos Massilienses domi nobiles adolescentes; quos ab urbe discedens Pompeius erat adhortatus, ne nova Cæsaris officia veterem suorum beneficiorum in eos memoriam expellerent. Quibus mandatis acceptis Massilienses portas Cæsari clauferant: Albicos, barbaros homines, qui in eorum fide antiquitus erant, montesque supra Massiliam incolebant, ad se vocaverant: frumentum ex finitimis regionibus, atque ex omnibus castellis in urbem convexerant; armorum officinas in urbe instituerant: muros, classem portasque refecerant.

XXXV. Evocat ad se Cæsar Massiliensium xv primos: cum his agit, ne initium inferendi belli a Massiliensibus oriatur: debere eos Italiæ totiûs auctoritatem sequi potius, quam unius hominis voluntati obtemperare. Reliqua, quæ ad eorum sanandas mentes pertinere arbitrabatur, commemorat. Cujus orationem domum legati referunt; atque ex auctoritate hæc Cæsari renunciant: Intelligere se divisum esse populum Romanum in partes duas; neque sui judicii, neque suarum esse virium discernere, utra pars iustiore habeat causam: principes vero esse earum

earum partium Cn. Pompeium et C. Cæsarem patronos civitatis, quorum alter agrōs Volcarum Arecomicorum et Helviorum publice iis concesserit: alter bello victas Gallias attribuerit, vestigaliaque auxerit. Quare paribus eorum beneficiis, parem se quoque voluntatem tribuere debere, et neutrum eorum contra alterum juvare, aut urbe aut portibus recipere.

XXXVI. Hæc dum inter eos aguntur, Domitius navibus Massiliam pervenit; atque ab iis receptus urbi præficitur. Summa ei belli administrandi permittitur. Ejus imperio classem quoque versus dimittunt: onerarias naves, quas ubique possunt, deprehendunt, atque in portum deducunt: earum clavis, aut materia, atque armamentis instructis ad reliquas armandas reficiendasque utuntur: frumenti quod inventum est, in publicum conferunt: reliquas merces commeatusque ad obsidionem urbis, si accidat, reservant. Quibus injuriis permotus Cæsar, legiones in Massiliam adducit: turres vineasque ad oppugnationem urbis agere, naves longas Arelate numero xii facere instituit. Quibus effectis armatisque diebus xxx, a qua die materia cæsa est, adductisque Massiliam, his D. Brutum præficit; C. Trebonium legatum ad oppugnationem Massiliæ relinquit.

XXXVII. Dum hæc parat atque administrat, C. Fabium legatum cum legionibus iii, quas Narbone, circumque ea loca, hiemandi causa, disposuerat, in Hispaniam præmittit; celeriterque Pyrenæos saltus occupari jubet; qui eo tempore ab L. Afranio legato præsidio tenebantur. Legiones reliquas, quæ longius hiemabant, subsequi jubet. Fabius, ut erat imperatum, adhibita celeritate, præsidium ex saltu dejecit, magnisque itineribus ad exercitum Afranii contendit.

XXXVIII. Adventu Vibullii Rufi, quem a Pompeio missum in Hispaniam demonstratum est, Afranius et Petreius et Varro legati Pompeii, quorum unus iii legionibus Hispaniam citeriorem; alter a saltu Castulonensi, ad Anam, ii legionibus; tertius ab Ana, Vettonum agrum Lusitaniamque pari numero legionum obtinebat, officia inter se partiuntur: ut Petreius ex Lusitania per Vettones cum omnibus copiis ad Afranium profiscatur; Varro cum iis, quas habebat, legionibus omnem ulteriorem Hispaniam tueatur. His rebus constitutis, equites auxiliaque

liaque toti Lusitaniæ a Petreio, Celtiberis, Cantabris barbarisque omnibus, qui ad Oceanum pertinent, ab Afranio imperantur. Quibus coactis, celeriter Petreius per Vettones ad Afranium pervenit. Constituunt communi consilio, bellum ad Ilerdam, propter ipsius loci opportunitatem, gerere.

XXXIX. Erant, ut supra demonstratum est, legiones Afranii III, Petreii II. Præterea scutati citerioris provinciæ, et cetratæ ulterioris Hispaniæ cohortes circiter xx, equitum utriusque provinciæ circiter v millia. Cæsar legiones in Hispaniam præmiserat, ad vi millia auxilia peditum, equitum III millia, quæ omnibus superioribus bellis habuerat, et parem ex Gallia numerum, quem ipse paraverat, nominatim ex omnibus civitatibus, nobilissimo et fortissimo quoque evocato. Hinc optimi generis hominum ex Aquitanis montanisque, qui Galliam provinciam attingunt. Audierat Pompeium per Mauritaniam cum legionibus iter in Hispaniam facere, confestimque esse venturum: simul a tribunis militum centurionibusque mutuas pecunias sumpsit. Has exercitui distribuit. Quo facto, duas res consecutus est: quod pignore animos centurionum devinxit, et largitione redemit militum voluntates.

XL. Fabius finitimarum civitatum animos literis nunciisque tentabat. In Sicore flumine pontes effecerat duos, inter se distantes millia passuum IV. His pontibus pabulatum mittebat: quod ea, quæ citra flumen fuerant, superioribus diebus consumpserat. Hoc idem fere, atque eadem de causa Pompeiani exercitus duces faciebant; crebroque inter se equestribus præliis contendebant. Huc quum quotidiana consuetudine (congressæ) pabulatoribus præsidio (proprio) legiones Fabianæ II flumen transissent; impedimenta que et omnis equitatus sequeretur; subit, vi jumentorum et aquæ magnitudine, pons est interruptus, et reliqua multitudo equitum interclusa. Quo cognito (a Petreio, et Afranio) ex aggere atque cratibus, quæ flumine ferebantur, celeriter ponte Afranius, quem oppido castrisque conjunctum habebat, legiones IV equitatumque omnem transjecit, duabusque Fabianis occurrit legionibus: cujus adventu nunciato, L. Plancus, qui legionibus præerat, necessaria re coactus, locum capit superiorem; diversamque aciem in duas partes constituit; ne ab equitatu circumvenire

circumvenire posset. Ita, congressus impari numero, magnos impetus legionum equitatusque sustinet. Commisso ab equitibus prælio, signa 11 legionum procul ab utrisque conspiciuntur, quas C. Fabius ulteriore ponte subsidio nostris miserat; suspicatus fore id quod accidit, ut duces adversariorum occasione et beneficio fortunæ ad nostros opprimendos uterentur: quarum adventu prælium dirimitur, ac suas uterque legiones reducit in castra.

XLII. Eo biduo Cæsar cum equitibus decem, quos sibi præsidio reliquerat, in castra pervenit. Pons, qui fuerat tempestate interruptus, neque erat restructus, hunc noctu perfici iussit. Ipse cognita locorum natura, ponti castrisque præsidio vi cohortes reliquit, atque omnia impedimenta: et postero die omnibus copiis, triplici instructa acie, ad Ilerdam proficiscitur, et sub castris Afranii constitit: et ibi paullisper sub armis moratus, facit æquo loco pugnandi potestatem. Potestate facta, Afranius copias educit, et in medio colle sub castris constitit. Cæsar, ubi cognovit per Afranium stare, quo minus prælio dimicaretur, ab infimis radicibus montis, intermissis circiter passibus centis, castra facere constituit: et, ne in opere faciendo milites repentino hostium incursum exterrerentur, atque opere prohiberentur, vallo muniri vetuit, quod eminere, et procul videri necesse erat. Sed a fronte contra hostem pedum xv fossam fieri iussit. Prima et secunda acies in armis, ut ab initio constituta erat, permanebat. Post hos opus in occulto acies tertia faciebat. Sic omne prius est perfectum, quam intelligeretur ab Afranio castra muniri.

XLIII. Sub vesperum Cæsar intra hanc fossam legiones reducit, atque ibi sub armis proxima nocte conquiescit. Postero die omnem exercitum intra fossam continet: et, quod longius erat agger petendus, in præsentia similem rationem operis instituit: singulaque latera castrorum singulis attribuit legionibus munienda: fossasque ad eandem magnitudinem perfici jubet. Reliquas legiones in armis expeditas contra hostem constituit. Afranius Petreiusque, terrendi causa, atque operis impediendi, copias suas ad infimas montis radices producant, et prælio laceffunt. Neque idcirco Cæsar opus intermittit, confusus præsidio legionum 111, et munitione fossæ. Illi non diu commorati, nec longius ab infimo colle progressi, copias in castra re-

ducunt.

dicunt. III die Cæsar vallo castra communit: reliquas cohortes, quas in superioribus castris reliquerat, impedimenta que ad se transdûci jubet.

XLIII. Erat inter oppidum Ilerdam, et proximum collem, ubi castra Petreius atque Afranius habebant, planicia circiter passuum ccc: atque in hoc fere medio spatio tumulus erat paullo editior: quem si occupasset Cæsar, et communisset, ab oppido, et ponte, et cœmœatu omni, quem in oppidum contulerant, se interclusurum adversarios confidebat. Hoc sperans, legiones III ex castris educit: acieque in locis idoneis instructa, unius legionis antesignanos præcurrere, atque occupare eum tumulum jubet. Qua re cognita, celeriter, quæ in statione pro castris erant Afranii cohortes, breviorē itinere ad eundem occupandam locum mittuntur. Contenditur prælio, et, quod prius in tumulum Afraniani venerant, nostri repelluntur, atque, aliis submissis subsidiis, terga vertere, seque ad signa legionum recipere coguntur.

XLIV. Genus erat pugnae militum illorum, ut magno impetu primo procurrent; audacter locum caperent; ordines suos non magnopere servarent, rari dispersique pugnarent: si promerentur, pedem referre, et loco excedere non turpe existimarent, cum Lusitanis reliquisque barbaris genere quodam pugnae assuefacti: quod fere sit, quibus quisque in locis miles inveteraverit, uti multum earum regionum consuetudine moveatur. Hæc tamen ratio nostros perturbat, insuetos hujus generis pugnae. Circumiri enim sese ab aperto latere, procurrentibus singulis, arbitrantur. Ipsi autem suos ordines servare, neque ab signis discedere, neque sine gravi causa eum locum, quem ceperant, dimitti censuerant oportere. Itaque, perturbatis antesignanis, legio, quæ in eo cornu constiterat, locum non tenuit, sed in proximum collem sese recepit.

XLV. Cæsar pæne omni acie perterrita, quod præter opinionem consuetudinemque acciderat, cohortatus suos, legionem IX a subsidio ducit: hostem insolenter atque acriter nostros insequentem suppressit, rursusque terga vertere, seque ad oppidum Ilerdam recipere, et sub muro consistere cogit. Sed IX legionis milites elati studio, dum sarcire acceptum detrimentum volunt, temere insecuti fugientes in locum iniquum progrediuntur, et sub montem,

in quo erat oppidum positum, succedunt. Hinc se recipere quum vellent, rursus illi ex loco superiore nostros premebant. Præruptus locus erat, utraque ex parte directus, ac tantum in latitudinem patebat, ut tres instructæ cohorte eum locum explerent, et neque subsidia a lateribus summitti, neque equites laborantibus usui esse possent. Ab oppido autem declivis locus tenui vestigio vergebat, in longitudinem passuum circiter c. Hac nostris erat receptus; quod eo, incitati studio, inconsultius processerant. Hoc pugnabatur loco et propter angustias iniquo, et quod sub ipsis radicibus montis constiterant, ut nullum frustra telum in eos mitteretur: tamen virtute et patientia mitebantur, atque omnia vulnera sustinebant. Augebantur illis copiæ, atque ex castris cohortes per oppidum crebro summittebantur; ut integri defessis succederent. Hoc idem Cæsar facere cogeatur: ut, summissis in eundem locum cohortibus, defessos reciperet.

XLVI. Hoc quum esset modo pugnatum continenter horis v, nostrique gravius a multitudine premerentur; consumptis omnibus telis, gladiis districtis, impetum adversus montem in cohortes faciunt; paucisque dejectis, reliquos sese convertere cogunt. Summotis sub murum cohortibus, ac nonnulla parte propter terrorem in oppidum compulsis, facilis est nostris receptus datus. Equitatus autem noster ab utroque latere, etsi dejectis aut inferioribus locis constiterat, tamen in summo jugum virtute connititur, atque inter duas acies perequitans commodiorem ac tutiorem nostris receptum dat. Ita vario certamine pugnatum est. Nostri in primo congressu circiter lxx ceciderunt, in his Q. Fulginius ex primo hastato legionis xiv, qui propter eximiam virtutem, ex inferioribus ordinibus in eum locum pervenerat. Vulnerantur amplius dc. Ex Afranianis interficiuntur T. Cæcilius, primi pili centurio, et, præter eum, centuriones iv, milites amplius cc.

XLVII. Sed hæc ejus die præfertur opinio, ut se utrique superiores discessisse existimarent: Afraniani, quod, quum esse omnium judicio inferioris viderentur, cominus tamen diu stetissent et nostrorum impetum sustinuis-
sent, et initio locum tumultumque tenuissent; quæ causa pugnandi fuerat; et nostros primo congressu terga vertere coegissent: nostri autem, quod iniquo loco atque im-
pari

pari congressi numero, v horis proelium sustinuissent; quod montem gladiis districtis adscendissent; quod ex loco superiore terga vertere adversarios coëgissent: atque in oppidum compulissent. Illi cum tumulum, pro quo pugnatum est, magnis operibus munierunt, præsidiumque ibi posuerunt.

XLVIII. Accidit etiam repentinum incommodum bi-duo, quo hæc gesta sunt. Tanta enim tempestas cooritur, ut nunquam illis locis majores aquas fuisse constaret. Tum autem ex omnibus montibus nives proluit, ac summas ripas fluminis superavit; pontesque ambos, quos C. Fabius fecerat, uno die interrupit. Quæ res magnas difficultates exercitui Cæsaris attulit. Castra enim, ut supra demonstratum est, quum essent inter flumina duo, Sicorim et Cingam, spatio millium xxx, neutrum horum transiri poterat; necessarioque omnes his angustis continebantur, neque civitates, quæ ad Cæsaris amicitiam accesserant, frumentum supportare; neque ii, qui pabulatum longius progressi erant, interclusi fluminibus, reverti; neque maximi comitatus, qui ex Italia Galliaque veniebant, in castra pervenire poterant. Tempus autem erat anni difficillimum, quo neque frumenta in herbis erant, neque multum a maturitate aberant: ac civitates exinanitæ, quod Afranius pæne omne frumentum ante Cæsaris adventum Ilerdam convexerat: reliqui si quid fuerat, Cæsar superioribus diebus consumpserat: pecora, quod secundum poterat esse inopiæ subsidium, propter bellum finitimæ civitates longius removerant: qui erant pabulandi aut frumentandi causa progressi, hos levis armaturæ Lusitani, peritique earum regionum cetrati citerioris Hispaniæ confectabantur, quibus erat proclive transnare flumen; quod consuetudo eorum omnium est, ut sine utribus ad exercitum non eant.

XLIX. At exercitus Afranii omnium rerum abundabat copia. Multum erat frumentum provisum, et convectum superioribus temporibus: multum ex omni provincia comportabatur: magna copia pabuli suppetebat. Harum rerum omnium facultates sine ullo periculo pons Ilerdæ præbebat, et loca trans flumen integra, quo omnino Cæsar adire non poterat.

L. Expermanferunt aquæ dies complures. Conatus est Cæſar reficere pontes: ſed nec magnitudo fluminis permittebat; neque ad ripam diſpoſitæ cohortes adverſariorum perfici, patiebantur: quod illis prohibere erat facile, tum ipſius fluminis natura, atque aquæ magnitudine, tum quod ex totis ripis in unum atque anguſtum locum tela jaciebantur: atque erat difficile, eodem tempore rapidiſſimo flumine opera perficere, et tela vitare.

LI. Nunciatur Afranio, magnos comitatus, qui iter habebant ad Cæſarem, ad flumen conſtitiſſe. Venerant eo ſagittarii ex Ruthenis; equites ex Gallia cum multis caris magniſque impedimentis, ut fert Gallica conſuetudo. Erant præterea cujuſque generis hominum millia circiter vi cum ſervis liberisque: ſed nullus ordo, nullum imperium certum, quum ſuo quiſque conſilio uteretur, atque omnes ſine timore iter facerent, uſi ſuperiorum temporum atque itinerum licentia. Erant complures honeſti adoleſcentes, ſenatorum filii, et equeſtris ordinis: erant legationes civitatum: erant legati Cæſaris. Hos omnes flumina continebant. Ad hos opprimendos cum omni equitatu, tribuſque legionibus Afranius de nocte proficiſcitur, imprudenteſque antemiſſis equitibus aggreditur. Celeriter tamen ſeſe Galli equites expediunt, proliumque committunt. Hi, dum pari certamine res geri potuit, magnum hoſtium numerum pauci ſuſtinuere: ſed, ubi ſigna legionum appropinquare cœperunt, paucis amiſſis, ſeſe in montes proximis conferunt. Hoc pugnæ tempus magnum attulit noſtris ad ſalutem momentum. Naſti enim ſpatium ſe in loca ſuperiora receperunt. Deſiderati ſunt eo die ſagittarii circiter cc, equites pauci: calorum atque impedimentorum non magnus numerus.

LII. His tamen omnibus annona crevit: quæ fere res inopia non ſolum præſentis, ſed etiam futuri temporis timore ingraveſcere conſuevit. Jamque ad denarios L in ſingulos mœdios annona pervenerat, et militum vires inopia frumenti diminuerat, atque incommoda in dies augebantur, et tam paucis diebus magna erat rerum facta commutatio, ac ſe fortuna inclinaverat; ut noſtri magna inopia neceſſariarum rerum conſiſtarentur; illi omnibus abundarent rebus ſuperioreſque haberentur. Cæſar iis civitatibus, quæ ad ejus amicitiam acceſſerant, quo minor erat

erat frumenti copia; pecus imperabat; calones ad longinquiores civitates dimittebat. Ipse praesentem inopiam, quibus poterat subsidiiis tutabatur.

LIII. Haec Afranius Petreiusque et eorum amici, pleniora etiam atque uberiora Romam ad suos perscribebant. Multa rumor fingeat: ut pene bellum confectum videretur. Quibus literis nunciisque Romam perlatis, magni domum concursus ad Afranium, magnae gratulationes fiebant, multi ex Italia ad Cn. Pompeium proficisciebantur; alii, ut principes talem nuncium attulisse, alii, ac eventum belli expectasse, aut ex omnibus navissimi venisse viderentur.

LIV. Quum in his angustiis res esset; atque omnes naves Afranianis militibus equitibusque obsiderentur; nec pontes perfici possent: imperat militibus Caesar, ut naves faciant, cujus generis cum superioribus annis usus Britanniae docuerat. Carinae primum ac statumina ex levi materia fiebant; reliquum corpus navium, viminibus contextum, coriis integebatur. Has perfectas carris junctis devehit noctu millia passuum a castris xxii: militesque his navibus flumen transportat; continentemque ripae collem improviso occupat. Hunc celeriter, prius quam ab adversariis sentiat, communit. Huc legionem postea transducit; atque ex utraque parte pontem institutum perficit biduo. Ita comitatus, et qui frumenti causa processerant, tuto ad se recipit; et rem frumentariam expedire incipit.

LV. Eodem die equitum magnam partem flumen transiecit: qui inopinantes pabulatores, et sine ullo dissipatos timore aggressi, quam maximum numerum jumentorum atque hominum intercipiunt: cohortibusque cetratis subsidio missis, scienter in duas partes sese distribuunt; alii, ut praedae subsidio sint; alii, ut venientibus resistent, atque eos propellant: unamque cohortem, quae temere ante ceteras extra aciem procurrerat, seclusam a reliquis circumveniunt atque interficiunt; incolumesque cum magna praeda eodem ponte in castra revertuntur.

LVI. Dum haec ad Ilerdam geruntur, Massilienses usque L. Domitii consilio naves longas expediunt, numero xxv quarum erant xi testae. Multa huc minora navigia addunt, ut ipsa multitudo nostra classis terreatur: magnam numerum sagittariorum, magnum Albicorum, de quibus

quibus supra demonstratum est, imponunt: atque hos præmiis pollicitationibusque incitant. Certas sibi depositas naves Domitius, atque has colonis pastoribusque, quos secum adduxerat, complet. Sic omnibus rebus instructa classe, magna fiducia ad nostras naves procedunt, quibus præerat D. Brutus. Hæ ad insulam, quæ est contra Massiliam, stationes obtinebant.

LVII. Erat multo inferior numero navium Brutus: sed delectos ex omnibus legionibus fortissimos viros assignatos, centuriones Cæsar ei classi attribuerat, qui sibi id muneris depoposcerant. Ii manus ferreas atque harpagones paraverant; magnoque numero pilorum, trugarum reliquorumque telorum se instruxerant: ita, cognito hostium adventu, suas naves ex portu educunt, cum Massiliensibus configunt. Pugnatum utrimque est fortissime utque acerrime, neque multum Albici nostris virtute cedebant, homines asperi et montani, exercitati in armis: atque ii modo digressi a Massiliensibus recentem eorum pollicitationem animis continebant; pastoresque indomiti, spe libertatis excitati, sub oculis domini suam probare operam studebant.

LVIII. Ipsi Massilienses, et celeritate navium, et scientia gubernatorum confisi nostros eludebant, impetusque eorum excipiebant: et, quoad licebat latiore spatio, producta longius acie, circumvenire nostros, aut pluribus navibus adoriri singulas, aut remos transcurrentes detergere, si possent, contendebant; quum propius erat necessario ventum, ab scientia gubernatorum atque artificii, ad virtutem montanorum confugebant. Nostri, quod minus exercitatis remigibus, minusque peritis gubernatoribus utebantur; qui repente ex onerariis navibus erant producti; neque dum etiam vocabulis armamentorum cognitis, tum etiam gravitate et tarditate navium impediabantur. Factæ enim subito ex humida materia, non eundem usum celeritatis habebant. Itaque, dum locus cominus pugnandi daretur, æquo animo singulas binis navibus objiciebant: atque injecta manu ferrea, et retenta utraque nave, diversi pugnabant, atque in hostium naves transcendebant; et magno numero Albicorum et pastorum interfecto, partem navium deprimunt; nonnullas cum hominibus capiunt,

unt, reliquas in portum compellunt, Eo die naves Masiliensium, cum iis, quæ sunt captæ, intereunt ix.

LIX. Hoc Cæsari ad Ilerdam nunciato, simul perfectō ponte, celeriter fortuna mutatur. Illi perterriti virtute equitum, minus libere, minus audacter vagabantur: alias non longo ab castris progressi spatio, ut celereꝝ receptum haberent, angustius pabulabantur: alias, longiore circuitu, custodias stationesque equitum vitabant; aut, aliquo accepto detrimento, aut procul equitatu visō, ex medio itinere, projectis sarcinis, fugiebant: postremo et plures intermittere dies, et, præter consuetudinem omnium, noctu constituerant pabulari.

LX. Interim Oscenses et Calagurritani, qui erant cum Oscensibus contributi, mittunt ad eum legatos, seseque imperata facturos pollicentur. Hæ Tarraconenses et Jacetani et Aufetani, et paucis post diebus, Illurgavonenses, qui flumen Iberum attingunt, insequuntur. Petit ab his omnibus, ut se frumento juvent. Pollicentur, atque, omnibus undique conquestis jumentis, in castra deportant. Transit etiam cohors Illurgavonensis ad eum, cognito civitatis consilio; et signa ex statione transfert. Magna celeriter fit commutatio rerum. Perfecto ponte, magnis v civitatibus ad amicitiam adjunctis, expedita re frumentaria, extinctis rumoribus de auxiliis legionum, quæ cum Pompeio per Mauritaniam venire dicebantur, multæ longinquiores civitates ab Afranio desciscunt, et Cæsaris amicitiam sequuntur.

LXI. Quibus rebus perterritis animis adversariorum, Cæsar, ne semper magno circuitu per pontem equitatus esset mittendus, nactus idoneum locum, fossas pedum xxx in altitudinem complures facere instituit, quibus partem aliquam Sicoris averteret, vadumque in eo flumine efficeret. His pene effectis, magnum in timorem Afranius Petreiusque perveniunt, ne omnino frumento pabuloque intercluderentur: quod multum Cæsar equitatu valebat: itaque constituunt ipsis locis excedere, et in Celtiberiam bellum transferre. Huic consilio suffragabatur etiam illa res, quod ex duobus contrariis generibus, quæ superiore bello cum L. Sertorio steterant, civitates victæ nomen atque imperium absentis timebant: quæ in amicitia manserant, Pompeii magnis affectæ beneficiis cum diligebant:

Cæsaris autem in barbaris erat nomen obscurius. Hinc magnos equitatus magnaque auxilia exspectabant; et suis locis bellum in hiemem ducere cogitabant. Hoc inuito consilio, toto flumine Ibero naves conquirere, et Obagesam adduci jubent. Id erat oppidum positum ad Iberum, milliarum passuum a castris aberat xx. Ad eum locum fluminis, navibus junctis, pontem imperant fieri: legionesque in flumen Sicorim transducunt: castraque manant valle pedum xii.

LXII. Qua re per exploratores cognita, summo labore militum Cæsar continuato diem noctemque opere in flumine avertendo, huc jam rem deduxerat; ut equites, etiam difficulter, atque ægre fiebat, possent tamen, atque auderent flumen transire; pedites vero tantummodo humeris ac summo pectore extare; et quum altitudine aquæ, tum etiam rapiditate fluminis ad transeundum non impedirentur. Sed tamen eodem fere tempore pons in Ibero prope effectus nunciabatur; et in Sicori vadum reperiebatur.

LXIII. Jam vero eo magis illi maturandum iter existimabant. Itaque in auxiliaribus cohortibus Ilerdæ præsidio relicto, omnibus copiis Sicorim transeunt, et cum in legionibus, quas superioribus diebus transduxerant, castra conjungunt. Relinquebatur Cæsari nihil, nisi uti equitatu agmen adversariorum male haberet et carperet. Pons enim ipsius magnum circuitum habebat; ut multo breviori itinere illi ad Iberum pervenire possent. Equites ab eo missi flumen transeunt; et quum de tertia vigilia Petreius atque Afranius castra movissent, repente sese ad novissimum agmen ostendunt; et, magna multitudine circumclusa, morari atque iter impedire incipiunt.

LXIV. Prima luce ex superioribus locis, quæ Cæsaris castris erant conjuncta, cernebatur equitatus nostri prælio novissimos illorum premi vehementer, ac nonnunquam sustinere extremum agmen atque interrumpi; alias inferri signa, et universarum cohortium impetu nostros propehi, deinde rursus conversos insequi: totis vero castris milites circulari et docere, hostem ex manibus dimitti, bellum necessario longius duci: centuriones tribunosque militum adire, atque obsecrare, ut per eos Cæsar certior fieret, ne labori suo nec periculo parceret: paratos esse, sese posse et audere ea transire flumen, quæ transductus esset equitatus. Quorum studio et vocibus excitatus Cæsar,

far, etsi timebat tantæ magnitudinis flumini exercitum obicere, conandum tamen atque experiendum judicat. Itaque infirmiores milites ex omnibus centuriis deligi jubet, quorum aut animus aut vires videbantur sustinere non posse. Hos cum legione una præsidio castris relinquit. Reliquas legiones expeditas educit, magnoque numero jumentorum in flumine supra atque infra constituto, transducit exercitum. Pauci ex his militibus vi fluminis abrepti ab equitatu excipiuntur ac sublevantur, interit tamen nemo. Transducto incolumi exercitu, copias instruit; triplicemque aciem ducere incipit. Ac tantum fuit in militibus studium, ut millium vi addito circuitu, magnaue ad vadum fluminis mora interposita, eos qui de tertia vigilia exissent, ante horam diei ix consequerentur.

LXV. Quos ubi Afranius procul visos cum Petreio conspexit, nova re perterritus, locis superioribus consistit, aciemque instruit. Cæsar in campis exercitum reficit; ne defessum prælio objiciat. Rursus conantes progredi insequitur et moratur. Illi necessario maturius, quam consueverant, castra ponunt. Suberant enim montes, atque a millibus passuum v itinera difficilia atque angusta excipiebant. Hos intra montes se recipiebant, ut equitatum effugerent Cæsar's; præsidiisque in angustiis collocatis, exercitum itinere prohiberent; ipsi sine periculo ac timore, Iberum copias transducerent: quod fuit illis conandum, atque omni ratione efficiendum: sed totius diei pugna atque itineris labore defessi rem in posterum diem distulerunt. Cæsar quoque in proximo colle castra ponit.

LXVI. Media circiter nocte iis, qui adaquandi causa longius a castris processerant, ab equitibus correptis, sit ab his certior Cæsar, duces adversariorum silentio copias castris educere. Quo cognito, signum dari jubet, et vasa militari more conclamari. Illi exaudito clamore veriti, ne noctu impediti sub onere configere cogerentur, aut ne ab equitatu Cæsar's in angustiis tenerentur, iter supprimunt, copiasque in castris continent. Postero die Petreius cum paucis equitibus occulte ad exploranda loca proficiscitur. Hoc idem fit ex castris Cæsar's. Mittitur L. Decidius Saxa cum paucis, qui loci naturam perspiciat. Uterque idem suis renunciat, v millia passuum proxima intercedere itineris campestris: inde excipere loca aspera et montuosa.

monituosa. Qui prior has angustias occupaverit, ab hoc hostem prohiberi nihil esse negotii.

LXVII. Disputatur in consilio a Petreio et Afranio, et tempus profectiois quaeritur. Plerique censebant, ut noctu iter facerent: posse prius ad angustias veniri, quam sentirentur. Alii, quod pridie noctu conclamatum esset in castris Caesaris, argumenti sumebant loco, non posse clam exiri; circumfundi noctu equitatum Caesaris, atque omnia loca atque itinera obsideri: nocturnaue praelia esse vitanda, quod perterritus miles in civili dissensione timori magis quam religioni consulere consueverit: at hanc multum, per se pudorem omnium oculis, multum etiam tribunorum militum et centurionum praesentiam asferre, quibus rebus coerceri milites, et in officio contineri soleant. Quare omni ratione esse interdictum perumpendum. Et si aliquo accepto detrimento; tamen, summa exercitus salva, locum, quem petant, capi posse. Haec vicit in concilio sententia; et prima luce postridie constitunt proficisci.

LXVIII. Caesar, exploratis regionibus, albente caelo, omnes copias castris educit; magnoque circuitu, nullo certo itinere exercitum ducit. Namque itinera, quae ad Iberum atque Octogesam pertinebant, castris hostium oppositis tenebantur. Ipsi erant transcendendae vultes maximae, ac difficillimae: saxa multis locis praerupta, iter impediebant: ut arma per manus necessario transfererentur, militesque inermes sublevatique alii ab aliis magnam partem itineris conficerent. Sed hunc laborum recusabat nemo, quod eum omnium laborum finem fore existimabant, si hostem Ibero intercludere et frumento prohibere potuissent.

LXIX. Ac primo Afraniani milites, visendi causa, laeti ex castris procurrebant, contumeliosisque vocibus prosequabantur; necessarii victus inopia coactus fugere, atque ad Ilerdam reverti. Erat enim iter a proposito diversum; contrariamque in partem iri videbatur. Duces vero eorum suum consilium laudibus ferebant, quod se castris tenuissent: multumque eorum opinionem adjuvabat, quod sine jumentis impedimentisque ad iter profectos videbant; ut, non posse diutius inopiam sustinere, confiderent. Sed, ubi paullatim retorqueri agmen ad dextram conspexerunt; jamque primos superare regionem castrorum animadverterunt; nemo erat adeo tardus aut fugiens laboris,

boris, quin statim castris exeundum atque occurrendum putaret. Conclamatur ad arma; atque omnes copiae, paucis praesidio relictis cohortibus, exeunt, rectoque ad Iberum itinere contendunt.

LXX. Erat in celeritate omne positum certamen, utri prius angustias montesque occuparent: sed exercitum Caesaris viarum difficultates tardabant; Afranii copias equitatus Caesaris insequens morabatur. Res tamen ab Afranianis huc erat necessario deducta; ut, si priores montes, quos petebant, attigissent, ipsi periculum vitarent, impedimenta totius exercitus cohortesque in castris relictas servare non possent, quibus interclusis exercitu Caesaris, auxilium ferri nulla ratione poterat. Confecit prior iter Cæsar; atque ex magnis rupibus nactus planiciem, in hac contra hostem aciem instruit. Afranius, quum ab equitatu novissimum agmen premeretur, et ante se hostem videret, collem quemdam nactus ibi constitit. Ex eo loco iv cetratorum cohortes in montem, qui erat in conspectu omnium excellissimus, mittit. Hunc magno cursu concitatos jubet occupare, eo consilio, uti ipse eodem omnibus copiis contenderet, et mutato itinere, jugis Octogesam perveniret. Hunc quum obliquo itinere cetrati peterent; conspicatus equitatus Caesaris, in cohortes impetum facit: nec minimam partem temporis equitum vim cetrati sustinere potuerunt; omnesque ab his circumventi, in conspectu utriusque exercitus interficiuntur.

LXXI. Erat occasio bene gerendæ rei. Neque vero id Cæsarem fugiebat, tanto sub oculis accepto detrimento, perterritum exercitum sustinere non posse, præsertim circumdatum undique equitatu, quum in loco æquo atque aperto configeretur: idque ex omnibus partibus ab eo flagitabatur. Concurrerant legati, centuriones, tribuni, que militum, ne dubitaret prælium committere: omnia esse militum paratissimos animos: Afranianos contra multis rebus sui timoris signa misisse, quod suis non subvenissent, quod de colle non decederent, quod vix equitum incursum sustinerent; collatisque in unum locum signis conferti neque ordines neque signa servarent. Quod si iniquitatem loci timeret, datum iri tamen aliquo loco pugnandi facultatem; quod certe inde decedendum esset Afranio, nec sine aqua permanere posset.

LXXII. Cæsar in eam spem venerat, se, sine pugna et sine vulnere suorum, rem conficere posse: quod re frumentaria adversarios interclusisset. Cur, etiam secundo prælio, aliquos ex suis amitteret? Cur vulnerari pateretur optime meritos de se milites? Cur denique fortunam periclitaretur? Præsertim quum non minus esset imperatoris, consilio superare, quam gladio. Movebatur etiam misericordia civium, quos interficiendos videbat; quibus salvis atque incolumibus rem obtinere malebat. Hoc consilium Cæsar a plerisque non probabatur. Milites verò palam inter se loquebantur; quoniam talis occasio victoriæ dimitteretur, etiam quum vellet Cæsar, sese non esse pugnatuos. Ille in sua sententia perseverat; et paulum ex eo loco digreditur, ut timorem adversariis minuat. Petreius atque Afranius, oblata facultate, in castra sese referunt. Cæsar, præditiis montibus dispositis, omni ad Iberum intercluso itinere, quam proxime potest hostium castris castra communit.

LXXIII. Postero die duces adversariorum perturbati, quod omnem rei frumentariæ fluminisque Iberi spem amiserant, de reliquis rebus consultabant. Erat unum iter, Ilerdam si reverti vellent; alterum, si Tarracorem peterent. Hæc consiliantibus eis, nunciatur, aquatores ab equitatu premi nostro: qua re cognita, crebras stationes disponunt equitum et cohortium alariarum; legionariasque interjiciunt cohortes, vallumque ex castris ad aquam ducere incipiunt; ut intra munitionem et sine tempore et sine stationibus aquari possent. Id opus inter se Petreius atque Afranius partiuntur: ipsique, perficiendi operis causa, longius progrediuntur.

LXXIV. Quorum discessu liberam nacti milites colloquiorum facultatem, vulgo procedunt: et quem plerisque in castris notum aut municipem habebat, conquiratque vocat. Primum agunt gratias omnes omnibus, quod sibi perterritis pridie pepercissent: eorum se beneficio vivere: deinde imperatoris fide quærent, recedens se illi sint commissuri; et, quod non ab initio fecerint, armaque cum hominibus necessariis et consanguineis contulerint, conqueruntur. His provocati sermonibus, fidem ab imperatore de Petreii et Afranii vita petunt; ne quod in se scelus concepisse, neu suos prodidisse videantur. Quibus confirmatis rebus,

rebus, se statim signa translatores confirmant; legatosque de pace primorum ordinum centuriones ad Cæsarem mittunt. Interim alii suos in castra, invitandi causa, adducunt; alii ab suis abducuntur; adeo ut una castra jam facta ex binis viderentur. Compluresque tribuni militum et centuriones ad Cæsarem veniunt, seque ei commendant. Hoc idem fit a principibus Hispaniæ; quos illi evocaverant, et secum in castris habebant obsidum loco. Illos suos notos hospitesque quærebant, per quem quisque eorum aditum commendationis haberet ad Cæsarem. Afranius etiam filius adolescens, de sua et parentis sui salute, cum Cæsare per Sulpicium legatum, agebat. Erant plene lætitia et gratulatione omnia, eorum, qui tanta pericula vitasse, et eorum, qui sine vulnere tantas res confecisse, videbantur: magnumque fructum suæ pristinæ lenitatis omnium iudicio Cæsar ferebat; consiliumque ejus a cunctis probabatur.

LXXV. Quibus rebus nunciatis Afranio, ab instituto opere discedit, seque in castra recipit; sic paratus, ut videbatur, ut, quicumque accidisset casus, hunc quieto et æquo animo ferret. Petreius vero non deserit sese; armat familiam: cum hac et prætoriam cohortem cetratorum barbarisque equitibus paucis, beneficiariis suis, quos suæ custodiæ causa habere consueverat, improvisò ad vallum advolet; colloquia militum interrumpit; nostros repellit ab castris: quos deprehendit, interficit. Reliqui coeunt inter se, et repentino periculo exterriti sinistras sagis involvunt, gladiosque dstringunt; atque ita se a cetratis equitibusque defendunt, castrorum propinquitatē confisi, seque in castra recipiunt; et ab iis cohortibus, quæ erant in statione ad portas, defenduntur.

LXXVI. Quibus rebus confectis, flens Petreius manipulos circuit, militesque appellat; neu se, neu Pompeium absentem imperatorem suum adversariis ad supplicium tradant, obsecrat. Fit celeriter concursus in prætorium. Postulat, ut jurent omnes, se exercitum ducesque non deserturos, neque prodituros, neque sibi separatim a reliquis consilium capturos. Princeps in hæc verba jurat. Ipse idem jusjurandum adigit Afranium. Subsequuntur tribuni militum centurionesque. Centuriatim producti milites idem jurant; edicunt, penes quem quisque sit miles Cæ-

S

saris

faris, ut producat. Productus palam in prætorio interficiunt. Sed plerosque ii quos receperant, celant, nocturne per vallum emittant. Sic terror oblatus a ducibus, crudelitas in supplicio, nova religio jurisjurandi spem præsentis deditiois sustulit, mentesque militum convertit, et rem ad pristinam belli rationem redegit.

LXXVII. Cæsar, qui milites adversariorum in castra per tempus colloqui venerant, summa diligentia conqueri, et remitti jubet: sed ex numero tribunorum militum centurionumque nonnulli sua voluntate apud eum remanserunt: quos ille postea magno honore habuit. Centuriones in ampliores ordines, equites Romanos in Tribunitium restituit honorem.

LXXVIII. Premebantur Afraniani pabulatione, aquabantur ægre; frumenti copiam legionarii nonnullam habebant, quod dierum xxii ab Ilerda frumentum jussi erant efferre. Cetrati auxiliareque nullam, quorum erant et facultates ad parandum exiguæ, et corpora insueta ad onera portanda. Itaque magnus eorum quotidie numerus ad Cæsarem perfugiebat. In his erat angustia res: sed ex propositis consiliis duobus explicitius videbatur Ilerdam reverti: quod ibi paullulum frumenti reliquerat. Ibi se reliquum consilium explicaturos confidebant. Tarraco aberat longius: quo spatio plures rem posse casus recipere intelligebant. Hoc probato consilio, ex castris proficiscuntur. Cæsar equitatu præmisso, qui novissimum agmen carperet atque impediret, ipse cum legionibus subsequitur. Nullum intercedebat tempus, quin extremi cum equitibus præliarentur.

LXXIX. Genus erat hoc pugnae: Expeditæ cohortes novissimum agmen claudebant: pluriesque in locis campestribus subsistebant, si mons erat ascendendus, facile ipsa loci natura periculum repellebat: quod ex locis superioribus, qui antecesserant, suos ascendentes protegebant. Quum vallis aut locus declivis suberat; neque ii, qui antecesserant, morantibus opem ferre poterant; equites vero ex loco superiore in adversos tela conjiciebant: tum magno erat in periculo res; tum inquirebant, ut quum ejusmodi esset locus appropinquatum, legionum signa consistere juberent, magnoque impetu equitatum repellerent; eo summoto, repente incitato cursu sese in valles universi demittere,

demittere, atque ita transgressi rursus in locis superioribus consistere. - Nam tantum ab equitum suorum auxiliis aberant, quorum numerum habebant magnum, ut eos superioribus perterritos præliis, in mediam reciperent agmen, utroque eos tuerentur: quorum nulli ex itinere excedere licebat, quin ab equitatu Cæsaris exciperetur.

LXXX. Tali dum pugnatur modo, lente ac paulatim proceditur, crebroque, ut sint auxilio suis, subsistunt, ut tum accidit. Millia enim progressi iv, vehementiusque peragitati ab equitatu, montem excelsum capiunt: ibique una a fronte contra hostem castra muniunt, neque jumentis onera deponunt. Ubi Cæsaris castra posita, tabernaculaque constituta, et dimissos equites pabulandi causa animadvertere; sese subito proripiunt hora circiter vi ejusdem diei; et spem nacti moræ discessu nostrorum equitum, iter facere incipiunt. Quæ animadversa, Cæsar educitis legionibus subsequitur; præsidio impedimentis paucas cohortes relinquit. Hora x subsequi pabulatores, equitesque revocari jubet. Celeriter equitatus ad quotidianum itineris officium revertitur. Pugnatur acriter ad novissimum agmen adeo, ut pæne terga convertant: compluresque milites, etiam nonnulli centuriones interficiuntur. Inibat agmen Cæsaris, atque universum imminebat.

LXXXI. Tum vero neque ad explorandum idoneum locum castris, neque ad progrediendum data facultate, consistunt necessario, et procul ab aqua, et natura iniquo loco castra ponunt. Sed iisdem de causis Cæsar, quæ supra sunt demonstratæ, prælio non laceffit, et eo die tabernacula statui passus non est; quo paratiores essent ad insequendum omnes, sive noctu, sive interdiu erumperent. Illi animadverso vitio castrorum, tota nocte munitiones proferunt; castraque castris convertunt. Hoc idem postero die a prima luce faciunt, totumque in ea re diem consumunt. Sed, quantum opere processerant, et castra protulerant, tanto aberant ab aqua longius; et præsentī malo aliis malis remedia dabantur. Prima nocte aquandī causa nemo egreditur ex castris. Proximo die, præsidio in castris relicto, universas ad aquam copias educunt; pabulatum emittitur nemo. His eos supplices male haberi Cæsar et necessariam subire deditionem, quam prælio decertare malebat. Conatur tamen eos vallo fossaque circumvenire;

cumvenire; ut quam maxime repentinas eorum eruptiones demoretur. Quo necessario descensuros existimabat. Ibi et inopia pabuli adducti, et quo essent ad iter expeditiores, omnia farcinaria jamenta interfici jubent.

LXXXII. In his operibus consiliisque biduum consumitur. Tertio die magna jam pars operis Cæsaris processerat. Illi impediendæ rei causa, hora circiter viii signo dato, legiones educunt, aciemque sub castris instruunt. Cæsar ab opere legiones revocat, equitatum omnem convenire jubet; aciem instruit. Contra opinionem enim militum famamque omnium videri prælium diffugisse, magnum detrimentum afferebat. Sed eisdem de causis, quæ sunt cognitæ, quo minus dimicare vellet, movebatur; atque hoc etiam magis, quod spatii brevitatis, etiam in fugam conjectis adversariis, non multum ad summam victoriæ juvare poterat. Non enim amplius pedum millibus ii ab castris castra distabant. Hinc duas partes acies occupabant. Tertia vacabat ad incursum atque impetum militum relicta. Si prælium committeretur, propinquitatis castrorum celerem superatis ex fuga receptum dabat. Hac de causa constituerat signa inferentibus resistere, prior prælio non læssere.

LXXXIII. Acies erat Afraniana duplex, legio v et vii. In subsidiis locum alariæ cohortes obtinebant. Cæsaris triplex: sed primam aciem quaternæ cohortes ex v legione tenebant: has subsidiariæ ternæ, et rursus aliæ totidem, suæ cujusque legionis, subsequiebantur. Sagittarii funditoresque media continebantur acie. Equitatus latera cingebat. Tali instructa acie, tenere uterque propositum videbatur; Cæsar, ut nisi coactus, prælium non committeret; ille, ut opera Cæsaris impediret. Producit tamen res; aciesque ad solis occasum continentur. Inde utrique in castra discedunt. Postero die munitiones institutas Cæsar parat perficere. Illi vadum fluminis Sicoris tentare, si transire possent. Qua re animadversa, Cæsar Germanos levis armaturæ, equitumque partem flumen transjicit, crebrasque in ripis custodias disponit.

LXXXIV. Tandem omnibus rebus obsessi quantum jam diem sine pabulo retentis jumentis, aquæ, lignorum, frumenti inopia, colloquium petunt; et id, si fieri possit, semoto a militibus loco. Ubi id a Cæsare negatum, et,

pa'am si colloqui vellent, concessum est; datur obsidis loco Cæsari filius Afranii. Venitur in eum locum, quem Cæsar deligit. Audiente utroque exercitu, loquitur Afranius: Non esse aut ipsi aut militibus succensendum, quod fidem erga imperatorem suum Cn. Pompeium conservare voluerint: sed satis jam fecisse officio, satisque supplicii tulisse perpeffos omnium rerum inopiam: nunc vero, pæne ut foeminas circummunitos, prohiberi aqua, prohiberi ingressu: neque corpore dolorem, neque animo ignominiam ferre posse: itaque se victos confiteri: orare atque obsecrare, si qui locus misericordiae relinquatur, ne ad ultimum supplicium progredi necesse habeant. Hæc quam potest demississime atque subjectissime exponit.

LXXXV. Ad ea Cæsar respondit: Nulli omnium has partes, vel querimoniae, vel miserationis, minus convenisse. Reliquos enim omnes suum officium præstitisse; se, qui etiam bona conditione, et loco, et tempore æquo configere noluerit, ut quam integerrima essent ad pacem omnia; exercitum suum, qui injuria etiam accepta, suisque interfectis, quos in sua potestate habuit, conservavit et texerit; illius denique exercitus milites, qui per se de concilianda pace egerint; quæ in re omnium suorum vitæ consulendum putarunt. Sic omnium ordinum partes in misericordia constituisse: ipsos duces a pace abhorruisse: eos neque colloqui neque induciarum jura servasse; et homines imperitos, et per colloquium deceptos, crudelissime interfecisse. Accidisse igitur his, quod plerumque hominibus nimia pertinacia atque arrogantia accidere solet, uti eo recurrant, et id cupidissime petant, quod paullo ante contempserint: neque nunc se illorum humilitate, neque aliqua temporis opportunitate postulare, quibus rebus augeantur opes suæ, sed eos exercitus, quos contra se multos jam annos aluerint, velle dimitti: neque enim vi legiones alia de causa missas in Hispaniam, septimamque ibi conscriptam, neque tot tantasque classes paratas, neque summissos duces, rei militaris peritos. Nihil horum ad pacandas Hispanias, nihil ad usum provinciae provissum, quæ, propter diuturnitatem pacis, nullum auxilium desideravit. Omnia hæc jampridem contra se parari: in se novi generis imperia constitui: ut idem ad portas urbanis præsideat rebus, et duas bellicosissimas provincias absens tot annos obtineat: in se jura magistratum com-

mutari, ne ex prætura et consulatu, ut semper, sed per paucos probati et electi in provincias mittantur: in se z-tatis excusationem nihil valere, quod superioribus bellis probati ad obtinendos exercitus eveeantur: in se uno non servari, quod sit omnibus datum semper imperatoribus, ut rebus feliciter gestis, aut cum honore aliquo, aut certe sine ignominia domum revertantur, exercitumque dimittant. Quæ tamen omnia et se tulisse patienter, et esse laturum: neque nunc id agere, ut ab illis abductum exercitum teneat ipse, quod tamen sibi difficile non sit; sed, ne illi habeant, quo contra se uti possint: proinde, ut esset dictum, provinciis excederent, exercitumque dimitterent. Si id sit factum, nociturum se nemini. Hanc unam atque extremam pacis esse conditionem.

LXXXVI. Id vero militibus fuit pergratum et jucundum, ut ex ipsa significatione potuit cognosci; ut, qui aliquid victi incommodi expectavissent, ultro præmium missionis ferrent. Nam quum de loco et tempore ejus rei controversia inferretur, et voce et manibus universi ex vallo, ubi constiterant, significare cœperunt, ut statim dimitterentur: neque omni interposita fide firmum esse posse, si in aliud tempus differretur: paucis quum esset in utramque partem verbis disputatum; res huc deducitur: ut ii, qui habeant domicilium aut possessiones in Hispania, statim; reliqui ad Varum flumen dimittantur. Ne quid eis noceretur, neve quis invitus sacramento dicere cogere-
retur a Cæsare, cavetur.

LXXXVII. Cæsar ex eo tempore, dum ad flumen Varum veniatur, se frumentum daturum pollicetur. Addit etiam, ut, quid quisque eorum in bello amiserit, quæ sint penes milites suos, iis, qui amiserint, restituatur; militibus, æqua facta estimatione, pecuniam pro iis rebus distulit. Quasunque postea controversias inter se milites habuerant, sua sponte ad Cæsarem intus adierunt. Petreius atque Afranius quum stipendium ab legionibus, pæne seditione facta, flagitarentur, cujus illi diem nondum venisse dicerent, Cæsar ut cognosceret, postulant; eoque utrique, quod statuit, contenti fuerunt. Parte circiter tertia exercitus eo biduo dimissa, ii legiones suas antecedere, reliquas subsequi iussit; ut non longo inter se spatio castra facerent: eique negotio Q. Fusium Kalenum legatum præ-

fecit. Hoc ejus præscripto ex Hispania ad Varum flumen est iter factum; atque ibi reliqua pars exercitus dimissa est.

L I B E R II.

I. **D**UM hæc in Hispania geruntur, C. Trebonius legatus, qui ad oppugnationem Massiliæ relictus erat, duabus ex partibus aggerem, vineas turrestque ad oppidum agere instituit. Una erat proxima portui navibusque: altera ad partem, qua est aditus (ex Gallia atque Hispania ad id mare, quod adigit) ad ostium Rhodani. Massilia enim fere ex tribus oppidi partibus mari alluitur. Reliqua quarta est, quæ aditum habet a terra. Hujus quoque spatii pars ea, quæ ad arcem pertinet, loci natura et valle altissima munita longam et difficilem habet oppugnationem. Ad ea perficienda opera C. Trebonius magnam jumentorum atque hominum multitudinem ex omni provincia vocat; vimina materiamque comportari jubet. Quibus comparatis rebus, aggerem in altitudinem pedum LXXX exstruit.

II. Sed tantæ erant antiquitus in oppido omnium rerum ad bellum apparatus, tantaque multitudo tormentorum, ut eorum vim nullæ contextæ viminibus vineæ sustinere possent. Asseres enim pedum XII cuspidibus præfixi, atque hi maximis balistis missi per IV ordines cratium (in terra) defigebantur. Itaque pedalibus lignis conjunctis inter se porticus integebatur, atque hæc agger inter manus proferebatur. Antecedebat telludo pedum LX æquandi loci causa (facta; item) ex fortissimis lignis, involuta omnibus rebus, quibus ignis jactus et lapides defendi possent. Sed magnitudo operum, altitudo muri atque turrium, multitudo tormentorum omnem administrationem tardabat. Tum crebræ per Albicos eruptiones fiebant ex oppido, ignesque aggeri et turribus inferebantur, quæ facile nostri repellebant milites, magnisque ultro illatis detrimentis, eos, qui eruptionem fecerant, in oppidum rejiciebant.

III. Interim L. Nasidius ab Cn. Pompeio cum classe navium XVI, in quibus paucæ erant æratæ, L. Domitio Massiliensibusque subsidio missis, freto Siciliæ, imprudente atque inopinante Curione, provehitur: appulsiisque Messanam navibus, atque inde, propter repentinum terrorem, principum

principum ac Senatus fuga facta, ex navalibus eorum unam deducit. Hac adjuncta ad reliquas naves, cursum Massiliam versus perficit; premiffaque clam navicula, Domitium Massiliensesque de suo adventu certiores facit; eosque magnopere hortatur, ut rursus cum Bruti classe, additis suis auxiliis, configant.

IV. Massilienses post superius incommodum veteres ad eundem numerum ex navalibus productas naves refecerant, summaque industria armaverant; remigum gubernatorumque magna copia (suppetebat,) piscatoriasque adjecerant, atque contexerant; ut essent ab ictu telorum remiges tuti: has sagittariis tormentisque compleverant. Tali modo instructa classe, omnium seniorum, matrum-familie, virginum precibus et fletu excitati, ut extremo tempore civitati subvenirent, non minore animo ac fiducia, quam ante dimicaverant, naves conscendunt. Comuni enim sit vitio nature, ut invisis, latitantibus atque incognitis rebus magis confidamus, vehementiusque exterreamur, ut tum accidit. Adventus enim L. Nasidii summa spe et voluntate civitatem compleverat. Nasidii idoneum ventum ex portu exeunt, et Tauroenta, quod est castellum Massiliensium, ad Nasidium perveniunt: ibique naves expediunt: rursusque se ad configendum animo confirmant; et consilia communicant. Dextra pars Massiliensibus attribuitur, sinistra Nasidio.

V. Eodem Brutus contendit, aucto navium numero. Nam ad eas, quæ factæ fuerant Arelate per Cæsarem, captivæ Massiliensium accesserant vi. Has superioribus refecerat diebus, atque omnibus rebus instruxerat. Itaque suos cohortatus, quos integros superavissent, ut victos contemnerent, plenus spei bonæ atque animi adversus eos profiscitur. Facile erat ex castris C. Trebonii, atque omnibus superioribus locis prospicere in urbem, ut omnis juventus, quæ in oppido remanserat; omnesque superioris ætatis, cum liberis, atque uxoribus, publicisque custodiis, aut ex muro ad cælum manus tenderent, aut templa Deorum immortalium adirent, et ante simulacra projecti victoriam ab Diis exposcerent. Neque erat quisquam omnium, qui non in ejus diei casu suarum omnium fortunarum eventum consistere existimaret. Nam et honesti ex juventute, et cujusque ætatis amplissimi, nominatim

evocati atque obsecrati naves conscenderant ; ut, 'si quid adversi accidisset, ne ad conandum quidam sibi quidquam reliqui fore viderent : si superavissent vel domesticis opibus, vel externis auxiliis, de salute urbis confiderent.

VI. Commisso proelio, Massiliensibus res nulla ad virtutem defuit : sed memores eorum præceptorum, quæ paullo ante ab suis acceperant, hoc animo decertabant, ut nullum aliud tempus ad conandum habituri vi lerentur, et, quibus in pugna vitæ periculum accideret, non ita multo se reliquorum civium fatum antecedere existimarent, quibus urbe capta eadem esset belli fortuna patientia : deductisque nostris paullatim navibus, et artificio gubernatorum mobilitati navium locus dabatur ; et, si quando nostri facultatem nacti ferreis injectis manibus navem religaverant, undique suis laborantibus succurrebant. Neque vero conjuncti Albicis comminus pugnando deficiebant : neque multum cedebant virtute nostris. Simul ex minoribus navibus magna vis eminens missa telorum multa nostris de improvviso imprudentibus atque impeditis vulnera inferebant ; conspicatæque naves triremes et navem D. Bruti, quæ ex insigni facile agnosci poterat, duabus ex partibus sese in eam incitaverant : sed tantum re provisâ Brutus celeritate navis enisus est, ut parvo momento antecederet. Illæ adeo graviter inter se incitatæ conflixerunt, ut vehementissime utræque ex concursu laborarent ; altera vero, perfractio rostro, tota collabesceret. Qua re animadversa, quæ proximæ ei loco ex Bruti classe naves erant, in eas impeditas impetum faciunt, celeriterque ambas deprimunt.

VII. Sed Nasidiana naves nullo usui fuerunt, celeriterque pugna excefferunt. Non enim has aut conspectus patriæ, aut propinquorum præcepta ad extremum vitæ periculum adire cogeant. Itaque ex eo numero navium nulla desiderata est : ex Massiliensium classe v sunt depressæ, iv captæ, i cum Nasidianis profugit : quæ omnes citeriorem Hispaniam petiverunt : at ex reliquis una præmissa Massiliam, hujus nuncii perferendi gratia, quum jam appropinquaret urbi, omnis sese multitudo ad cognoscendum effudit : ac, re cognita tantus luctus excepit, ut urbs ab hostibus capta eodem vestigio videretur. Massilienses tamen nihilo sequius ad defensionem urbis reliqua apparare coeperunt.

VIII. Est animadversum ab legionariis, qui dexteram partem operis administrabant, ex crebris hostium eruptionibus, magno sibi esse præsidio posse, si pro castello ac receptaculo turrim ex latere sub muro fecissent: quam primò ad repentinos incursus humilem parvamque fecerant. Huc se referebant: hinc, si qua major opprefferat vis, propugnabant: hinc ad repellendum et prosequendum hostem præcurrebant. Patebat hæc quoquoque pedes xxx, sed parietum crassitudo pedes v. Postea vero, ut est rerum omnium magister usus, hominum adhibuit solertia, inventum est, magno esse usui posse, si hæc esset in altitudinem turris elata. Id hac ratione perfectum est.

IX. Ubi turris altitudo perducta est ad contabulationem: eam in parietes instruxerunt ita, ut capita tignorum extrema parietum structura tegerentur; ne quid emereret, ubi ignis hostium inhæresceret. Hanc insuper contignationem, quantum tectum plutei ac vinearum passum est, laterculo adstruxerunt: supraque eum locum duo tigna transversa injecerunt non longe ab extremis parietibus, quibus suspenderent eam contignationem, quæ turri tegumento esset futura: supraque ea tigna directo transversas trabes injecerunt, easque axibus religaverunt. Has trabes paullo longiores atque eminentiores, quam extremi parietes erant, effecerunt; ut esset ubi tegumenta præpendere possent, ad defendendos ictus ac repellendos, dum inter eam contignationem parietes extruerentur: eamque contabulationem summam lateribus lutoque constraverunt; ne quid ignis hostium nocere posset: centonesque insuper injecerunt; ne aut tela tormentis missa tabulationem perforingerent, aut saxa ex catapultis latericium discuterent. Storeas autem ex funibus anchorariis tres in longitudinem parietum turris latas iv pedes fecerunt: easque ex iii partibus, quæ ad hostes vergebant, eminentibus trabibus circum turrem præpendentes religaverunt, quod unum genus tegimenti aliis locis erant experti nullo telo neque tormento transjici posse. Ubi vero ea pars turris, quæ erat perfecta, tecta atque munita est ab omni ictu hostium; pluteos ad alia opera abduxerunt: turris tectum per se ipsum prehensionibus ex contignatione prima suspendere ac tollere cœperunt; ubi, quantum storearum demisso patiebatur, tantum elevabant. Intra hæc tegumenta abdit

atque

atque muniti parietes lateribus extruebant: rursusque alia prehensione ad ædificandum, sibi locum expediebant. Ubi tempus alterius contabulationis videbatur, tigna item ut primo tecta extremis lateribus extruebant, exque ea contignatione rursus summam contabulationem storeasque elevabant. Ita tuto, ac sine ullo vulnere ac periculo vitabulata extruxerunt: fenestrasque, quibus in locis visum est, ad tormenta mittenda instruendo reliquerunt.

X. Ubi ex ea turri, quæ circum essent, opera tueri se posse confisi sunt; musculum pedum lx longum ex materia bipedali, quem a turri latericia ad hostium turrem, murumque perducerent; facere instituerunt: cujus musculi hæc erat forma. Duæ primum trabes in solo æque longæ, distantes inter se pedes iv collocantur: inque eis columellæ pedum in altitudinem v desiguntur. Has inter se capreolis molli fastigio conjungunt, ubi tigna, quæ musculi tegendi causa ponant, collocentur. Eo super tigna bipedalia injiciunt; eaque laminis clavisque religant. Ad extremum musculi tectum, trabesque extremas, quadratas regulas iv patentes digitos desigunt: quæ lateres, qui super musculo struantur, contineant. Ita fastigiato atque ordinatim structo, ut trabes erant in capreolis collocatæ, lateribus latoque musculus, ut ab igne, qui ex muro jaceretur, tutus esset, contegitur, supra lateres coria inducuntur; ne canalibus aqua immissa lateres diluere posset. Coria autem, ne rursus igni ac lapidibus corrumpantur, centonibus conteguntur. Hoc opus omne tectum vineis ad ipsam turrem perficiunt, subitoque, inopinantibus hostibus, machinatione navali, phalangis subjectis, ad turrem hostium admovent, ut ædificio jungatur.

XI. Quo malo perterriti subito oppidani saxa quam maxima possunt, vestibus promovent, præcipitataque muro in musculum devolvunt. Ictum firmitas materiæ sustinet; et, quidquid incidit, fastigio musculi elabitur. Id ubi vident, mutant consilium: cupas tæda ac pice refertas incendunt; easque de muro in musculum devolvunt. Involutæ labuntur; delapsæ ab lateribus, longuriis furcisque ab opere removentur. Interim sub musculo milites vestibus infima saxa turris hostium, quibus fundamenta continebantur, convellunt. Musculus ex turri lateritia a nostris telis tormentisque defenditur: hostesque ex muro

ac turribus submoventur. Non datur libera muri defendendi facultas. Compluribus jam lapidibus ex ea, quæ suberat, turri subductis, repentina ruina pars ejus turris concidit. Pars reliqua consequens procumbebat.

XII. Tum hostes turris repentina ruina commoti, inopinato malo turbati, Deorum ipsa percussu, urbis direptione perterriti, inermes cum infulis sese porta foras universi proripiunt, ad legatos atque exercitum supplices manus tendunt. Qua nova re oblata, omnis administratio belli consistit: militesque aversæ a prælio ad studium audiendi et cognoscendi feruntur. Ubi hostes ad legatos exercitumque pervenerunt, universi se ad pedes projiciunt: orant, ut adventus Cæsaris expectetur; captam suam urbem videre, opera perfecta, turrem subrutam; itaque a defensione desistere: nullam exoriri moram posse, quo minus quum venisset, si imperata non facerent, ad nutum e vestigio diriperentur. Docent, si omnino turris concidisset, non posse milites contineri, quin spe prædæ in urbem irumperent, urbemque delerent. Hæc, atque ejusdem generis complura, ut ab hominibus doctis, magna cum misericordia fletuque pronuntiantur.

XIII. Quibus rebus commoti legati, milites ex opere deducunt, oppugnatione desistunt, operibus custodias relinquunt. Induciarum quodam genere misericordia facta, adventus Cæsaris expectatur. Nullum ex muro, nullum a nostris mittitur telum. Ut re confecta, omnes curam et diligentiam remittunt. Cæsar enim per literas Trebonio magnopere mandaverat, ne per vim oppidum expugnari pateretur; ne gravius permoti milites, et defectionis odio, et contemptione sui, et diutino labore, omnes puberes interficerent: quod se facturos minabantur; ægreque tunc sunt retenti, quin oppidum irumperent: graviterque eam rem tulerunt, quod stetisse per Trebonium, quo minus oppido potirentur, videbatur.

XIV. At hostes sine fide tempus atque occasionem fraudis ac doli quærun: interjectisque aliquot diebus, nostris languentibus, atque animo remissis, subito, meridiano tempore, quum alius discessisset, alius ex diutino labore in ipsis operibus quieti se dedisset: arma vero omnia reposita contestaque essent: portis se foras erumpunt: secundo magnoque vento ignem operibus inferunt. Hunc sic distulit

tulit ventus, uti uno tempore agger, plutei, testudo, turris tormentaue flammam conciperent, et prius hæc omnia consumerentur, quam, quemadmodum accidisset, animad-vesti posset. Nostri repentina fortuna permoti arma, quæ possunt, arripiunt. Alii ex castris sese incitant. Fit in hostes impetus: sed e muro, sagittis tormentisque fugientes persequi prohibentur. Illi sub murum se recipiunt; ibique musculum turrinque lateritiam libere incendunt. Ita multorum mensium labor, hostium perfidia, et vi tempestatis, puncto temporis interiit. Tentaverunt hoc idem Massilienses postero die, eandem nacti tempestatem; majori cum fiducia ad alteram turrem aggeremque eruptione pugnaverunt; multumque ignem intulerunt. Sed ut superioris temporis contentionem nostri omnem remiserant; ita proximi diei casu admoniti omnia ad defensionem paraverant. Itaque multis interfectis, reliquos infecta re in oppidum repulerunt.

XV. Trebonius ea, quæ sunt amissa, multo majore studio militum administrare et reficere instituit. Nam ubi tantos suos labores et apparatus male cecidisse viderunt, induciisque per scelus violatis suam virtutem irrisui fore perdoluerunt; quod, unde agger omnino comportari posset, nihil erat reliquum, omnibus arboribus longe lateque in finibus Massiliensium excisis et convectis; aggerem novi generis atque inauditum ex lateritiis duobus muris, senum pedum crassitudine, atque eorum murorum contignationem facere instituerunt, æqua fere latitudine, atque ille congestus ex materia fuerat agger. Ubi autem spatium inter muros, aut imbecillitas materię postulare videretur, pilæ interponuntur, transversaria tigna injiciuntur, quæ firmamento esse possint: et quicquid est contignatum, cratibus consertitur, cratesque lato integuntur. Sub testis miles dextera ac sinistra muro testus, adversus plutei objecta, operi quæcunque usui sunt, sine periculo supportat. Celeriter res administratur: diurni laboris detrimentum solertia et virtute militum brevi reconcinnatur. Portæ, quibus locis videtur, eruptionis causa in muro relinquuntur.

XVI. Quod ubi hostes viderunt, ea, quæ diu longoque spatio refici non posse sperassent, paucorum dierum operæ et labore ita refecta; ut nullus perfidiæ neque eruptionis locus esset: neque quidquam omnino relinqueretur, quo

aut vi militibus, aut igni operibus noceri posset; eodemque exemplo sentiunt totam urbem, qua sit aditus, ab terra, muro turribusque circumiri posse; sic, ut ipsis consistendi in suis munitionibus locus non esset, quum pæne inædificata in muris ab exercitu nostro mœnia viderentur; ac tela manu conjicerentur; suorumque tormentorum usum, quibus ipsi magna speravissent, spatio propinquitatis interire; parique conditione e muro ac turribus bellandi data, virtute se nostris adæquare non posse intelligunt, ad easdem deditiois condiciones recurrunt.

XVII. M. Varro in ulteriore Hispania initio cognitis iis rebus, quæ sunt in Italia gestæ, diffidens Pompeianis rebus, amicissime de Cæsare loquebatur: Præoccupatum sese legatione ab Cn. Pompeio, teneri obstrictum fide: necessitudinem quidem sibi nihilo minorem cum Cæsare intercedere: neque se ignorare, quod esset officium legati, qui fiduciariam operam obtineret, quæ vires suæ, quæ voluntas erga Cæsarem totius provinciæ. Hæc omnibus ferebat sermonibus; neque se in ullam partem movebat. Postea vero, quum Cæsarem ad Massiliam destineri cognovit, copias Petreii cum exercitu Afranii esse conjunctas, magna auxilia invenisse, magna esse in spe atque expectatione, et consentire omniam citeriorem provinciam, quæque postea acciderant, de angustiis ad Ilerdam rei frumentariæ accepit; atque hæc ad eum latius atque inflatis Afranius perscribebat, se quoque ad motum fortunæ movere cœpit.

XVIII. Delectum habuit tota provincia, legionibus completis 11 cohortes circiter xxx alarias, addidit; frumenti magnum numerum coëgit, quod Massiliensibus, item quod Afranio Petreioque mitteret; naves longas x Gaditanis, ut facerent, imperavit; complures præterea Hispali faciendas curavit: pecuniam omnem omniaque ornamenta ex fano Herculis in oppidum Gades contulit. Eo vi cohortes, præsidii causa, ex provincia misit: Caiumque Gallonium, equitem Romanum, familiarem Domitii, qui eo procurandæ hereditatis causa venerat, missus a Domitio, oppido Gadibus præfecit; arma omnia privata et publica in domum Gallonii contulit. Ipse habuit graves in Cæsarem conciones. Sæpe ex tribunali prædicavit adversa Cæsarem prælia fecisse, magnum numerum ab eo mili-

tum ad Afranium perfugisse. Hæc se certis nunciis, certis auctoribus, comperisse. Quibus rebus perterritos cives Romanos ejus provinciæ sibi ad Rempublicam administrandam HS. cxc, et argenti pondo xx millia, tritici modios cxx millia polliceri cogit. Quas Cæsari esse amicas civitates arbitrabatur, iis graviora onera injungebat: quæ verba atque orationem adversus Rempublicam habuissent, eorum bona in publicum addicebat; præsidiaque eo deducebat; et judicia in privatos reddebat: provinciam omnem in sua et Pompeii verba per jusjurandum adigebat. Cognitis iis rebus, quæ sunt gestæ in citeriore Hispania, parabat bellum. Ratio autem hæc erat belli, ut se, cum ix legionibus Gadis conferret, naves frumentumque omne ibi contineret: Provinciam enim omnem Cæsaris rebus favere cognoverat. In insula, frumento navibusque comparatis, bellum duci non difficile existimabat. Cæsar, etsi multis necessariisque rebus in Italiam revocabatur; tamen constituerat nullam partem belli in Hispaniis relinquere: quod magna esse Pompeii beneficia, et magnas clientelas in citeriore provincia sciebat.

XIX. Itaque duabus legionibus missis in ulteriorem Hispaniam cum Q. Cassio tribuno plebis ipse cum equitibus de magnis itineribus progreditur; edictumque præmittit ad quam diem magistratus principesque omnium civitatum sibi esse præsto Cordubæ vellet. Quo edicto tota provincia pervulgato, nulla fuit civitas, quin ad id tempus partem Senatus Cordubam mitteret; nullusve civis Romanus paullo notior, quin ad diem conveniret. Simul ipse Cordubæ conventus per se portas Varroni clausit; custodias vigilasque in muro turribusque disposuit. Cohortes ii, quæ Coloniciæ appellabantur, quum eo casu venissent tuendi oppidi causa, apud se retinuit. Iisdem diebus Carmonenses, quæ est longè firmissima totius provinciæ civitas, deductis iii in arcem oppidi cohortibus a Varrone præsidio, per se cohortes ejecit portasque præcluserat.

XX. Hoc vero magis properare Varro, ut cum legionibus quamprimum Gadis contenderet: ne itinere transjectu intercluderetur. Tanta ac tam secunda in Cæsaris voluntate provinciæ progressu ei paullo longius literæ Gadibus redduntur; simul atque cognitum sit de edicto Cæsaris, consensisse Gaditanos principes cum tribunis co-

hortium, quæ essent ibi in præsidio, ut Gallonium ex oppido expellerent, urbem insulamque Cæsari servarent. Hoc inuito consilio, denunciavisse Gallonio, ut sua sponte, dum sine periculo-liceret, excederet Gadibus: si id non fecisset, sibi consilium capturos. Hoc timore adductum Gallonium Gadibus excessisse. His cognitis rebus, altera ex ii legionibus, quæ Vernacula appellabatur, ex castris Varronis, adstante et inspectante ipso, signa sustulit, seseque Hispalim recepit, atque in foro et porticibus sine maleficio consedit. Quod factum adeo ejus conventus cives Romani comprobaverunt, ut demum ad se quisque hospitio cupidissime reciperet. Quibus rebus perterritus Varro, quum itinere converso, sese Italicam venturum promississet, certior a suis factus est, præclusas esse portas. Tum vero, omni interclusus itinere, ad Cæsarem mittit, paratum se esse legionem, cui jusserit, transdere. Ille ad eum Sext. Cæsarem mittit, atque huic transdi jubet. Transdita legione, Varro Cordubam ad Cæsarem venit: relatis ad eum publicis rationibus, cum fide, quod penes eum est pecuniæ, transdit; et, quod ubique habeat frumenti, ac navium, ostendit.

XXI. Cæsar, habita concione Cordubæ, omnibus generatim gratias agit; civibus Romanis, quod oppidum in sua potestate studuissent habere; Hispanis, quod præsidia expulissent; Gaditanis, quod conatus adversariorum infregissent, seseque in libertatem vindicassent; tribunis militum centurionibusque, qui eo præsidii causa venerant, quod eorum consilia sua virtute confirmassent: pecunias, quas erant in publicum Varroni cives Romani polliciti, remittit; bona restituit iis, quos liberius locutos hanc penam tulisse cognoverat, tributis quibusdam publicis privatisque præmiis, reliquos in posterum bona spe complet; biduumque Cordubæ commoratus, Gades proficiscitur; pecunias monumentaque, quæ ex fano Herculis collata erant in privatam domum, referri in templum jubet: provinciam Q. Cassium præficit. Huic iv legiones attribuit: ipse iis navibus, quas M. Varro, quasque Gaditani jussu Varronis fecerant, Tarraconem paucis diebus pervenit. Ibi totius fere ceterioris provincie legationes Cæsaris adventum expectabant. Eadem ratione privatim ac publice quibusdam civitatibus habitis honoribus, Tarracone discedit:

cedit: pedibusque Narbonem, atque inde Massiliam pervenit. Ibi legem de dictatore latam, seseque dictatorem dictum a M. Lepido prætoris cognoscit.

XXII. Massilienses omnibus defecsi malis, rei frumentariæ ad summam inopiam adducti, bis prælio navali superati, crebris eruptionibus fusi, gravi etiam pestilentia conflictati, ex diutina conclusione, et mutatione victus (panico enim vetere atque hordeo corrupto omnesalebantur; quod ad hujusmodi casus antiquitus paratum in publicum contulerant), dejecta turri, labefacta magna parte muri, auxiliis provinciarum et exercituum desperatis, quos in Cæsaris potestatem venisse cognoverant, sese dedere sine fraude constituunt. Sed paucis ante diebus L. Domitius, cognita Massiliensium voluntate, navibus in comparatis, ex quibus in familiaribus suis attribuerat, unam ipse conscenderat, nactus turbidam tempestatem, est profectus. Hunc conspicatæ naves, quæ jussu Brutæ consuetudine quotidiana ad portum excubabant, sublatæ anchoris sequi cœperunt. Ex iis unum ipsius navigium contendit, et fugere perseveravit, auxilioque tempestatis ex conspectu abiit; duo perterrita concursu nostrarum navium sese in portum receperunt. Massilienses arma tormentaque ex oppido, ut est imperatum, proferunt: naves ex portu navalibusque educunt; pecuniam ex publico transdunt. Quibus rebus confectis, Cæsar magis eos pro nomine et vetustate, quam pro meritis in se civitatis, conservans, in ibi legiones præsidio relinquit; ceteras in Italiam mittit: ipse ad urbem proficiscitur.

XXIII. Iisdem temporibus C. Curio, in Africam profectus ex Sicilia, et jam ab initio copias P. Attii Vari despiciens, in legiones ex iv, quas a Cæsare acceperat, et equites transportabat: biduoque et noctibus in navigatione consumptis, appellit ad eum locum, qui appellatur Aquilaria. Hic locus abest a Clupeis passuum xxi millia, habetque non incommodam (estate) stationem, et duobus eminentibus promontoriis continetur. Hujus adventum L. Cæsar filius cum x longis navibus ad Clupeam præstolans, (quas naves, Uticæ ex prædonum bello subductas, P. Attius reficiendas hujus belli causa curaverat), veritus navium multitudinem, ex alto refugerat; appulsæque ad proximum litus trireme constrata, et in litore relicta, pedibus

pedibus Adrumetum profugerat. Id oppidum C. Confidius Longus unius legionis præsidio tuebatur. Reliquæ Cæsaris naves ejus fuga Adrumetum se receperunt. Hunc secutus M. Rufus quæstor navibus XII, quas præsidio onerariis navibus Curio ex Sicilia eduxerat, postquam relictam in litore navem conspexit, hanc remulco abstexit: ipse ad Curionem cum classe redit.

XXIV. Curio Marcum Uticam navibus præmittit: ipse eodem cum exercitu proficiscitur; biduique iter progressus, ad flumen Bagramdam pervenit: ibi C. Caninium Rebilum legatum cum legionibus relinquit: ipse cum equitatu antecedit ad castra exploranda Corneliana; quod is locus peridoneus castris habebatur. Id autem est jugum directum, eminens in mare, utraque ex parte præruptum atque asperum, sed paullo tamen leniore fastigio ab ea parte, quæ ad Uticam vergit. Abest directo itinere ab Utica paullo amplius passuum mille. Sed hoc itinere est fons, quo mare succedit. Longe lateque is locus restagnat: quem si quis vitare voluerit, vi milium circuitu in oppidum perveniet.

XXV. Hoc explorato loco, Curio castra Vari conspicit, muro oppidoque conjuncta ad portam, quæ appellatur Bellica, admodum munita natura loci: una ex parte ipso oppido Utica, altera theatro, quod est ante oppidum, substructionibus ejus operis maximis, aditu ad castra difficili et angusto. Simul animadvertit, multa undique portari atque agi plenissimis viis, quæ repentini tumultus timore ex agris in urbem conferebantur. Huc equitatum mittit, ut diriperet atque haberet loco prædæ, eodemque tempore his rebus subsidio dec equites Numidæ ex oppido, peditesque eo mittuntur a Varo; quos auxilii causa rex Juba paucis diebus ante Uticam miserat. Huic et paternum hospitium cum Pompeio, et Simukas cum Curione intercedebant; quod tribunus plebis legem promulgaverat, qua lege regnum Jubæ publicaverat. Concurrent equites inter se. Neque vero primum impetum nostrorum Numidæ ferre potuerunt: sed interfectis circiter cxx, reliqui se in castra ad oppidum receperunt. Interim adventu longarum navium Curio pronuntiari onerariis navibus jubet, quæ stabant ad Uticam numero circiter cc, se in hostium habiturum loco, qui non est vestigio ad castra Corneliana ve-

la direxisset. Qua pronuntiatione facta, temporis puncto, sublatis anchoris, omnes Uticam relinquunt, et quo imperatum est, transeunt. Quæ res omnium rerum copia complevit exercitum.

XXVI. His rebus gestis, Curio se in castra ad Bagradam recepit, atque universi exercitus conclamatione imperator appellatur. Postero die Uticam exercitum ducit, et prope oppidum castra ponit. Nondum opere castrorum perfectio, equites ex statione nunciant, magna auxilia equitum peditumque ab rege missa Uticam venire, eodemque tempore vis magna pulveris cernebatur; et vestigio temporis primum agmen erat in conspectu. Novitate rei Curio permotus præmittit equites, qui primum impetum sustineant, ac morentur. Ipse celeriter ab opere deductis legionibus aciem instruit. Equites committunt prælium: et prius quam plane legiones explicari et consistere possent, tota auxilia regis impedita ac perturbata, quod nullo ordine et sine timore iter fecerant, in fugam se conjiciunt: equitatuque omni fere incolumi, quod se per litora celeriter in oppidum recepit, magnum peditum numerum interficiunt.

XXVII. Proxima nocte centuriones Marci ex castris Curionis cum manipularibus suis xxii ad Attium Varum perfugiunt. Ii, seu vere, quam habuerant, opinionem perferunt, sive etiam auribus Vari serviunt (nam quæ volumus, et credimus libenter; et, quæ sentimus ipsi, reliquos sentire speramus), confirmant quidem certe totius exercitus animos alienos esse a Curione, maxime opus esse in conspectum exercitum venire; et colloquendi dare facultatem. Qua opinione adductus Varus postero die mane legiones ex castris educit. Facit idem Curio: atque una valle non magna interjecta, suas uterque copias instruit.

XXVIII. Erat in exercitu Vari Sextus Quinctilius Varus, quem fuisse Corsinii supra demonstratum est. Hic demissus a Cæsare in Africam venerat: legionesque eas transduxerat Curio, quas superioribus temporibus Corsinio receperat Cæsar; adeo ut, paucis mutatis centurionibus, iidem ordines manipuli que constarent. Hanc nactus appellationis causam Quinctilius circumire aciem Curionis, atque obsecrare milites cœpit, ne primi sacramenti, quod

quod apud Domitium atque apud se Quæstorem dixissent, memoriam deponerent; neu contra eos arma ferrent, qui eadem essent usi fortuna, eademque in obsidione perpeſſi; neu pro iis pugnarent, à quibus contumelia perfugæ appellarentur. His pauca ad spem largitionis addit, quæ ab sua liberalitate, si se atque Attium secuti essent, expectare deberent. Hac habita oratione, nullam in partem ab exercitu Curionis fuit significatio: atque ita suas uterque copias reducit.

XXIX. At in castris Curionis magnus omnium incessit timor: nam is variis hominum sermonibus celeriter augetur: unusquisque enim opiniones fingebat; et ad id, quod ab alio audierat, sui aliquid timoris addebat. Hoc ubi uno auctore ad plures permanerat, atque alius alii transdiderat, plures auctores ejus rei videbantur. Civile bellum: genus hominum: quod liceret libere facere, et sequi quod vellet. Legiones eæ, quæ paullo, ante apud adversarios fuerant (nam etiam Cæsaris beneficium mutaverat consuetudo), qua offerrentur municipia etiam adversis partibus conjuncta. Neque enim ex Marſis Pelignisque veniebant, ut qui superiore nocte in contuberniis, commilitonesque nonnulli graviores sermones militum vulgo durius accipiebant. Nonnulla etiam ab iis, qui diligentiores videri volebant, fingebantur.

XXX. Quibus de causis concilio convocato de summa rerum deliberare incipit. Erant sententiæ, quæ conandum omnibus modis, castraque Vari oppugnanda censerent; quod hujusmodi militum consiliis otium maxime contrarium esse arbitrarentur. Postremo præstare dicebant, per virtutem in pugna belli fortunam experiri, quam desertos et circumventos a suis gravissimum supplicium pati. Porro erant, qui censerent de tertia vigilia in castra Corneliana recedendum; ut majore spatio temporis interjecto militum mentes sanarentur; simul si quid gravius accidisset, magna multitudine navium et tutius et facilius in Siciliam receptus daretur.

XXXI. Curio utramque improbens consilium, quantum alteri sententiæ deesset animi, tantum alteri suepresse dicebat: hos turpissimæ fugæ rationem habere, illos etiam iniquo loco dimicandum putare. Qua enim, inquit, fiducia, et opere et natura loci munitissima castra expug-

nari posse confidimus; aut vero quid proficimus, si accepto magno detrimento ab oppugnatione castrorum discedimus? Quasi non et felicitas rerum gestarum exercitus benevolentiam imperatoribus, et res adversæ odia concilient. Castrorum autem mutatio quid habet nisi turpem fugam et desperationem omnium, et alienationem exercitus? Nam neque prudentes suspicari oportet, sibi parum credi; neque improbos scire, sese timeri: quod illis licentiam timor augeat, nostris studia diminuatur. Quod si jam, inquit, hæc explorata habemus, quæ de exercitus alienatione dicuntur: quæ quidem ego aut omnino falsa, aut certe minora opinione esse confido: quanto hæc dissimulare et occultare, quam per nos confirmari, præstat? An non uti corporis vulnera, ita exercitus incommoda sunt tegenda, ne spem adversariis augeamus? At etiam, ut media nocte proficiscamur, addunt: quo majorem, credo, licentiam habeant, qui peccare conentur. Namque hujusmodi res aut pudore, aut metu, tenentur, quibus rebus nox maxime adversaria est. Quare neque tanti sum animi, ut sine spe castra oppugnanda censeam; neque tanti timoris, ut ipse deficiam: atque omnia prius experienda arbitror, magnaue ex parte jam me una vobiscum de re judicium facturum confido.

XXXII. Dimisso concilio, concionem advocat militum; commemorat, quo sit eorum usus studio ad Corfinium Cæsar; ut magnam partem Italiæ beneficio atque auctoritate eorum suam fecerit. Vos enim vestrumque factum, inquit, omnia deinceps municipia sunt secuta, neque sine causa et Cæsar amicissime de vobis, et illi gravissime judicaverunt. Pompeius enim nullo prælio pulsus, vestri facti præjudicio demotus Italia excessit: Cæsar me, quem sibi carissimum habuit, provinciamque Siciliam atque Africam, sine quibus urbem atque Italiam tueri non potest, vestræ fidei commisit. Adsunt, qui vos hortentur, ut a nobis desciscatis. Quid enim est illis optatius, quam uno tempore et nos circumvenire, et vos nefario scelere obstringere? Aut quid irati gravius de vobis sentire possunt, quam ut eos prodatis, qui se vobis omnia debere judicant? In eorum potestatem veniatis, qui se per vos perisse existimant? An vero in Hispania res gestas Cæsar non audistis? Duos pulsos exercitus? Duos superatos duces? Duas receptas provincias?

provincias? Hæc acta diebus XL, quibus in conspectu adversariorum venerit Cæsar. An qui incolumes resistere non potuerunt; perditæ resistent? Vos autem incerta victoria Cæsarem secuti, dijudicata jam belli fortuna victum sequamini, quum vestri officii præmia percipere debeatis? Desertos enim se ac proditos a vobis dicunt, et prioris sacramenti mentionem faciunt. Vosne vero L. Domitium, an vos L. Domitius deseruit? Nonne extremam pati fortunam paratos projecit ille? Non sibi clam vobis salutem fuga petivit? Non proditi per illum, Cæsaris beneficio estis conservati? Sacramento quidem vos tenere qui potuit? Quum, projectis fascibus, et deposito imperio, privatus, et captus ipse in alienam venisset potestatem? Relinquitur nova religio, ut eo neglecto sacramento, quo nunc tenemini, respiciatis illud, quod deditione ducis, et capitis deminutione sublatum est. At credo, si Cæsarem probatis, in me offenditis, qui de meis in vos meritis prædicaturus non sum, quæ sunt adhuc et mea voluntate et vestra expectatione leviora: sed tamen sui laboris milites semper, eventu belli, præmia petiverunt: qui qualis sit futurus, ne vos quidem dubitatis. Diligentiam quidem nostram, aut quem ad finem adhuc res processit, fortunamque cur præteream: An poenitet vos, quod salvum atque incolumem exercitum, nulla omnino nave desiderata, transduxerim; Quod classem hostium primo impetu adveniens profligaverim; Quod bis per biduum equestri prælio superaverim; Quod ex portu sinuque adversariorum CC naves onerarias adduxerim; Eoque illos compulerim, ut neque pedestri itinere, neque navibus commeatu juvari possint; Hac vos fortuna atque his ducibus repudiatis, Corfiniensem ignominiam, (an) Italiæ fugam, (an) Hispaniarum deditionem, (an) Africi belli præjudicia? Equidem me Cæsaris militem dici volui: vos me imperatoris nomine appellavistis. Cujus si vos poenitet; vestrum vobis beneficium remitto, mihi meum restituite nomen; ne ad contumeliam honorem dedisse videamini.

XXXIII. Qua ratione permoti milites crebro etiam dicentem interpellabant; ut magno cum dolore infidelitatis suspicionem sustinere viderentur. Discedentem vero ex tuncione universi cohortantur, magno sit animo, ne dubitet prælium committere; et suam fidem virtutemque experiri.

experiri. Quo facto commutata omnium voluntate et opinione, consensu summo constituit Curio, quum primum sit data potestas, prælio rem committere. Postero die prodæctos loco eodem, quo superioribus diebus constiterat, in acie collocat. Ne Varus quidem Attius dubitat copias producere; sive sollicitandi milites, sive æquo loco dimanicandi detur occasio; ne facultatem prætermittat.

XXXIV. Erat vallis inter duas acies, ut supra demonstratum est, non ita magno ac difficili et arduo adscensu. Hanc uterque si adversariorum copiarum transire conarentur, expectabat; quo æquiore loco prælium committeret. Simul a sinistro cornu P. Attii equitatus omnis, et una levis armaturæ interjecti complures, quum se in vallem demitterent, cernebantur. Ad eos Curio equitatum, et duas Marucinatorum cohortes mittit: quorum primum impetum equites hostium non tulerunt: sed admissis equis ad suos refugerunt; relictæ ab iis, qui una procurrerant, levis armaturæ, circumveniebantur atque interficiebantur ab nostris. Huc tota Vari conversa acies suos fugere et concidi videbat. Tum Rebilus legatus Cæsaris, quem Curio secum ex Sicilia duxerat, quod magnum habere usum in re militari sciebat; Perterritum, inquit, hostem vides, Curio. Quid dubitas uti temporis opportunitate? Ille unum elocutus, ut memoria tenerent milites ea, quæ pridie sibi confirmassent, sequi sese jubet, et præcurrit ante omnes: adeoque erat impedita vallis, ut in adscensu, nisi sublevati a suis, primi non facile eniterentur. Sed præoccupatus animus Attianorum militum timore et fuga et cæde suorum, nihil de resistendo cogitabat; omnesque jam se ab equitatu circumveniri arbitrabantur. Itaque prius, quam telum adjici posset, aut nostri propius accederent, omnis Vari acies terga vertit, seque in castra recepit.

XXXV. Qua in fuga Fabius Pelignus quidam, ex infimis ordinibus, de exercitu Curionis, primum agmen fugientium consecutus magna voce Varum nomine appellans requirebat; uti unus esse ex ejus militibus, et monere aliquid velle, ac dicere videretur. Ubi ille sæpius appellatus adspexit ac resistit; et quis esset, aut quid vellet, quæsit, humerum apertum gladio appetit; paullumque absuit, quin Varum interficeret. Quod ille periculum; sublato ad ejus conatum scuto, vitavit. Fabius a proximis militibus

militibus circumventus interficitur, ac fugientium multitudine ac turba portæ castrorum occupantur; atque iter impeditur; pluresque in eo loco sine vulnere, quam in prælio aut fuga, intereunt. Neque multum abfuit, quia etiam castris expellerentur; ac nonnulli protinus eodem cursu in oppidum contenderunt. Sed quum loci natura, tum munitio castrorum aditum prohibebat: quod ad prælium egressi Curionis milites iis rebus indigebant, quæ ad oppugnationem castrorum erant usui. Itaque Curio exercitum in castra reducit, suis omnibus præter Fabium incolumibus, ex numero adversariorum circiter de interfectis, ac in vulneratis: qui omnes discessu Curionis, multique præterea, per simulationem vulnery, ex castris in oppidum, propter timorem, sese recipiunt. Qua re animadversa, Varus, et terrore exercitus cognito, buccinato in castris, et paucis ad speciem tabernaculis relictis, de tertia vigilia silentio exercitum in oppidum reducit.

XXXVI. Postero die Curio Uticam obsidere, et vallo circummunire instituit. Erat in oppido multitudo insolens belli, diuturnitate otii: Uticenses pro quibusdam Cæsaris in se beneficiis illi amicissimi; conventus, qui ex variis generibus constaret; terror ex superioribus præliis magnus. Itaque de deditione omnes palam loquebantur, et cum P. Attio agebant, ne sua pertinacia omnium fortunas perturbari vellet. Hæc quum agerentur, nuntii præmissi ab rege Juba venerunt: qui illum cum magnis copiis adesse dicerent, et de custodia ac defensione urbis hortarentur: quæ res eorum perterritos animos confirmavit.

XXXVII. Nunciabantur hæc eadem Curioni, sed aliquamdiu fides fieri non poterat. Tantam habebat suarum rerum fiduciam. Jamque Cæsaris in Hispania res secundæ in Africam nuntiis ac literis perferebantur. Quibus omnibus rebus sublatus nihil contra se Regem nisiurum existimabat. Sed ubi certis auctoribus comperit, minus v et xi millibus (longe) ab Utica ejus copias abesse; relictis munitionibus, sese in castra Corneliana recepit. Huc frumentum comportare, castra munire, materiam conferre cœpit, statimque in Siciliam misit, uti ii legiones, reliquosque equitatus ad se mitteretur. Castra erant ad bellum ducendum aptissima, natura et loci munitione, et maris propinquitate, et aquæ et salis copia: cujus magna vis jam ex

proximis erat salinis eo congesta. Non materia multitudine arborum, non frumentum, cujus erant plenissimi agri, deficere poterat. Itaque suorum omnium consensu Curio reliquas copias expectare, et bellum ducere parabat.

XXXVIII. His constitutis rebus probatisque consiliis, ex perfugis quibusdam oppidanis audit, Jubam revocatum finitimo bello, et controversiis Leptitanorum restitisse in regno, Saburam ejus præfectum cum mediocribus copiis missum Uticæ appropinquare. His auctoribus temere credens consilium commutat, et prælio rem committere constituit. Multum ad hanc rem probandam adjuvat adolescentia, magnitudo animi, superioris temporis proventus, fiducia rei bene gerendæ. His rebus impulsus equitatum omnem prima nocte ad castra hostium mittit, ad flumen Bagradam, quibus præerat Sabura, de quo ante erat auditum. Sed rex omnibus copiis insequabatur, et vi millium passuum intervallò a Sabura confederat. Equites missi nocte iter conficiunt. Imprudentes atque inopinantes hostes aggrediuntur. Numidæ enim quadam barbara consuetudine nullis ordinibus passim confederant. Hos oppressos somno et dispersos adorti magnum eorum numerum interficiunt. Multi perterriti profugiunt. Quo facto ad Curionem equites revertuntur, captivosque ad eum reducunt.

XXXIX. Curio cum omnibus copiis quarta vigilia exierat, cohortibus v castris præsidio relictis. Progressus millia passuum vi equites convenit; rem gestam cognovit; ex captivis quærit, quis castris ad Bagradam præsit. Respondent, Saburam. Reliqua studio itineris conficiendi, quærere prætermittit; proximaque respiciens signa: Videtisne, inquit, milites, captivorum orationem cum perfugis convenire? Abesse regem, exiguas esse copias missas, quæ paucis equitibus pares esse non potuerunt. Proinde ad prædam, ad gloriam, properate; ut jam de præmiis vestris, et de referenda gratia cogitare incipiamus. Erant per se magna, quæ gesserant equites, præsertim quum eorum exiguus numerus cum tanta multitudine Numidarum conferretur. Hæc tamen ab ipsis inflatius commemorabantur; ut de suis homines laudibus libenter prædicant. Multa præterea spolia præferabantur. Capti homines equitesque producebantur: ut, quidquid intercederet temporis, hoc omne victoriam morari videretur. Ita spei Curionis mi-

litum studia non deerant. Equites sequi jubet sese; iterque accelerat; ut quam maxime ex fuga perterritos adoriri posset. At illi itinere totius noctis confecti subsequi non poterant: atque alii alio loco resistebant. Ne hæc quidem res Curionem ab spe morabatur.

XL. Juba certior factus a Sabura de nocturno prælio, xi millia Hispanorum et Gallorum equitum, quos suæ custodiæ causa circum se habere consueverat, et peditum eam partem, cui maxime confidebat, Saburæ submittit. Ipse cum reliquis copiis elephantisque xl lentius sublequitur; suspicatus, præmissis equitibus, ipsum affore Curionem. Sabura copias equitum peditumque instruit: atque his imperat, ut simulatione timoris paullatim cedant ac pedem referant: sese quum opus esset, signum prælii daturum: et, quod rem postulare cognovisset, imperaturum. Curio ad superiorem spem addita præsentis temporis opinione, hostes fugere arbitratus, copias ex locis superioribus in campum deducit.

XLI. Quibus ex locis quum longius esset progressus, confecto jam labore exercitu, xvi millium spatio, consistit. Dat signum suis Sabura, aciem constituit, et circumire ordines atque hortari incipit: sed peditatu duntaxat procul ad speciem utitur; equites in aciem mittit. Non deest negotio Curio: suosque hortatur, ut spem omnem in virtute reponant. Nec militibus quidem, ut defessis; neque equitibus, ut paucis et labore confectus, studium ad pugnandum virtusque deerat. Sed ii erant numero cc. Reliqui in itinere subsisterant. Hi quamcumque in partem impetum fecerant, hostes loco cedere cogebant. Sed neque longius fugientes præsequi, nec vehementius equos incitare poterant. At equitatus hostium ab utroque cornu circumire aciem nostram, et aversos proterere incipit. Quum cohortes ex acie procurrissent, Numidæ integri celeritate impetum nostrorum effugiebant; rursusque ad ordines suos se recipientes circumibant; et ab acie excludebant. Sic neque in loco manere ordinesque feryare, neque procurere et casum subire, tutum videbatur. Hostium copiarum summis ab rege auxiliis crebro augebantur. Nostros vires lassitudine deficiebant. Simul ii, qui vulnera acceperant, neque acie excedere, neque in locum tutum referri poterant; quod tota acies equitatu hostium circumdata te-

nebatur. Hi de sua salute desperantes, ut extremo vilæ tempore homines facere consueverunt, aut suam mortem miserabantur, aut parentes suos commendabant, si quos ex eo periculo fortuna servare potuisset. Plena erant omnia timoris et luctus.

XLII. Curio, ubi perterritis omnibus neque cohortationes suas, neque preces audiri intelligit; unam, ut in miseris rebus, spem reliquam salutis esse arbitratus proximos colles capere universos, atque eo inferri signa jubet. Hos quoque præoccupat missus a Sabura equitatus. Tum vero ad summam desperationem nostri perveniunt: et partim fugientes ab equitatu interficiuntur, partim integri procumbunt. Hortatur Curionem Cn. Domitius præfectus equitum, cum paucis equitibus circumstans, ut fuga salutem petat, atque in castra contendat: et se ab eo non discessurum pollicetur. At Curio, nunquam amisso exercitu, quem a Cæsare fidei suæ commissum acceperit, se in ejus conspectum reversurum, confirmat; atque ita prælians interficitur. Equites perpauci ex prælio se recipiunt. Sed ii, quos ad novissimum agmen, equorum reficiendorum causa, substituisse demonstratum est, fuga totius exercitus, procul animadversa, sese incolumes in castra conferunt. Milites ad unum omnes interficiuntur.

XLIII. His rebus cognitis, M. Rufus quæstor in castris relictus a Curione cohortatur suos, ne animo deficient: Illi orant atque obsecrant, ut in Siciliam navibus reportentur. Pollicetur, magistrisque imperat navium, ut primo vespere omnes scaphas ad litus appulas habeant. Sed tantus fuit omnium terror, ut alii adesse copias jubere dicerent, alii cum legionibus instare Varum, jamque se pulverem venientem cernere; quarum rerum nihil omnino acciderat; alii classem hostium celeriter advolaturam suspicarentur. Itaque, perterritis omnibus, sibi quisque consulebat. Qui in classe erant, proficisci properabant. Horum fuga navium onerariarum magistros incitabat. Pauci lenunculi ad officium imperiumque conveniebant. Sed tanta erat completis litoribus contentio; qui potissimum ex magno numero conscenderent; ut multitudine atque onere nonnulli deprimerentur, reliqui ob timorem propius adire tardarentur.

XLIV. Quibus rebus accidit, ut pauci milites patresque familiæ, qui aut gratia aut misericordia valerent, aut naves adnare possent, recepti in Siciliam incolumes pervenirent. Reliquæ copię, missis ad Varum noctu legatorum numero centurionibus, sese ei dederunt. Quorum cohortes militum Juba postero die ante oppidum conspicatus, suam esse prædicans prædā, magnam partem eorum interfici jussit: paucos electos in regnū remisit. Cum Varus suam fidem ab eo lædi quereretur, neque resistere auderet; ipse equo in oppidum vectus, prosequentibus compluribus senatoribus, quō in numero erat Ser. Sulpicius et Licinius Damasippus, paucis diebus, quæ fieri vellet, Uticæ constituit atque imperavit: diebusque post paucis se in regnum cum omnibus copiis recepit.

L I B E R III.

I. **D**ICTATORE habente comitiæ Cæsare, consules creantur (Julius) Cæsar et P. Servilius. Is enim erat annus, quo per leges ei consulem fieri liceret. His rebus confectis, quum fides tota Italia esset angustior, neque creditæ pecuniæ solverentur; constituit ut arbitri darentur: per eos fierent æstimationes possessionum, et rerum, quanti quæque earum ante bellum fuissent; atque ex creditoribus transferrentur. Hoc et ad timorem novarum tabularum tollendum minuendumque, qui fere bella et civiles dissensiones sequi consuevit, et ad debitorum tuendam existimationem, esse aptissimum existimavit. Item, prætoribus tribunisque plebis rogationes ad populum ferentibus, nonnullos ambitus Pompeia lege damnatos, illis temporibus, quibus in urbe præsidia legionum Pompeius habuerat. Quæ judicia, aliis audientibus judicibus, aliis sententiam ferentibus, singulis diebus erant perfecta, in integrum restituit; qui se illi initio civilis belli obtulerant, si sua opera in bello uti vellet; perinde æstimans, ac si usus esset, quoniam sui fecissent potestatem. Statuerat enim hos prius judicio populi debere restitui, quam suo beneficio videri receptos; ne aut ingratus in referenda gratia, aut arrogans in præripiendo populi beneficio videretur.

II. His rebus et feriis Latinis comitiisque omnibus perficiendis xi dies tribuit, dictaturaque se abdicat, et ab urbe

urbe proficiscitur, Brundisiumque pervenit. Eo legiones XII, equitatum omnem venire iusserat. Sed tantum navium reperit, ut anguste XX millia legionariorum militum et DC equites transportare possent. Hoc unum (inopia navium) Cæsari ad conficiendi belli celeritatem defuit. Atque ex copiæ ipsæ hoc infrequentiores imponuntur, quod multi Gallicis tot bellis defecerant, longumque iter ex Hispania magnum numerum deminuerat: et gravis autumnus in Apulia circumque Brundisium, ex saluberrimis Galliæ et Hispaniæ regionibus, omnem exercitum valetudine tentaverat.

III. Pompeius annum spatium ad comparandas copias nactus, quod vacuum a bello atque ab hoste otiosum fuerat, magnam ex Asia Cycladibusque insulis, Corcyra, Athenis, Ponto, Bithynia, Syria, Cilicia, Phœnice et Ægypto classem coegerat, magnam omnibus locis ædificandam curaverat; magnam imperatam Asiæ, Syriæ, regionibusque omnibus, et dynastis, et tetrarchis, et liberis Achaïæ populis pecuniam exegerat, magnam societates earum provinciarum, quas ipse obtinebat, sibi numerare coegerat.

IV. Legiones effecerat civium Romanorum IX: V ex Italia, quas transfuderat; unam ex Sicilia veteranam, quam factam ex duabus Gemellam appellabat; unam ex Creta et Macedonia, ex veteranis militibus, qui dimissi a superioribus imperatoribus in iis provinciis consederant; II ex Asia, quas Lentulus conscribendas curaverat. Præterea magnum numerum ex Thessalia, Bœotia, Achaia, Epiroque, supplementi nomine, in legiones distribuerat. His Antonianos milites admiscuerat. Præter has exspectabat cum Scipione ex Syria legiones II: sagittarios ex Creta, Lacedæmone, Ponto atque Syria reliquisque civitatibus III millia numero habebat, funditorum cohortes VI: mercenarias II: equites VII millia: ex quibus DC Gallos Deiotarus adduxerat, D Ariobarzanes ex Cappadocia: ad eundem numerum Cotus ex Thraciâ dederat, et Sadalem filium miserat. Ex Macedonia ce-
erant, quibus Rascipolis præerat; excellenti virtute; D ex Gabinianis Alexandria, Gallos Germanosque, quos ibi A. Gabinius præsidii causa apud regem Ptolemæum reliquerat, Pompeius filius cum classe adduxerat: DCCC, quos ex servis suis pastorumque suorum coegerat: CCC Tar-

cundarius Castor et Donilaus ex Gallogræcia dederant: horum alter una venerat, alter filium miserat. ceterum ex Syria a Comageno Antiocho, cui magna præmia Pompeius tribuit, missi erant: in his plerique hippotoxotæ. Huc Dardanos, Bessos, partim mercenarios, partim imperio aut gratia comparatos; item Macedonas, Thessalos et reliquarum gentium et civitatum adjecerat: atque eum, quem supra demonstravimus, numerum expleverat.

V. Frumenti vim maximam ex Thessalia, Asia, Ægypto, Creta, Cyrenis reliquisque regionibus comparaverat. Hiemare Dyrrhachii, Apolloniæ omnibusque oppidis maritimis constituerat; ut mare Cæsarem transire prohiberet. Ejus rei causa omni ora maritima classem disposuerat. Præerat Ægyptiis navibus Pompeius filius: Asiaticis D. Lælius et C. Triarius; Syriacis C. Cassius; Rhodiis C. Marcellus cum C. Coponio; Liburnicæ atque Achaicæ classi Scribonius Libo et M. Octavius. Toti tamen officio maritimo M. Bibulus præpositus cuncta administrabat. Ad hunc summa imperii respiciebat.

VI. Cæsar, ut Brundisium venit, concionatus apud milites, quoniam prope ad finem laborum ac periculorum esset perventum, æquo animo mancipia atque impedimenta in Italia relinquerent; ipsi expediti naves conscenderent, quo major numerus militum posset imponi; omniaque ex victoria et ex sua liberalitate sperarent; conclamantibus omnibus, Imperaret quod vellet, quodcumque imperavisset, se æquo animo esse facturos; pridie Nonas Januarias naves solvit, impositis, ut supra demonstratum est, legionibus VII. Postridie terram attigit, Cerauniorum saxa inter et alia loca periculosa quietam nactus stationem: et portus omnes timens, quos teneri ab adversariis arbitrabatur, ad eum locum, qui appellatur Pharsalus, omnibus navibus ad unam incolumibus, milites exposuit.

VII. Erat Orici Lucretius Vespillo, et Minucius Rufus cum navibus XVIII; quibus jussu D. Lælii præerant: M. Bibulus cum navibus ex Corcyæ. Sed neque ii sibi confisi ex portu prodire sunt ausi, quum Cæsar omnino XII naves longas præsidio duxisset, in quibus erant constatæ IV: Bibulus, impeditis navibus dispersisque remigibus, satis mature occurrit, quod prius ad continentem visus

visus est Cæsar, quam de ejus adventu fama omnino in eas regiones perferretur.

VIII. Expositis militibus, naves eadem nocte Brundisium a Cæsare remittuntur, ut reliquæ legiones, equitatusque transportari possent. Huic officio præpositus erat Fufius Kalenus legatus, qui celeritatem in transportandis legionibus adhiberet. Sed serius a terra provectæ naves, neque usque nocturna aura, in redeundo offenderunt. Bibulus enim Corcyræ certior factus de adventu Cæsaris, sperans se alicui parti onustarum navium occurrere posse, inanibus occurrit; et nactus circiter xxx, in eas indigentia suæ ac doloris iracundia erupit, omnesque incendit; eodemque igne nautas dominosque navium interfecit, magnitudine pænæ reliquos detertere sperans. Hoc confecto negotio, a Salonis ad Orici portum stationes litoraque omnia longe lateque classibus occupavit: custodiisque diligentius dispositis, ipse gravissima hieme in navibus, excubabat, neque ullum laborem aut munus despiciens, neque subsidium expectans, si in Cæsaris complexum venire posset.

IX. Sed post discessum Liburnarum, ex Illyrico M. Octavius cum iis, quas habebat, navibus Salonas pervenit; ibique concitatis Dalmatis reliquisque barbaris, Iſſam a Cæsaris amicitia avertit: conventum Salonas quum neque pollicitationibus, neque denunciatione periculi permovere posset, oppidum oppugnare instituit. Est autem oppidum et loci natura et colle munitum. Sed celeriter cives Romani, ligneis effectis turribus, iis sese munierunt: et, quum essent infirmi ad resistendum, propter paucitatem hominum, crebris confecti vulneribus, ad extremum auxilium descenderunt: servosque omnes puberes liberaverunt: et præfectis omnium mulierum crinibus, tormenta effecerunt. Quorum cognita sententia, Octavius quinque castris oppidum circumdedit: atque uno tempore obsidione et oppugnationibus eos premere cæpit. Ibi omnia perpeti parati maxime a re frumentaria laborabant. Quare missis ad Cæsarem legatis, auxilium ab eo petebant: reliqua, ut poterant, per se incommoda sustinebant: et longo interposito spatio, quum diuturnitas oppugnationis negligentiores Octavianos effecisset, nacti occasionem meridiani temporis, discessu eorum, pueris mulieribusque in muro dispositis, ne quid quotidianæ consuetudinis desideraretur;

raretur; ipsi, manu facta, cum iis, quos nuper manumissos liberaverant, in proxima Octavii castra irruperunt. His expugnatis, eodem impetu altera sunt adorti, inde tertia, et quarta, et deinceps reliqua: omnibusque eos castris expulerunt; et, magno numero interfecto, reliquos atque ipsum Octavium in naves confugere coegerunt. Hic fuit oppugnationis exitus. Jamque hiems appropinquabat; et, tantis detrimentis acceptis Octavius, desperata oppugnatione oppidi, Dyrrhachium sese ad Pompeium recepit.

X. Demonstratum est L. Vibullium Rufum Pompeii praefectum bis in potestatem pervenisse Caesaris, atque ab eo esse dimissum, semel ad Corfinium, iterum in Hispania. Hunc pro suis beneficiis Caesar judicaverat idoneum, quem cum mandatis ad Cn. Pompeium mitteret: eundemque apud Cn. Pompeium auctoritatem habere intelligebat. Erat autem haec summa mandatorum: debere utrumque pertinaciae finem facere, et ab armis discedere, neque amplius fortunam periclitari: satis esse magna utrimque incommoda accepta; quae pro disciplina et praeceptis habere possent, ut reliquos casus timerent. Illum ab Italis expulsum, amissa Sicilia et Sardinia duabusque Hispaniis, et cohortibus in Italia atque Hispania civium Romanorum c atque xxx: se morte Curionis et detrimento Africani exercitus tanto, militumque deditione ad Corcyram. Proinde sibi ac reipublicae parcerent, quantumque in bello fortuna posset, jam ipsi incommodis suis satis essent documento: hoc unum esse tempus de pace agendi, dum sibi uterque confideret, et pares ambo viderentur: si vero alteri paullum modo tribuisset fortuna; non esse usum conditionibus pacis eum, qui superior videretur, neque fore aequa parte contentum, qui se omnia habiturum confideret: conditiones pacis, quoniam ante convenire non potuissent, Romae a senatu et a populo peti debere: interea et Reipublicae et ipsis placere oportere; si uterque in concione statim juravisset, se triduo proximo exercitum dimissurum: depositis armis auxiliisque, quibus confiderent, necessario populi senatusque iudicio fore utrumque contentum. Haec quo facilius Pompeio probari possent omnes suas terrestres urbiumque copias dimissurum.

XI. Vibullius, his expositis a Caesare, non minus necessarium esse existimavit, de repentino adventu Caesaris Pom-

peium fieri certiozem, uti ad id consilium capere posset, antequam de mandatis agi inciperet, atque ideo, continuato et nocte et die itinere, atque mutatis ad celeritatem jumentis, ad Pompeium contendit; ut adesse Cæsarem omnibus copiis nunciaret. Pompeius erat eo tempore in Candavia, iterque ex Macedonia in hiberna, Apolloniam Dyrrhachiumque habebat: sed, re nova perturbatus, majoribus itineribus Apolloniam petere cœpit; ne Cæsar oræ maritimæ civitates occuparet. At ille expositis militibus, eodem die Oricum profiscitur. Quo quum venisset, L. Torquatus, qui jussu Pompeii oppido præerat, præsidiumque ibi Parthinorum habebat, conatus portis clausis oppidum defendere, Græcos murum adscendere, atque arma capere jubet. Illi autem quum se contra imperium populi Romani pugnatueros esse negarent; oppidani autem sua sponte Cæsarem recipere conarentur, desperatis omnibus auxiliis, portas aperuit; et se atque oppidum Cæsari dedit, incolumisque ab eo conservatus est.

XII. Recepto Cæsar Orico, nulla interposita mora, Apolloniam profiscitur. Ejus adventu audito, L. Staberius, qui ibi præerat, aquam comportare in arcem, atque eam munire, obsidesque ab Apolloniatis exigere cœpit. Illi vero daturos se negare; neque portas consuli præclusuros, neque sibi judicium sumpturos, contra atque omnis Italia populusque Romanus judicavisset. Quorum cognita voluntate, clam profugit. Apolloniatibus ad Cæsarem legatos mittunt, oppidoque recipiunt. Hos sequuntur Bullidenfes, Amantiani et reliquæ finitimæ civitates, totaque Epirus; et, legatis ad Cæsarem missis, quæ imperaret facturos pollicentur.

XIII. At Pompeius, cognitis iis rebus, quæ erant Orici atque Apolloniæ gestæ, Dyrrhachio timens, diurnis eo nocturnisque itineribus contendit. Simul ac Cæsar appropinquare dicebatur, tantus terror incidit ejus exercitui, quod properans noctem diei conjunxerat, neque iter intermiserat; ut pæne omnes in Epiro finitimisque regionibus signa relinquerent, complures arma projicerent; ac fugæ simile iter videretur. Sed, quum prope Dyrrhachium Pompeius constitisset, castraque metari, jussisset; perterritus etiam tum exercitu, princeps Labienus procedit; juratque, se eum non deserturum, eundemque casum subiturum,

subiturum, quemcunque ei fortuna tribuisset. Hoc idem reliqui jurant legati. Hos tribuni militum centurionesque sequuntur, atque idem omnis exercitus jurat. Cæsar præoccupato itinere ad Dyrrhachium, finem properandi facit: castraque ad flumen Apsum ponit in finibus Apolloniati; ut vigiliis castellisque benemeritæ civitates tutæ essent præsidio: ibique reliquarum ex Italia legionum adventum expectare, et sub pellibus hiemare constituit. Hoc idem Pompeius facit, et trans flumen Apsum positis castris, eo copias omnes auxiliaque conduxit.

XIV. Kalenus, legionibus equitibusque Brundisii in naves positus, ut erat præceptum a Cæsare, quantum navium (facultatem), habebat, naves solvit; paullumque a portu progressus, literas a Cæsare accipit; quibus est certior factus, portus litora que omnia classibus adversariorum teneri. Quò cognito, se in portum recipit, navesque omnes revocat. Una ex iis, quæ perseveravit, neque imperio Kaleni obtemperavit, quod erat sine militibus, privatoque consilio admistrabatur, delata Oricum atque a Bibulo expugnata est: qui de servis liberisque omnibus ad impuberes supplicium sumit, et ad unum interficit. Ita, exiguò tempore, magno casu totius exercitus salus constitit.

XV. Bibulus, ut supra demonstratum est, erat cum classe ad Oricum: et, sicut mari portibusque Cæsarem prohibebat, ita ipse omni terra earum regionum prohibebatur: Præsidii enim dispositis, omnia litora a Cæsare tenebantur; neque lignandi, neque aquandi, neque naves ad terram religandi potestas fiebat. Erat res in magna difficultate, summisque angustiis rerum necessariarum premebantur; adeo ut cogerentur, sicuti reliquum commeatum, ita ligna atque aquam Coreyra navibus onerariis supportare: atque uno etiam tempore accidit, ut, difficilioribus usi tempestatibus, ex pellibus, quibus erant tectæ naves, nocturnum excipere rorem cogerentur: quas tamen difficultates patienter et æquo animo ferebant; neque sibi nudanda litora et relinquendos portus existimabant. Sed cum essent in quibus demonstravi angustiis, ac se Libo cum Bibulo conjunxisset; loquuntur cum M. Acilio et Statio Murco legatis, quorum alter oppidi muris, alter præsidii terrestribus præerat; velle se de maximis rebus cum Cæsare loqui, si sibi ejus facultas detur.

Huc addunt pauca rei confirmandæ causa, ut de compositione acturi viderentur. Interim postulant, ut sint induciæ; atque ab iis impetrant. Magnum enim, quod asserebant, videbatur, et Cæsarem id summe sciebant cupere; et profectum aliquid Bibuli mandatis existimabatur.

XVI. Cæsar eo tempore cum legione una profectus ad recipiendas ultiores civitates, et rem frumentariam expediendam, qua anguste utebatur, erat ad Buthrotum oppositum Corcyræ. Ibi ab Acilio certior et Murco per litteras factus de postulatis Libonis et Bibuli, legionem relinquit; ipse Oricum revertitur. Eo quum venisset, evocantur illi ad colloquium. Prodit Libo atque excusat Bibulum, quod is iracundia summa erat, inimicitiasque habebat etiam privatas cum Cæsare ex ædilitate et prætura conceptas: ob eam rem colloquium vitasse, ne res maximæ spei maximæque utilitatis ejus iracundia impedirentur. Pompeii summam esse ac fuisse semper voluntatem, ut componeretur atque ab armis discederetur: sed potestatem se ejus rei nullam habere; propterea quod de consilii sententia summam belli rerumque omnium Pompeio permiserint: sed postulatis Cæsaris cognitis, missuros ad Pompeium, atque illum reliqua per se acturum; hortantibus ipsis; interea manerent induciæ, dum ab illo rediri posset; neve alter alteri noceret. Huc addit pauca de causa et de copiis auxiliisque suis.

XVII. Quibus rebûs neque tum respondendum Cæsar existimavit, neque nunc, ut memoriæ prodatur, satis causæ putamus. Postulabat Cæsar, ut legatos sibi ad Pompeium sine periculo mittere liceret; idque ipsi fore recipere, aut acceptos per se ad eum perducerent. Quod ad inducias pertineret, sic belli rationem esse divisam; ut illi classe naves auxiliaque sua impedirent; ipse ut aqua terraque eos prohiberet: et, si hoc sibi remitti vellent, remitterent ipsi de maritimis custodiis; sin illud tenerent, se quoque id retenturum: nihilominus tamen agi posse de compositione, ut hæc non remitterentur; neque hanc rem esse impediendi loco. Illi neque legatos Cæsaris recipere, neque periculum præstare eorum, sed totam rem ad Pompeium rejicere: unum instare de induciis, vehementissimeque contendere. Quos ubi Cæsar intellexit præsentis

præsentis periculi atque inopiæ vitandæ causa omnem orationem instituisse, neque ullam spem aut conditionem pacis affere, ad reliquam cogitationem belli sese recepit.

XVIII. Bibulus multos dies terra prohibitus, et graviore morbo ex frigore ac labore implicitus, quum neque curari posset, neque susceptum officium deserere vellet, vim morbi sustinere non potuit. Eo mortuo, ad neminem unum summa imperii redit, sed separatim suam quisque classem ad arbitrium suum administrabat. Vibullius, sedato tumultu, quem repentinus adventus Cæsaris concitaverat, ubi primum rursus adhibito Libone et L. Lucceio et Theophane, quibus communicare de maximis rebus Pompeius consueverat, de mandatis Cæsaris agere instituit: cum ingressum in sermonem Pompeius interpellavit, et loqui plura prohibuit. Quid mihi, inquit, aut vita aut civitate opus est, quam beneficio Cæsaris habere videbor? Cujus rei opinio tolli non poterit, quum in Italiam, ex qua profectus sum, reductus existimabor, bello perfecto. Ab iis Cæsar hæc dicta cognovit, qui sermoni interfuerunt. Conatus tamen nihilo minus est aliis rationibus per colloquia de pace agere.

XIX. Inter bina castra Pompeii atque Cæsaris unum flumen tantum intererat Apsus: crebraque inter se colloquia milites habebant: neque ullum interim telum per pactiones colloquentium transjiciebatur. Mittit P. Vatinium legatum ad ripam ipsam fluminis, qui ea, quæ maxime ad pacem pertinere viderentur, ageret; et cebro magna voce pronunciaret, liceretne civibus ad cives de pace legatos mittere? Quod etiam fugitivis ab saltu Pyrenæo, prædonibusque licuisset; præsertim, ut id agerent, ne cives cum civibus armis decertarent. Multa suppliciter locutus, ut de sua atque omnium salute debebat, silentioque ab utrisque militibus auditus, responsum est ab altera parte; A. Varronem profiteri se altera die ad colloquium venturum, atque una etiam utrimque admodum tuto legati venire; et, quæ vellent, exponere possent: certumque ei rei tempus constituitur. Quo quum esset postero die ventum; magna utrimque multitudo convenit; magnaque erat ejus rei expectatio, atque omnium intenti animi ad pacem esse videbantur. Quæ ex frequentia T. Labienus prodiit: *summissa oratione lo-*

qui

capit. Quorum mediam orationem interrumpunt undique subito tela immissa; quæ ille obtectus armis militum vitavit. Vulnerantur tamen complures: in his Cornelius Balbus, M. Plotius, L. Tiburtius centuriones, militesque nonnulli. Tum Labienus, desinite ergo de compositione loqui: nam nobis, nisi Cæsaris capite relato, pax esse nulla potest.

XX. Iisdem temporibus Romæ M. Cælius Rufus prætor, causa debitorum suscepta, initio magistratus tribunal suum juxta C. Trebonii prætoris urbani sellam collocavit; et, si quis appellasset de æstimatione et de solutionibus, quæ per arbitrum fierent, ut Cæsar præsens constituerat, fore auxilio pollicebatur. Sed fiebat æquitate detrecti, et humanitate Trebonii, qui his temporibus clementer et moderate jus dicendum existimabat, ut reperiri non posset, a quibus initium appellandi nasceretur. Nam fortasse inopiam excusare, et calamitatem aut propriam suam aut temporum queri, et difficultates auctionandi proponere, etiam mediocris est animi: integras vero tenere possessiones, qui se debere fateantur, cujus animi, aut cujus impudentiæ est? Itaque, qui hoc postularet, reperiebatur nemo. Atque ipsis, ad quorum commodum pertinebat, durior inventus est Cælius. Et ab hoc profectus initio, ne frustra ingressus turpem causam videretur, legem promulgavit, ut sexies seni dies sine usuris creditæ pecuniæ solvantur.

XXI. Quum resisteret Servilius consul reliquique magistratus; et minus opinione sua efficeret: ad hominum excitanda studia, sublata priore lege, duas promulgavit; unam, qua mercedes habitationum annuas conductoribus donavit; alteram tabularum novarum: impetuque multitudinis in C. Trebonium facto, et nonnullis vulneratis, eum de tribunali deturbavit: de quibus rebus Servilius consul ad Senatum refudit: Senatusque Cælium ab republica removendum censuit. Hoc decreto eum consul Senatu prohibuit, et concionari conatum de Rostris deduxit. Ille ignominia et dolore permotus palam se proficisci ad Cæsarem simulavit, claus nunciis ad Milonem missis, qui Clodio interfecto, eo nomine erat damnatus; atque, eo in Italiam evocato, quod magnis muneribus dapibus gladiatoriarum familiarum reliquas habebat, sibi conjunxit;

X

atque eum in Turinum ad sollicitandos pastores præmisit. Ipse, quum Casilinum veniret, unoque tempore signa ejus militaria atque arma Capuæ essent comprehensa, familia Neapoli visa, atque proditio oppidi appareret; patefactis consiliis, exclusus Capua, et periculum veritus, quod conventus arma ceperat, atque eum hostis loco habendum existimabat. consilio destitit, atque eo itinere sese avertit.

XXII. Interim Milo. demissis circum municipia literis, ea, quæ faceret, jussu atque imperio facere Pompeii: quæ mandata ad se per Bibulum delata essent: quos ex ære alieno laborare arbitrabatur, sollicitabat. Apud quos quum proficere nihil posset, quibusdam solutis ergastulis, Cosam in agro Turino oppugnare cœpit. Eo quum a Q. Pædio prætore cum legione lapide ictus esset ex muro, periret: et Cæsius profectus, ut dicebatur, ad Cæsarem, pervenit Thurios: ubi, quum quosdam ejus municipii sollicitaret, equitibusque Cæsaris Galliis atque Hispanis, qui eo præsidii causa missi erant, pecuniam polliceretur, ab iis est interfectus. Itaque magnarum initia rerum, quæ occupatione magistratuum et temporum sollicitam Italiam habebant, celerem et facilem exitum habuerunt.

XXIII. Libo, profectus ab Orico cum classe, cui præerat, navium 2, Brundisium venit, insulamque, quæ contra Brundisium portum est, occupavit. Quod præstare unum locum arbitrabatur, quæ necessarius nostris erat egressus, quam omnium litora ac portus custodia clausos teneri. Hic repentino adventu naves onerarias quasdam nactus incendit; et unam trumento onustam abduxit; magnumque nostris terrorem injecit, et noctu militibus et sagittariis in terram expositis, præsidium equitum deiecit; et adeo loci opportunitate profecit, ut ad Pompeium literas mitteret, naves reliquas, si vellet, subduci et resciri juberet; sua classe auxilia sese Cæsaris prohibitorum.

XXIV. Erat eo tempore Antonius Brundisii; qui virtuti militum confusus scaphas navium magnarum circiter ix cratibus pluteisque contexit; eoque milites delectos in posuit; atque eas in litore pluribus locis seperatim disposuit; navesque trirèmes 12, quæ Brundisii faciendas curaverat, per causam exercendorum remigum ad fauces portus prodire jussit. Has quum audacius progressas Libo vidisset; sperans intercipi posse, quadruremes 7 ad eas

misit. Quæ quum navibus nostris appropinquassent, nostri veterani in portum refugerunt, illi studio incitati incautius sequebantur. Jam ex omnibus partibus subito Antonianæ scaphæ, signo dato, se in hostes incitaverunt; primoque impetu unam ex his quadriremem cum remigibus defensoribusque suis ceperunt, reliquas turpiter fugere coegerunt. Ad hoc detrimentum accessit, ut equitibus per oram maritimam ab Antonio dispositis aquari prohiberentur. Qua necessitate et ignominia permotus Libo, discessit a Brundisio, oblationemque nostrorum omisit.

XXV. Multi jam menses transierant; et hiems jam præcipitaverat: neque Brundisio naves legionesque ad Cæsarem veniebant; ac nonnullæ ejus rei prætermisæ occasiones Cæsari videbantur; quod certe sæpe flaverant venti, quibus necessario committendum existimabat. Quantoque ejus amplius processerat temporis, tanto erant alacriores ad custodias quæ classibus præerant; majoremque fiduciam prohibendi habebant: et crebris Pompeii literis castigabantur, quoniam primo venientem Cæsarem non prohibuissent, ut reliquos ejus exercitus impedirent: duriusque quotidie tempus ad transportandum lenioribus ventis expectabant. Quibus rebus permotus Cæsar, Brundisium ad suos severius scripsit, ut nacti idoneum ventum, ne occasionem navigandi dimitterent, si vel ad litora Apolloniatium cursum dirigerent; quod eo naves ejicere possent. Hæc a custodiis classium loca maxime vacabant; quod se longius portibus committere non auderent.

XXVI. Illi adhibita audacia et virtute, administrantibus M. Antonio et Fusio Kaleno, multum ipsis militibus hortantibus, neque ullum periculum pro salute Cæsaris recusantibus, nacti austrum, naves solvunt; atque altera die Apolloniam Dyrrhachiumque prætervehuntur, quæ quum essent ex continenti visi, Q. Coponius, qui Dyrrhachii classi Rhodæ præerat, naves ex portu educit; et quum jam nostri remissione vento appropinquassent, idem Auster increbuit, nostrisque præsidio fuit. Neque vero ille ob eam causam conatu desistebat; sed labore et perseverantia nautarum se vim tempestatis superare posse sperabat; prætervectosque Dyrrhachium magna vi venti nihilo secius sequebatur. Nostri usi fortunæ beneficio, tamen impetum classis timebant, si forte ventus remisisset. Nacti portum,

qui appellatur Nymphæum. ultra Lissum millia passuum
iii, eo naves introduxerunt. qui portus ab Africo tege-
batur, ab Austro non erat tutus: leuiusque tempestatis
quam classis periculum æstimaverunt. Quo simul atque
intus est itum, incredibili felicitate Ausler, qui per bi-
dium flaverat, in Africum se vertit.

XXVII. Hic subitam commutationem fortunæ videre
licuit. Qui modo sibi timuerant, hos tutissimus portus
recipiebat: qui nostris navibus periculum intulerant, de
suo timere cogebantur. Itaque tempore commutato tem-
pestas et nostros texit et naves Rhodias affixit; ita, ut ad
unam constratæ omnes numero xvi eliderentur, et nau-
fragio interirent; et ex magno remigum propugnato-
rumque numero pars ad scopulos allisa interficeretur,
pars a nostris distraheretur: quos omnes conservatos Cæ-
sar domum remisit.

XXVIII. Nostræ naves it tardius cursu confecto, in
noctem conjecæ. quum ignorarent quem locum reliquæ
cepissent, contra Lissum in anchoris contiterunt. Has
scaphis minoribusque navigis compluribus summissis, Ota-
cilius Crassus, qui Lissii præerat, expugnare parabat: simul
de deditione eorum agebat, ei incolumitatem deditis pol-
licebatur. Harum alter navis ducentos viginti ex legio-
ne tironum sustulerat; altera ex veterana paullo minus du-
centis (se compleverat). Hic cognosci licuit quantum
esset hominibus præsidii in animi firmitudine. Tirones
enim multitudine navium perterriti; et salo nausæque
confecti, iurejurando accepto, nihil iis nocituros hostes,
se Otacilio dediderunt: qui omnes ad eum perducti con-
tra religionem iurisjurandi in ejus conspectu crudelissime
interficiuntur. At veteranæ legionis milites item con-
flicti et tempestatis et sentinæ vitii non ex pristina vir-
tute remittendum aliquid putaverunt; sed tractandis con-
ditionibus, et simulatione deditionis extracto primo noctis
tempore, gubernatorum in terram navem ejicere cogunt:
ipsi idoneum locum nacti reliquam noctis partem ibi con-
fecerunt, et luce prima, missis ad eos ab Otacilio equiti-
bus, qui eam partem oræ maritimæ asservabant, circiter
pc, quique eos armati ex præsidio secuti sunt, se defende-
runt: et nonnullis eorum interfectis, incolumes ad nos-
tros sese receperunt.

XXIX. Quo facto, conventus civium Romanorum qui Lissum obtinebat, quod oppidum iis antea Cæsar attribuerat, muniendumque curaverat, Antonium recepit, omnibusque rebus jovit. Otaçilius sibi timens, oppido fugit, et ad Pompeium pervenit. Ex omnibus copiis Antonius, quarum erat summa, veteranarum III legionum, uniusque tironum, et equitum DCCC, plerasque naves in Italiam remittit, ad reliquos milites equitesque transportandos: pontones, quod est genus navium Gallicarum, Lissi reliquit: hoc consilio, ut, si forte Pompeius vacuum existimans Italiam eo transjecisset exercitum, quæ opinio erat edita in vulgus, aliquam Cæsar ad insequendum facultatem haberet: nunciosque ad eum celeriter mittit, quibus regionibus exercitum exposuisset, et quid militum transverxisset.

XXX. Hæc eodem fere tempore Cæsar atque Pompeius cognoscunt. Nam prætervectas Apolloniam Dyrrhachiumque naves viderant: ipsi iter secundum eas terra direxerant: sed quo essent eæ delatæ, primis diebus ignorabant: cognitaque re, diversa sibi ambo consilia capiunt: Cæsar, ut quamprimum se cum Antonio conjungeret, Pompeius, ut venientibus in itinere se opponeret, et, si imprudentes ex insidiis adoriri posset. Eodemque die uterque eorum ex castris stativis a flumine Apso exercitum educunt: Pompeius clam et noctu, Cæsar palam atque interdiu. Sed Cæsari circuitu majore iter erat longius, adverso flumine, ut vado transire posset: Pompeius, quia expedito itinere flumen ei transeundum non erat, magnis itineribus ad Antonium contendit; atque, ubi eum appropinquare cognovit, idoneum locum nactus ibi copias collocavit: suosque omnes castris continuit, ignesque fieri prohibuit; quo occultior esset ejus adventus. Hæc ad Antonium statim per Græcos deferuntur. Ille missis ad Cæsarem nunciis unum diem sese castris tenuit. Altero die ad eum pervenit Cæsar. Cujus adventu cognito Pompeius, ne duobus circumclauderetur exercitibus, ex eo loco discedit: omnibusque copiis ad Asparagium Dyrrhachiorum pervenit, atque ibi idoneo loco castra ponit.

XXXI. His temporibus Scipio detrimentis quibusdam circa montem Amanum acceptis sese Imperatorem appellaverat. Quo facto civitatibus tyrannisque magnas impe-

raverat pecunias: item a publicanis suæ provinciæ debitam bienii pecuniam exegerat, et ab eisdem insequentis anni mutuam præceperat; equitesque toti provinciæ imperaverat. Quibus coactis, finitimis hostibus Parthis post se relictis, qui paullo ante M. Crassum imperatorem interfecerant, et M. Bibulum in obsidione habuerant, legiones equitesque ex Syria deduxerat: summaque in sollicitudine ac timore Parthici belli in provinciam quum venisset, ac nonnullæ militum voces audirentur, sese, contra hostem si ducerentur, ituros; contra civem et consulem arma non laturos, deducis Pergamum, atque in locupletissimas urbes in hiberna legionibus, maximas largitiones fecit; et confirmandorum militum causa, diripiendis iis civitates dedit.

XXXII. Interim acerbissime imperatæ pecuniæ tota provincia exigebantur. Multa præterea generatim ad avaritiam excogitabantur. In capita singula servorum ac liberorum tributum imponebatur. Columnaria, ostiaria, frumentum, milites, remiges, arma, tormenta, vecturæ imperabantur. Cujus modo rei nomen reperiri poterat; hoc satis esse ad cogendas pecunias videbatur. Non solum urbibus, sed pæne vicis castellisque singulis cum imperio præficiabantur. Qui horum quid acerbissime crudelissimeque fecerat, is et vir et civis optimus habebatur. Erat plena lictorum et imperiorum provincia, diffusa præfectis atque exactoribus: qui, præter imperatas pecunias, suo etiam privato compendio serviebant. Discebant enim, se domo patriaque expulsos, omnibus necessariis egere rebus, ut honesta præscriptione rem turpissimam tegerent. Accedebant ad hæc gravissimæ usuræ, quod in bello plerumque accidere consuevit, universis imperatis pecuniis; quibus in rebus prolationem diei donationem esse dicebant. Itaque æs alienum provinciæ eo biennio multiplicatum est. Nec minus ob eam causam civibus Romanis ejus provinciæ, sed in singulos conventus singulasque civitates certæ pecuniæ imperabantur: mutuasque illas ex S.C. exigi discitabant: publicanis, uti in sorte fecerant, insequentis anni vestigal promutuum.

XXXIII. Præterea Ephesi a sano Dianæ depositas antiquitus pecunias Scipio tolli jubebat, ceterasque ejus deæ statuas. Quum in sanum ventum esset, adhibitis com-

pluribus Senatorii ordinis, quos advocaverat Scipio, literæ ei redduntur a Pompeio, mare transisse cum legionibus Cæsarem; properaret ad se cum exercitu venire, omniaque posthaberet. His literis acceptis, quos advocaverat, dimittit: ipse iter in Macedoniam parare incipit, paucisque post diebus est profectus. Hæc res Ephesiæ pecuniæ salutem attulit.

XXXIV. Cæsar Antonii exercitu conjuncto, deducta Orico legione, quam tuendæ oræ maritimæ causa posuerat, tentandas sibi provincias, longiusque procedendum existimabat; et, quum ad eum legati venissent ex Thessalia Ætoliaque, qui præsidio misso pollicerentur earum gentium civitates imperata facturas; L. Cassium Longinum cum legione Tironum, quæ appellabatur xxvii, atque equitibus cc in Thessaliam, C. Calvisium Sabinum cum cohortibus v, paucisque equitibus in Ætoliam misit. Maxime eos, quod erant propinquæ regiones, de re frumentaria ut providerent, hortatus est. C. Domitium Calvinum cum legionibus ii, xi et xii, et equitibus v, in Macedoniam proficisci jubet. Cujus provinciæ ab ea parte, quæ Libera appellabatur, Menedemus princeps earum regionum missus legatus, omnium suorum excellens studium profitebatur.

XXXV. Ex his Calvisius, primo adventu summa omnium Ætolorum receptus voluntate, præsidiis adversariorum Calydone et Naupacto rejectis, omni Ætolia potitus est. Cassius in Thessaliam cum legione pervenit. Hic quum essent factiones duæ, varia voluntate civitatum utebatur. Egessaretus veteris hominis potentie Pompeianis rebus studebat. Petreius summæ nobilitatis adolescens suis ac suorum opibus Cæsarem enixe juvabat.

XXXVI. Eodemque tempore Domitius in Macedoniam venit: et, quum ad eum frequentes civitatum legationes convenire cœpissent, nunciatum est adesse Scipionem cum legionibus magna et opinione et fama omnium: nam plerumque in novitate fama antecedit. Hic nullo in loco Macedoniæ moratus, magno impetu contendit ad Domitium; et, quum ab eo millia passuum xx abfuisset, subito se ad Cassium Longinum in Thessaliam convertit. Hoc adeo celeriter fecit; ut simul adesse, et venire nunciaretur. Et, quo iter expeditius faceret, M. Fa-

vonium ad flumen Haliacmonem, quod Macedoniam a Thessalia dividit, cum cohortibus viii præsidio impedi-
 mentis legionum reliquit, castellumque ibi muniri iussit.
 Eodem tempore equitatus Regis Coti ad castra Cassii ad-
 volavit, qui circum Thessalam esse consueverat. Tum
 timore perterritus Cassius, cognito Scipionis adventu, vi-
 sisque equitibus, quos Scipionis esse arbitrabatur, ad mon-
 tes se convertit, qui Thessalam cingunt; atque ex his lo-
 cis Ambraciam versus iter facere coepit. At Scipionem,
 properantem sequi, literæ sunt confectæ a M. Favonio,
 Domitium cum legionibus adesse, nec se præsidium, ubi
 constitutus esset, sine auxilio Scipionis tenere posse. Qui-
 bus literis acceptis, consilium Scipio iterque commutat;
 Cassium sequi desistit; Favonio auxilium ferre contendit.
 Itaque die ac nocte continuato itinere ad eum pervenit,
 tam opportuno tempore, ut simul Domitiani exercitus
 pulvis cerneretur, et primi antecursores Scipionis videren-
 tur. Ita Cassii industria Domitii, Favonio Scipionis cele-
 ritas salutem attulit.

XXXVII. Scipio in castris stativis biduum moratus ad
 flumen, quod inter eum et Domitii castra fluebat, Haliac-
 monem tertio die prima luce exercitum vado transducit;
 et castris positis, postero die mane copias ante frontem
 castrorum instruit. Domitius tum quoque sibi dubitan-
 dum non putavit, quin productis legionibus prælio decer-
 taret. Sed quum esset inter bina castra campus circiter
 millium passuum vi, castris Scipionis aciem suam subjecit.
 Ille a vallo non discedere perseveravit. Attamen ægre re-
 tentis Domitianis militibus est factum, ne prælio conten-
 deretur; et maxime, quod rivus difficilibus ripis castris
 Scipionis subiectus progressus nostrorum impediabat. Quo-
 rum studium alacritatemque pugnandi quum cognovisset
 Scipio, suspicatus fore, ut postero die aut invitus dimica-
 re cogeretur, aut magna cum infamia castris se contine-
 re, qui magna expectatione venisset, temere progressus tur-
 pem habuit exitum; et noctu, ne conclamatis quidem va-
 sis, flumen transit, atque in eandem partem, ex qua ve-
 nerat, rediit: ibique prope flumen edito natura loco cas-
 tra posuit. Paucis diebus interpositis, noctu insidias equi-
 tum collocavit: quo in loco superioribus fere diebus nos-
 tri pabulari consueverant. Et quum quotidiana consue-
 tudine Q. Varus præfectus equitum Domitii venisset; su-
 bito

bito illi ex insidiis consurrexerunt. Sed nostri fortiter eorum impetum tulerunt, celeriterque ad suos quisque ordines rediit, atque ultro universi in hostes impetum fecerunt. Ex his circiter LXXX interfectis, reliquis in fugam coniectis, nostri duobus amissis, in castra se receperunt.

XXXVIII. His rebus gestis, Domitius sperans Scipionem ad pugnam elici posse, simulavit sese angustiis rei frumentariæ adductum castra movere; vasisque militari more conclamatis, progressus millia passuum III. loco idoneo et occulto omnem exercitum equitatumque collocavit. Scipio ad sequendum paratus, equitatum magnamque partem levis armaturæ ad explorandum iter Domitii, et cognoscendum, præmisit. Qui quum essent progressi, primæque turmæ insidias intravissent, ex fremitu equorum illata suspicione, ad suos se recipere cœperunt; quique hos sequebantur, celerem eorum receptum conspicati, restiterunt. Nostri cognitis hostium insidiis, ne frustra reliquos expectarent, duas nocti hostium turmas exceperunt. In his fuit M. Opimius præfectus equitum. Reliquos omnes earum turmarum aut interfecerunt, aut captos ad Domitium deduxerunt.

XXXIX. Deductis oræ maritimæ præsidiis Cæsar, ut supra demonstratum est, III cohortes Orici, oppidi tuendi causa, reliquit; iisque custodiam navium longarum transdidit, quas ex Italia transduxerat. Huic officio oppidoque præerat Acilius legatus. Is naves nostras in anteriorem partem post oppidum reduxit, et ad terram deligavit, faucibusque portus navem onerariam submersam objecit; et huic alteram conjunxit; super qua turrim effectam ad ipsum introitum portus opposuit, et militibus complevit, tuendamque ad omnes repentinos casus transdidit.

XL. Quibus cognitis rebus Cn. Pompeius filius, qui classi Ægyptiæ præerat, ad Oricum venit; submersamque navim remulco, multisque contendens funibus abduxit: atque alteram navem, quæ erat ad custodiam ab Acilio posita, pluribus aggressus navibus, in quibus ad libram fecerat turres, ut ex superiori pugnans loco, integrosque semper defatigatis summittens, et reliquis partibus simul ex terra scalis et classe mœnia oppidi tentans, ut adversariorum manus diduceret, labore et multitudine telorum nostros vicit: dejectisque defensoribus, qui omnes scaphis excepti

excepti refugerunt, etiam navem expugnavit: eodemque tempore ex altera parte molem tenuit naturalem objectam, quæ pene insulam contra oppidum effecerat: iv biremes, subjectis scutulis, impulsas vectibus in interiorem partem transduxit. Ita ex utraque parte naves longas aggressus, quæ erant deligatæ ad terram atque inanes, iv ex his abduxit, reliquas incendit. Hoc confecto negotio, D. Lælius ab Asiatica ei se abductum reliquit, qui commeatus Bullide atque Amantia importari in oppidum prohibebat; ipse Lissum profectus naves onerarias xxx. a M. Antonio relictas, intra portum aggressus, omnes incendit: Lissum expugnare conatus; defendentibus civibus Romanis, qui ejus erant conventus, militibusque, quos præsidii causa miserat Cæsar, triduum moratus, paucis in oppugnatione amissis, re infecta, inde descendit.

XLi Cæsar, postquam Pompeium ad Asparagium esse cognovit eodem cum exercitu profectus, et expugnato in itinere oppido Pathinorum, in quo Pompeius præsidium habebat, iii die in Macædoniam ad Pompeium pervenit, juxtaque eum castra posuit; et postridie, eductis omnibus copiis, acie instructa, decernendi potestatem Pompeio fecit. Ubi cum suis locis se tenere animadvertit; reducto in castra exercitu, aliud sibi consilium capiendum existimavit. Itaque postero die omnibus copiis magno circuitu difficili angustioque itinere, Dyrrhachium profectus est, sperans Pompeium aut Dyrrhachium compelli, aut ab eo intercludi posse quod omnem commeatum, totiusque belli apparatus is eo contulisset; ut accidit. Pompeius enim primo ignorans ejus consilium, quod diverso ab ea regione itinere profectum videbat, angustiiis rei frumentariæ compulsus discessisse existimabat: postea per exploratores certior factus postero die castra movit; breviori itinere se occurrere ei posse sperans; quod fore suspicatus Cæsar, militesque adhortatus, ut æquo animo laborem ferrent, parva parte noctis itinere intermisso, mane Dyrrhachium venit, quum primum agmen Pompeii procul cerneretur; atque ibi castra posuit.

XLII. Pompeius interclusus Dyrrhachio, ubi propositum tenere non potuit, secundo usus consilio, edito loco, qui appellatur Petra, aditumque habet navibus mediocrem, atque eas a quibusdam protegit ventis, castra com-

manit.

munit. Eo partem navium longarum convenire, frumentum commeatumque ab Asia atque omnibus regionibus, quas tenebat, comportari imperat. Cæsar longius bellum ductum iri existimans, et de Italicis commeatibus desperans, quod tanta diligentia omnia litora a Pompeianis tenebantur, classesque ipsius, quas hieme in Sicilia, Gallia, Italia fecerat, morabantur, in Epirum rei frumentariæ causa L. Canuleium legatum misit. Quodque hæ regiones aberant longius locis certis horrea constituit; vecturasque frumenti finitimis civitatibus descripsit. Item Lisso Parthiniisque, et omnibus castellis, quod esset frumenti, conquiri iussit. Id erat perexiguum quum ipsius agri natura, quod sunt loca aspera et montuosa, ac plerumque utuntur frumenti importato; tum quod Pompeius hæc providerat, et superioribus diebus præ æ loco Parthinos habuerat; frumentumque omne conquistum, spoliatis effugisque eorum domibus, per equites comportaverat.

XLIII. Quibus rebus cognitis, Cæsar consilium capit ex loci natura. Erant enim circum castra Pompeii permulti editi atque asperi colles. Hos primum præliis tenuit; castellaque ibi communit. Inde, ut loci cujusque naturam ferebat, ex castello in castellum perducta munitione, circumvallare Pompeium instituit; hæc spectans, quod angusta re frumentaria utebatur; quod Pompeius multitudinem equitum valebat: quo minore periculo undique frumentum, commeatumque exercitui supportare posset: simul, ut pabulatione Pompeium prohiberet, equitatumque ejus ad rem gerendam inutilem efficeret. Tertio, ut auctoritatem, qua ille maxime apud exterarum nationes niti videbatur, minueret; quum fama per orbem terrarum percrebuisse illum a Cæsaribus obsideri, neque audere prælio dimicare.

XLIV Pompeius neque a mari Dyrrhachioque discedere volebat; quod omnem apparatus belli, tela, arma, tormenta ibi collocaverat, frumentumque exercitui navibus supportabat; neque munitiones Cæsaribus prohibere poterat, nisi prælio decertare vellet; quod eo tempore statuerat non esse faciendum. Relinquabatur, ut extremam rationem belli sequens quamplurimos colles occuparet, et quam latissimas regiones præliis teneret, Cæsarique copias, quammaxime posset, distineret. Idque accidit.

Castellis epin^{is} xxiv effectis, xv millia passuum circuitu amplexus, hoc spatio pabulabatur; multaque erant inter eum locum manu sata, quibus interim iumenta pasceret. Atque ut nostri, qui perpetuas munitiones habebant, perductas ex castellis in proxima castella, ne quo loco erumperent Pompeiani, et nostros post tergum adorirentur, timebant: ita illi interiore spatio perpetuas munitiones efficiebant; ne quo loco nostri intrare, atque ipsos a tergo circumvenire, possent. Sed illi operibus vincebant; quod et numero militum præstabant, et interiore spatio minorem circuitum habebant. Quæ quum erant loca Cæsari capienda, etsi prohibere Pompeius totis copiis et dimicare non constituerat; tamen suis locis sagittarios funditoresque mittebat, quorum magnum habebat numerum; multique x nostris vulnerabantur; magnusque incessebat timor sagittarum: atque omnes fere milites aut ex coactis, aut ex centomibus, aut ex coriis tunicas, aut tegmenta fecerant. quibus tela vitarent.

XLV. In occupandis præsiidiis magna vi uterque utebatur. Cæsar, ut quam angustissime Pompeium contineret; Pompeius, ut quamplurimos colles quam maxime circuitu occuparet. Crebraque ob eam causam proelia fiebant. In his quum legio Cæsaris x præsidium quoddam occupavisset, et munire cœpisset; huic loco propinquum et contrarium collem Pompeius occupavit, nostrosque opere prohibere cœpit: et quum una ex parte prope æquum aditum haberet, primum sagittariis funditoribusque circumjectis, postea levis armaturæ magna multitudine missa, tormentisque prolatis, munitiones impediabat. Neque erat facile nostris uno tempore propugnare et munire. Cæsar, quum suos ex omnibus partibus vulnerari videret, recipere se statuit, et loco excedere. Erat per declivem receptus; illi autem hoc acrius instabant, neque regredi nostros patiebantur, quod timore adducti locum relinquere videbantur. Dicitur eo tempore glorians apud suos Pompeius dixisse; Non reculare se, quin nullius usus imperator existimaretur, si sine maximo detrimento legiones Cæsaris sese recepissent inde, quo temere essent progressæ.

XLVI. Cæsar receptui suorum timens crates ad extremum tumulum contra hostem proferri, et adversas locari; intra has mediocri latitudine fossam, testis militibus, ob-

duci

duci jussit, locumque in omnes partes quam maxime impediri. Ipse idoneis locis funditores instruxit; ut præsidio nostris se recipientibus essent. His rebus completis, legiones reduci jussit. Pompeiani hoc insolentius atque audacius nostros premere et instare cœperunt; cratesque pro munitione objectas propulerunt, ut fossas transcenderent. Quod quum animadvertisset Cæsar, veritus, ne non reducti, sed rejecti viderentur, majusque detrimentum caperetur, a medio fere spatio suos per Antonium, qui ei legioni præerat, cohortatus, tuba signum dari, atque in hostes impetum fieri jussit. Milites legionis ix subito constipati pila conjecerunt; et ex inferiore loco adversus clivum incitati cursu præcipientes Pompeianos egerunt, et terga vertere cœgerunt. Quibus ad recipiendum crates directæ, longurique abjecti, et institutæ fossæ magno impedimento fuerunt. Nostri vero, qui satis habebant sine detrimento discedere, compluribus interfectis, v omnino suorum amissis, quietissime se receperunt; paulloque citra eum locum, aliis comprehensis collibus munitiones perfecerunt.

XLVII. Erat nova et inusitata belli ratio, quum tot castellorum numero tantoque spatio et tantis munitionibus, et toto obsidionis genere, tum etiam reliquis rebus. Nam, quicumque alterum obsidere conati sunt, perculsos atque infirmos hostes adorti, aut prælio superatos, aut aliqua offensione permotos continuerunt, quam ipsi numero militum equitumque præstarent: Causa autem obsidionis hæc fere esse consuevit; ut frumento hostes prohiberentur. At contra integras atque incolumes copias Cæsar inferiore militum numero continebat; quum illi omnium rerum copia abundarent: quotidie enim magnus undique navium numerus conveniebat, quæ commeatum supportarent: neque ullus flare ventus poterat, quin aliqua ex parte secundum cursum haberet. Ipse autem, consumptis omnibus longe lateque frumentis, summis erat in angustiis. Sed tamen hæc singulari patientia milites ferebant. Recordabantur enim, eadem se superiore anno in Hispania perpeffos, labore et patientia maximum bellum confecisse. Meminerant ad Alesiam magnam se inopiam perpeffos, multo etiam majorem ad Avaricum, maximarum se gentium victores discessisse. Non, illis hordeum quum daretur,

Y

tur,

tur, non legumina recusabant; pecus vero, cujus rei summa erat ex Epiro copia, magno in honore habebant.

XLVIII. Est etiam genus radicis inventum ab iis, qui fuderant cum Valerio, quod appellatur Chara: quod admixtum lacte multum inopiam levabat. Id ad similitudinem panis efficiebant. Ejus erat magna copia. Ex hoc effectos panes, quum in colloquiis Pompeiani famem nostris objectarent, vulgo in eos jaciebant, ut spem eorum minuerent.

XLIX. Jamque frumenta maturescere incipiebant; atque ipsa spes inopiam sustentabat; quod celeriter se habituros copiam confidebant. Crebroque voces militum in vigiliis colloquiisque audiebantur, prius se cortice ex arboribus victuros, quam Pompeium e manibus dimissuros; frequenter etiam ex pertugis cognoscebant, equos eorum vix tolerari, reliqua vero jumenta interisse; uti autem ipsos valetudine non bona, quum angustis loci, et odore tetro, et multitudine cadaverum, et quotidianis laboribus infuetos operum, tum aquæ summa inopia (effectos): omnia enim flumina atque omnes rivos, qui ad mare pertinebant, Cæsar aut averterat, aut magnis operibus obstruxerat. Atque, ut erant loca montuosa et ad specus angustæ vallium, has sub publicis in terram demissis præsepserat, terramque aggrefferat; ut aquam continerent. Itaque illi necessario loca sequi demissa ac palustria, et puteos fodere, cogebantur. Atque hunc laborem ad quotidiana opera addebant: qui famen fontes a quibusdam præsiidiis aberant longius, et celeriter æstibus exarescebant. At Cæsaris exercitus optima valetudine summaque aquæ copia utebatur; tum commeatus omni genere, præter frumentum, abundabat: quibus quotidie melius succedere tempus, majoremque spem maturitate frumentorum proponi videbant.

L. In novo genere belli novæ ab utrisque bellandi rationes reperiiebantur. Illi, quum animadvertissent ex ignibus, noctu cohortes nostras ad munitiones excubare, silentio aggressi universas intra multitudinem sagittas coniciebant, et se confestim ad suos recipiebant. Quibus rebus nostri, usu docti, hæc reperiiebant remedia, ut alio loco ignes facerent, alio excubarent.

LI. Interim certior factus P. Sylla, quem discedens castris præfecerat Cæsar, auxilio cohorti venit cum legionibus

bus 11: cujus adventu facile sunt repulsi Pompeiani. Neque vero conspectum aut impetum nostrorum tulerunt: primisque dejectis, reliqui se verterunt, et loco cesserunt. Sed insequentes nostros, ne longius prosequerentur, Sylla revocavit. At plerique existimant, si acrius insequi voluisset, bellum eo die potuisse finiri. Cujus consilium reprehendendum non videtur. Aliæ enim sunt legati partes atque imperatoris. Alter (omnia) agere ad præscriptum; alter libere ad summam rerum consulere debet. Sylla a Cæsare castris relictus, liberatis suis, hoc fuit contentus, neque prælio decertare voluit; quæ res tamen fortasse aliquem reciperet casum; ne imperatorias sibi partes sumplisse videretur. Pompeianis magnam res ad receptum difficultatem afferebat. Nam ex iniquo progressi loco in summo constiterant. Si per declive sese reciperent, nostros ex superiore insequentes loco verebantur. Neque multum ad solis occasum temporis supererat. Spe enim conficiendi negotii, prope in noctem rem deduxerant. Ita, necessario, atque ex tempore capto consilio, Pompeius tumulum quendam occupavit: qui tantum aberat a nostro castello, ut telum tormentumve missum adjici non posset. Hoc confedit loco, atque eum communit, omnesque ibi copias continuit.

LII. Eodem tempore duobus præterea locis pugnatum est. Nam plura castella Pompeius pariter, distinenda manus causa tentaverat; ne ex proximis præsidiis succurri posset. Uno loco Volcatius Tullus impetum legionis sustinuit cohortibus 111, atque eam loco depulit. Altero Germani munitiones nostros egressi, compluribus interfectis, sese ad suos incolumes receperunt.

LIII. Ita uno die vi præliis factis, 111 ad Dyrrhachium, 111 ad munitiones, quum horum omnium ratio haberetur, ad duorum millium numero ex Pompeianis cecidisse reperiebamus, evocatos centurionesque complures. In eo fuit numero Valerius Flaccus L. filius, ejus qui prætor Asiæ obtinuerat: signaque sunt sex militaria relata. Nostri non amplius xx omnibus sunt præliis desiderati. Sed in castello nemo fuit omnino militum, quin vulneraretur; quatuorque ex una cohorte centuriones oculos amiserunt. Et quum laboris sui periculique testimonium afferre velent, millia sagittarum circiter xxx in castellum conjecta

Cæsari renumeraverunt: scutoque ad eum relato Scæva centurionis, inventa sunt in eo foramina cccxx. Quem Cæsar, ut erat de se meritis, et de republica donatum millibus ducentis (æris) ab octavis ordinibus ad Primipilum se transducere pronunciavit. Ejus enim opera castrum conservatum esse magna ex parte constabat: cohortemque (postea) duplici stipendio, frumento, ut specuariis militaribusque donis amplissime donavit.

LIV. Pompeius noctu magnis additis munitionibus, reliquis diebus turres extruxit. Et in altitudinem pedum xv effectis operibus, vineis eam partem castrorum obtexit; et v intermissis diebus, alteram noctem subnubilam nactus, extructis omnibus castrorum portis, et ad impediendum objectis, tertia inita vigilia, silentio exercitum eduxit, et se in antiquas munitiones recepit.

LV. Ætolia, Acarnania, Amphilochis per Cassium Longinum et Calvisium Sabinum, ut demonstravimus, receptis, tentandam sibi Achaïam, ac paullo longius progrediendum, existimabat Cæsar. Itaque eo Fusium Kalenum misit, et Q. Sabinum et Cassium cum cohortibus adjungit. Quorum cognito adventu, Rutilius Lupus, qui Achaïam missus a Pompeio obtinebat, Isthmum præmunire instituit, ut Achaïa Fusium prohiberet. Kalenus Delphos, Thebas, Orchomenum voluntate ipsarum civitatum recepit: nonnullas per vim expugnavit: reliquas civitates, circummissis legationibus, amicitiae Cæsaris conciliare studebat. In his rebus fere erat Fusius occupatus.

LVI. Omnibus deinceps diebus Cæsar exercitum in aciem æquum in locum produxit, si Pompeius prælio decertare vellet; ut pæne castris Pompeii legiones subiceret: tantumque a vallo ejus prima acies aberat, uti ne in eam telum tormentumve adjici posset. Pompeius autem ut famam et opinionem hominum teneret, sic pro castris exercitum constituebat, ut tertia acies vallum contingeret, omnisque ejus instructus exercitus telis ex vallo adjectis protegi posset.

LVII. Hæc quum in Achaïa atque apud Dyrrhachium gererentur, Scipionemque in Macedoniam venisse constaret; non oblitus pristini instituti Cæsar, mittit ad eum Clodium, suum atque illius familiarem, quem ab illo transfuditum initio, et commendatum in suorum necessariorum

numero habere instituerat. Huic dat literas mandataque ad eum: quorum hæc erat summa: Sese omnia de pace expertum nihil adhuc arbitrari factum, vitio eorum, quos esse auctores ejus rei voluisset: quod sua mandata perfere non opportuno tempore ad Pompeium vererentur; Scipionem eâ auctoritate esse, ut non solum libere, quæ probasset, exponere; sed etiam ex magna parte competere, atque errantem regere posset: præesse autem suo nomine exercitui; ut, præter auctoritatem, vires quoque ad coercendum haberet: quod si fecisset, quietem Italiæ, pacem provinciarum, salutem imperii uni omnes acceptam relatu-ros. Hæc ad eum mandata Clodius refert. Ac primis diebus, ut videbatur, libenter auditus, reliquis ad colloquium non admittitur. Castigato Scipione a Favonio, ut postea confecto bello reperiebamus: infectaque re, sese ad Cæsarem recepit.

LVIII. Cæsar, quo facilius equitatum Pompeianum ad Dyrrhachium contineret, et pabulatione prohiberet, aditus duos, quos esse angustos demonstravimus, magnis operibus præmunivit: castellaque his locis posuit. Pompeius, ubi nihil profici equitatu cognovit: paucis intermissis diebus, rursus eam navis ad se intra munitiones recipit. Erat summa inopia pabuli, adeo, ut foliis ex arboribus strictis et teneris arundinum radicibus confusis equos alerent. Frumenta enim, quæ fuerant intra munitiones facta, consumpserant; et coge-bantur Corcyræ atque Acarnania, longo interjecto navigationis spatio, pabulum superportare: quoque erat ejus rei minor copia, hordeo adaugere, atque his rationibus equitatum tolerare. Sed postquam non modo hordeum, pabulumque omnibus in locis, herbæque defecit, sed etiam fructus ex arboribus deficiebat, corruptis equis macie, conandum sibi aliquid Pompeius de eruptione existimavit.

LIX. Erant apud Cæsarem ex equitum numero Allobroges duo fratres, Roscillus et Ægus, Adbucilli filii, qui principatum in civitate multis annis obtinuerat, singulari virtute homines; quorum opera Cæsar omnibus Gallicis bellis optima fortissimaque erat usus. His domi ob hæc causas amplissimos magistratus mandaverat; atque eos extra ordinem in Senatum legendos curaverat; agrosque in Gallia ex hostibus captos, præmiaque rei pecuniariæ magnâ

tribuerat, locupletesque ex egentibus effecerat. Hi propter virtutem non solum apud Cæsarem in honore erant, sed etiam apud exercitum cari habebantur. Sed freti amicitia Cæsaris, et stulta ac barbara arrogantia elati despiciebant suos, stipendiumque equitum fraudabant, et prædam omnem domum avertabant. Quibus illi rebus permoti universi Cæsarem adierunt, palamque de eorum injuriis sunt questi; et ad cetera addiderunt falsum ab his equitum numerum deferri, quorum stipendium averterent.

LX. Cæsar neque tempus illud animadversionis esse existimans, et multa virtuti eorum concedens, rem distulit totam: illos secreto castigavit, quod quæstui equites haberent: monuitque ut ex sua amicitia omnia expectarent, et ex præteritis suis officiis (reliqua sperarent). Magnam tamen hæc res illis offensionem et contemptionem ad omnes attulit. Idque ita esse quum ex aliorum objectionibus, tum etiam ex domestico judicio atque animi conscientia intelligebant. Quo pudore adducti, et fortasse se non liberari, sed in aliud tempus reservari arbitrati, discedere a nobis, et novam tentare fortunam, novasque experiri amicitias constituerunt: et cum paucis collocuti clientibus suis, quibus tantum facinus committere audebant; primum conati sunt præfectum equitum C. Volusenum interficere, ut postea, bello confecto, cognitum est; ut cum munere aliquo perfugisse ad Pompeium viderentur. Postquam id difficilior visum est, neque facultas perficiendi dabatur, quam maximas potuerunt pecunias mutuati, perinde ac satisfacere, et fraudata restituere vellent, multis coemptis equis, ad Pompeium transierunt cum iis, quos sui consilii participes habebant.

LXI. Quos Pompeius, quod erant honesto loco nati, et instructi liberaliter, magnoque comitatu et multis jumentis venerant, virique fortes habebantur, et in honore apud Cæsarem fuerant, quodque novum, et præter consuetudinem acciderat, omnia sua præsidia circumduxit, atque ostentavit. Nam ante id tempus nemo aut miles, aut eques a Cæsare ad Pompeium transierat; quum præne quotidie a Pompeio ad Cæsarem perfugerent; vulgo vero in Epiro atque Ætolia conscripti milites, earumque regionum omnium, quæ a Cæsare tenebantur. Sed hi, cognitis omnibus rebus, seu quid in munitionibus per-

fectum non erat; seu quid a peritioribus rei militaris desiderari videbatur: temporibusque rerum, et spatiis locorum, et custodiarum, varia diligentia animadversa, prout cujusque eorum, qui negotiis præerant, aut natura aut studium ferebat, hæc ad Pompeium omnia detulerunt.

LXII. Quibus ille cognitis, eruptionisque jam ante capto consilio, ut demonstratum est, tegmenta galeis milites ex viminibus facere, atque aggerem comportare jubet. His paratis rebus, magnum numerum levis armaturæ et sagittariorum, aggeremque omnem noctu in scaphas et naves actuarias imponit; et de media nocte cohortes lx ex maximis castris præditiisque deductas, ad eam partem munitionum ducit, quæ pertinebant ad mare, longissimeque a maximis castris Cæsaris aberant. Eodem naves, quas demonstravimus aggere et levis armaturæ militibus completas, quasque ad Dyrrhachium naves longas habebat, mittit; et quid a quoque fieri velit, præcipit. Ad eas munitiones Cæsar Lentulum Marcellinum quæstorem cum legionæ ix positum habebat. Huic, quod valetudine minus commoda utebatur, Fulvium Posthumum adjutorem summiserat.

LXIII. Erat eo loco fossa pedum xv, et vallus contra hostem in altitudinem pedum x: tantundemque ejus valli agger in latitudinem patebat. Ab eo, intermisso spatio pedum xc, alter conversus in contrariam partem erat vallus humilior paullo munitione. Hoc enim superioribus diebus timens Cæsar, ne navibus nostri circumvenirentur, duplicem eo loco fecerat vallum; ut, si ancipiti prælio dimicaretur, posset resisti. Sed operum magnitudo, et continens omnium dierum labor, quod millia passuum in circuitu xviii munitiones erat complexus, perficiendi spatium non dabat. Itaque contra mare transversum vallum, qui has duas munitiones contingeret, nondum perfecerat. Quæ res nota erat Pompeio, delata per Allobroges perfugas; magnumque nostris attulit incommodum. Nam, ut ad mare nostræ cohortes ix legionis excubuerant, accessere subito prima luce Pompeiani (exercitus); novusque eorum adventus exstitit; simulque navibus circumvecti milites in anteriorem vallum tela jaciebant: fossæque aggere complebantur: et legionarii, interioris munitionis defensores, scalis admotis, tormentisque cujusque generis, telisque

telisque ferrebant; magnaue multitudo sagittariorum ab utraque parte circumfundebar. Multum autem ab ictu lapidum, quod unum nostris erat telum, viminea tegumenta galeis imposita defendebant. Itaque, quum omnibus rebus nostri premerentur, atque ægre resisterent; animadversum est vitium munitionis, quod supra demonstratum est: atque inter duos vallos, qua perfectum opus non erat, per mare navibus expositi in aversos nostros impetum fecerunt; atque ex utraque munitione dejectos terga vertere coegerunt.

LXIV. Hoc tumultu nunciato, Marcellinus cohortes subsidio nostris laborantibus summisit: quæ ex castris fugientes conspicatæ neque illos suo adventu confirmare potuerunt, neque ipsæ hostium impetum tulerunt. Itaque quodcumque addebatur subsidio, id corruptum timore fugientium terrorem et periculum augebat. Hominum enim multitudine receptus impediabatur. In eo prælio, quum gravi vulnere esset affectus aquilifer, et viribus deficeretur, conspicatus equites nostros; Hanc ego, inquit, et vivus multos per annos magna diligentia defendi, et nunc moriens eadem fide Cæsari restituo. Nolite, obsecro, committere, quod ante in exercitu Cæsaris non accidit, ut rei militaris dedecus admittatur, incolumemque ad eum referte. Hoc casu aquila conservatur, omnibus primæ cohortis centurionibus interfectis, præter principem priorem.

LXV. Jamque Pompeiani magna cæde nostrorum castris Marcellini appropinquabant, non mediocri terrore illato reliquis cohortibus. Et M. Antonius, qui proximum locum tenebat præsidiorum, ea re nunciata, cum cohortibus XII descendens ex loco superiore cernebatur. Cuius adventus Pompeianos compressit, nostrosque firmavit, ut se ex maximo timore colligerent. Neque multo post Cæsar, significatione per castella fumo facta, ut erat superioris temporis consuetudo, deductis quibusdam cohortibus ex præditiis, eodem venit. Qui cognito detrimento, quum animadvertisset Pompeium extra munitiones egressum; castra secundum mare, ut libere pabulari posset, nec minus aditum navibus habere, commutata ratione belli; quoniam propositum non tenuerat, juxta Pompeium munire iussit.

LXVI. Qua perfecta munitione, animadversum est a speculatoribus Cæsaris, cohortes quasdam, quod instar le-

gionis videretur, esse post silvam, et in vetera castra duci. Castrorum hic situs erat. Superioribus diebus, quum sexta legio Cæsaris objecisset Pompeianis copiis, atque opere, ut demonstravimus, circummuniret, castra eo loco posuit. Hæc silvam quandam contingebant, neque longius a mari passibus eo aberant. Post mutato consilio quibusdam de causis, Cæsar paullo ultra eum locum castra transtulit, paucisque intermissis diebus, hæc eadem Pompeius occupaverat; et quod eo loco plures erat legiones habiturus, relicto interiore vallo, majorem adjecerat munitionem. Ita minora castra inclusa majoribus castelli atque arcis locum obtinebant. Item ab angulo castrorum sinistro munitionem ad flumen perduxerat, circiter passus *xx*, quo liberius ac sine periculo milites aquarentur. Sed is quoque, mutato consilio quibusdam de causis, quas commemorari necesse non est, eo loco excesserat. Ita complures dies manserant castra. Munitiones quidem integre omnes erant.

LXVII. Eo signo legionis illato, speculatores Cæsari renunciarunt. Hoc idem visum ex superioribus quibusdam castellis confirmaverant. Is locus aberat a novis Pompeii castris circiter passus *v*. Hanc legionem sperans Cæsar se opprimere posse, et cupiens ejus dici detrimentum sarcire, reliquit in opere cohortes *ii*, quæ speciem munitionis præberent; ipse diverso itinere, quam potuit occultissime reliquas cohortes numero *xxxiii*, in quibus erat legio *ix*, multis amissis centurionibus, deminutoque militum numero, ad legionem Pompeii castraque minora duplici acie duxit. Neque eum prima opinio fefellit. Nam et pervenit prius, quam Pompeius sentire posset; et, tametsi erant munitiones castrorum magnæ, tamen sinistro cornu, ubi erat ipse, celeriter aggressus Pompeianos ex vallo deturbavit. Erat objectus portis eritius. Hic paulisper est pugnatum; quum irrumpere nostri conarentur, illi castra defenderent, fortissime T. Pulcione, cujus opera proditum exercitum C. Antonii demonstravimus, e loco propugnante. Sed tamen nostri virtute vicerunt: excisoque Ericio, primo in majora castra, post etiam in castellum, quod erat inclusum majoribus castris, irruperunt; et quod eo pulsa legio sese receperat, nonnullos ibi repugnantes interfecerunt.

LXVIII. Sed fortuna, quæ plurimum potest quum in reliquis.

reliquis rebus, tum præcipue in bello parvis momentis magnas rerum commutationes efficit; ut tum accidit. Munitionem, quam pertinere a castris ad flumen supra demonstravimus, dextri Cæsaris cornu cohortes ignorantia loci sunt secutæ, quum portam quærent, castrorumque eam munitionem esse arbitrarentur. Quod quum esset animadversum conjunctam esse flumini, protinus his munitionibus, defendente nullo, transcenderunt: omnisque noster equitatus eas cohortes est secutus.

LXIX. Interim Pompeius, hac longa satis interjecta mora, et re nunciata, v legionem, ab opere deductam subsidio suis duxit: eodemque tempore equitatus ejus nostris equitibus appropinquabat, et acies instructa a nostris, qui castra occupaverant, cernebatur: omniaque sunt subito mutata. Pompeiana enim legio celeris spe subsidii confirmata ab Decumana porta resistere conabatur, atque ultro in nostros impetum faciebat. Equitatus Cæsaris, quod angusto itinere per aggeres adscendebat, receptui suo timens initium fugæ faciebat. Dextrum cornu, quod erat a sinistro seclusum, terrore equitum animadverso, ne intra munitionem opprimeretur, ex parte, qua proruebat, sese recipiebat: ac plerique ex iis, ne in angustias inciderent, x pedum munitionis sese in fossas præcipitabant: primisque oppressis, reliqui per horum corpora salutem sibi atque exitum pariebant. Sinistro cornu milites, quum ex vallo Pompeium adesse, et suos fugere cernerent, veriti, ne angustis intercluderentur, quum extra et intus hostem haberent, eodem, qua venerant, receptui consulebant: omniaque erant tumultus, timoris, fugæ plena; adeo, ut, quum Cæsar signa fugientium manu prehenderet, et consistere juberet, alii, dimissis equis, eundem cursum conficerent; alii ex metu etiam signa dimitterent, neque quisquam omnino consisteret.

LXX. His tantis malis hæc subsidia succurrebant; quo minus omnis deleteretur exercitus, quod Pompeius insidias timens; credo, quod hæc præter spem acciderant, ejus, qui paullo ante, ex castris fugientes suos conspexerat, munitionibus appropinquare aliquandiu non audebat; equitesque ejus, angustis portisque a Cæsaris militibus occupatis, ad insequendum tardabantur. Ita parvæ res magnum in utramque partem momentum habuerunt. Munitiones

enim

enim a castris ad flumen perductæ, expugnatis jam castris Pompeii, propriam et expeditam Cæsaris victoriam interpellaverunt. Eadem res, celeritate insequentium tardata, nostris salutem attulit.

LXXI. Duobus his unius diei proeliis Cæsar desideravit milites DCCCCLX, et notos equites R. Felginatem Tuiticanum Gallum, Senatoris filium, C. Felginatem Placentia, A. Graviu[m] Puteolis, M. Sacrativirum Capua, tribunos militum et centuriones xxx. Sed horum omnium pars magna in fossis munitionibusque et fluminis ripis oppressa suorum terrore ac fuga sine ullo vulnere interiiit, signaque sunt militaria xxxii amissa. Pompeius eo proelio Imperator est appellatus. Hoc nomen obtinuit, atque ita se postea salutari passus est. Sed neque in literis, quas scribere est solitus, neque in fascibus insignia laureæ prætulit. At Labienus, quum ab eo impetravisset, ut sibi captivos transdi juberet, omnes productos ostentationis, ut videbatur, causa, quo major perfugæ fides haberetur, commilitones appellans, et magna verborum contumelia interrogans, solerentne veterani milites fugere, in omnium conspectu interficit.

LXXII. His rebus tantum fiduciæ ac spiritus Pompeianis accessit; ut non de ratione belli cogitarent, sed vicisse jam sibi viderentur. Non illi paucitatem nostrorum militum, non iniquitatem loci, atque angustias præoccupatis castris, et ancipitem terrorem intra extraque munitiones, non abscissum in duas partes exercitum, quum alter alteri auxilium ferre non posset, causæ fuisse cogitabant. Non ad hæc addebant, non ex concursu acri facto, non proelio dimicatum; sibi que ipsos multitudine atque angustiiis majus attulisse detrimentum, quam ab hoste accepissent. Non denique communes belli casus recordabantur, quam parvulæ sæpe causæ, vel falsæ suspitionis, vel terroris repentini, vel objectæ religionis, magna detrimenta intulissent: quoties vel culpa ducis, vel tribuni vitio, in exercitu esset offensum: sed proinde, ac si virtute vicissent, neque ulla commutatio rerum posset accidere, per orbem terrarum, fama ac literis victoriam ejus diei concelebant.

LXXIII. Cæsar a superioribus consiliis depulsus omnem sibi commutandam belli rationem existimavit. Itaque uno tempore, præsidii omnibus deductis, et oppugnatione

natione dimissa, coactoque in unum locum exercitu, concionem apud milites habuit; hortatusque est, ne ea, quæ acciderent, graviter ferrent, neve his rebus terrentur, multisque secundis proeliis unum adversum, et id mediocre, opponerent: habendam fortunæ gratiam, quod Italiam sine aliquo vulnere cepissent; quod duas Hispanias, bellicosissimorum hominum peritissimis atque exercitatissimis ducibus, pacavissent: quod finitimas frumentariasque provincias in potestatem redegissent: denique recordari debere, qua facilitate inter medias hostium classes, oppletis non solum portibus, sed etiam litoribus, omnes incolumes essent transportati. Si non omnia caderent secunda, fortunam esse industria sublevandam; quod esset acceptum detrimenti, ejus juri potius, quam suæ culpæ debere tribui; locum se tum ad dimicandum dedisse: potitum esse hostium castris, expulisse ac superasse pugnantes: sed si ipsorum perturbatio, si error aliquis, si etiam fortuna partam jam præsentemque victoriam interpellassent, dandam omnibus operam, ut acceptum incommodum virtute farciretur. Quod si esset factum, detrimentum in bonum verteret, uti ad Gergoviam accidisset; atque ii, qui ante dimicare timuissent, ultro se proelio offerrent.

LXXIV. Hac habita concione, nonnullos significos ignominia notavit, ac loco movit. Exercitui quidem omni tantus incessit ex incommodo dolor, tantumque studium infamiae farciendæ, ut nemo aut tribuni aut centurionis imperium desideraret; et sibi quisque etiam pænæ loco graviores imponeret labores, simulque omnes arderent cupiditate pugnandi: quum superioris etiam ordinis nonnulli oratione permoti manendum eo loco, et rem proelio committendam existimarent. Contra ea Cæsar neque satis militibus perterritis confidebat, spatiumque interponendum ad recreandos animos putabat; relictisque munitionibus magnopere rei frumentariæ timebat.

LXXV. Itaque nulla interposita mora, sauciorum modo et ægrorum habita ratione, impedimenta omnia silentio prima nocte ex castris Apolloniam præmisit, ac conquiescere ante iter confectum vetuit. His una legio missa præsidio est. His explicitis rebus, duas in castris legiones retinuit, reliquas de iv vigilia compluribus portis eductas eodem itinere præmisit; parvoque spatio intermisso, ut et militare

militare institutum servaretur, et quam scrupulose ejus profectio cognosceretur, conclamari jussit; statimque egressus et novissimum agmen consecutus, celeriter e conspectu castrorum discessit. Neque vero Pompeius, cogitato consilio ejus moram ullam ad insequendum intulit: sed eadem spectans, si itinere impeditos et perterritos comprehendere posset, exercitum e castris eduxit, equitatumque præmisit ad novissimum agmen demorandum: neque consequi potuit, quod multum expedito itinere antecesserat Cæsar. Sed quum ventum esset ad flumen Genusum, quod ripis erat impeditis, consecutus equitatus novissimos prælio detinebat. Huic suos Cæsar equites opposuit; expeditosque antesignanos admiscuit eo, qui tantum profecere, ut, equestri prælio commisso, pellerent omnes, compluresque interficerent; ipsi incolumes se ad agmen recipere.

LXXVI. Confesto iusto itinere ejus diei, quod proposuerat Cæsar, transductoque exercitu flumen Genusum, veteribus suis in castris contra Asparagium confedit, militesque omnes intra vallum continuit; equitatumque per causam pabulandi emissum confestim Decumana porta in castra se recipere jussit. Simili ratione Pompeius, confesto ejusdem diei itinere, in suis veteribus castris ad Asparagium confedit, ejusque milites, quod ab opere, integris munitionibus, vacabant, alii lignandi pabulandique causa longius progrediebantur; alii, quod subito consilium profectionis ceperant, magna parte impedimentorum et sarcinarum relicta, ad hæc repetenda invitati propinquitate superiorum castrorum, depositis in contubernio armis, vallum relinquebant. Quibus ad sequendum impeditis, Cæsar quod fore providerat, meridiano fere tempore, signo profectionis dato, exercitum educit, duplicatoque ejus diei itinere, viii millibus passuum ex eo loco procedit. Quod facere Pompeius discessu militum non potuit.

LXXVII. Postero die Cæsar similiter præmissis primæ nocte impedimentis, de iv vigilia ipse egreditur; ut, si qua imposita esset dimicandi necessitas, subitum casum expedito exercitu subiret. Hoc idem reliquis fecit diebus. Quibus rebus perfectum est, ut altissimis fluminibus, atque impeditissimis itineribus nullum acciperet incommodum. Pompeius enim, primi diei mora illata, et reliquorum di-

erum frustra labore suscepto, quum se magnis itineribus extenderet, et progressos consequi cuperet, iv die finem sequendi fecit, atque aliud sibi consilium capiendum existimavit.

LXXVIII. Cæsari ad faucios deponendos, stipendium exercitui dandum, socios confirmandos, præsidium uribus relinquendum, necesse erat adire Apolloniam. Sed his rebus tantum temporis tribuit, quantum erat propernati necesse: timensque Domitio, ne adventu Pompeii præoccuparetur, ad eum omni celeritate et studio incitatus ferebatur. Totius autem rei consilium his rationibus explicabat, ut, si Pompeius eodem contenderet, abductum illum a mari, atque ab iis copiis, quas Dyrrhachii comparaverat, frumento ac comæatu abstractum pari conditione belli secum decertare cogeret. Si in Italiam transfret, conjuncto exercitu cum Domitio per Illyricum Italiæ subsidio profisceretur. Sin Apolloniam Oricumque oppugnare, et se omni maritima ora excludere conaretur, obseiso tamen Scipione, necessario illum suis auxilium ferre cogeret. Itaque præmissis nunciis ad C. Domitium Cæsar scripsit; ecquid fieri vellet, ostendit: præsidioque Apolloniæ cohortibus iv, Lissi i, iii Orici relictis, quique erant ex vulneribus ægri, depositis; per Epirum atque Acarnaniam iter facere cœpit. Pompeius quoque de Cæsaris consilio conjectura judicans, ad Scipionem properandum sibi existimabat; si Cæsar iter illo haberet, ut subsidium Scipioni ferret; si ab ora maritima Corcyraque discedere noller, quod legiones equitatumque ex Italia exspectaret; ipse ut omnibus copiis Domitium aggrèderetur.

LXXIX. Iis de causis uterque eorum celeritati studebat, ut suis esset auxilio, et, ad opprimendos adversarios, ne occasione temporis deesset. Sed Cæsarem Apollonia directo itinere averterat: Pompeius per Candaviam iter in Macedoniam expeditum habebat. Accessit etiam improvise aliud incommodum; quod Domitius, qui dies complures castris Scipionis castra collata habuisset, rei frumentariæ causa ab eo discesserat, et Heracleam Senticam, quæ est subiecta Candaviæ, iter fecerat; ut ipsa fortuna illum obicere Pompeio videretur. Hæc ad id tempus Cæsar ignorabat. Simul a Pompeio litæsis per omnes provincias civitatesque dimissis, de prælio ad Dyrrhachium

rhachium factio elatius inflatusque multo, quam res erat gesta, fama percrebuerat pulsum fugere Cæsarem pæne omnibus copiis amissis. Hæc itinera infesta reddiderant: hæc civitates nonnullas ab ejus amicitia averterant. Quibus accidit rebus, ut, pluribus dimissi itineribus a Cæsare ad Domitium, et ab Domitio ad Cæsarem, nulla ratione iter conficere possent. Sed Allobroges, Roscelli atque Ægi familiares, quos perfugisse ad Pompeium demonstravimus, conspicati in itinere exploratores Domitii, seu pristina sua consuetudine, quod una in Gallia bella gesserant; seu gloria elati, cuncta, ut erant acta, exposuerunt, et Cæsaris profectionem et adventum Pompei docuerunt. A quibus Domitius certior factus vix iv. horarum spatio antecedens, hostium beneficio periculum vitavit: et ad Æginium, quod est objectum oppositumque Thessaliæ, Cæsari venienti occurrit.

LXXX. Conjuncto exercitu, Cæsar Gomphos pervenit; quod est oppidum primum Thessaliæ venientibus ab Epiro: quæ gens paucis ante mensibus ultro ad Cæsarem legatos miserat, ut suis omnibus facultatibus uteretur, præfidiumque ab eo militum petierat. Sed eo fama jam præcucurrerat, quam supra docuimus, de proelio Dyrrhachino, quod multis auxerat partibus. Itaque Androsthenes prætor Thessaliæ, quum se victoriæ Pompeii comitem esse mallet, quam socium Cæsaris in rebus adversis, omnem ex agris multitudinem servorum ac liberorum in oppidum cogit, portasque præcludit, et ad Scipionem Pompeium, que nuncios mittit, ut sibi subsidio veniant: se confidere munitionibus oppidi, si celeriter succurratur: longinquam oppugnationem sustinere non posse. Scipio discessu exercituum a Dyrrhachio cognito Larissam legiones adduxerat. Pompeius nondum Thessaliæ appropinquabat. Cæsar castris munitis scalas musculosque ad repentinam oppugnationem fieri, et crates parari jussit. Quibus rebus effectis cohortatus milites docuit quantum usum haberet ad sublevandam omnium rerum inopiam, potiri oppido pleno atque opulento: simul reliquis civitatibus urbis hujus exemplo inferre terrorem; et id fieri celeriter, prius quam auxilia concurrerent. Itaque usus singulari militum studio, eodem, quo venerat, die, post horam ix oppidum altissimis mœnibus oppugnare aggressus, ante so-

lis occasum expugnavit, et ad diripiendum militibus concessit; statimque ab oppido castra movit, et Metropolim venit; sic, ut nuncios expugnati oppidi famamque antecederet.

LXXXI. Metropolitæ, eodem primum usi consilio, iisdem permoti rumoribus, portas clauferunt, murosque armatis compleverunt. Sed postea casu civitatis Gomphenfis ex captivis cognito, quos Cæsar ad murum producendos curaverat, portas aperuerunt. Quibus diligentissime conservatis, collata fortuna Metropolitum cum casu Gomphenfum, nulla Thessaliæ fuit civitas præter Larissæos, qui magnis exercitibus Scipionis tenebantur, quin Cæsari pareret, atque imperata faceret. Ille segetis idoneum locum in agris nactus, quæ prope jam matura erat, ibi adventum expectare Pompeii, eoque omnem rationem belli conferre constituit.

LXXXII. Pompeius paucis post diebus in Thessaliam pervenit: concionatusque apud cunctum exercitum suis agit gratias: Scipionis milites cohortatur, ut parta jam victoria prædæ ac præmiorum velint esse participes: receptisque omnibus in una castra legionibus, suum cum Scipione honorem partitur; classicumque apud eum cani, et alterum illi jubet prætorium tendi. Ausis copiis Pompeii, duobusque magnis exercitibus conjunctis, pristina omnium confirmatur opinio, et spes victoriæ augetur adeo; ut, quidquid intercederet temporis, id morari redditum in Italiam videretur; et, si quando quid Pompeius tardius aut consideratius faceret, unius esse negotium dici, sed illum delectari imperio, et consulares prætoriosque servorum habere numero, dicerent. Jamque inter se palam de præmiis ac sacerdotiis contendebant; in annosque consulatum definiebant. Alii domos bonaque eorum, qui in castris erant Cæsaris, petebant: magnaque inter eos in consilio fuit controversia, oporteretne L. Hirri, quod is a Pompeio ad Parthos missus esset, proximis comitiis prætoriiis absentis rationem haberi: quum ejus necessarii fidem implorarent Pompeii; præstaret quod proficiscenti recepisset; ne per ejus auctoritatem deceptus videretur; reliqui, in labore pari ac periculo, ne unus omnes antecederet, recusarent.

LXXXIII. Jam de sacerdotio Cæsaris Domitius, Scipio Spintherque Lentulus quotidianis contentionibus ad gra-

vissimas

villimas verborum contumelias palam descenderunt: quum Lentulus ætatis honorem ostentaret; Domitius urbanam gratiam dignitatemque jactaret; Scipio affinitate Pompei confideret. Postulavit etiam L. Afranium proditoris exercitus Attius Rufus apud Pompeium, quod gestum in Hispania diceret. Et L. Domitius in consilio dixit, placere sibi bello confecto ternas tabellas dari ad judicandum iis, qui ordinis essent senatorii belloque una cum ipsis interfuissent, sententiasque de singulis ferrent, qui Romæ remansissent, quique intra præsidia Pompei fuissent, neque operam in te militari præstitissent. Unam fore tabellam, qui liberandos omni periculo censerent; alteram, qui capitis damnarent; tertiam, qui pecunia multarent. Postremo omnes aut de honoribus suis, aut de præmiis pecuniæ, aut de persequendis inimicis agebant. Nec quibus rationibus superare possent; sed quemadmodum ut victoria deberent, cogitabant.

LXXXIV. Re frumentaria præparata, confirmatisque militibus, et satis longo spatio temporis a Dyrrhachinis præliis intermisso, quum satis perspectum militum animum habere videretur, tentandum Cæsar existimavit, quidnam Pompeius propositi aut voluntatis ad dimicandum haberet. Itaque ex castris exercitum eduxit, aciemque instruxit, primum suis locis pauloque a castris Pompei longius; continentibus vero diebus, ut progredere a castris suis collibusque Pompeianis aciem subjiceret. Quæ res in dies confirmationem ejus efficiebat exercitum. Superius tamen institutum in equitibus, quod demonstravimus, servabat; ut, quoniam numero multis partibus esset inferior, adolescentes atque expeditos ex antesignanis electos milites ad pernecitatem armis inter equites præliari juberet, qui quotidiana consuetudine usum quoque ejus generis præliorum perciperent. His erat rebus effectum, ut equites a. apertioribus etiam locis vii millium Pompeianorum impetum, quum adesset usus, sustinere auderent; neque magnopere eorum multitudine terrentur. Namque etiam per eos dies prælium secundum equestre fecit, atque unum Allobrogem ex duobus, quos perfugisse ad Pompeium supra docuimus, cum quibusdam interfecit.

LXXXV. Pompeius, quia castra in colle habebat, ad infimas radices montis aciem instruebat; semper, ut vide-

hatur, spectans, si iniquis locis Cæsar se subjiceret. Cæsar nulla ratione ad pugnam elici posse Pompeium existimans; hanc sibi commodissimam belli rationem judicavit; uti castra ex eo loco moveret, semperque esset in itineribus: hoc sperans, ut, movendis castris pluribusque adundis locis, commodiore frumentaria re uteretur; simulque, in itinere ut aliquam occasionem dimicandi nancisceretur, et insolitum ad laborem Pompeii exercitum quotidianis itineribus defatigaret. His constitutis rebus, signo jam processionis dato, tabernaculisque detentis, animadvertum est, paullo ante extra quotidianam consuetudinem, longius a vallo esse aciem Pompeii progressam; ut non iniquo loco posse dimicari videretur. Tunc Cæsar apud suos, quum jam esset agmen in portis, Differendum est, inquit, iter in præsentia nobis, et de prælio cogitandum, sicut semper depoposcimus: animo sumus ad dimicandum parati: non facile occasionem postea reperiemus. Confestimque expeditas copias educit.

LXXXVI. Pompeius quoque, ut postea cognitum est, suorum omnium hortatu statuerat prælio decertare. Namque etiam in concilio superioribus diebus dixerat, prius quam concurrerent acies, fore, ut exercitus Cæsaris pelleretur. Id quum essent plerique admirati: Scio, me, inquit, pæne incredibilem rem polliceri: sed rationem consilii mei accipite, quo firmiore animo in prælium prodeatis. Persuasi equitibus nostris, idque mihi se facturos confirmaverunt; ut quum propius sit accessum, dextrum Cæsaris cornu ab latere aperto aggrederentur: ut, circumventa ab tergo acie, prius perturbatum exercitum pellerent, quam a nobis telum in hostem jaceretur. Ita sine periculo legionum, et pæne sine vulnere bellum conficiemus. Id autem difficile non est, quum tantum equitatu valeamus. Simul denunciavit, ut essent animo parati in posterum; et, quoniam fieret dimicandi potestas, ut sæpe cogitavissent, ne usu manuque reliquorum opinionem fallerent.

LXXXVII. Hunc Labienus excepit, ut, quum Cæsar copias despiceret, Pompeii consilium summis laudibus efferret. Noli, inquit, existimare, Pompei, hunc esse exercitum, qui Galliam Germaniamque devicerit. Omnibus interfui præliis. Neque remere incognitam rem pronuncio. Perexiguâ pars illius exercitus superest; magna pars deperit:

perit : quod accidere tot proeliis fuit necesse. Multos autumni pestilentia in Italia consumpsit : multi domum discesserunt : multi sunt relictī in continenti. An non audistis ex iis, qui per causam valetudinis remanserunt, cohortes esse Brundisii factas ? Hæ copię, quas videtis, ex delectibus horum annorum in citeriore Gallia sunt refectę ; et plexęque sunt ex colonis Transpadanis. Attamen, quod fuit roboris, duobus proeliis Dyrrhachinis interitis. Hæc, quum dixisset, juravit, se, nisi victorem, in castra non reversurum : reliquosque, ut idem facerent, hortatus est. Hoc laudans Pompeius idem juravit. Nec vero ex reliquis fuit quisquam, qui jurare dubitaret. Hæc quum facta essent in consilio, magna spe et lætitia omnium discessum est. Ac jam animo victoriam præcipiebant, quod de re tanta, et a tam perito imperatore nihil frustra confirmari videbatur.

LXXXVIII. Cæsar, quum Pompeii castris appropinquasset, ad hunc modum aciem ejus instructam animadvertit. Erant in sinistro cornu legiones duę, transditę a Cæsare initio dissensionis ex SC. quarum una prima, altera tertia appellabatur. In eo loco ipse erat Pompeius. Mediam aciem Scipio cum legionibus Syriacis tenebat. Ciliciensis legio conjuncta cum cohortibus Hispanis, quas transductas ab Afranio docuimus, in dextro cornu erant collocatę. Has firmissimas se habere Pompeius existimabat. Reliquas inter aciem mediam cornuaque interjecerat : numeroque cohortes ex expleverat. Hæc erant milia XLV. Evocatorum circiter duę, quę ex beneficiariis superiorum exercituum ad eum convenerant : quę tota acie dispersę erant. Reliquas cohortes VII castris propinquisque castellis præsidio disposuerat. Dextrum cornu ejus rivus quidam impeditis ripis muniebat. Quam ad causam cunctum equitatum, sagittarios funditoresque omnes in sinistro cornu objecerat.

LXXXIX. Cæsar, superius institutum servans, X legionem in dextro cornu, IX in sinistro collocaverat, tametsi erat Dyrrhachinis proeliis vehementer attenuata ; et huic sic adjunxit VIII, ut pene unam ex duabus efficeret ; atque alteram alteri præsidio esse jusserat. Cohortes in acie LXXX constitutas habebat. Quę summa erat millium LXXI. Cohortes XI castris præsidio reliquerat. Sinistro cornu An-

tonium, dextro P. Sullam, media acie Cp. Domitium præposuerat. Ipse contra Pompeium consistit. Simul his rebus animadversis, quas demonstravimus, timens, ne a multitudine equitum dextrum cornu circumveniretur, celeriter ex tertia acie singulas cohortes detraxit; atque ex his quartam instituit, equitatuque opposuit; et, quid fieri vellet, ostendit: monuitque ejus diei victoriam in earum cohortium virtute constare; simul tertiæ aciei, totique exercitui imperavit, ne injussu suo concurreret: se quum id fieri vellet, vexillo signum daturum.

XC. Exercitum quum militari more ad pugnam cohortaretur, suaque in eum perpetui temporis officia prædicaret, in primis commemoravit, festibus se militibus uti posse, quanto studio pacem petisset: quæ per Vatinium in colloquiis, quæ per A. Clodium cum Scipione egisset; quibus modis ad Oricum cum Liboné de mittendis legatis contendisset: neque se unquam abuti militum sanguine, neque Rempublicam alterutro exercitu privare voluisse. Hac habita oratione, expositis militibus, et studio pugnae ardentibus, tuba signum dedit.

XCi. Erat crastinus evocatus in exercitu Cæsaris, qui superiore anno apud eum primum pilum in legione x duxerat, vir singulari virtute. Hic, signo dato, Sequimini me, inquit, manipulares mei qui fuistis; et vestro imperatori, quam constituistis, operam date. Unum hoc prælium superest: quo confecto, et ille suam dignitatem, et nos nostram libertatem recuperabimus. Simul respiciens Cæsarem; Faciam, inquit, hodie, imperator, ut aut vivo mihi, aut mortuo gratias agas. Hæc quum dixisset, primus ex dextro cornu præcurrit: atque eum milites electi circiter cxx voluntarii ejusdem centuriæ sunt persecuti.

XCII. Inter duas acies tantum erat relictum spatii, ut satis esset ad concursum utriusque exercitus. Sed Pompeius suis prædixerat, ut Cæsaris impetum exciperent, neve se loco moverent; aciemque ejus distrabi paterentur. Idque admonitu C. Triarii fecisse dicebatur: ut primus excursus visque militum, infringeretur; aciesque distenderetur; atque suis ordinibus dispositi dispersos adorirentur: levius quoque casura pila sperabat, in loco retentis militibus, quam si ipsi immixtis telis occurrissent. Simul fore, ut, duplicato cursu, Cæsaris milites exanimarentur, et las-

situdine conficerentur. Quod nobis quidem nulla ratione factum a Pompeio videtur: propterea quod est quædam animi incitatio, atque alacritas naturaliter innata omnibus, quæ studio pugnae incenditur. Hanc non reprimere, sed augere imperatores debent. Neque frustra antiquitus institutum est, ut signa undique concinerent, clamoremque universi tollerent; quibus rebus et hostes terreri, et suos incitari existimaverunt.

XCIII. Sed nostri milites dato signo, quum infestis pilis procucurrissent atque animadvertissent non concurrere a Pompeianis, usu periti, ac superioribus pugnis exercitati, sua sponte cursum represserunt, et ad medium fere spatium constitunt, ne consumptis viribus appropinquarent, parvoque intermisso temporis spatio, ac rursus renovato cursu, pila miserunt; celeriterque, ut erat præceptum a Cæsare, gladios strinxerunt. Neque vero Pompeiani huic rei defuerunt: nam et tela missa exceperunt, et impetum legionum tulerunt, et ordines conservaverunt; pilisque missis ad gladios redierunt. Eodem tempore equites a sinistro Pompeii cornu, ut erat imperatum, universi procucurrerunt: omnisque multitudo sagittariorum se profudit: quorum impetum noster equitatus non tulit, sed paulum loco motus cessit: equitesque Pompeiani hoc acrius instare, et se turmatim explicare, aciemque nostram a latere aperto circumire cœperunt. Quod ubi Cæsar animadvertit, iv aciei, quam instituerat sex cohortium numero, signum dedit. Illi celeriter procucurrerunt; infestisque signis tanta vi in Pompeii equites impetum fecerunt; ut eorum nemo consisteret, omnesque conversi non solum loco excederent, sed protinus incitati, fuga montes altissimos peterent. Quibus summotis, omnes sagittarii funditoresque destituti inermes, sine præsidio interfecti sunt. Eodem impetu cohortes sinistrum cornu, pugnantibus etiam tum ac resistentibus in acie Pompeianis, circumiecerunt, eosque a tergo sunt adorti.

XCIV. Eodem tempore tertiam aciem Cæsar, quæ quæta fuerat, et se ad id tempus loco tenuerat, procurrere iussit. Ita, quum recentes atque integri defessis successissent; alii autem a tergo adorirentur; sustinere Pompeiani non potuerunt, atque universi terga verterunt. Neque vero Cæsarem fefellit, quin ab iis cohortibus, quæ contra

equitatum

equitatum in iv acie collocatæ essent, initium victoriæ oriretur, ut ipse in cohortandis militibus pronuntiaverat. Ab his enim primum equitatus est pulsus: ab iisdem facta cædes sagittariorum atque funditorum: ab iisdem acies Pompeiana a sinistra parte erat circumventa, atque initium fugæ factum. Sed Pompeius, ut equitatum pulsum vidit, atque eam partem, cui maxime confidebat, perterritam animadvertit, aliis diffusus acie excessit, protinusque se in castra equo contulit; et iis centurionibus, quos in statione ad prætoriam portam posuerat, clare, ut milites exaudirent, Tueamini, inquit, castra, et defendite diligenter, si quid durius acciderit. Ego reliquas portas circumteuo, et castrorum præsidia confirmo. Hæc quum dixisset, se in prætorium contulit, summæ rei diffidens et tamen eventum expectans.

XCV. Cæsar, Pompeianis ex fuga intra vallum compulsi, nullum spatium perterritis dare oportere æstimans, milites cohortatus est; ut beneficio fortunæ uterentur, castraque oppugnarent: qui, etsi magno æstu fatigati; (nam ad meridiem res erat perducta) tamen, ad omnem laborem animo parati, imperio paruerunt. Castra a cohortibus, quæ ibi præsidio erant relictæ, industrie defendebantur; multo etiam acrius a Thracibus barbarisque auxiliis. Nam qui acie refugerant milites, et animo perterriti et lassitudine confecti, missis plerique armis signisque militaribus, magis de reliqua fuga, quam de castrorum defensione cogitabant. Neque vero diutius, qui in vallo consisterant, multitudinem telorum sustinere poterunt; sed confecti vulneribus locum reliquerunt; protinusque omnes, ducibus usque centurionibus tribunisque militum in altissimos montes, qui ad castra pertinebant, confugerunt.

XCVI. In castris Pompeii videre licuit triclinia strata, magnum argenti pondus expositum, recentibus cespitibus tabernacula constrata, L. etiam Lentuli, et nonnullorum tabernacula protecta edera, multaque præterea, quæ nimiam luxuriam et victoriæ fiduciam designarent; ut facile æstimari posset, nihil eos de eventu ejus diei timuisse, qui non necessarias conquirerent voluptates, atque ii miserrimo ac patientissimo exercitui Cæsaris luxuriam objiciebant, cui semper omnia ad necessarium usum defuissent. Pompeius jam, quum intra vallum nostri versarentur, equum

naclus,

naſtus, detractis inſignibus imperatoris, Decumana porta ſe ex caſtris ejecit; protinuſque equo citato Lariffam contendit. Neque ibi conſtitit; ſed eadem celeritate paucos ſuorum ex fuga naſtus, nocturno itinere non intermiſſo, comitatu equitum xxx ad mare pervenit, navemque frumentariam conſcendit: ſæpe, ut dicebatur, querens; tantum ſe opinionem ſefelliſſe, ut a quo genere hominum victoriam ſperafſet, ab eo initio fugæ factò, pæne proditus videretur.

XCVII. Cæſar caſtris potitus a militibus contendit, ne in præda occupati reliqui negotii gerendi facultatem dimitterent. Qua re impetrata, montem opere circumvenire inſtituit. Pompeiani, quod is mons erat ſine aqua, diſſiſi ei loco, relictò monte, univerſi (juris ejus) Lariffam verſus ſe recipere cœperunt. Qua re animadverſa, Cæſar copias ſuas diviſit; partemque legionum in caſtris Pompeii remanere juſſit, partem in ſua caſtra remiſit: iv ſecum legiones duxit; commodioreque itinere Pompeianis occurrere cœpit: et progreſſus millia paſſuum vi aciem inſtruxit. Qua re animadverſa, Pompeiani in quodam monte conſtiterunt. Hunc montem flumen ſubſuebat. Cæſar, milites cohortatus, etſi totius diei continenti labore erant conſecti, noxque jam ſuberat, tamen munitione flumen a monte ſecluſit, ne noctu Pompeiani aquari poſſent. Quo jam perfectò opere, illi de deditiõne, miſſis legatis, agere cœperunt. Pauci ordinis ſenatorii, qui ſe cum iis conjunxerant, noctu fuga ſalutem petierunt.

XCVIII. Cæſar prima luce omnes eos, qui in monte conſederant, ex ſuperioribus locis in planiciem deſcendere atque arma projicere juſſit: quod ubi ſine recuſatione fecerunt, paſſiſque palmis, projecti ad terram, ſtentes, ab eo petierunt ſalutem; conſolatus conſurgere juſſit; et pauca apud eos de lenitate ſua locutus, quo minore eſſent timore, omnes conſervavit; militibuſque ſuis juſſit, ne qui eorum violarentur, neu quid ſui deſiderarent. Hac adhibita diligentia, ex caſtris ſibi legiones alias occurrere, et eas quas ſecum duxerat, invicem requieſcere, atque in caſtra reverti juſſit: eodemque die Lariffam pervenit.

XCIX. In eo prælio non amplius cc milites deſideravit; ſed centuriones, fortes viros, circiter xxx amiſit. Interfectus eſt etiam fortiffime pugnans Craſtinus, cujus

mentionem

mentionem supra fecimus, gladio in os adversum coniecto. Neque id fuit falsum, quod ille in pugnam proficiscens dixerat. Sic enim Cæsar existimabat, eo prælio excellentissimam virtutem Crastini fuisse; optimeque cum de se meritum iudicabat. Ex Pompeiano exercitu circiter millia xv cecidisse videbantur: sed in deditionem venerunt amplius millia xxiv. Namque etiam cohortes, quæ præsidio in castellis fuerant, sese Syllæ dediderunt. Multi præterea in finitimas civitates refugerunt: signaque militaria ex prælio ad Cæsarem sunt relata clxxx, et aquilæ ix. L. Domitius ex castris in montem refugiens, quum vires eum lassitudine defecissent, ab equitibus est interfectus.

C. Eodem tempore D. Lælius cum Classe ad Brundisium venit; eademque ratione, qua factum a Libone antea demonstravimus, insulam objectam portui Brundisino tenuit. Similiter Vatinius, qui Brundisio præerat, testis instructisque scaphis elicuit naves Lælianas; atque ex his longius productam unam quinquerehem; et minores duas in angustiis portus cepit; itemque per equites dispositos aqua prohibere classiarios instituit. Sed Lælius, tempore anni commodiore usus ad navigandum, onerariis navibus Coreyra Dyrrhachioque aquam suis supportabat; neque a proposito deterrebat; neque ante prælium in Thessalia factum cognitum, aut ignominia amissatum navium, aut necessariarum rerum inopia, ex portu insulaque expelli potuit.

Cl. Iisdem fere temporibus Cassius cum classe Syrorum et Phœnicum, et Cilicum in Siciliam venit: et quum esset Cæsaris classis divisa in duas partes, et dimidiæ parti præesset P. Sulpicius prætor Liboque ad fretum, dimidiæ M. Pomponius ad Messanam, prius Cassius ad Messanam navibus advolavit, quam Pomponius de ejus adventu cognosceret, perturbatumque eum nactus, nullis custodiis neque ordinibus certis, magno vento et secundo completas onerarias naves tæda et pice et stupa reliquisque rebus, quæ sunt ad incendia, in Pomponianam classem immisit, atque omnes naves incendit xxxv, in quibus erant xx constrictæ: tantusque eo facto timor incessit; ut, quum esset legio præsidio Messanæ, vix oppidum defenderetur: et nisi eo ipso tempore nuncii de Cæsaris victoria per dispositos equites essent allati, existimabant plerique futurum fuisse, uti amitteretur. Sed opportunissime nun-

ciis allatis oppidum fuit defensum; Cassiusque ad Sulpicianam inde classem profectus est et Libonem; applicatisque nostris ad terram navibus, propter eundem timorem, pari, atque antea, ratione egit. Secundum nactus ventum, onerarias naves circiter XL præparatas ad incendium immisit: et flamma ab utroque cornu comprehensa, naves sunt combustæ v. Quumque ignis magnitudine venti latius serperet; milites, qui ex veteribus legionibus erant relictis præsidio navibus, ex numero ægrorum, ignominiam non tulerunt, sed sua sponte naves conscenderunt, et a terra solverunt: impetuque facto in Cassianam classem, quinqueres 11, in quarum altera erat Cassius, ceperunt. Sed Cassius exceptus scapha refugit. Præterea duæ sunt deprehensæ triremes. Neque multo post de prælio facto in Thessalia cognitum est; ut ipsis Pompeianis fides fieret. Nam ante id tempus singi a legatis amicisque Cæsaris arbitrabantur. Quibus rebus cognitis, ex iis locis Cassius cum classe discessit.

CII. Cæsar omnibus rebus relictis, persequendum sibi Pompeium existimavit, quascumque in partes ex fuga se recepisset; ne rursus copias comparare alias, et bellum renovare posset; et quantum itineris equitatu efficere poterat, quotidie progrediebatur; legionemque unam minoribus itineribus subsequi iussit. Erat editum Pompeii nomine Amphipoli propositum, uti omnes ejus provincie juniores, Græci civesque Romani, jurandi causa convenirent: sed utrum avertendæ suspicionis causa Pompeius proposuisset, ut quam diutissime longioris fugæ consilium occultaret, an novis delectibus, si nemo premeret, Macedoniam tenere conaretur, existimari non poterat. Ipse ad anchoram una nocte constitit; et vocatis ad se Amphipoli hospitibus, et pecunia ad necessarios sumptus corrogata, cognito Cæsaris adventu, ex eo loco discessit, et Mitylenas paucis diebus venit. Biduum tempestate retentus, navibusque aliis additis actuariis, in Ciliciam atque inde Cyprum pervenit. Ibi cognoscit, consensu omnium Antiochenium civiumque Romanorum, qui illic negotiarentur, arcem ante captam esse, excludendi sui causa; nunciosque dimissos ad eos, qui se ex fuga in finitimas civitates recepisse dicerentur, ne Antiochiam adirent: id si fecissent, magno eorum capitis periculo futurum. Idem hoc L. Len-

tulo, qui superiore anno consul fuerat, et P. Lentulo consulari, ac nonnullis aliis acciderat Rhodi; qui quum ex fuga Pompeium sequerentur, atque in insulam venissent, oppido ac portu recepti non erant: missisque ad eos nunciis, ut ex iis locis discederent, contra voluntatem suam naves solverunt. Jamque de Cæsaris adventu fama ad civitates perferebatur.

CIII Quibus cognitis rebus, Pompeius, deposito ad eundem Syriæ consilio, pecunia societatis sublata, et a quibusdam privatis sumpta, et æris magno pondere ad militarem usum in naves imposito, duobusque millibus hominum armatis, partim quos ex familiis societatum delegerat, partim a negotiatoribus coegerat, quosque ex suis quisque ad hanc rem idoneos existimabat, Pelusium pervenit. Ibi casu rex erat Ptolemæus, puer ætate, magnis copiis cum sorore Cleopatra gerens bellum; quam paucis ante mensibus per suos propinquos atque amicos regno expulerat, castraque Cleopatraz non longo spatio ab ejus castris distabant. Ad eum Pompeius misit, ut pro hospitio atque amicitia patris Alexandria reciperetur, atque illius opibus in calamitate tegeretur. Sed qui ab eo missi erant, confecto legationis officio, liberius cum militibus regis colloqui coeperunt, eosque hortari, ut suum officium Pompeio præstarent, neve ejus fortunam despicerent. In hoc erant numero complures Pompeii milites quos ex ejus exercitu acceptos in Syria Gabinus Alexandriam transfuderat, belloque confecto apud Ptolemæum patrem pueri reliquerat.

CIV. His tunc cognitis rebus amici regis, qui propter ætatem ejus in procuratione erant regni; sive timore adducti, ut postea prædicabant; ne, sollicitato exercitu regio, Pompeius Alexandriam Ægyptumque occuparet; sive despecta ejus fortuna, ut plerumque in calamitate ex amicis inimici existunt; iis, qui erant ab eo missi, palam liberaliter responderunt, eumque ad regem venire jusserunt. Ipsi clam concilio inito, Achillam præfectum regium singulari hominem audacia, et L. Septimium tribunum militum ad interficiendum Pompeium miserunt. Ab his liberaliter ipse appellatus, et quadam notitia Septimii productus, quod bello prædonum apud eum ordinem duxerat, naviculam parvulam conscendit cum paucis suis; et ibi
ab

ab Achilla et Septimio interficitur. Item L. Lentulus comprehenditur a rege, et in custodia necatur.

CV. Cæsar, quum in Asiam venisset, reperiebat T. Ampium conatum esse tollere pecunias Epheso ex fano Dianæ; ejusque rei causa, senatores omnes ex provincia vocasse; ut iis testibus in summa pecuniæ uteretur, sed interpellatum adventu Cæsaris profugisse. Ita duobus temporibus Ephesiæ pecuniæ Cæsar auxilium tulit. Item constabat, Elide in templo Minervæ, repetitis atque enumeratis diebus, quo die prælium secundum fecisset Cæsar, simulacrum Victoriæ, quod ante ipsam Minervam collocatum erat, et ante ad simulacrum Minervæ spectabat; ad valvas se templi limenque convertisse. Eodemque die Antiochiæ in Syria bis tantus exercitus clamor et signorum sonus exauditus est; ut in muris armata civitas discurreret. Hoc idem Ptolemaïde accidit. Pergami in occultis ac remotis templi; quo, præter sacerdotes, adire fas non est, quæ Græci Ἀΐδουσα appellant, tympana sonuerunt. Item Trallibus in templo Victoriæ, ubi Cæsaris statuam consecraverant, palma per eos dies in tecto inter coagumenta lapidum ex pavimento exstitisse ostendebatur.

CVI. Cæsar paucos dies in Asia moratus, quum audisset Pompeium Cypri visum; conjectans eum in Ægyptum iter habere, propter necessitudines regni, reliquasque ejus loci opportunitates; cum legionibus, una, quam ex Thessalia se sequi jusserat, et altera, quam ex Achaia a Fusio legato evocaverat equitibusque dccc, et navibus longis Rhodiis x, et Asiaticis paucis, Alexandriam pervenit. In his erant legionibus hominum cccc millia cc. Reliqui vulneribus ex præliis et labore ac magnitudine itineris confecti consequi non potuerant. Sed Cæsar, confusus famæ rerum gestarum, infirmis auxiliis proficisci non dubitaverat, atque omnem sibi locum tutum fore existimabat. Alexandriæ de Pompeii morte cognoscit: atque ibi primum e navi egrediens clamorem militum audit, quos rex in oppido præsidii causa reliquerat; et concursum ad se fieri videt, quod faces anteferrentur. In hoc omnis multitudo majestatem regiam minui prædicabat. Hoc sedato tumultu, crebræ continuis diebus ex concursu multitudinis concitationes fiebant: compluresque milites hujus urbis omnibus partibus interficiebantur.

CVII. Quibus rebus animadversis, legiones sibi alias ex Asia adduci iussit, quas ex Pompeianis militibus confecerat. Ipse enim necessario Etesiiis tenebatur; qui Alexandria navigantibus sunt adversissimi venti. Interim controversias regum ad populum R. et ad se, quod esset consul, pertinere existimans, atque eo magis officio suo convenire, quod superiore consulatu cum patre Ptolemæo et lege et SC. societas erat facta; ostendit sibi placere, regem Ptolemæum atque sororem ejus Cleopatram, exercitus, quos haberent, dimittere; et de controversiis jure apud se potius, quam inter se armis, disceptare.

CVIII. Erat in procuratione regni propter ætatem pueri nutricius ejus, eunuchus, nomine Photinus. Is primum inter suos queri atque indignari cœpit, regem ad dicendam causam evocari: deinde adjutores quosdam conscios sui nactus ex regis amicis, exercitum a Pelusio clam Alexandriam evocavit; atque eundem Achillam, cujus supra meminimus, omnibus copiis præfecit. Hunc incitatum suis et regis inflatum pollicitationibus, quæ fieri vellet, literis nunciisque edocuit. In testamento Ptolemæi patris hæredes erant scripti ex duobus filiis major, et ex duabus ea, quæ ætate antecederat. Hæc uti fierent, per omnes Deos perque fœdera, quæ Romæ fecisset, eodem testamento Ptolemæus populum Romanum obtestabatur. Tabulæ testamenti, unæ per legatos ejus Romam erant allatæ, ut in ærario ponerentur; (eæ, quum propter publicas occupationes poni non potuissent, apud Pompeium sunt depositæ); alteræ, eodem exemplo, relictæ atque obsignatæ Alexandriæ proferebantur.

CIX. De his rebus quum ageretur apud Cæsarem; illuc maxime vellet pro cummuni amico atque arbitro controversias regum componere; subito exercitus regius equitatusque omnis venire Alexandriam nunciatur. Cæsaris copię neququam erant tantæ, ut eis extra oppidum, si esset dimicandum, confideret. Relinquebatur, ut se suis locis oppido teneret, consiliumque Achillæ cognosceret. Milites tamen omnes in armis esse iussit: regemque hortatus est, ut ex suis necessariis, quos haberet maximæ auctoritatis, legatos ad Achillam mitteret; et, quid esset suæ voluntatis, ostenderet. A quo missi Dioscorides et Scirapion, qui ambo legati Romæ fuerant, magnamque apud

patrem Ptolemæum auctoritatem habuerant, ad Achillam pervenerunt. Quos ille, quum in conspectum ejus venissent, prius quam audiret, aut, cujus rei causa missi essent, cognosceret, corripere ac interfici jussit. Quorum alter accepto vulnere occupatus, per suos pro occiso sublatus, alter interfectus est. Quo facto, regem ut in sua potestate haberet, effecit; magnamque regiam nomen apud suos auctoritatem habere existimans; et ut potius privato paucorum et latronum consilio, quam regio susceptum bellum videretur.

CX. Erant cum Achilla copię, ut neque numero, neque genere hominum, neque usu rei militaris contemnendę viderentur. Milia enim xx in armis habebat. Hę constabant ex Gabinianis militibus: qui jam in consuetudinem Alexandrinę vitę atque licentię venerant, et nomen disciplinamque populi Romani dederant, uxoresque duxerant, ex quibus plerique liberos habebant. Huc accedebant collecti ex prædonibus latronibusque Syrię Cilięque provincię finitimarumque regionum. Multi præterea, capitis damnati exulesque convenerant: fugitivisque omnibus nostris certus erat Alexandrię receptus, certaque vitę conditio; ut dato nomine militum essent numero: quorum si quis a domino comprehenderetur, concursu militum eripiebatur, qui vim suorum, quod in simili culpa versabantur, ipsi pro suo periculo defendebant. Hę regum amicos ad mortem deposcere; hi bona locupletum diripere stipendii augendi causa, regis domum obsidere, regno expellere alios, alios accersere, vetere quodam Alexandrini exercitus instituto consueverant. Erant præterea equitum milia ii, qui invaderant compluribus Alexandrię bellis. Hi Ptolemæum patrem in regnum reducerant, Bibuli filios duos interfecerant, bella cum Ægyptiis gesserant. Hunc usum rei militaris habebant.

CXI. His copiis fidens Achilles, paucitatemque militum Cæsaris despiciens, occupat Alexandriam, præterea eam oppidi partem, quam Cæsar cum militibus tenebat, primo impetu domum ejus irrumpere conatus est. Sed Cæsar dispositis per vias cohortibus impetum ejus sustinuit. Eodemque tempore pugnatum est ad portum: ac longe maximam ea res attulit dimicationem. Simul enim, diductis copiis, pluribus viis pugnabatur: et magna multitudine

naves longas occupare holles conabantur: quarum erant auxilio & missæ ad Pompeium: quæ prælio in Thessalia facto, domum redierant. Illæ triremes omnes et quinque remes erant, aptæ instructæque omnibus rebus ad navigandum. Præter has, xxii erat, quæ præsidii causa Alexandriae esse consueverant, confractæ omnes. Quas si occupassent, classe Cæsari erepta, portum ac ostendendum in sua potestate haberent: commeatu auxiliisque Cæsarem prohiberent. Itaque tanta est contentione actum, quanta agi debuit; quum ille celerem in ea re victoriam, hi salutem suam consistere viderent. Sed rem obtinuit Cæsar, omnesque eas naves et reliquas, quæ erant in navalibus, incendit; quod tam late tueri tam parva manu non poterat; confestimque ad Pharum navibus milites exposuit.

CXII. Pharus est in insula turris, magna altitudine, mirificis operibus exstructa, quæ nomen ab insula accepit. Hæc insula, objecta Alexandriae, portum efficit: sed a superioribus regionibus in longitudinem passuum dccc in mare jactis molibus, angusto itinere et ponte cum oppido conjungitur. In hac sunt insula domicilia Ægyptiorum et vicus, oppidi magnitudine: quæque ubique naves imprudentia aut tempestate paululum suo cursu decesserint, has mox prædonum diripere consueverunt. His autem invitis, a quibus Pharus tenetur, non potest esse, propter angustias, navibus introitus in portum. Hoc tum veritus Cæsar, hostibus in pugna occupatis, militibusque expositis, Pharum apprehendit, atque ibi præsidium posuit. Quibus est rebus effectum, uti tuto frumentum auxiliaque navibus ad eum supportari possent. Dimisit enim circum omnes propinquas regiones; atque inde auxilia evocavit: reliquis oppidi partibus sic est pugnatum, ut æquo prælio discederetur, et neutri pellerentur (id efficiebant angustiae loci) paucisque utrimque interfectis, Cæsar loca maxime necessaria complexus, noctu præmunit. Hoc tractu oppidi pars erat regiae exigua, in quam ipse habitandi causa initio erat inductus, et Theatrum conjunctum domui, quod arcis tenebat locum, aditusque habebat ad portum, et ad reliqua navalia. Has munitiones insequentibus auxit diebus ut pro muro objectas haberet, neu pugnare invitus cogeretur. Interim filia minor Ptolemæi regis vacuam possessionem regni sperans ad Achillam se

ex regia transiecit, unaque bellum administrare cœpit. Sed celeriter est inter eos de principatu controversia orta, quæ res apud milites largitiones auxit. Magnis enim iacturis sibi quisque eorum animos conciliabat. Hæc dum apud hostes geruntur, Photinus, nutritius pueri, et procurator regni in parte Cæsaris, quum ad Achillam nuncios mitteret, hortareturque, ne negotio desisteret, neve animo deficeret, indicatis deprehensisque internunciis, a Cæsare est interfectus. Hæc initia belli Alexandrini fuerunt.

A. H I R T I I P A N S Æ

COMMENTARIORUM

DE BELLO ALEXANDRINO

L I B E R U N U S .

I. **B**ELLO Alexandrino conflato, Cæsar Rhodo, atque ex Syria Ciliciaque omnem classem accersit, ex Creta sagittarios, equites ab rege Nabatæorum Malco evocat; tormenta undique conqueri et frumentum mitti, auxiliaque adduci jubet. Interim munitiones quotidie operibus augentur: atque omnes oppidi partes, quæ minus firmæ esse viderentur, testudinibus atque musculis aptantur: ex ædificiis autem per foramina in proxima ædificia arietes immittuntur; quantumque aut ruinis dejicitur, aut per vim recipitur loci, in tantum munitiones proferuntur. Nam incendio fere tuta est Alexandria; quod sine contignatione ac materia sunt ædificia, et structuris atque fornicibus continentur, testaque sunt rudere aut pavimentis. Cæsar studebat maxime, ut, quam angustissimam partem oppidi palus a meridie interjecta efficiebat, hanc operibus vineisque agendis, a re. 1/2 a parte, urbis excluderet: illud sperans, primum, ut, quum esset in duas partes urbs divisa, acies uno consilio atque imperio administraretur: deinde, ut laborantibus succurri, atque ex altera oppidi parte auxilium ferri posset. In primis vero, ut aqua pabuloque abundaret: quarum alterius rei copiam exiguam, alterius nullam omnino facultatem habebat: quod utrumque e palus large præbere poterat.

II. Neque

II. Neque vero Alexandrinis in gerendis negotiis concitatio ulla aut mora inferebatur : nam in omnes partes, per quas fines Ægyptii regnumque pertinet, legatos conquistoresque, dilectus habendi causa, miserant ; magnumque numerum in oppidum telorum atque tormentorum convexerant, et innumerabilem multitudinem adduxerant. Nec minus in urbe maxime armorum erant institutæ officinæ. Servos præterea puberes armaverant : quibus domini locupletiores victum quotidianum stipendiumque præbebant. Hac multitudine disposita, munitiones semotarum partium tuebantur. Veteranas cohortes vacuas in celeberrimis urbis locis habebant ; ut, quacunque regione pugnaretur, integris viribus ad auxilium ferendum opportunæ essent. Omnibus viis atque angiporis triplicem vallum obdlexerant. Erat autem quadrato exstructus saxo, nec minus XL pedes altitudinis habebat. Quæque partes urbis inferiores erant, has altissimis turribus denorum tabulatorum munierant. Præterea alias ambulatorias totidem tabulatorum confixerant ; subjectisque eas rotis, funibus jumentisque (objectis), directis plateis in quamcumque erat visum partem movebant.

III. Urbs fertilissima et copiosissima omnium rerum apparatus suggererat. Ipsi homines ingeniosissimi atque acutissimi, quæ a nobis fieri viderant, ea sollertia efficiebant ; ut nostri illorum opera imitari viderentur : et sua sponte multa reperiebant, unoque tempore et nostras munitiones infestabant, et suas defendebant. Atque hæc principes in consiliis concionibusque agitabant, populum Romanum paulatim in consuetudinem ejus regni venire occupandi : paucis annis antea Gabinium cum exercitu fuisse in Ægypto : Pompeium se ex fuga eodem recepisse ; ac Cæsarem venisse cum copiis : neque morte Pompeii quidquam profectum, quo minus Cæsar apud se commoraretur : quem si non expulissent, toturam ex regno provinciam : idque agendum mature. Namque cum, interclusum tempestatibus propter anni tempus, recipere transmarina auxilia non posse.

IV. Interim, dissensione orta inter Achillam, qui veterano exercitui præerat, et Arsinoën regis Ptolemæi minorem filiam, ut supra demonstratum est, quum uterque utrique insidiaretur, et summam imperii ipse obtinere vellet ; præoccupat

præoccupat Arsinõ per Ganymedem eunuchum nutritivum suum, atque Achillam interficit. Hæc occiso ipsa sine ullo sociò et custode omne imperium obtinebat. Exercitus Ganymedi transdatur. Is suscepto officio, largitionem in milites auget, reliqua pari diligentia administrat.

V. Alexandria est fere tota suffossa, specusque habet ad Nilum pertinentes, quibus aqua in privatas domos inducitur, quæ paullatim spatio temporis liquescit ac subsidit. Hac uti domini ædificiorum, atque eorum familia, consueverunt. Nam quæ flumine Nilo fertur, adeo est limosa atque turbida; ut multos variosque morbos efficiat. Sed ea plebes ac multitudo contenta est necessario, quod fons urbe tota nullus est. Hoc tamen flumen in ea parte urbis erat, quæ ab Alexandrinis tenebatur. Quo facto est admonitus Ganymedes, posse nostros aqua intercludi; qui distributi munitionum tuendarum causa vicatim ex privatis ædificiis specubus et puteis extracta aqua utebantur.

VI. Hoc probato consilio, magnum ac difficile opus aggreditur. Interseptis enim specubus, atque omnibus urbis partibus exclusis, quæ ab ipso tenebantur, aquæ magnam vim ex mari rotis ac machinationibus exprimere contendit. Hanc locis superioribus fundere in partem Cæsaris non intermittebat. Quamobrem falsior paulo præter consuetudinem aqua trahebatur ex proximis ædificiis, magnamque hominibus admirationem præbebat, quam ob causam id accidisset; nec satis sibi ipsi credebant; quum se inferiores ejusdem generis ac saporis aqua dicerent uti, atque ante consueissent: vulgoque inter se conferebant, et degustando, quantum inter se differrent aquæ, cognoscebant. Parvo vero temporis spatio, hæc propior bibi non poterat omnino. Illa inferior corruptior jam, falsiorque reperiebatur.

VII. Quo facto dubitatione sublata, tantus incessit timor; ut ad extremum casum omnes deducti viderentur; atque alii morari Cæsarem dicerent; quin naves conscendere juberet; alii multo graviorum extimescerent casum; quod neque celsari Alexandrinos possent in apparanda fuga, quum hi tam parvo spatio distarent ab ipsis; neque, illis imminentibus atque insequentibus, ullus in naves receptus daretur. Erat autem magna multitudo oppidanorum in parte Cæsaris: quam domiciliis ipsorum non

moverat; quod ea se fidelem palam nostris esse simulabat, et descivisse a suis videbatur: ut, si mihi defendendi essent Alexandrini, quod neque fallaces essent, neque temerarii, multa oratio frustra absumeretur. Quum vero uno tempore et natio eorum et natura cognoscatur, aptissimum esse hoc genus ad prodicionem, nemo dubitare potest.

VIII. Cæsar suorum timorem consulatione et ratione minuebat. Nam puteis fossis aquam dulcem posse reperi affirmabat. Omnia enim litora naturaliter aquæ dulcis venas habere. Quod si alia esset litoris Ægyptii natura, atque omnium reliquorum; tamen, quoniam mare libere tenerent, neque hostes classem haberent, prohiberi sese non posse, quo minus quotidie aquam navibus peterent, vel a sinistra parte a Parætonio, vel a dextra ab insula; quæ diversæ navigationes nunquam uno tempore adversis ventis præcluderentur. Fugæ vero nullum esse consilium non solum iis, qui primam dignitatem haberent; sed ne iis quidem, qui nihil præterquam de vita cogitarent. Magno negotio impetus hostium adversos ex munitionibus sustineri: quibus relictis, nec loco, nec numero pares esse posse. Magnam autem moram et difficultatem adscensum in naves habere, præsertim ex scaphis: summam esse contra in Alexandrinis velocitatem, locorumque et ædificiorum notitiam. Hos præcipue in victoria insolentes, præcursuros, et loca excelsiora atque ædificia occupaturos. Ita fuga navibusque nostros prohibituos. Proinde ejus consilii obliviscerentur, atque omni ratione esse vincendum cogitarent.

IX. Hac oratione apud suos habita, atque omnium mentibus excitatis, dat centurionibus negotium; ut, reliquis operibus intermissis, ad fodiendos puteos animum conferant, neve quam partem nocturni temporis intermittant. Quo suscepto negotio, atque omnium animis ad laborem incitatis, magna una nocte vis aquæ dulcis inventa est. Ita operosis Alexandrinorum machinationibus, maximisque conatibus, non longi temporis labore, occursum est. Eo biduo legio xxxvii ex dedititiis Pompeianis militibus, cum frumento, armis, telis, tormentis imposita in naves a Domitio Calvinus, ad litora Africæ, paullo supra Alexandriam, delata est. Hæ naves euro, qui multos dies continenter flabat, portum capere prohibebantur. Sed loca

sunt egregia omni illa regione ad tenendas anchoras. Hi, quum diu retinerentur, atque aquæ inopia premerentur, navigio actuario Cæsarem faciunt certiorum.

X. Cæsar, ut per se consilium caperet, quid faciendum videretur, navim conscendit, atque omnem classem sequi iussit, nullis nostris militibus impositis: quod, quum longius paullo discederet, munitiones nudare volebat; quumque ad eum locum accessisset, qui appellatur Cherrhonesus, aquandique causa remiges in terram exposuisset; nonnulli ex numero, quum longius a navibus prædatum processissent, ab equitibus hostium sunt excepti. Ex iis cognoverunt, Cæsarem ipsum in classe venisse, nec ullos milites in navibus habere. Qua re comperta, magnam sibi facultatem fortunam obtulisse bene gerendæ rei crediderunt. Itaque naves omnes, quas paratas habuerant ad navigandum, propugnatoribus instruxerunt, Cæsarique redeunti cum classe occurrerunt: qui duabus de causis eo die dimicare volebat; quod et nullos milites in navibus habebat, et post horam x diei res agebatur: nox autem allatura videbatur maiorem fiduciam illis, qui locorum notitia confidebant: sibi etiam hortandi suos auxilium futurum; quod nulla satis idonea esset hortatio, qua neque virtutem posset notare, neque inertiam. Quibus de causis naves, quas potuit, Cæsar ad terram detrabit: quem in locum illos successuros non existimabat.

XI. Erat una navis Rhodia in dextro Cæsaris cornu longe ab reliquis collocata. Hanc conspicati hostes, non tenuerunt sese: magnoque impetu iv ad eam constrictæ naves et complures apertæ contenderunt. Cui coactus est Cæsar ferro subsidium: ne turpiter in conspectu contumeliam acciperet; quamquam, si quid gravius illi accidisset, merito casurum iudicabat. Prælium commissum est magna contentione Rhodiorum: qui quum in omnibus dimicationibus et scientia et virtute præstitissent, tum maxime illo tempore totum onus sustinere non recusabant; ne quod suorum culpa detrimentum acceptum videretur. Ita prælium secundissimum est factum. Capta est una hostium quadriremis: depressa est altera. Deinde omnes epibatis nudatæ: magna præterea multitudo in reliquis navibus propugnatorum est interfecta. Quod nisi nox prælium diremisset, tota classe hostium Cæsar potitus esset. Hac calamitate

calamitate porterritis hostibus, adversq; vento leniter flante, naves onerarias Cæsar remulco victricibus suis Alexandriam deducit.

XII. Eo detrimento adeo sunt fracti Alexandrini, quum non jam virtute propugnatorum, sed scientia classiariorum se victos viderent * * * quibus, et superioribus locis sublevabantur, ut ex ædificiis defendi possent: et materiam cunctam objicerent: quod nostræ classis oppugnationem etiam ad terram verebantur. Idem, postea quam Ganymedes in concilio confirmavit sese et eas, quæ essent amissæ, restitutum, et numerum adaucturum, magna spe et fiducia veteres reficere naves, accuratiusque huic rei studere atque inservire instituerunt: ac, tametsi amplius ex navibus longis in portu navalibusque amiserant, non tamen reparandæ classis cogitationem deposuerunt. Videbant enim non auxilia Cæsari, non commeatus supportari posse, si classe ipsi valerent. Præterea nautici homines, et urbis et regionis maritimæ, quotidianoque usu a pueris exercitati, ad naturale ac domesticum bonum refugere cupiebant; et, quantum parvulis navigiis profecissent, sentiebant. Itaque omni studio ad parandam classem incubuerunt.

XIII. Erant omnibus ostiis Nili custodiæ exigendi portorii causa dispositæ. Naves veteres erant in occultis regiæ navalibus, quibus multis annis ad navigandum non erant usi. Has reficiebant; illas Alexandriam revocabant. Deerant remi: porticus, gymnasia, ædificia publica detegebant: asseres remorum usum obtinebant. Aliud naturalis solertia, aliud urbis copia, subministrabat. Postremo non longam navigationem parabant; sed præsentis temporis necessitati serviebant, et in ipso portu confligendum videbant. Itaque paucis diebus, contra omnium opinionem, quadriremes xxii, quinqueremes v confecerunt; ad has minores apertasque complures adjecerunt: et, in portu periclitati remigio, quid quæque earum efficere posset, idoneos milites imposuerunt, seque ad confligendum omnibus rebus paraverunt. Cæsar Rhodias naves ix habebat; (nam, x missis, una in cursu litore Ægyptio defecerat); Ponticas viii, Lycias v, ex Asia xii. Ex his quinqueremes v et erant quadriremes x. Reliquæ infra hanc magnitudinem, et præterque apertæ. Tamen virtute militum

militum confusus, cognitis hostium copiis, se ad dimicandum parabat.

XIV. Postquam eo ventum est, ut sibi uterque eorum confideret, Cæsar Pharon classe circumvehitur, adversasque naves hostibus constituit: in dextro cornu Rhodias collocat, in sinistro Ponticas. Inter has spatium cō passuum relinquit, quod satis esse ad explicandas naves videbatur. Post hunc ordinem reliquas naves subsidio distribuit: quæ quamque earum sequatur, et cui subveniat, constituit atque imperat. Non dubitanter Alexandrini classem producunt atque instruunt; in fronte collocant xxii. Reliquas subsidiarias in secundo ordine constituunt. Magnum præterea numerum minorum navigiorum et scapharum producunt cum malleolis ignibusque; si quid ipsa multitudo, et clamor, et flamma nostris terroris afferre possent. Erant inter duas classes vada transitu angusto, quæ pertinent ad regionem Africæ. Sic enim prædicant, partem esse Alexandriæ dimidiam Africæ. Satisque diu inter ipsos est expectatum, ab utris transeundi fieret initium: propterea quod, eo qui intrassent, et ad explicandam classem, et ad receptum, si durior accidisset casus, impediores fore videbantur.

XV. Rhodiis navibus præerat Euphranor, animi magnitudine ac virtute magis cum nostris hominibus, quam cum Græcis, comparandus. Hic ob notissimam scientiam atque animi magnitudinem delectus est ab Rhodiis, qui imperium classis obtineret. Qui, ubi Cæsaris animum advertit: Videris mihi, inquit, Cæsar, vereri, si hæc vada primis navibus intraveris, ne prius dimicare cogaris quam reliquam classem possis explicare. Nobis rem committe, nos prælium sustinebimus: neque tuum iudicium fallemus; dum reliqui subsequantur. Hos quidem diutius in nostro conspectu gloriari magno nobis et dedecori et dolori est. Cæsar illum adhortatus, atque omnibus laudibus prosecutus, dat signum pugnæ. Progressas ultra vadum iv Rhodias naves circumstant Alexandrini, atque in eas impetum faciunt. Sustinet illi, atque arte sollertiaque se explicant: ac tantum doctrina potuit, ut in dispari numero nulla transversa hosti objiceretur, nullius remi detergerentur, sed semper venientibus adversæ occurrerent. Interim sunt reliquæ subsecutæ. Tum necessario discessum ab arte est propter angustias loci: atque omne certamen

in virtute constitit. Neque vero Alexandriæ fuit quisquam aut nostrorum, aut oppidanorum, qui aut in opere, aut in oppugnatione occupatum animum haberet, quin altissima testa peteret, atque ex omni prospectu locum spectaculo caperet, precibusque et votis victoriam suis ab Diis immortalibus exposceret.

XVI. Minime autem erat par prælii certamen. Nostris enim prorsus neque terra neque mari effugium dabatur victis: omniaque victoribus erant futura in incerto. Illi, si superassent navibus, omnia tenerent; si inferiores fuissent, reliquam tamen fortunam periclitarentur. Simul illud grave ac miserum videbatur, perpauca de summa rerum ac de salute omnium decertare: quorum si quis aut animo aut virtute cessisset, reliquis etiam esset cavendum, quibus pro se pugnandi facultas non fuisset. Hæc superioribus diebus sæpenumero Cæsar suis exposuerat; ut hoc majori animo contenderent, quod omnium salutem sibi commendatam viderent. Eadem suum quisque contubernalem, amicum, notum prosequens erat obtestatus; ne suam atque omnium falleret opinionem, quorum iudicio delectus ad pugnam proficisceretur. Itaque hoc animo est decertatum, ut neque maritimis nauticisque sollertia atque ars præsidium ferret; neque numero navium præstantibus multitudo prodesset; neque flexi ad virtutem ex tanta multitudine viri virtuti nostrorum possent adæquari. Capiuntur hoc prælio quinqueremis una, et biremis cum defensoribus remigibusque; et depræmuntur tres, nostris incolumibus omnibus. Reliquæ propinquam fugam ad oppidum capiunt; quas protexerunt ex molibus atque ædificiis imminuentibus, et nostros adire propius prohibuerunt.

XVII. Hoc ne sibi sapius accidere posset, omni ratione Cæsar contendendum existimavit, ut insulam molemque ad insulam pertinentem in suam redigeret potestatem. Perfectis enim magna ex parte munitionibus in oppido, et illam, et urbem uno tempore tentari posse confidebat. Quo facto consilio, cohortes x, et levis armaturæ electos, quos idoneos ex equitibus Gallis arbitrabatur, in navigia minora scaphasque imponit: alteram insulæ partem distinzendæ manus causa cum constratis navibus aggreditur, præmiis magnis propositis, qui primus insulam cepisset. At primo impetum nostrorum pariter sustinuerunt. Uno

enim

enim tempore et ex testis ædificiorum propugnabant; litora armati defendebant, quo propter asperitatem læ non facilis nostris aditus dabatur: et scaphis navibusque longis v mobiliter et scienter angustias loci tuebantur. Sed ubi locis primum cognitis vadisque pertentatis, pauci nostri in litore constiterunt; atque hos sunt alii subsecuti; constanterque in eos, qui in litore æquo institerant, impetum fecerunt; omnes Pharitæ terga verterunt. His pulsus, custodia portus relicta, ad litora et vicum applicaverunt; seque ex navibus ad tuenda ædificia ejecerunt.

XVIII. Neque vero diutius ipsi (ex) munitione se continere potuerunt. Etsi erat non dissimile, atque Alexandriæ, genus ædificiorum, (ut minora majoribus conferantur), turreseque editæ et conjunctæ muri locum obtinebant. Neque nostri aut scalis, aut cratibus, aut reliquis rebus parati venerant ad oppugnandum; sed terror hominibus mentem consiliumque eripit, et membra debilitat; ut tunc accidit. Qui se in æquo loco ac plano pares esse confidebant, iidem perterriti fuga suorum et cæde paucorum, xxx pedum altitudine in ædificiis consistere ausi non sunt, seque per molem in mare præcipitaverunt, et vccc passuum intervallum ad oppidum enataverunt. Multi tamen ex iis capti interfectique sunt. Sed numerus captivorum omnino fuit bc.

XIX. Cæsar, præda militibus concessa, ædificia diripere jussit; castellumque ad pontem, qui propior erat Pharo, communivit, atque ibi præsidium posuit. Hunc fuga Pharitæ reliquerant; fortiozem illum propioremque oppido Alexandrini tuebantur. Sed eum postero die simili ratione aggreditur; quod, his obtentis duobus, omnem navigiorum excursus et repentina latrocinia sublatum iri videbatur. Jamque eos, qui præsidio eum locum tenebant, tormentis e navibus sagittisque depulerat, atque in oppidum redegerat, et cohortium lll instar in terram exposuerat: non enim plures consistere angustiae loci patiebantur. Reliquæ copiae in navibus stationem obtinebant. Quo facto, imperat pontem adversus hostem prævallari; et, qua exitus navibus erat, fornice exstructo, quo pons sustinebatur, lapidibus oppleri atque obstrui: quorum altero opere effecto, nulla omnino scapha egredi posset: altero instituto, omnes Alexandrinorum copiae ex oppido se eje-

cera, et contra munitiones pontis latiore loco constiterunt: eodemque tempore quæ consueverant navigia per pontes ad incendia onerariam emittere, ad molem constituerunt. Pugnabatur a nostris ex ponte, ex mole; ab illis ex area, quæ erat adversus pontem, et ex navibus contra molem.

XX. In his rebus occupato Cæsare, militesque hortante, remigum magnus numerus et classiariorum ex longis navibus nostris in molem se ejecit. Pars eorum studio spectandi ferebatur; pars etiam cupiditate pugnandi. Hi primum navigia hostium lapidibus ac fundis a mole repellabant; ac multum proficere multitudine telorum videbantur. Sed postquam ultra eum locum ab latere eorum aperto ausi sunt egredi ex navibus Alexandrini pauci, ut sine signis certisque ordinibus, sine ratione prodierant, sic temere in naves refugere cœperunt. Quorum fuga incitati Alexandrini ex navibus egrediebantur, nostrosque acrius perturbatos insequiebantur. Simul qui in navibus longis remanserant, scalas rapere navesque a terra repellere, properabant; ne hostes navibus potirentur. Quibus omnibus rebus perturbati milites nostri cohortium tripem, quæ in ponte ac prima mole constiterant, quum post se clamorem exaudirent, fugam suorum viderent, magnam vim telorum adversi sustinerent, veriti ne ab tergo circumvenirentur, et discessu navium omnino reditu intercluderentur, munitionem in pontem institutam reliquerunt, et magno cursu incitati ad naves contenderunt. Quorum pars proximas naves multitudine hominum atque onere depressa est; pars resistens et dubitans, quid esset capiendum consilii, ab Alexandrinis interfecta est; nonnulli feliciore exitu expeditas ad anchoram naves consecuti incolumes discesserunt; pauci allevati scutis, et animo ad conandum nixi, ad proxima navigia adnatarunt.

XXI. Cæsar, quoad potuit, cohortando suos ad pontem et munitiones contendere, eodem in periculo versatus est. Postquam universos cedere animadvertit, in suum navigium se recepit. Quo multitudo hominum inseguta quum irumperet: neque administrandi neque repellendi a terra facultas daretur; fore, quod accidit, suspicatus, sese ex navigio ejecit, atque ad eas, quæ longius constiterant, naves adnatarit. Hinc suis laborantibus subsidio scaphas mit-

tens

tens nonnullos conservavit. Navigium quidem ejus multitudine depressum militum una cum hominibus interiit. Hoc prælio desiderati sunt ex numero legionariorum militum dec, et paullo ultra eum numerum classarii et remiges. Alexandrini eo loco castellum magnis munitio-
nibus multisque tormentis confirmaverunt, atque, egestis ex mari lapidibus, libere sunt usi postea ad mittenda na-
vigia.

XXII. Hoc detrimento milites nostri tantum absue-
runt ut perturbarentur, ut incensi potius atque incitati
magnas accessiones fecerint in operibus hostium expug-
napdis, in præliis quotidianis, quandocumque fors obtu-
lerat procurrentibus et erumpentibus Alexandrinis * ma-
num comprehendi multum operibus, et ardentibus studiis
militum nec divulgata Cæsaris cohortatio subsequi legio-
num aut laborem aut pugnandi poterat cupiditatem: ut
magis deterrendi et continendi a periculosissimis essent di-
micationibus, quam incitandi ad pugnandum.

XXIII. Alexandrini, quum Romanos et secundis rebus
confirmari, et adversis incitari viderent, neque ullum bel-
li tertium casum nossent, quo possent esse firmiores, ut
conjectura consequi possumus, aut admoniti a regis ami-
cis, qui in Cæsaris erant prædiis, aut suo priore consilio,
per occultos nuncios regi probato; legatos ad Cæsarem
miserunt, ut dimitteret regem, transireque ad suos pate-
retur: paratam enim omnem multitudinem esse, confec-
tam tædio puellæ, fiduciario regno, dominatione crude-
lissima Ganymedis; facere id, quod rex imperasset: quo
si auctore in Cæsaris fidem amicitiamque venturi essent,
nullius periculi timorem multitudini fore impedimento,
quo minus se dederent.

XXIV. Cæsar, etsi fallacem gentem, semperque alia co-
gitantem, alia simulantem, bene cognitam habebat, ta-
men petentibus dare veniam utile esse statuit: quod si quo
pacto sentirent ea, quæ postularent, mansurum in fide di-
missum regem credebat; sin, id quod magis illorum natu-
ræ conveniebat, ducem ad bellum gerendum regem habere
vellent, splendidius atque honestius sese contra regem,
quam contra convenarum ac fugitivorum manum, bellum
esse gesturum, itaque regem cohortatus, ut consuleret
regno paterno, parceret præclarissimæ patriæ, quæ turpissi-

mis incendiis et ruinis esset deformata, cives suos primum ad sanitatem revocaret, deinde conservaret, fidem populo Romano sibi praeferret; quum ipse tantum ei crederet, ut ad hostes armatos eum mitteret: dextram tenens, dimittere coepit adulta jam aetate puerum. At regius animus disciplinis fallacissimis eruditus, ne a gentis suae moribus degeneraret, flens orare contra Caesarem coepit, ne se dimitteret: non enim regnum ipsum sibi conspectu Caesaris esse jucundius. Compressis pueri lacrimis, Caesar ipse commotus celeriter, si illa sentiret, fore eum secum affirmans, ad suos dimisit. Ille, ut ex carceribus in liberum cursum emissus, adeo contra Caesarem acriter bellum gerere coepit; ut lacrimas, quas in colloquio projecerat, gaudio videretur profudisse. Accidisse hoc complures Caesaris legati, amici, centuriones militesque letabantur; quod nimia bonitas ejus fallaciis pueri elusa esset. Quasi vero id Caesar, bonitate tantum adductus, ac non prudentissimo consilio, fecisset.

XXV. Quum duce assumpto Alexandrini nihilo se firmiores factos, aut languidiores Romanos animadvertent; eludentibusque militibus regis aetatem atque infirmitatem, magnum dolorem acciperent, neque se quidquam proficere viderent; rumoresque existerent, magna Caesari praesidia, terrestri itinere, Syria Ciliciaque adduci, quod nondum Caesari auditum erat. Interea comneatum, qui nostris mari supportabatur, intercipere statuerunt. Itaque expeditis navigiis, locis idoneis ad Canopum in statione dispositis navibus, infidiabantur nostris comneatibus. Quod ubi Caesari nunciatum est, classem jubet expediri atque instrui. Praefecit Tib. Neronem. Proficiscuntur in ea classe Rhodiae naves, atque in his Euphranor, sine quo nulla unquam dimicatio maritima; nulla etiam parum feliciter confecta erat. At fortuna, quae plerumque eos, quos plurimis beneficiis ornavit, ad duriores casus reservat, superiorum temporum dissimilis, Euphranorem prosequabatur. Nam quum ad Canopum ventum esset; instructaque utrimque classis conflisset, et sua consuetudine Euphranor primum proelium commisisset; et illic triremem hostium perforasset ac demersisset; proximam longius insectus, parum celeriter insequentibus reliquis, circumveniens ab Alexandrinis est. Cui subsidium nemo tulit: sive, quod

quod in ipso satis præsidii pro virtute ac felicitate ejus putarent esse; siue quod ipsi sibi timebant. Itaque unus ex omnibus eo proelio bene rem gessit, solus cum sua quadrigæ victricis periiit.

XXVI. Sub idem tempus Mithridates Pergamæus magnæ nobilitatis domi scientiæque in bello, et virtutis, fidei dignitatisque in amicitia Cæsaris, missus in Syriam Ciliciamque initio belli Alexandrini ad auxilia accersenda; cum magnis copiis, quas celeriter et propensissima civitatum voluntate, et sua diligentia consecerat, itinere pedestri, quo conjungitur Ægyptus Syriæ, Pelusium adduxit; idque oppidum firmo præsidio occupatum ab Achilla propter opportunitatem loci, (namque tota Ægyptus maritimo accessu Pharo, pedestri Pelusio, veluti claustris, munita existimatur) repente, magnis circumdatum copiis, multiplici præsidio pertinaciter propugnantibus, et copiarum magnitudine, quas integras vulneratis defessisque subiciebat, et perseverantia constantiaque oppugnandi, quod die est aggressus, in suam redegit potestatem, præsidiumque ibi suum collocauit. Inde re bene gesta Alexandriam ad Cæsarem contendit; omnesque eas regiones, per quas iter faciebat, auctoritate ea, quæ plerumque adest victori, pacarat, atque in amicitiam Cæsaris redegerat.

XXVII. Locus est fere regionum illarum nobilissimus non ita longe ab Alexandria, qui nominatur Delta; quod nomen a similitudine literæ cepit. Nam pars quædam fluminis Nili, (mire) derivata inter se, duobus itineribus paulatim, medium inter se spatium relinquens, diversissimo ad litus intervallo, mari conjungitur. Cui loco quum appropinquare Mithridatem rex cognovisset; et transeundum ei flumen sciret; magnas adversus eum copias misit, quibus vel superari delerique Mithridatem, vel sine dubio retineri posse credebat. Quemadmodum autem optabat eum vinci; sic satis habebat interclusum a Cæsare a se retineri. Quæ primæ copię flumen a Delta transire, et Mithridati occurrere potuerunt, prælium commiserunt, festinantes præripere subsequenter victoriæ societatem. Quorum impetum Mithridates magna cum prudentia, consuetudine nostræ castris vallatis sustinuit. Quum verò incaute atque insolenter succedere eos munitionibus videret; eruptione undique facta, magnum numerum eorum interfecit.

facit. Quod nisi locorum notitia reliqui se texissent, partimque in naves, quibus flumen transierant, recepissent, funditus deleti essent. Qui ut paululum ab illo timore se recrearunt, adjunctis iis, qui subsequerentur, rursus Mithridatem oppugnare coeperunt.

XXVIII. Mittitur a Mithridate nuncius Cæsari, qui rem gestam perferret. Cognoscit ex suis, eadem hæc accidisse rex. Ita pæne sub idem tempus et rex ad opprimendum Mithridatem proficiscitur, et Cæsar ad recipiendum. Celeriore fluminis Nili navigatione rex est usus, in qua magnam et paratam classem habebat. Cæsar eodem itinere uti noluit, ne navibus in flumine dimicaret: sed, circumveclus eo mari, quod Africæ partis esse dicitur, sicuti supra demonstravimus, prius tamen regis copiis occurrit, quam is Mithridatem aggredi posset, eumque ad se victorem incolumi exercitu recepit. Confederat cum copiis rex loco, natura munito, quod erat ipse excelsior, planitia ex omnibus partibus subjecta. Tribus autem ex lateribus variis genere munitionibus tegebatur. Unum latus erat adjectum flumini Nilo; alterum editissimo loco ductum, ut partem castrorum obtineret; tertium palude cingebatur.

XXIX. Inter castra regis et Cæsaris iter flumen intercedebat angustum, altissimis ripis, quod in Nilum influebat. Aberat autem ab regis castris millia passuum circiter VII. Rex, quum hoc itinere venire Cæsarem comperisset, equitatum omnem expeditosque delectos pedites ad id flumen misit, qui transitu Cæsarem prohiberent, et eminus ex ripis prælium impar inirent. Nullum enim processum virtus habebat, aut periculum ignavia subibat. Quæ res incendit dolore milites equitesque nostros; quod tam diu pari prælio cum Alexandrinis certaretur. Itaque eodem tempore equites Germani dispersi vada fluminis quærentes, partim dimissioribus ripis flumen transierunt; et legionarii, magnis arboribus excisis, quæ longitudine utramque ripam contingerent, projectis, repentinoque agere injecto, flumen transierunt. Quorum impetum adeo pertimuerunt hostes, ut in fuga spem salutis collocarent. Sed id frustra: namque ex ea fuga pauci ad regem refugerunt, pæne omni reliqua multitudine interfecta.

XXX. Cæsar, re præclarissime gesta, quum subitum adventum suum iudicaret magnum terrorem Alexandrinis in-

jecturum, protinus victor ad regis castra pertendit. Hæc quum et opere magno vallata, et loci natura munita ad verteret; confertamque armatorum multitudinem collocatam in vallo videret; lassos itinere ac præliando militem ad oppugnanda castra succedere noluit. Itaque, non magno intervallo relicto ab hoste, castra posuit. Postero die castellum, quod rex in proximo vico non longe a suis castris muniverat, brachiisque cum opere castrorum conjunxerat, vici obtinendi causa, Cæsar aggressus, omnibus copiis expugnat; non quo id minori numero militum consequi difficile factu putaret; sed ut ab ea victoria, perterriti Alexandrinis, protinus castra regis oppugnaret. Itaque eo cursu, quo refugientes Alexandrinos ex castello in castra sunt milites insecuti, munitionibus successerunt, acerrimeque eminens præliari cœperunt. Duabus ex partibus aditus oppugnationibus nostris dabatur; una, quam liberum accessum habere demonstravi; altera, quæ medio cre intervallo inter castra et flumen Nilum habebat. Maxima et electissima Alexandrinorum multitudo defendebat eam partem, quæ facillimum aditum habebat. Plurimum autem proficiebant hostes in repellendis vulnerandisque nostris, qui in regione fluminis Nili propugnabant. Diversis enim telis nostri figebantur, adversi ex vallo castrorum, aversi ex flumine, in quo multæ naves instructi funditoribus et sagittariis nostros impugnabant.

XXXI. Cæsar, quum videret milites acrius prælia non posse, nec tamen multum profici propter locorum difficultatem; quumque animum adverteret excelissimum locum castrorum relictum esse ab Alexandrinis; quod per se munitus esset, et studio partim pugnandi, partim spectandi, decucurrissent in eum locum, in quo pugnabatur; cohortes illo circuire castra, et summum locum agredi, iussit; hisque Carsulenum præfecit, et animi magnitudine, et rei militaris scientia virum præstantem. Quum ut ventum esset, paucis defendentibus munitionem, nostri contra militibus acerrime pugnantibus, diverso clamore prælio perterriti Alexandrini, trepidantes in omnes partes discurrere cœperunt. Quorum perturbatione, nostrorum animi adeo sunt incitati, ut pæne eodem tempore omnibus partibus, primi tamen editissimum locum castrorum caperent: ex quo decurrentes magnam multi-

dim

dinem hostium in castris interfecerunt. Quod periculum plerique Alexandrini fugientes acervatim se de vallo precipitaverunt in eam partem, quæ flumini erat adjuncta. Horum primis in ipsa fossa munitionis magna vi oppressis, ceteri faciliorem fugam habuerunt. Constat fugisse ex castris regem ipsum, receptumque in navem, et multitudinem eorum, qui ad proximas naves adnabant, demerso navigio perisse.

XXXII. Re felicissime celerrimeque gesta, Cæsar, magnæ victoriæ fiducia proximo terrestri itinere Alexandriam cum equitibus contendit; atque ea parte oppidi victor introiit, quæ præsidio hostium tenebatur. Neque eum consilium suum fefellit, quin hostes, eo prælio audito, nihil jam de bello essent cogitaturi. Dignum adveniens fructum virtutis et animi magnitudinis tulit: omnis enim multitudine oppidanorum, armis projectis munitionibusque suis relictis, veste ea sumpta, qua supplices dominantes deprecari consueverunt, sacrisque omnibus prolatis, quorum religione precari offensos iratosque animos regum erant soliti, advenienti Cæsari occurrerunt, seque ei dederunt. Cæsar in fidem receptos consolatus, per hostium munitiones in suam partem oppidi magna gratulatione venit suorum, qui non tantum bellum ipsum ac dimicationem, sed etiam talem adventum ejus felicem fuisse lætabantur.

XXXIII. Cæsar Ægypto atque Alexandria potitus reges constituit, quos Ptolemæus testamento scripserat, atque obtestatus erat populum Romanum, ne mutarentur. Nam majore ex duobus pueris rege amisso, minori transdidit regnum, majorique ex duabus filiis Cleopatrz, quæ manserat in fide præsidiiisque ejus. Minorem Arsinoën, cujus nomine diu regnasse impotenter Ganymedem docuimus, deducere ex regno statuit; ne qua rursus nova dissensio, prius quam diuturnitate confirmarentur regis imperia, per homines seditiosos nasceretur. Legione veterana vi secum deducta, ceteras ibi relinquit; quo firmitus esset eorum regum imperium: qui neque amorem suorum habere poterant, quod fideliter permanerant in Cæsaris amicitia; neque vetustatis auctoritatem, paucis diebus reges constituti. Simul ad imperii nostri dignitatem utilitatemque publicam pertinere existimabat, si permanerent in fide reges, præsidii eos nostris esse tutos, et hos, si essent in-

grati,

grati, posse iisdem præsidii coërceri. Sic rebus omnibus confectis et collocatis ipse itinere terrestri profectus est in Syriam.

XXXIV. Dum hæc in Ægypto geruntur, rex Deiotarus ad Domitium Calvinum, cui Cæsar Asiam, finitimasque provincias administrandas transfuderat, venit, oratum, ne Armeniam minorem, regnum suum, neve Cappadociam, regnum Ariobarzanis, possideri vastarique pateretur Pharnace: quo malo nisi liberarentur, imperata sibi facere, pecuniamque promissam Cæsari non posse se persolvere. Domitius non tantum ad explicandos sumptus rei militaris, quum pecuniam necessariam esse judicaret; sed etiam turpe populo Romano et Cæsari victori sibi infame esse statueret, regna sociorum atque amicorum ab externo rege occupari, nuncios confestim ad Pharnacem misit, Armenia Cappadociaque decederet, neve occupatione belli civilis populi Romani jus maiestatemque tentaret. Hanc denunciationem quum maiorem vim habituram existimaret, si propius eas regiones cum exercitu accessisset; ad legiones profectus, unam ex tribus tricesimam sextam secum ducit, et in Ægyptum ad Cæsarem mittit, literis ejus evocatas: quarum altera in bello Alexandrino non occurrit; quod itinere terrestri per Syriam erat missa. Adjungit Cn. Domitius legioni xxxvi duas a Deiotaro, quas ille disciplina atque armatura nostra complures annos constitutas habebat, equitesque centum; totidemque ab Ariobarzane sumit. Mittit P. Sextium ad C. Plætorium quæstorem, ut legionem adduceret, quæ ex tumultuariis militibus in Ponto confecta erat; Quintumque Patium in Ciliciam ad auxilia accersenda. Quæ copiæ celeriter omnes jussu Domitii Comanæ convenerunt.

XXXV. Interim legati a Pharnace responsa referunt, Cappadocia se decessisse, Armeniam minorem recepisse, quam paterno nomine jure obtinere deberet; denique ejus regni causa integra Cæsari servaretur: paratum enim se facere, quod is statuisset. Cn. Domitius, quum animadverteret eum Cappadocia decessisse, non voluntate adductum, sed necessitate; quod facilius Armeniam defendere posset, subjectam suo regno, quam Cappadociam longius remotam; quodque omnes iii legiones adducturum Domitium putasset; ex quibus cum ii ad Cæsarem

missas

missas audisset, audaciusque in Armenia substitisset; perseverare cœpit, ut eo quoque regno decederet: neque enim aliud jus esse Cappadociæ atque Armeniæ: nec jussu eum postulare, ut in Cæsaris adventum res integra differretur: id enim esse integrum, quod ita esset, ut fuisset. His responsis datis, cum iis copiis, quas supra scripsi, profectus est in Armeniam, locisque superioribus iter facere instituit. Nam ex Pontò a Comanis jugum editum silvestre est, pertinens in Armeniam Minorem, quo Cappadocia finitur ab Armenia. Cujus itineris has esse (certas) opportunitates, quod in locis superioribus nullus impetus repentinus accidere hostium poterat, et quod Cappadocia, his jugis subiecta, magnam commeatus copiam erat subministratura.

XXXVI. Complures interim legationes Pharnaces ad Domitium mittit, quæ de pace agerent, regiaque munera Domitio ferrent. Ea constanter omnia aspernabatur, nec sibi quidquam fore antiquius, quam dignitatem populi Romani et regna sociorum recuperare, legatis respondebat. Magnis et continuis itineribus confectis, quum adventaret Nicopolim, quod oppidum in Armenia Minore positum est, plano ipsum loco, montibus tamen altis ab duobus lateribus objectis, satis magno intervallo ab oppido remotis, castra posuit longe a Nicopoli circiter millia passuum VII. Quibus ex castris, quum locus angustus atque impeditus esset transeundus, Pharnaces in insidijs delectos pedites omnesque pæne disposuit equites. Magnam autem multitudinem pecoris intra eas fauces dissipari iussit; paganosque et oppidanos in iis locis obversari: ut si amicus Domitius eas angustias transfret nihil de insidiis suspicaretur, quum in agris et pecora et homines animadverteret versari, tamquam amicorum adventu. Sin vero ut in hostium fines veniret, præda diripienda milites dissiparentur, dispersique cæderentur.

XXXVII. Hæc quum administraret, nunquam tamen intermittebat legatos de pace atque amicitia mittere ad Domitium: quum hoc ipso crederet eum facilius decipi posse. At contra spes pacis Domitio in iisdem castris morandi attulit causam. Ita Pharnaces, amissa proximi temporis occasione, veritus, ne cognoscerentur insidiæ, suos in castra revocavit. Domitius postero die propius Nicopolim accessit, castraque oppido contulit. Quæ dum

muniant

muniant nostri, Pharnaces aciem instruxit suo more atque instituto. In fronte enim, simplici directa acie, cornua trinis firmabantur subsidiis. Eadem ratione hæc media collocabantur: se, duobus dextra sinistraque intervallis, simplicibus omnibus instructis. Perfecit inceptum castrorum opus Domitius, parte copiarum pro vallo instructa.

XXXVIII. Proxima nocte Pharnaces, interceptis tabellariis, qui de Alexandrinis rebus literas ad Domitium ferebant, cognoscit Cæsarem magno in periculo versari, flagitarique a Domitio, ut quamprimum sibi subsidia mitteret, propiusque ipse Alexandriam per Syriam accederet. Qua cognita re, Pharnaces victoriæ loco ducebat, si trahere tempus posset: quum discedendum celeriter Domitio putaret. Itaque ab oppido, qua facillimum accessum et æquissimum ad dimicandum nostris videbat, fossas 11 directas, non ita magno medio intervallo relicto, 14 pedum altitudinis in eum locum deduxit, quo longius constituerat suam non producere aciem. Inter has fossas aciem semper instruebat: equitatum autem ab lateribus omnem extra fossam collocabat: qui neque aliter utilis esse poterat, et multum numero anteibat nostram equitatum.

XXXIX. Domitius autem, quum Cæsaris magis periculo, quam suo, commoveretur; neque se tuto discessurum arbitraretur, si conditiones, quas rejecerat, rursus appetere, aut sine causa discederet; ex propinquis castris in aciem exercitum eduxit. xxxvi legionem in dextro cornu collocavit, Ponticam in sinistro, Deiotari legiones in mediam aciem contulit, quibus tamen angustissimum frontis reliquit intervallum, reliquis cohortibus in subsidiis collocatis. Sic utrimque acie instructa, processum est ad dimicandum.

XL. Signo sub idem tempus ab utroque dato, concurratur: acriter varieque pugnatur. Nam xxxvi legio, quum extra fossam in equitatum regis impetum fecisset, adeo secundum prælium fecit, ut mœnibus oppidi succederet, fossamque transiret, adversosque hostes aggrediretur. At Pontica ex altera parte lagio, quum paullulum adversa hostibus cessisset, fossam autem circumire (acies) secundo conata esset, ut aperto latere aggrediretur hostem, in ipso transitu fossæ confixa et oppressa est. Deiotari vero le-

giones vix impetum sustinuerunt. Ita videlicet regis eque
 pice cornu suo dextro, mediaque acie converterunt se ad
 xxv: legionem: quæ tamen fortiter vincentiana impe-
 tum sustinuit. Magnis copiis hostium circumdata, presen-
 tissimo animo pugnas, in orbem se recepit ad radices mon-
 tium: quo Pharnaces insequi, propter iniquitatem loci,
 noluit. Ita, Pontica legione pæne tota amissa, magna
 parte Deiotari militum interfecta, xxv: legio in loca se
 superiora contulit, non amplius eoz desiderata. Ceci-
 derunt eo prælio splendidi ac illustres viri nonnulli equi-
 tes Romani. Quo tamen incommodo Domitius accepto,
 reliquas exercitus dissipati collegit, itineribusque tutis per
 Cappadociam se in Asiam recepit.

XLl. Pharnaces rebus secundis elatus, quum de Cæ-
 sare ea, quæ optabat, speraret, Pontum omnibus copiis
 occupavit: ibique et victor, et crudelissimus rex, quem
 sibi fortunam paternam feliciore eventu destinaret, multa
 oppida expugnavit; bona civium Romanorum Pontico-
 rumque diripuit: supplicia constituit in eos, qui aliquam
 formæ atque ætatis commendationem habebant, ea quæ
 morte essent miseriora; Pontumque nullo defendente, pa-
 ternum regnum se recepisse glorians, obtinebat.

XLII. Sub idem tempus in Illyrico est incommodum
 acceptum, quæ provincia superioribus mensibus retenta
 non tantum sine ignominia, sed etiam cum laude erat.
 Namque eo missus æstate cum ii legionibus Q. Cornifici-
 us Cæsaris quæstor pro prætore, quamquam erat provincia
 minime copiosa ad exercitus alendos, et finitimo bello ac
 dissensionibus vastata et confecta, tamen prudentia ac di-
 ligentia sua, quod magnam curam suscipiebat, ne qua te-
 mere progrediretur, et recepit et defendit. Namque et
 castella complura locis editis posita, quorum opportuni-
 tas castellanos impellebat ad decursiones faciendas, et
 bellum inferendum, expugnavit; eaque præda milites do-
 navit; quæ erat tenuis, tamen in tanta provincie despe-
 ratione erat grata, præsertim virtute parta: et quum Oc-
 tavius ex fuga Pharsalici prælii magna classe in illam se
 suam contulisset, paucis navibus Jadertinorum, quorum
 semper in Rempublicam singulare consisterat officium,
 dispersis Octavianis navibus erat potitus, ut vel classe di-
 versare posset, adjunctis captivis, navibus sociorum: et

quum

quam diversissima parte orbis terrarum Cn. Pompeium victor Cæsar sequeretur; compluresque adversarios in Illyricum, propter Macedoniæ propinquitatem, se, reliquiis ex fuga collectis, contulisse audiret; literas ad Gabinium mittit, uti cum legionibus sironum, quæ nuper erant conscriptæ, proficisceretur in Illyricum, conjunctisque copiis cum Q. Cornificio, si quod periculum provinciæ inferretur, depelleret: sin ea non magnis copiis tuta esse posset, in Macedoniam legiones adducerent: omnem enim illam partem regionemque, vivo Cn. Pompeio, bellum instauraturam esse credebat.

XLIII. Gabinus, ut in Illyricum venit, hiberno tempore anni, ac difficili, siue copiosorem provinciam existimans, siue multum fortunæ victoris Cæsaris tribuens, siue virtute et scientia sua confusus, quam sæpe in bellis periclitatus magnas res et secundas ductu ausuque suo gesserat; neque provinciæ facultatibus sublevabatur, quæ partim erat exinanita, partim infidelis; neque navibus, intercluso mari tempestatibus, commætus supportari poterat; magnisque difficultatibus coactus, non ut volebat, sed ut necesse erat, bellum gerebat. Ita, quum durissimis tempestatibus, propter inopiam, castella aut oppida expugnare cogeretur, crebra incommoda accipiebat: adeoque est a barbaris contemptus, ut, Salonam se recipiens in oppidum maritimum, quod cives Romani fortissimi fidelissimique incolebant, in agmine dimicare sit coactus. Quo proelio duobus millibus militum amplius amissis, centurionibus xxxix, tribunis iv, cum reliquis copiis Salonam se recepit; summaque ibi difficultate rerum omnium pressus paucis mensibus morbo periit. Cæus et infelicitas vivæ et subita mors in magnam spem Octavium adduxit provinciæ potiundæ: quem tamen diutius in rebus secundis et fortuna, quæ plurimum in bellis potest, diligentiaque Cornificii, et virtus Vatiniî versari passa non est.

XLIV. Vatinius, Brundisii quum esset, cognitis rebus, quæ gesta erant in Illyrico, quum crebris literis Cornificii ad auxilium provinciæ ferendum evocaretur: et M. Octavium audiret cum barbaris fœdera percussisse, compluribusque locis nostrorum militum oppugnare præsidia, partim classe per se, partim pedestribus copiis per barbaros, et si gravi valetudine affectus, vix corporis viribus animam

sequebatur; tamen virtute vicit incommodum naturæ, difficultatesque hiemis et subitæ præparationis. - Nam quum ipse paucas in portu naves longas haberet, literas in Achaïam ad Q. Kalenum misit, uti sibi classem mitteret. Quod quam tardius fieret, quam periculum nostrorum flagitabat, qui sustinere impetum Octavii non poterant; navibus ætuariis, quarum numerus erat satis magnus, magnitudine quamquam non satis iusta ad præliandum, rostra imposuit. His adjunctis navibus longis, et numero classis æcto, militibus veteranis impositis, quorum magnam copiam habebat, ex omnibus legionibus, qui numero ægrorum relictæ erant Brundisii, quum exercitus in Græciam transportaretur, profectus est in Illyricum, maritimasque nonnullas civitates, quæ defecerant, Octavioque se transdiderant, partim recipiebat, partim remanentes in suo consilio prætervehebatur: nec sibi ullius rei moram necessitatemque injungebat, quin, quam celerime posset, ipsam Octavium persequeretur. Hunc oppugnantem Epidaurum terra marique, ubi nostrum erat præsidium, adventu suo discedere ab oppugnatione cœgit, præsidiumque nostrum recepit.

XLV. Octavius, quum Vatinium classem magna ex parte confectam ex naviculis ætuariis habere cognovisset, confusus sua classe, substitit ad insulam Tauridem; quæ regione Vatinius insequens navigabat, non quod Octavium ibi restitisse sciret; sed quod eum longius progressum insequi decreverat. Quum propius Tauridem accessisset, distans suis navibus, quod et tempestas erat turbulenta, et nulla suspicio hostis, repente adversam ad se venientem navem, antennis ad medium malum demissis, instructam propugnatoribus animadvertit. Quod ubi conspexit, celeriter vela subduci, demittique antennas jubet, et milites armari; et vexillo sublato, quo pugnandi dabat signum, quæ primæ naves subsequiebantur, idem ut facerent, significabat. Parabant se Vatiniani repente oppressi: parati deinceps Octaviani ex portu procedebant. Instruitur utrinque acies, ordine disposita magis Octaviana; paratior militum animis Vatiniana.

XLVI. Vatinius, quum animadverteret neque navium se magnitudine, neque numero parem esse futuræ diminutioni, fortunæ rem committere maluit. Itaque pri-

nis sua quinqueremi in quadrirem ipsius Octavii impetum fecit. Celerrime fortissimeque contra illo remigante, naves adversæ rostris concurrunt adeo vehementer, ut navis Octaviana, rostro discusso, ligno contineretur. Committitur acriter reliquis locis prælium, concurriturque ad duces maxime. Nam quum suo quisque auxilium ferret, magnum cominus in angusto mari prælium factum est: quantoque conjunctis magis navibus confligendi potestas dabatur, tanto superiores erant Vatiniani: qui admiranda virtute ex suis navibus in hostium naves transilire non dubitabant; et dimicatione æquata, longe superiores virtutem feliciter gerebant. Deprimitur ipsius Octavii quadriremis: multæ præterea capiuntur, aut rostris perforatæ merguntur: propugnatores Octaviani partim in navibus jugulantur, partim in mare præcipitantur. Ipse Octavius se in scapham confert: in quam plures quum confugerent, depressa scapha, vulneratus tamen adnatat ad suum myoparonem. Eo receptus, quum prælium nox dirimeret, tempestate magna velis profugit. Sequuntur hunc sue naves nonnullæ, quas casus ab illo periculo vindicarat.

XLVII. At Vatinus re bene gesta receptui cecinit, suisque omnibus incolumis in eum se portum victor recepit, quo ex portu classis Octaviana ad dimicandum processerat. Capit ex eo prælio penterem I, triremes II, dierotæ VIII; compluresque remiges Octovianos: posteroque ibi die fuit, dum suas captivasque naves reficeret. Post diem III contendit in insulam Iſſam; quod eo se recepiſſe ex fuga credebat Octavium. Erat nobilissimum regionum earum oppidum, conjunctissimumque Octavio. Quo ut pervenit, oppidani supplices se Vatinio dediderunt; comperitque ipsum Octavium, parvis paucisque navigiis vento secundo regionem Græciæ petisse, inde ut Siciliam, deinde Africam, caperet. Ita brevi spatio re præclarissime gesta, provincia recepta et Cornificio reddita, classe adversariorum ex illo toto sinu expulsa, victor se Brundisium, incolumi exercitu et classe, recepit.

XLVIII. Iis autem temporibus, quibus Cæsar ad Dyrrhachium Pompeium obsidebat, et Palæpharsali rem feliciter gerebat, Alexandriæque cum periculo magno, tum etiam majore periculi fama dimicabat, Cassius Longinus in Hispania prætor provincie ulterioris obtinendæ

causa relictus, siue consuetudine naturæ suæ, siue odio, quod in illam provinciam susceperat quæstor, ex insidiis sibi vulneratus, magnas odii sui fecerat accessiones, quod vel ex conscientia sua, quum de se mutuo sentire provinciam crederet, vel multis signis et testimoniis eorum, qui difficulter odio dissimulant, animadvertere poterat, et compensare offensionem provincie exercitus amore capiebat. Itaque quum primum in unum locum exercitum conduxit, HS centenos militibus est pollicitus. Nec multo post, quum in Lusitania Medobregam oppidum montemque Herminium expugnasset, quo Medebrogenes confluxerant; ibique Imperator esset appellatus, iterum HS centenis milites donavit. Multa præterea et magna præmia singulis concedebat, quæ speciosum reddebant presentem exercitus amorem, paulatim tamen et occulte militarem disciplinam severitatemque minuebant.

XLIX. Cassius, legionibus in hiberna dispositis, ad ius dicendum Cordubam se recepit, contractumque in ea ad alienum gravissimis oneribus provincie constituit exsolvere; et, ut largitionis postulat consuetudo, per causam liberalitatis speciosam plura largitori quærebantur; pecunie locupletibus imperabant; quas Longinus sibi expensas ferri non tantum patiebatur, sed etiam cogebat: in gregem locupletium simultatum causæ venues conjiciebantur. Neque ullum genus quæstus, aut magni aut evidæntis aut minimi, et sordidi, prætermittebatur, quo domus et tribunal imperatoris vacaret. Nemo erat, qui modo aliquam jacturam facere posset, quin aut vadimonia teneretur, aut in reos referretur. Ita etiam magne sollicitudo periculorum ad jacturas et detrimenta rei familiaris adjuungebatur.

L. Quibus de causis accidit, ut, quum Longinus Imperator eadem faceret, quæ fecerat quæstor, similia rursus de morte ejus provinciales consilia inirent. Horum odium confirmabant nonnulli familiares ejus: qui, quum in illa societate versarentur rapinarum, nihilominus oderant eam, ejus nomine peccabant, sibi que quod rapuerant, acceptum ferebant; quod interciderat, aut erat interpallatum, Cassio assignabant. V legionem novam conscribit. Augetur odium et ex ipso delectu et sumptu addita legionis. Complentur equitum, et millia; maximisque onerantur impensis: nec provincie datur ulla requies.

L. Intesim literis accepit a Casare, ut in Africam exercitum transjiceret, perque Mauritaniam ad fines Numidie perveniret: quod magna Cn. Pompeio Juba rex miserat auxilia, majoraque missurus existimabatur. Quibus literis acceptis, insolenti voluptate efferebatur: quod sibi novarum provinciarum et fertilissimi regni tanta oblata esset facultas. Itaque ipse in Lusitaniam proficiscitur, ad legiones accersendas, auxiliaque adducenda. Certis hominibus dat negotium, ut frumentum naresque o prepararentur, pecuniæque describerentur atque imperarentur, ne qua res, quum redisset, moraretur. Reditus ejus fuit celerior omnium opinione; non enim labor aut vigiliæ cupienti præsertim aliquid Cassio deerat.

LII. Exercitu coacto in unum locum, castris ad Cordubam positis, pro concione militibus exponit, quas res Cesaris jussu gerere deberet: polliceturque iis, quum in Mauritaniam transjecisset, HS centenos se daturum: v fore in Hispania legionem. Ex concione se Cordubam recepit. Eoque ipso die, meridiana hora, quum in Basilicam iret, quidam Minutius Silo cliens L. Raciliæ libellum, quasi aliquid ab eo postularet, ut miles, ei transdit. Deinde post Racilium (nam is latus Cassi tegebat), quasi responsum ab eo peteret, celeriter dato loco, quum se insinuas- set, sinistra corripit eum, dextraque bis ferit pugione. Clamore sublato, fit a conjuratis impetus universis. Minutius Planeus proximum gladio transjicit lictorem. Hoc interfecto, Q. Cassium legatum vulnerat. Ibi T. Vassus et L. Mergilio simili confidentia Plancum municipem suum adjuvant. Erant enim omnes Italicenses. Ad ipsum Longinum L. Licinius Squillus involat, jacentemque levibus fauciat plagis.

LIII. Concurritur ad Cassium defendendum: semper enim herodes compluresque evocatos cum telis secum habere consueverat: a quibus ceteri intercluduntur, qui ad eandem faciendam subsequiebantur. Quo in numero fuit Calpurnius Salvianus et Manilius Tuscus. Minutius inter saxa, quæ jaciebant, in itinere sagiens opprimitur, et, relato domum Cassio, ad eum deducitur. Racilius in proximam se domum familiaris sui confert, dum certum cognosceret, confectusne Cassius esset. L. Laterensis, quum id non dubitaret, accurrit latus in castra, militibus

vernaculis, et secundæ legionis, quibus odio sciebat præcipue Cassium esse, gratulatur. Tollitur a multitudine in tribunal: prætor appellatur: nemo enim in provincia natus, aut vernaculæ legionis miles, aut diuturnitate jam factus provincialis, quo in numero erat 11 legio, non cum omni provincia consenserat in odio Cassii. Nam legiones xxx et xxi paucis mensibus in Italia scriptas, Cæsar attribuerat Longino. V legio nuper ibi erat confecta.

LIV. Interim nunciatur Laterensi vivere Cassium. Que nuncio, dolore magis permotus quam animo perturbatus reficit celeriter se, et ad Cassium visendum proficiscitur. Re cognita, xxx legio signa Cordubam infert ad auxilium ferendum imperatori suo. Facti hoc idem xxi. Subsequitur has v. Quum 11 legiones reliquæ essent in castris, Secundani veriti, ne soli relinquerentur, atque ex eo, quid sensissent, indicaretur, secuti sunt factum superiorum. Permanfit in sententia legio vernacula, nec ullo timore de gradu dejecta est.

LV. Cassius eos, qui nominati erant consilii cædis, jubet comprehendi: legionem v in castra remittit, cohortibus xxx retentis. Indicio Minutii cognoscit; L. Racilius et L. Laterensem et Annium Scapulam maximæ dignitatis et gratiæ provincialem hominem, sibi que tam familiarum, quam Laterensem et Racilius, in eadem fuisse conjuratione. Nec diu moratur dolorem suum, quin eos interfici jubeat. Minutium libertis transdit excruciantem: item Calpurnium Salvianum, qui profitetur indicium, conjuratorumque numerum auget; vere, ut quidam existimant, ut nonnulli queruntur, coactus. Isdem cruciatibus affectus L. Mergilio. Squillus nominat plures: quos Cassius interfici jubet, exceptis illis, qui se pecunia redemerunt. Nam palam H. S. x cum Calpurnio paciscitur, et cum Q. Sextio L; qui et si maxime nocentes sunt mutati, tamen periculum vitæ dolorque vulnerum pecunia remissus, crudelitatem cum avaricia certasse significabat.

LVI. Aliquot post diebus literas a Cæsare missas accipit: quibus cognoscit Pompeium in acie victum amissis copiis fugisse. Qua re cognita, mistam dolore voluptatem capiebat. Victoriæ nuncius lætitiā exprimebat: confectum bellum licentiā temporum intercludebat. Sic erat dubius animi, utrum nihil timere, an omnia licite mal-

let. Sanatis vulneribus, accersit omnes, qui sibi pecunias expensas tulerant: acceptasque eas jubet referri. Quibus parum videbatur imposuisse oneris, ampliore pecuniam imperat. Æqua autem ratione delectum instituit; quos ex omnibus conventibus colonisque conscriptos, transmarina militia perterritos, ad sacramenti redemptionem vocabat. Magnum hoc fuit vestigal; majus tamen creabat odium. His rebus confectis, totum exercitum lustrat. Legiones, quas in Africam ducturus erat, et auxilia mittit ad Trajectum: ipse classem, quam parabat, ut inspiceret, Hispalim accedit: ibique moratur: propterea quod edictum tota provincia proposuerat; ut, quibus pecunias imperasset, neque contulissent, se adirent. Quæ evocatio vehementer omnes turbavit.

LVII. Interim L. Titius, qui eo tempore tribunus militum legionis vernaculæ fuerat, nunciat fama legionem xxx, quam Q. Cassius legatus simul ducebat, quum Ilurgim ad oppidum castra haberet, seditione facta, centurionibus aliquot occisis, qui signa tolli non patiebantur, discessisse, et ad ii legionem contendisse, quæ ad fretum alio itinere ducebatur. Cognita re, noctu cum v cohortibus undevicesimanorum egreditur. Mane pervenit. Ibi eundem diem, ut, quid ageretur, perspiceret, moratus, Carmo-nam contendit. Hic, quum legio xxx et xxi, et cohortes iv, et v legio, totusque convenisset equitatus; audit xv cohortes a vernaculis oppressas ad Obuculam, cum hiæ ad secundam pervenisse legionem, omnesque ibi se conjunxisse, et T. Thorium Italicensem ducem delegisse. Celeriter habito concilio, Marcellum Cordubam, ut eam in potestate retineret, Q. Cassium legatum Hispalim mittit. Paucis ei diebus affertur conventum Cordubensem ad eo defecisse; Marcellumque, aut voluntate aut necessitate adductum (namque id varie nunciabatur) consentire cum Cordubensibus: ii cohortes legionis v, quæ fuerant Cordubæ in præsidio, idem facere. Cassius his rebus incensus movet castra, et postero die Segoviam ad flumen Silicem venit. Ibi habita concione, militum tentat animos: quos cognoscit, non sua, sed Cæsaris absentis causa fidissimos esse, nullumque periculum deprecaturus, dum pet eos Cæsari provincia restitueretur.

LVIII. Interim Thorius ad Cordubam veteres legiones

adducit: ac, ne dissensionis initium natum seditiosa militum suaque videretur natura; simul ut contra Q. Cassium, qui Caesaris nomine majoribus viribus uti videbatur, æque potentem opponeret dignitatem, Cneio Pompeio se provinciam recuperare velle palam discitabat. Et forsitan etiam hoc fecerit odio Caesaris et amore Pompeii: cuius nomen multum poterat apud eas legiones, quas C. Varro obtinuerat: sed id qua mente commotus fecerit, conjectura sciri non potest. Certe hoc præ se Thorius ferebat: milites adeo fatebantur, ut Cn. Pompeii nomen in sentis inscriptum haberent. Frequens legionibus conventus obviam prodit, neque tantum virorum, sed etiam matrumfamilias ac prætextatorum; deprecaturque, ne hostili adventu Cordubam diriperent: nam se contra Cassium sentire cum omnibus, contra Caesarem ne facere cogerentur, orare.

LIX. Tantæ multitudinis precibus et lacrimis exercitus commotus, quam ad Cassium persequendum nihil opus esse Cn. Pompeii nomine et memoria, tamque vniuersis Caesarianis, quam Pompeianis Longinum esse in odio, neque se conventum, neque M. Marcellum contra Caesaris causam posse perducere, nomen Pompeii ex sentis detraxerunt; Marcellum, qui se Caesaris causam defensurum profitebatur, ducem adsciverunt, prætoremque appellarunt, et sibi conventum adjunxerunt: castraque ad Cordubam posuerunt. Cassius eo biduo, circiter 14 millia passuum a Corduba, citra flumen Bætis in oppidi conspectu loco exerto facit castra: literas ad regem Bogadem in Mauritaniam, et ad M. Lepidum proconsulem in Hispaniam Citeriorem mittit, subsidio sibi provincieque Caesaris causa quamprimum veniret. Ipse hostili impetu Cordubensium agros vastat, ædificia incendit.

LX. Cujus rei deformitate atque indignitate legiones, quæ Marcellum sibi ducem ceperant, ad eam concurrerant; ut in aciem educerentur, orant, priusque configendi sibi potestas fieret, quam cum tanta contumelia nobilissimæ carissimæque possessiones Cordubensium in conspectu suo rapialis, ferro, flammaque consumerentur. Marcellus, quum configere miserrimum putaret, quod et victoris et victi detrimentum ad eundem Caesarem esset redundaturum; neque suæ potestatis esse, legiones Bætis transducit, atque aciem instruit. Quum Cassium contra pro castris suis aciem in-

struxisse

Quoniam illo loco superiore videret, causa interposita, quod is in equum non descenderet, Marcellus militibus persuadet, ut se in castra recipiant. Itaque copias reducere coepit. Cassius, quo bono valebat, Marcellumque infirmum esse sciebat, aggressus equitatu legionarios se recipientes, complures novissimos in fluminis ripis interfecit. Quam hoc detrimento, quid transitus fluminis vitii difficultatisque haberet, cognitum esset, Marcellus castra Bætim transfert: crebroque uterque legiones in aciem educit: neque tamen configitur, propter locorum difficultates.

LXI. Erat copiis pedestribus multo firmior Marcellus: habebat enim veteranas legiones, multisque præliis expertas. Cassius fidei magis, quam virtuti legionum, confidebat. Itaque quum castra castris collata essent, et Marcellus locum idoneum castello cepisset, quo prohibere aquam Cassianos posset: Longinus veritus, ne genere quodam obsidionis clauderetur in regionibus alienis sibi que infestis, noctu silentio ex castris proficiscitur, celerique itinere Ullam contendit; quod sibi fidele esse oppidum credebat. Ibi adeo conjuncta ponit mœnibus castra, ut et loci natura (namque Ulla in edito monte posita est), et ipsa munitione urbis, undique ab oppugnatione tutas esset. Hunc Marcellus insequitur, et quam proxime potest Ullam castra castris confert: locorumque cognita natura, quo maxime rem deducere volebat, necessitate est adductus; ut neque configeret, cujus si rei facultas esset, resistere incitatis militibus non poterat, neque vagari Cassium latius pateretur; ne plures civitates ea paterentur, quæ passi erant Cordubenses. Castellis idoneis locis collocatis, operibusque in circuitu oppidi continuatis, Ullam Cassiumque munitionibus clausit: quæ prius quam perficerentur, Longinus omnem suum equitatum emisit: quem magno sibi usui fore credebat, si pabulari frumentarique Marcellum non pateretur; magno autem impedimento, si clausus obsidione et inutilis necessarium consumeret frumentum.

LXII. Paucis diebus literis Cassii acceptis, rex Bogud cum copiis venit, adjungitque ei legionem, quam secum adduxerat, compluresque cohortes auxiliares Hispanorum. Namque, ut in civilibus dissensionibus accidere consuevit, ita temporibus illis in Hispania nonnullæ civitates rebus Cassii studebant; plures Marcello favabant. Accedit

cedit cum cepit Bogud ad exteriores Marcelli munitiones. Pugnatur utrimque acriter; crebroque, ut accidit, fortuna sæpe ad utrumque transferente victoriam; nec tamen unquam ab operibus depellitur Marcellus.

LXIII. Interim Lepidus ex citeriore provincia cum cohortibus legionariis xxxv, magnoque numero equitum et reliquorum auxiliorum, venit ea mente Ullam; ut sine ullo studio contentiones Cassii Marcellique componeret. Huic venienti sine dubitatione Marcellus se credit atque offert. Cassius contra suis se tenet præsidis, sive eo quod plus sibi juris deberi quam Marcello existimabat, sive eo quod, ne præoccupatus animus Lepidi esset obsequio adversarii, verebatur. Ponit ad Ullam castra Lepidus; neque habet a Marcello quidquam divisi. Ne pugnetur, interdicit. Ad exeundum Cassium invitat, fidemque suam in re omni interponit. Quum diu dubitasset Cassius, quid sibi faciendum, quidve Lepido esset credendum; neque ullum exitum consilii sui reperiret, si permaneret in sententia; postulat, uti munitiones disjicerentur, sibi que liber exitus daretur. Non tantum induciis factis, sed prope jam constituta opera quum complanarent, custodiæque munitionum essent deductæ, auxilia regis in id castellum Marcelli, quod proximum erat regiis castris, neque opinantibus omnibus, si tamen in omnibus fuit Cassius, (nam de hujus conscientia dubitabatur), impetum fecerunt, compluresque ibi milites oppresserunt. Quod nisi celeriter, indignatione et auxilio Lepidi, proelium esset diremptum, major calamitas esset accepta.

LXIV. Quum iter Cassio patefactum esset; castra Marcellus cum Lepido conjungit. Lepidus eodem tempore Marcellusque Cordubam cum suis proficiscitur, Cassius Carmonam. Sub idem tempus Trebonius proconsul ad provinciam obtinendam venit. De cujus adventu ut cognovit Cassius, legiones quas secum habuerat, equitatumque in hiberna distribuit: ipse, omnibus suis rebus ceteriter correptis, Malaçam contendit; ibique adverso tempore navigandi naves conscendit; ut ipse prædicabat, ne se Trebonio et Lepido et Marcello committeret: ut amici ejus dissuadebant; ne per eam provinciam minore cum dignitate iter faceret, cujus magna pars ab eo defecerat: ut ceteri existimabant,

existimabant, ne pecunia illa ex infinitis rapinis confecta in potestatem cujusquam veniret. Progressus secunda, ut hiberna, tempestate, quum in Iberum flumen noctis vitandæ causa se contulisset; inde paullo vehementiore tempestate nihilo periculosius se navigaturum credens, profectus, adversis fluctibus occurrentibus ostio fluminis, in ipsis faucibus, quum neque flectere navem propter vim fluminis, neque directam tantis fluctibus tenere posset, demersa navi periit.

LXV. Quum in Syriam Cæsar ex Ægypto venisset, atque ab iis, qui Roma venerant ad eum, cognosceret, literisque urbanis animadverteret, multa Romæ male et inutiliter administrari, neque ullam partem Reipublicæ satis commode geri; quod et contentionibus tribunitiis perniciosæ seditiones orirentur; et ambitione atque indulgentia tribunorum militum, et qui legionibus præerant, multa contra morem consuetudinemque militarem fierent, quæ dissolvendæ disciplinæ severitatisque essent; eaque omnia flagitare adventum suum videret: tamen præferendum existimavit, quas in provincias regionesque venisset, eas ita relinquere constitutas, ut domesticis dissensionibus liberarentur, jura legesque acciperent, et externorum hostium metum deponerent. Hæc in Syria, Cilicia, Asia celeriter se confecturum sperabat; quod hæ provinciæ nullo bello premebantur. In Bithynia ac Ponto plus oneris videbat impendere sibi. Non enim excessisse Ponto Pharnacem audierat, neque excessurum putabat. Quum secundo prælio esset vehementer inflatus, quod contra Domitium Calvinum fecerat. Commoratus fere in omnibus civitatibus, quæ majore sunt dignitate, præmia bene meritis et viris et publice tribuit: de controversiis veteribus cognoscit ac statuit. Reges, tyrannos, dynastas provinciæ, finitimosque, qui omnes ad eum concurrerant, receptos in fidem, conditionibus impositis provinciæ tuendæ ac defendendæ, dimittit, et sibi et populo Romano amicissimos.

LXVI. Paucis diebus in ea provincia consumptis, Sex. Cæsarem amicum et necessarium suum legionibus Syriæque præficit. Ipse eadem classe, qua venerat, proficiscitur in Ciliciam. Cujus provinciæ civitates omnes evocat Tarsum: quod oppidum fere totius Ciliciæ nobilissimum fortissimumque est. Ibi, rebus omnibus provinciæ et finiti-

marum civitatum constitutis, cupiditate proficiscendi ad bellum gerendum non diutius moratur: magnisque itineribus per Cappadociam confectis, biduum Mazacæ commoratus, venit Comana, vetustissimum et sanctissimum in Cappadocia Bellonæ templum, quod tanta religione colitur; ut sacerdos ejus deæ majestâte, imperio et potentia secundus a rege, consensu gentis illius, habeatur. Id homini nobilissimo Lycomedi Bithynio adjudicavit: qui regio Cappadocum genere ortus, propter adversam fortunam majorum suorum mutationemque generis, jure minime dubio, vetustate tamen intermisso, sacerdotium id repetebat. Fratrem autem Ariobarzanis Ariarathem, quum bene meritis uterque eorum de Republica esset, ne aut regni hereditas Ariarathem sollicitaret, aut heres regni terreret, Ariobarzani attribuit, qui sub ejus imperio ac ditioni esset: ipse iter ceptum simili velocitate conficere cœpit.

LXVII. Quum propius Pontum finesque Gallogræciæ accessisset, Deiotarus tetrarches Gallogræciæ tunc quidem pæne totius, quod ei neque legibus, neque moribus concessum esse ceteri tetrarchæ contendebant, sine dubio autem rex Armeniæ Minoris ab Senatu appellatus, depositis regiis insignibus, neque tantum privato vestitu, sed etiam reorum habitu, supplex ad Cæsarem venit, oratum, ut sibi ignosceret, quod in ea parte positus terrarum, quæ nulla præsidia Cæsaris habuisset, exercitibus imperiisque in Cn. Pompeii castris fuisset: neque enim se judicem debuisse esse controversiarum populi Romani, sed parere præsentibus imperiis.

LXVIII. Contra quem Cæsar, quum plurima sua commemorasset officia, quæ consul ei decretis publicis tribuisset: quumque defensionem ejus nullam posse excusationem ejus imprudentiæ recipere coarguisset; quod homo tantæ prudentiæ ac diligentiæ scire potuisset, quis urbem Italiamque teneret: ubi Senatus populusque Romanus, ubi Respublica esset: quis deinde post L. Lentulum, C. Marcellum consul esset; sed tamen se concedere id factum superioribus suis beneficiis, veteri hospitio atque amicitia, dignitati ætatique hominis, precibus eorum, qui frequentes concurrissent hospites atque amici Deiotari ad deprecandum: de controversiis tetrarcharum postea se cognituram esse dixit: regium vestitum ei restituit. Legionem autem,

autem, quam ex genere civium suorum Deiotarus armatura disciplinaque nostra constitutam habebat, equitatumque omnem ad bellum gerendum adducere iussit.

LXIX. Quum in Pontum venisset, copiasque omnes in unum locum coegisset, quæ numero atque exercitatione bellorum mediocres erant; (excepta enim legione vi, quam secum adduxerat Alexandria veteranam, multis laboribus periculisque functam, multisque militibus, partim difficultate itinerum ac navigationum, partim crebritate bellorum adeo diminutam, ut minus mille hominum in ea esset; reliquæ erant III legiones, una Deiotari, duæ, quæ in eo prælio, quod Cn. Domitium fecisse cum Pharnace scripsimus, fuerant); legati a Pharnace missi Cæsarem addeunt; atque in primis deprecantur, ne ejus adventus hostilis esset: facturum enim omnia Pharnacem, quæ imperata essent. Maximeque commemorabant nulla Pharnacem auxilia contra Cæsarem Pompeio dare voluisse; quum Deiotarus, qui dedisset, tamen ei satisfecisset.

LXX. Cæsar respondit se fore æquissimum Pharnaci; si, quæ polliceretur, repræsentaturus esset. Monuit autem, ut solebat, mitibus verbis legatos, ne aut Deiotarum sibi objicerent, aut nimis eo gloriarentur beneficio, quod auxilia Pompeio non misissent: nam se neque libentius facere quidquam, quam supplicibus ignoscere; neque provinciarum publicas injurias condonare iis posse, qui non fuissent in se officiosi: id ipsum, quod commemorassent, officium utilius Pharnaci fuisse, qui providisset, ne vinceretur, quam sibi, cui Dii immortales victoriam tribuissent. Itaque se magnas et graves injurias civium Romanorum, qui in Ponto negotiati essent, quoniam in integrum restituere non posset, concedere Pharnaci: nam neque interfectis amissam vitam, neque exsectis virilitatem restituere posse; quod quidem supplicium gravius morte cives Romani subissent: Ponto vero decederet confestim; familiasque publicanorum remitteret; ceteraque restitueret fociis civibusque Romanis, quæ penes eum essent. Si fecisset, jam tunc sibi mitteret munera ac dona, quæ bene rebus gestis imperatores ab amicis accipere consueissent: miserat enim Pharnaces coronam auream. His responsis datis legatos remisit.

LXXI. At Pharnaces omnia liberaliter pollicitus, quum festinantem ac properantem Cæsarem, speraret libentius e-

tiam creditorum suis promissis, quam res pateretur, quo celerius honestiusque ad res magis necessarias proficisceretur, (nemini enim erat ignotum, plurimis de causis ad urbem Cæsarem revocari), lentius agere, decedendi diem postulare longiorem, pactiones interponere, in summa frustrari cœpit. Cæsar cognita calliditate hominis, quod aliis temporibus natura facere consueverat, tunc necessitate fecit adductus, ut celerius omnium opinione manum confereret.

LXXII. Ziela est oppidum in Ponto positum ipso, ut in plano loco, satis munitum. Tumulus enim naturalis, velut manu factus, excelsiore undique fastigio sustinet murum. Circumpositi sunt huic oppido magni multique intercisi vallibus colles: quorum editissimus unus, qui propter victoriam Mithridatis, et infelicitatem Triarii, detrimentumque exercitus nostri, superioribus locis atque itineribus pæne conjunctus oppido, magnam in illis partibus habet nobilitatem; nec multo longius millibus passuum IIII abest ab Ziela. Hunc locum Pharnaces, veteribus paternorum felicium castrorum relictis operibus, copiis omnibus suis occupavit.

LXXIII. Cæsar, quum ab hoste millia passuum v castra posuisset; videretque eas valles, quibus regia castra munitur, eodem intervallo sua castra munitura; si modo ea loca hostes priores non cepissent, quæ multo erant propiora regis castris; aggerem comportari jubet intra munitiones. Quo celeriter collato, proxima nocte, vigilia quarta, legionibus omnibus expeditis, impedimentisque in castris relictis, prima luce, neque opinantibus hostibus, eum ipsum locum cepit, in quo Mithridates secundum proelium adversus Triarium fecerat. Huc omnem comportare aggerem e castris servitia, quæ ageret, iussit; ne quis ab opere miles discederet; quum spatio non amplius mille passuum intercisa vallis castra hostium divideret ab opere incepto Cæsaris castrorum.

LXXIV. Pharnaces, quum id repente prima luce animadvertisset, copias suas omnes pro castris instruxit; quas, interposita tanta locorum iniquitate, consuetudine magis pervulgata militari credebatur instrui Cæsar, vel ad opus suum tardandum, quo plures in armis tenerentur, vel ad ostentationem regis fiduciæ; ne munitione magis quam manu defendere locum Pharnaces videretur. Itaque deter-

ritus

ritus non est, quo minus prima acie pro vallo instructa, reliqua pars exercitus opus faceret. At Pharnaces impulsus siue loci felicitate, siue auspiciis et religionibus induc-
tus, quibus obtemperasse eum postea audiebamus; siue paucitate nostrorum, qui in armis erant, comperta, quum more operis quotidiani magnam illam fervorem multitudine, quæ aggerem portabat, militum esse credidisset; siue etiam veterani fiducia exercitus sui, quem cum legione **xxii** in acie conflixisse et vicisse, legati ejus gloriabantur; simul contemptu exercitus nostri, quem pulsum a se, Domitio duce, sciebat: inito consilio dimicandi, descendere prærupta valle cœpit. Cujus aliquandiu Cæsar irridebat inanem ostentationem, et eo loco militum coartationem, quem in locum nemo sanus hostis subiturus esset: quum interim Pharnaces eodem gradu, quo præruptam descenderat in vallem, ascendere adversus arduum collem instructis copiis cœpit.

LXXV. Cæsar incredibili ejus vel temeritate vel fiducia motus, neque opinans imparatusque oppressus, eodem tempore milites ab operibus vocat, arma capere jubet, legiones opponit, aciem instruit. Cujus rei subita trepidatio magnum terrorem attulit nostris, nondum ordinibus instructis. Falcata regis quadrigæ permixtos milites perturbant, quæ tamen celeriter multitudine telorum opprimuntur. Insequitur has acies hostium; et clamore sublato configitur, multum adjuvante natura loci, plurimum Deorum immortalium benignitate: qui quum omnibus casibus belli intersunt, tum præcipue eis, quibus nihil ratione potuit administrari.

LXXVI. Magno atque acri cominus prælio facto, dextro cornu, quo veterana legio **vi** erat collocata, initium victoriæ natum est ab ea parte, quum in proclive detruderentur hostes; multo tardius, sed tamen iisdem Diis adjuvantibus, sinistro cornu mediaque acie totæ profligantur copię regis. Quæ quam facile subierant iniquum locum, tam celeriter gradu pulsæ premebantur loci iniquitate. Itaque multis militibus partim interfectis, partim suorum ruina oppressis, qui velocitate effugere poterant, armis tamen projectis, vallem transgressi nihil ex loco superiore inermes proficere poterant. At nostri victoriæ elati subire iniquum locum, munitionesque aggredi non
D d 3

dubitarunt. Defendentibus autem iis cohortibus castra, quas Pharnaces praesidio reliquerat, celeriter castris hostium sunt potiti. Interfecta multitudo omni aut capta suorum, Pharnaces cum paucis equitibus profugit. Cui nisi castrorum oppugnatio facultatem attulisset liberius profugendi, vivus in Caesaris potestatem adductus esset.

LXXVII. Tali victoria toties victor Caesar incredibili est laetitia affectus, quod maximum bellum tanta celeritate confecerat: eratque subiti periculi recordatione laetior, quod victoria facilis ex difficillimis rebus acciderat. Ponto recepto, praeda omni regia militibus condonata, postero die cum expeditis equitibus ipse proficiscitur: legionem vi decedere ad praemia atque honores accipiendos in Italiam jubet: auxilia Deiotari domum remittit: et legiones cum Caelio Vinsiano in Ponto relinquit.

LXXVIII. Ita per Gallograeciam Bithyniamque in Asiam iter facit: omniumque earum provinciarum de controversiis cognoscit et statuit: iura in tetrarchas, reges, civitates distribuit. Mithridatem Pergamenum, a quo rem feliciter celeriterque gestam in Aegypto supra scripsimus, regio genere ortum, disciplinis etiam regis educatum (nam cum Mithridates rex Asiae totius propter nobilitatem Pergamo parvulum secum asportaverat in castra, multosque tenuerat annos), regem Bosphori constituit, quod sub imperio Pharnacis fuerat: provinciasque populi Romani a barbaris atque inimicis regibus, interposito amicissimo rege, munivit. Eidem tetrarchiam legibus Gallograecorum, jure gentis et cognationis, adjudicavit, occupatam et possessam paucis ante annis a Deiotaro. Neque tamen usquam diutius moratus est, quam necessitas urbanarum seditionum pati videbatur. Rebus felicissime celerrimeque confectis, in Italiam celerius omnium opinione venit.

A. H I R T I I

A. HIRTII PANSÆ

COMMENTARIORUM

DE BELLO AFRICANO

LIBER UNUS.

I. **C**ÆSAR, itineribus iustis confectis, nullo die intermisso, ad xiv Kal. Jan. in Lilybæum pervenit: statimque ostendit, sese naves velle conscendere; quum non amplius legionem tironum haberet unam, equitesque vix dc. Tabernaculum secundum litus ipsum constituit, ut prope fluctus verberaret. Hoc eo consilio fecit, ne quis sibi moræ quidquam fore speraret, et ut omnes in dies horasque parati essent. Incidit per id tempus, ut tempestates ad navigandum idoneas non haberet. Nihilominus tamen minus in navibus remiges militesque continere, et nullam prætermittere occasionem profectiois: quum præsertim ab incolis ejus provinciæ nunciarentur adversariorum copię, equitatus infinitus; legiones regiæ iv, levis armaturæ magna vis, Scipionis legiones x, elephantum cxx, classesque esse complures. Tamen non deterrebatur, animoque et spe confidebat. Interim in dies et naves longæ adaugeri, et onerariæ complures eodem concurrere, et legiones tironum convenire; in his veterana legio v, equitum ad ii millia.

II. Legionibus collectis vi, et equitum ii millibus, ut quæque prima legio venerat, in naves longas imponebatur, equites autem in onerarias. Ita majorem partem navium antecedere iussit, et insulam petere Aponianam, quæ non abest a Lilybæo, ibique commoratus bona paucorum vendit publice. Deinde Allieno prætori, qui Siciliam obtinebat, de omnibus rebus præcipit, et de reliquo exercitu celeriter imponendo. Datis mandatis, ipse navem conscendit a. d. vi Kal. Jan. et reliquas naves statim est consecutus. Ita vento certo celerique navigio vestus, post diem quartam cum longis paucis navibus in conspectum Africæ venit: namque onerariæ reliquæ, præter paucas, vento dispersæ atque errabundæ diversa loca petierunt. Clupeam

classe prætervehitur, inde Neapolim. Complura præterea castella et oppida non longe a mari relinquæ.

III. Postquam Adrumetum accessit, ibi præsidium erat adversariorum, cui præerat C. Confidius: et a Clupeis secundum oram maritimam cum equitatu Adrumeti Cn. Piso cum Maurorum circiter 111 millibus apparuit. Ibi paulisper Cæsar ante portum commoratus dum reliquæ naves convenirent, exponit exercitum. Cujus numerus in præsentia fuit peditum 111 millium, equitum CL: castrisque ante oppidum positis, sine injuria cujusquam confedit; cohibetque omnes a præda. Oppidani interim muros armatis complent. Ante portam frequentes confidunt, ad se defendendum. Quorum numerus 11 legionum intus erat. Cæsar circum oppidum veñsus, natura loci perspecta, redit in castra. Non nemo culpæ ejus imprudentiæque assignabat, quod neque certum locum gubernatoribus præfectisque, quem peterent, præceperat: neque, ut mos ipsius consuetudoque superioribus temporibus fuerat, tabellas signatas dederat, ut in tempore iis perceptis, locum certum peterent universi. Quod minime Cæsarem fefellerat. Namque nullum portum terræ Africæ, quo classes decurrerent, pro certo tutum ab hostium præsidio fore suspicabatur: sed fortuito oblatam occasionem egressus aucupabatur.

IV. L. Plancus interim legatus petit a Cæsare, ut sibi daret facultatem cum Confidio agendi, si posset aliqua ratione perducere ad sanitatem. Itaque data facultate literas conscribit, et eas captivo dat perferendas in oppidum ad Confidium. Quo simul atque captivus pervenisset, literasque, ut erat mandatum, Confidio porrigere cœpisset, prius quam acciperet ille: Unde, inquit, istas? Tum captivus, a Cæsare. Tunc Confidius: Unus est, inquit, Scipio imperator hoc tempore populi Romani: deinde in conspectu suo captivum statim interfici jubet; literasque nondum perceptas, sicut erant signatæ, dat homini certo ad Scipionem perferendas.

V. Postquam una nocte et die ad oppidum consumpta, neque responsum ullum a Confidio dabatur: neque ei reliquæ copiæ succurrebant: neque equitatu abundabat; et ad oppidum oppugnandum non satis copiarum habebat, et eas tironum: neque primo adventu convulnerari exercitum volebat: et oppidi egregia munitio et difficilisque ad oppugnandum

oppugnandum erat accessus; et nunciabantur auxilia magna equitatus oppidanis suppetias venire: non est visa ratio ad oppugnandum oppidum commorandi; ne, dum in ea re Cæsar esset occupatus, circumventus a tergo ab equitatu hostium laboraret.

VI. Itaque castra quum movere vellet, subito ex oppido erupit multitudo; atque equitatus subsidio uno tempore eis casu succurrit, qui erat missus ab Juba ad stipendium accipiendum; castraque, unde Cæsar egressus iter facere cœperat, occupant; et ejus agmen extremum insequi cœperunt. Quæ res quam animadversa esset, subito legionarii consistunt; et equites, quamquam erant pauci, tamen contra tantam multitudinem audacissime concurrunt. Accidit res incredibilis, ut equites minus xxx Galli Maurorum equitum ii millia loco pellerent,urgerentque in oppidum. Postquam repulsi et coniecti erant intra munitiones, Cæsar iter constitutum ire contendit. Quod quum sæpius facerent; et modo insequerentur, modo rursus ab equitibus in oppidum repellerentur: cohortibus paucis ex veteranis, quas secum habebat, in extremo agmine collocatis, et parte equitatus, iter leniter cum reliquis facere cœpit. Ita, quanto longius ab oppido discedebatur, tanto tardiores ad insequendum erant Numidæ. Interim in itinere ex oppidis et castellis legationes venire, polliceri frumentum, paratosque esse, quæ imperasset, facere. Itaque eo die castra posuit ad oppidum Ruspina Kal. Jan.

VII. Inde movit et pervenit ad oppidum Leptin liberam civitatem et immunem. Legati ex oppido veniunt obviam: libenter se omnia facturos, quæ vellet, pollicentur. Itaque, centurionibus ad portas oppidi et custodiis impositis, ne quis miles in oppidum introiret, aut injuriam faceret cuiquam incolæ, non longe ab oppido secundum litus facit castra. Eodem naves onerariæ, et longæ nonnullæ casu advenerunt. Reliquæ, ut est ei nunciatum, incertæ locorum Uticam versus petere visæ sunt. Interim Cæsar a mari non digredi, neque mediterranea petere propter navium errorem, equitatumque in navibus omnem continere (ut arbitror, ne agri vastarentur) aquam in naves jubet comportari. Remiges interim, qui aquatum et navibus exierant, subito equites Mauri, neque opinantibus Cæsarianis, adorti multos jaculis convulneraverunt, nonnullos

nullos interfecerunt: latent enim in insidiis cum equis inter convalles, et subito existunt, non ut in campo comminus depugnent.

VIII. Cæsar interim in Sardiniam nuncios cum literis, et in reliquas provincias finitimas dimisit; ut sibi auxilia, commeatus, frumentum, simulatque literas legissent, mit-tenda curarent, exoneratisque partim navibus longis, Ra-birium Postumum in Siciliam ad secundum commeatum accersendum mittit. Interim cum x navibus longis ad re-liquas naves onerarias conquirendas, quæ deerrassent, et si-mul mare tuendum ab hostibus jubet proficisci. Item C. Sallustium Crispum prætorem ad Cercinam insulam versus, quam adversarii tenebant, cum parte navium ire jubet; quod ibi magnum numerum frumenti esse audiebat. Hæc ita imperabat, itaque unicuique præcipiebat; ut, fieri posset, necne, locum nullum excusatio haberet, nec moram ter-giversatio. Ipse interea ex perfugis et incolis, cognitis con-ditionibus Scipionis, et qui cum eo contra se bellum ge-rebant, miserari (regium enim equitatum in provincia A-frica Scipio alebat); tanta homines esse dementia, ut mal-lent regis esse vestigales, quam cum civibus in patria in suis fortunis esse incolumes.

IX. Cæsar ad iii Non. Jan. castra movet: Lepti-que vi cohortium præsidio cum Saserna relicto; ipse rur-sus, unde pridie venerat, Ruspina cum reliquis copiis convertit: ibique sarcinis exercitus relictis, ipse cum ex-pedita manu proficiscitur circum villas frumentatum: op-pidanisque imperat, ut plaustra jumenta-que omnia se-quantur. Itaque magno frumenti invento numero, Rus-pinam redit. Hoc eum idcirco existimo fecisse, ne mari-tima oppida post se vacua relinqueret, præsidioque firma-ta ad classim receptacula muniret.

X. Itaque, ibi relicto P. Saserna, fratre ejus, quem Le-pti proximo oppido reliquerat cum legione, jubet com-portari ligna in oppidum quamplurima: ipse cum cohortibus vii. quæ ex veteranis legionibus in classe cum Sul-picio et ~~Atinio~~ rem gesserant, ex oppido Ruspina egres-sus, proficiscitur ad portum qui abest ab oppido millia passuum ii; ibique classem sub vesperum cum ea copia conscendit. Omnibus in exercitu insciis, et requirentibus imperatoris consilium, magno metu ac tristitia solici-tabantur.

tabantur. Parva enim cum copia, et ea tironum, neque omni exposita, in Africa contra magnas copias, et insidiosæ nationis, equitatumque innumerabilem, se expositos videbant: neque quidquam solatii in præsentia, neque auxilium in suorum consilio animadvertabant, nisi in ipsius imperatoris vultu, vigore mirabilique hilaritate: animum enim altum et erectum præ se gerebat. Huic acquiescebant homines, et in ejus scientia et consilio omnia sibi proclivia omnes fore sperabant.

XI. Cæsar in navibus una nocte consumpta, jam cælo albente quum proficisci conaretur, subito navium pars, de qua timebat, ex errore, eodem conferebatur. Hac re cognita, Cæsar celeriter de navibus imperat omnes egredi, atque armatos in litore reliquos advenientes milites expectare. Itaque sine mora navibus eis in portum receptis, et advectis militum equitumque copiis, rursus ad oppidum Ruspinam redit, atque ibi castris constitutis, ipse cum cohortibus expeditis xxx frumentatum est profectus, Ex eo est cognitum Cæsaris consilium: illum cum classe navibus onerariis, quæ deerrassent, subsidio ire clam hostibus voluisse, ne casu imprudentes suæ naves in classem adversariorum inciderent: neque eam rem eos voluisse scire, qui in præsidiis relictæ sui milites fuissent; ne illi propter suorum paucitatem, et hostium multitudinem, metu deficerent.

XII. Interim quum jam Cæsar progressus esset a castris circiter millia passuum III, per speculatores et antecessores equites nunciatur ei, copias hostium hæud longe a se visas. Et hercle cum eo nuncio pulvis ingens conspici coëptus est. Hac re cognita Cæsar celeriter jubet equitatum universum, cujus copiam habuit in præsentia non magnam, et sagittarios, quorum parvus e castris exierat numerus, accersi, atque ordinatim signa se leniter consequi: ipse antecedere cum paucis armatis. Jamque quum procul hostis conspici posset, milites in campo jubet galeari, et ad pugnam parari: quorum omnino numerus fuit xxx cohortium cum equitibus CD, et sagittariis **.

XII. Hostes interim, quorum dux erat Labienus, et duo Pactidii, aciem dirigunt mirabili longitudine, non pedum, sed equitum confectam: et inter eos levis armaturæ Numidas et sagittarios pedites interposuerant: et ita condenserant,

densaverant, ut procul Cæsariani pedestres copias arbitrentur: et dextrum ac sinistrum cornu magnis equitum copiis firmaverant. Interim Cæsar aciem dirigit simplicem, ut poterat, propter paucitatem. Sagittarios ante aciem constituit: equites dextro sinistroque cornu opponit: et ita præcipit, ut providerent, ne multitudine equitatus hostium circumvenirentur: existimabat enim se cum pedestribus copiis, acie instructa, dimicaturum.

XIV. Quum utrimque expectatio fieret; neque Cæsar se moveret: et cum suorum paucitate contra magnam vim hostium artificio magis, quam viribus, decernendum videret; subito adversariorum equitatus sese extendere, et in latitudinem promovere, collesque complecti et Cæsaris equitatum extenuare, simulque ad circumeundum comparare se cœperunt. Cæsariani equites eorum multitudinem ægre sustinebant. Acies interim mediæ quum concurrere conarentur, subito ex condensis turmis pedites Numidæ levis armaturæ cum equitibus præcurrunt; et inter legionarios pedites jacula conijciunt. Hic quum Cæsariani in eos impetum fecissent; illorum equites refugiebant: pedites interim resistebant, dum equites rursus cursu renovato peditibus suis succurrerent.

XV. Cæsar novo genere pugnæ oblato, quum animadverteret ordines suorum in procurrendo turbari (pedites enim, dum equites longius a signis persequuntur, latere nudato, a proximis Numidis jaculis vulnerabantur, equites autem hostium pilum militis cursu facile vitabant); edicit per ordines, ne quis miles a signis 14 pedes longius procederet. Equitatus interim Labieni suorum multitudine confusus Cæsaris paucitatem circumire conatur. Equites Juliani pauci, multitudine hostium defessi, equis convulneratis, paullatim cedere: hostis magis magisque instare. Ita puncto temporis omnibus legionariis ab hostium equitatu circumventis, Cæsarisque copiis in orbem compulsis, intra cancellos omnes coniecti pugnare cogebantur.

XVI. Labienus in equo, capite nudo, versari in prima acie, simul suos cohortari, nonnunquam legionarios Cæsaris ita appellare: Quid tu, inquit, miles tiro, tam feroculus es? Vos quoque iste verbis infatuavit. In magnum mehercule vos periculum impulit. Misereor vestri. Tum miles: Non sum, inquit, tiro, Labiene, sed de legione et veteranus.

veteranus. Tum Labienus: Non agnosco, inquit, signa Decumanorum. Tum miles: Jam me, quis sim, intelliges. Simul cassidem de capite dejecit, ut cognosci ab eo posset, atque ita pilum viribus contortum, dum in Labienum mittere contendit, equi graviter adverso pectori affixit: et ait: Labiene, Decumanum militem, qui te petit, scito esse. Omnium tamen animi in terrorem coniecti, et maxime tironum: circumspicere enim Cæsarem, neque amplius facere, nisi hostium jaculâ vitare.

XVII. Cæsar interim, consilio hostium cognito, jubet aciem in longitudinem quam maximam porrigi, et alternis conversis cohortibus, ut una post alteram ante signa tenderet. Ita coronam hostium dextro sinistroque cornu mediam dividit: et unam partem ab altera exclusam, equitibus intrinsecus adortus, cum peditatu telis coniectis, in fugam vertit: neque longius progressus, veritus insidias, se ad suos recipit. Idem altera pars equitum peditumque Cæsaris facit. His rebus gestis, et procul hostibus repulsi convulneratisque, ad sua præsidia sese, sic ut erat instructus, recipere cœpit.

XVIII. Interim M. Petreius et Cn. Piso cum equitibus Numidis ac electis, peditatuque ejusdem generis satis grandi, ex itinere recta subsidio suis occurrunt. At hostes suis ex terrore firmatis, rursusque renovatis animis, legionarios conversis equitibus se recipientes novissimos adoriri et impedire cœperunt, quo minus se in castra reciperent. Hac re animadversa, Cæsar jubet signa converti, et medio campo redintegrari prælium. Quum ab hostibus eodem modo pugnaretur; nec cominus ad manus rediretur: Cæsarisque equites jumenta ex nausea recenti, siti, languore, paucitate, vulneribus defatigata ad insequendum hostem perseverandumque cursum tardiora haberent: dieique pars exigua jam reliqua esset; cohortibus equitibusque circumdatis imperat, ut uno ictu contenderent, neque remitterent, donec ultra ultimos colles hostes repulissent, atque eorum essent potiti. Itaque, signo dato, quum jam hostes languide negligenterque tela mitterent, subito immittit cohortes turmasque suorum: atque puncto temporis, hostibus nullo negotio campo pulsis, post collemque dejectis, nacti locum, atque ibi paullisper commorati, ita ut erant instructi, leniter se ad suas recipiunt

munitiones. Itemque adversarii male accepti tum demum se ad sua præsidia contulerunt.

XIX. Interim ea re gesta, et prælio dirempto, ex adversariis perfugæ plures ex omnî hominum genere, et præterea intercepti hostium complures equites peditesque: ex quibus cognitum est hostium consilium, eos hæc mente et conatu venisse; ut novo atque inusitato genere prælii tirones legionarii que pauci perturbati, Curionis exemplo ab equitatu circumventi opprimerentur. Et ita Labienum dixisse pro concione; tantam sese multitudinem auxiliorum adversariis subministraturum; ut etiam cædendo in ipsa victoria fatigati vincerentur, atque a suis superarentur: quippe qui in illorum sibi consideret multitudinē: primum, quod audierat Romæ legiones veteranas dissentire, neque in Africam velle transire: deinde, quod triennio in Africa suos milites, consuetudine retentos, fideles jam sibi effecisset: maxima autem auxilia haberet Numidarum equitum levisque armaturæ. Præterea ex fuga prælioque Pompeiano, quos secum a Brundisio transporterat, equites Germanos Gallosque, ibique postea ex hybridis libertinis servisque conscripserat, armaverat, equoque frenato uti condocuerat. Præterea regia auxilia, elephantos cxx, equitatusque innumerabilis. Deinde legiones conscriptæ ex cujusquemodi generis amplius xii millibus. Hæc spe atque ea audacia inflammatus Labienus cum equitibus Gallis Germanisque mdc, Numidarum sine frenis iix millibus, præterea Petreiano auxilio adhibito equitibus mc, peditum ac levis armaturæ quater tantis, sagittariis ac funditoribus, hippotoxotisque compluribus. His copiis pridie Non. Jan. post diem iiii, quam Africam attigit, in campis planissimis purissimisque ab hora diei quinta usque ad solis occasum est decertatum. In eo prælio Petreius graviter ictus ex acie recessit.

XX. Cæsar interim castra munire diligentius, præsidia firmare majoribus copiis, vallumque ab oppido Ruspina usque ad mare deducere, et a castris alterum eodem, quo tutius ultro citroque commeari, auxiliaque sine periculo sibi succurrere possent. Tela tormenta que ex navibus in castra comportare, remigum partem ex classe Gallorum Rhodiorumque Epibatarumque armare, et in castra evocare; uti si posset, eadem ratione, qua adversarii, levis

armatura interjecta inter equites suos interponeretur: sagittariisque ex omnibus navibus Ityreis, Syriis et cujusque generis ductis in castra compluribus, frequentabat suas copias. Audiebat enim Scipionem post diem tertium ejus diei, quō praelium factum erat, appropinquare, copias suas cum Labiendō et Petreio conjungere: cujus copiarum legionum XIX, et equitum IV millium esse nunciabantur; officinas ferrarias instruere; sagittasque et tela uti fierent complura, curare, glandes fundere, sudes comparare; literas in Siciliam nunciosque mittere, ut sibi crates materiemque congererent ad arietes, cujus inopia in Africa esset: præterea ferrum plumbumque mitteretur. Et animum etiam advertebat, frumento se in Africa nisi importatio uti non posse. Priore enim anno, propter adversariorum delectus, quod stipendiarii aratores milites essent facti, messem non esse factam: præterea ex omni Africa frumentum adversarios in pauca oppida et bene munita comportasse, omnemque regionem Africæ exinanisse frumento: oppida, præter pauca, quæ ipsi suis præsidiiis tueri poterant, reliqua dirui atque deleri, et eorum incolas intra sua præsidia coëgisse commigrare, agros desertos ac vastatos esse.

XXI. Hac necessitate Cæsar coactus, privatos ambiendo, et blande appellando, aliquantulum frumenti numerum in sua præsidia congefferat: et eo parce utebatur. Opera interim ipse quotidie circumire, et alternas cohortes in statione habere propter hostium multitudinem. Labienus fancies suos, quorum numerus maximus fuit, jubet in plostris deligatos Adrumetum deportari. Naves interim Cæsaris onerariæ errabundæ male vagabantur, incertæ locorum atque castrorum suorum: quas singulas scaphæ adversariorum complures adortæ incenderant atque expugnarent. Hac re nunciata Cæsari, classes circum insulas portusque disposuit; quo tutius commeatus supportari posset.

XXII. M. Cato interim, qui Uticæ præerat, Cn. Pompeium filium multis verbis assidueque objurgare non desistebat. Tuus, inquit, pater, istuc ætatis quum esset, et animadvertisset Rempublicam ab audacibus sceleratisque civibus oppressam, bonosque aut interfectos, aut exilio multatos, patria civitateque carere; gloria et animi magnitudine

mitudine elatus, privatus atque adolescentulus, paterni exercitus reliquiis collectis, pæne oppressam funditus et deletam Italiam, urbemque Romanam in libertatem vindicavit: idemque Siciliam, Africam, Numidiam, Mauritaniam mirabili celeritate armis recepit. Quibus ex rebus sibi eam dignitatem, quæ est per gentes clarissima notissimaque, conciliavit; adolescentulusque atque eques Romanus triumphavit. Atque ille, non ita amplis rebus patris gestis, neque tam excellenti majorum dignitate parta, neque tantis clientelis nominisque claritate præditus, in Rempublicam est ingressus. Tu contra et patris nobilitate et dignitate, et per te ipse satis animi magnitudine diligentiaque præditus, nonne eniteris, et proficeris ad paternas clientelas, auxilium tibi Reipublicæ atque optimo cuique efflagitatum?

XXIII. His verbis hominis gravissimi incitatus adolescentulus cum naviculis cujusquemodi generis xxx, inibi paucis rostratis, profectus ab Utica est in Mauritaniam, regnumque Bogudis est ingressus: expeditoque exercitu, numero servorum, liberorum ii millium, cujus partem inferrem, partem armatam habuerat, ad oppidum Ascurnum accedere cœpit: in quo oppido præsidium fuit regium. Pompeio adveniente, oppidani usque eo passi-propius eum accedere, donec ad ipsas portas ac murum appropinquaret, subito eruptione facta, prostratos perterritosque Pompeianos in mare passim navesque compulerunt. Ita re male gesta, Cn. Pompeius filius naves inde avertit, neque postea litus attigit; classemque ad insulas Baleares versus convertit.

XXIV. Scipio interim cum iis copiis, quas paullo ante demonstravimus, Uticæ grandi præsidio relicto, profectus primum Adrumeti castra ponit: deinde ibi paucos dies commoratus, noctu itinere facto, cum Petreii et Labieni copiis se conjungit; atque ubi castris factis, iii milia passuum longe confidunt. Equitatus interim eorum circum Cesaris munitiones vagari, atque eds, qui pabulandi aut aquandi gratia extra vallum progressi essent, excipere. Ita omnes adversarios intra munitiones continere. Quare Cesariani gravi annona sunt confictati; ideo quod: nondum neque ab Sicilia, neque ab Sardinia comitatus supportatus erat; neque per anni tempus in mari classe sine

periculo vagari poterant: neque amplius millia passuum vi terræ Africæ quoquo versus tenebant, pabulique inopia premebantur. Qua necessitate coacti veterani milites equitesque, qui multa terra marique bella confecerant, et periculis inopiaque tali sæpe essent conflictati, alga et hircio collecta, et aqua dulci eluta, et ita jumentis esurientibus data, vitam eorum producebant.

XXV. Dum hæc ita fierent, rex Juba, cognitis Cæsaris difficultatibus, copiarumque paucitate, non est visum dari spatium convalescendi, augendarumque ejus opum. Itaque comparatis equitum magnis peditumque copiis, subsidio suis, egressus e regno, ire contendit. P. Silius interim, et rex Bogud, conjunctis suis copiis, cognito regis Jubæ egressu propius ejus regnum copias suas admovebant; Cirtamque oppidum ejus regni opulentissimum adorti paucis diebus pugnando capiunt, et præterea duo oppida Getulorum: quibus quum conditionem ferrent, ut oppido excederent, idque sibi vacuum transferrent, conditionemque repudiassent; postea ab eis capti interfectique sunt omnes. Inde progressi agros oppidaque vexare non desistunt. Quibus rebus cognitis Juba, quum jam non longe a Scipione atque ejus ducibus abesset, capit consilium, satius esse sibi suoque regno subsidio ire, quam dum alios adjuturus proficisceretur, ipse suo regno expulsus, forsitan utraque re expelleretur. Itaque rursus se recepit, atque auxilia a Scipione etiam abduxit, sibi suisque rebus timens: elephantisque xxx relictis, suis finibus oppidisque suppetias profectus est.

XXVI. Cæsar, quum de suo interim adventu dubitatio in provincia esset: neque quisquam crederet ipsum, sed aliquem legatum cum copiis in Africam venisse; conscriptis literis circum provinciam, omnes civitates facit de suo adventu certiores. Interim nobiles homines ex suis oppidis profugere, et in castra Cæsaris devenire, et de adversariorum ejus acerbitate crudelitatemque commemorare coeperunt: quorum lacrimis querelisque Cæsar commotus, quum antea constitisset in stativis castris, æstate inita, cunctis copiis auxiliisque accitis, bellum cum adversariis gerere instituit, literisque celeriter in Siciliam ad Allienum et Rabirium Postumum conscriptis, et per catacopum missis, ut, sine mora aut ulla excusatione hiemis

ventorumque, exercitus sibi quam celerissime transportaretur: Africam provinciam perire, funditusque everti a suis inimicis: quod nisi celeriter sociis foret subventum, praeter ipsam Africam terram nihil, ne testum quidem, quo se reciperent, ab illorum scelere infidiisque reliquum futurum. Atque ipse in tanta erat festinatione et expectatione, ut postero die, quam misisset literas nunciumque in Siciliam, classem exercitumque morari diceret, noctes diesque oculos mentemque ad mare dispositos directosque haberet. Nec mirum. Animadvertabat enim villas exuri, agros vastari, pecus diripi trucidarique, oppida castellaque dirui deferique, principesque civitatum aut interfici, aut in catenis teneri, liberos eorum obsidum nomine in servitutem abripi. Iis se in miseriis suamque fidem implorantibus, auxilio propter copiarum paucitatem esse non posse. Milites interim in opere exerceere, castra munire, turrets, castella facere, molesque jacere in mare non intermittere.

XXVII. Scipio interim elephantos hoc modo conducere facere instituit. II instruxit acies: unam funditorum contra elephantos, quae quasi adversariorum locum obtineret, et contra eorum frontem adversam lapillos minutos mitteret: deinde in ordinem elephantos constituit: post illos autem aciem suam instruxit; ut, quum ab adversariis lapides mitti coepissent, et elephantum perterriti se ad suos converterent, rursus a sua acie lapidibus missis eos converterent adversum hostem: quod agre tardeque fiebat: rudes enim elephantum, multorum annorum doctrina usque vetusto vix edocti, tamen communi periculo in aciem producuntur.

XXVIII. Dum hoc ad Ruspinam ab utrisque ductibus administrantur, C. Virgilius Praetorius, qui Thapsi oppido maritimo praerat, quum animadvertisset naves singulas cum exercitu Caesaris incertas locorum atque castrorum suorum vagari, occasionem nactus, navem, quam ibi habuit aetuarium, complet militibus et sagittariis: eidem scaphas de navibus adjungit; ac singulas naves Caesarianas confectari coepit; et quum plures adortus, pulsas fugatusque inde dicessisset, nec tamen desisteret periclitari, forte incidit in navem, in qua erant duo Tisi Hispani adolescentes tribuni legionis v, quorum patrem Caesar in Senatum legerat, et cum his T. Salianus centurio legio-

nis ejusdem, qui M. Messallam legatum obsederat Messanzæ, et seditiosissima oratione apud eum est usus: idemque et pecuniam, et ornamenta triumphi Cæsaris retinenda et custodienda curaverat: et ob has causas timebat sibi. Hic propter conscientiam peccatorum suorum persuasit adolescentibus ne repugnarent, seseque Virgilio transferrent. Itaque deducti a Virgilio ad Scipionem, custodibus traditi, et post diem III sunt interfecti. Qui quam ducerentur ad necem, petisse dicitur major Titus a censorionibus, uti se priorem, quam fratrem, interficerent; idque ab eis facile impetrasse, atque ita esse interfectos.

XXIX. Turmæ interim equitum, quæ pro vallo in stationibus esse solebant, ab utrisque ducibus quotidie minutis præliis inter se pugnare non intermittunt. Nonnunquam etiam Germani Gallicque Labieniani cum Cæsaris equitibus, fide data, inter se colloquebantur. Labienus interim eam parte equitatus Leptim oppidum, cui præerat Salserna cum cohortibus III, oppugnare, ac vi irrumperere, conabatur: quod a defensoribus propter egregiam munitionem oppidi, et tormentorum multitudinem, facile et sine periculo defendebatur. Quod ubi ejus facere equitatus sæpius non intermittebat; et quum forte ante portam turma densa adstitisset; scorpionæ accuratius missi, atque eorum decurione percussio, et * ad Decumanam defixio, reliqui perterriti, fuga se in castra recipiunt. Quofacto postea sunt deterriti oppidum tentare.

XXX. Scipio interim fere quotidie non longe a suis castris passibus CCC instruere aciem; ac, majore diæ parte consumpta, rursus se in castra recipere. Quod quum sæpius fieret, neque ex Cæsaris castris quisquam prodiret, neque propius ejus copias accederet, despecta patientia Cæsaris exercitusque ejus, universis copiis productis, elephantisque turritis xxx ante aciem instructis, quam latissime potuit, porrecta equitum peditumque multitudine, uno tempore progressus, haud ita longe a Cæsaris castris constitit in campo.

XXXI. Quibus rebus cognitis, Cæsar jubet milites, qui extra munitiones processerant, quique pabulandi aut lignandi aut etiam muniendi gratia vallum petierant, quaque ad eandem rem opus erant, omnes intra munitiones minutatim modesteque sine tumultu aut terrore se reci-

pere, atque in opere consistere. Equitibus autem, qui in statione fuerant, præcipit, ut usque eo locum obtinerent, in quo paullo ante constitissent, donec ab hoste missum telum ad se perveniret: quod si propius accideretur, quam honestissime se intra munitiones reciperent. Alii quoque equitatu edicit, uti quisque suo loco paratus armatusque præsto esset. At hæc non ipse per se coram, quum de vallo perspecularetur; sed mirabili peritus scientia bellandi, in prætorio sedens, per speculatores et nuncios imperabat, quæ fieri volebat: animadvertibat enim, quamquam magnis essent copiis adversarii freti, tamen sæpe a se fugatis, pulsus perterritusque, et concessam vitam et ignota peccata: quibus rebus nunquam tanta suppeteret ex ipsorum inertia conscientiaque animi victoriæ fiducia, ut castra sua adoriri auderent. Præterea ipsius nomen auctoritasque magna ex parte eorum exercitus minuebat audaciam. Tum egregiæ munitiones castrorum, et valli fossarumque altitudo, et extra vallum styli cæci, mirabilem in modum consiti, vel sine defensoribus aditum adversariis prohibebant. Scorpionum, catapultarum, ceterorumque telorum, quæ ad defendendum solent parari, magnam copiam habebat. Atque hæc propter exercitus sui præsentis paucitatem et tirocinium præparaverat, non hostium vi et metu commotus: patientem se timidumque hostium opinioni præbebat. Neque idcirco copias, quamquam erant paucae, tironumque, non educebat in aciem, quod victoriæ suorum diffideret: sed referre arbitrabatur cujusmodi victoria esset futura. Turpe enim sibi existimabat tot rebus gestis, tantisque exercitibus devictis, tot tam claris victoriis partis, ab reliquis copiis adversariorum suorum ex fuga collectis, se cruentam adeptum existimari victoriam. Itaque constituerat gloriam exultationemque eorum pati, donec sibi veteranarum legionum pars aliqua in secundo comæatu occurrisset.

XXXII. Scipio interim paulisper, ut ante dixi, in eo loco commoratus, ut quasi despexisse Cæsarem videretur, paulatim reducit suas copias in castra; et concione advocata, de terrore suo desperationeque exercitus Cæsaris verba facit; et cohortatus suos, victoriam propriam se eis brevi daturum pollicetur. Cæsar jubet milites rursus ad opus redire, et per causam munitionum, tirones in labo-

re defatigare non intermittit. Interim Numidæ Getulique diffugere quotidie ex castris Scipionis, et partim in regnum se conferre, partim, quod ipsi majoresque eorum beneficio C. Marii usi fuissent, Cæsaremque ejus affinem esse audiebant, in ejus castra perfugere catervatim non intermittunt. Quorum ex numero electis hominibus, illustriores Getulos, literis ad suos cives datis cohortatus, ut manu facta, se suosque defenderent, et ne suis inimicis adversariisque dicto audientes essent, mittit.

XXXIII. Dum hæc ad Ruspinam fiunt, legati ex Achilla civitate libera, etiam undique ad Cæsarem veniunt; seque paratos, quæcumque imperasset, et libenti animo facturos pollicentur: tantum orare et petere ab eo, ut sibi præsidium daret, quo tutius id et sine periculo facere possent: se et frumentum, et, quæcumque res eis suppetere, communis salutis gratia subministraturos. Quibus rebus facile a Cæsare impetratis, præsidioque dato, C. Messium ædilitia functum potestate Achillam jubet proficisci. Quibus rebus cognitis, Confidius Longus, qui Adrumeti cum ii legionibus, et equitibus dcc præerat, celeriter, ibi parte præsidii relicta, cum viii cohortibus Achillam ire contendit. Messius, celerius itinere confecto, prior Achillam cum cohortibus pervenit. Confidius interitum, quum ad urbem cum copiis accessisset, et animadvertisset præsidium Cæsaris ibi esse, non ausus periculo suo rem facere, nulla re gesta pro multitudine hominum, rursus Adrumetum se recipit: deinde paucis post diebus, equestribus copiis a Labieno adductis, rursus Achillanos castris positos obsidere cœpit.

XXXIV. Per id tempus C. Sallustius Crispus, quem paucis ante diebus missum a Cæsare cum classe demonstravimus, Cercinnam pervenit: cujus adventu C. Decimius quæstorius, qui ibi cum grandi familiæ suæ præsidio præerat commeatui, parvulum navigium nactus conscendit, ac se fugæ commendat. Sallustius interim prætor a Cercinatribus receptus, magno numero frumenti invento, naves onerarias, quarum ibi satis magna copia fuit, complet, atque in castra ad Cæsarem mittit. Allienus interim proconsul e Lilybæo in naves onerarias imponit legiones xiii et xiv, et equites Gallos dccc, funditorum sagittariorumque mille; ac secundum commeatum in Africam mittit ad Cæsarem: quæ naves, ventum secundum naclæ, xv die in portum ad Ruspinam,

Ruspinam, ubi Cæsar castra habuerat, incolumes pervenerunt. Ita Cæsar duplici lætitia ac voluptate uno tempore auctus, frumento auxiliisque, tandem suis exhilaratis, annonæque levata sollicitudine, deponit legiones; equitesque ex navibus egressos jubet ex languore nauseaque reficere: dimissos in castella munitionesque disponit.

XXXV. Quibus rebus Scipio, quique cum eo essent comites, mirari et requirere: C. Cæsarem, qui ultro consueffet bellum inferre, ac laceffere prælio, subito commutatum non sine magno consilio suspicabantur. Itaque ex ejus patientia in magnum timorem coniecti, ex Getulis duos, quos arbitrabantur suis rebus amicissimos, magnis præmiis pollicitationibusque propositis, pro perfugis, speculandi gratia, in Cæsaris castra mittunt: qui simul ad eum sunt deducti, petierunt, ut sibi liceret sine periculo verba proloqui. Potestate facta: Sæpenumero, inquit, imperator, complures Getuli, qui sumus clientes C. Marii, et propemodum omnes cives Romani, qui sunt in legione IV et VI, ad te volumus in tuam præsidia confugere: sed custodiis equitum Numidarum, quo id sine periculo minus faceremus, impediēbantur: nunc data facultate pro speculatoribus missi a Scipione, ad te cupidissime venimus, ut perspiceremus, num quæ fossæ aut insidiæ elephantis ante castra portasque valli factæ essent, simulque consilia vestra contra easdem bestias, comparisonemque pugnæ cognosceremus atque ei renunciaremus. Qui collaudati a Cæsare, stipendioque donati, ad reliquos perfugas deducuntur: quorum orationem celeriter veritas comprobavit: namque postero die ex legionibus iis, quas Getuli nominaverunt, milites legionarii complures a Scipione in castra Cæsaris perfugerunt.

XXXVI. Dum hæc ad Ruspinam geruntur, M. Cato, qui Uticæ præerat, delectus quotidie libertinorum, Afro- rum, fervorum denique et cujusquemodi generis hominum, qui modo per ætatem arma ferre poterant, habere, atque sub manum Scipionis in castra submittere non intermittit. Legati interim ex oppido Tisdro, in quo tritici modium millia ccc comportata fuerant a negotiatoribus Italicis aratoribusque, ad Cæsarem venire; quantaque copia frumenti apud se sit, docent; simulque orant, ut sibi præsidium mittat, quo facilius et frumentum, et copiarum conserventur.

conserventur. Quibus Cæsar in præsentia gratias agit: præsidiumque brevi tempore se missorum dicit: cohortatusque ad suos cives jubet proficisci. P. Silius interim cum copiis Numidiæ fines ingressus, castello in montis loco munito locato, in quod Juba belli gerendi gratia, et frumentum et res ceteras, quæ ad bellum usui solent esse, comportaverat, vi expugnando est potitus.

XXXVII. Cæsar, postquam legionibus veteranis II, equitatu levique armatura copias suas ex secundo com meatu auxerat, naves VI onerarias statim jubet Lilybæum ad reliquum exercitum transportandum proficisci: ipse VI Kal. Febr. circiter vigilia prima imperat speculatores apparitoresque omnes ut sibi præsto essent. Itaque, omnibus insciis, neque suspicantibus, vigilia tertia jubet omnes legiones ex castris educi, atque se consequi ad oppidum Ruspinam versus, in quo ipse præsidium habuit, et quod primum ad amicitiam ejus accessit. Inde parvulam proclivitatem digressus, sinistra parte campi, propter mare legiones ducit. Hic campus mirabili planicie patet millia passuum XV: quem jugum ingens a mari ortum, neque ita præaltum, velut theatri efficit speciem. In hoc jugo colles sunt excelsi pauci: in quibus singulæ turres speculæque singulæ perveteres erant collocatæ: quarum apud ultimam præsidium et statio fuit Scipionis.

XXXVIII. Postquam Cæsar ad jugum, de quo docui, ascendit; atque in unumquemque collem turres castellaque facere cœpit; atque ea minus semihora efficit; et postquam non ita longe ab ultimo colle turrique fuit, quæ proxima fuit castris adversariorum, in qua docui esse præsidium stationemque Numidarum, paullisper commoratus, perspectaque natura loci, equitatu in statione disposito, legionibus opus attribuit, brachiumque medio jugo ab eo loco, ad quem pervenerat, usque ad eum, unde egressus erat, jubet dirigi ac muniri. Quod postquam Scipio Labienusque animadverterunt, equitatu omni ex castris ducto, acieque equestri instructa, a suis munitionibus circiter passus mille progrediuntur, pedestremque copiam in secunda acie minus passus CD a castris suis constituunt.

XXXIX. Cæsar in opere milites adhortari, neque adversariorum copiis moveri. Jam quum non amplius passuum MD inter hostium aciem suasque munitiones esse animadvertisset;

animadvertisset; intellexissetque ad impediendos milites suos, et ab opere depellendos, hostem propius accedere; necesseque haberet legiones a munitionibus deducere; imperat turmæ Hispanorum, ut ad proximum collem prope se accurrerent, præsidiumque inde deturbarent, locumque caperent; eodemque jubet levis armaturæ paucos consequi subsidio. Qui missi celeriter, Numidas adorti partim vivos capiunt, nonnullos equites fugientes convulneraverunt, locoque sunt potiti. Postquam id Labienus animadvertit, quo celerius iis auxilium ferret, ex acie instructa equitatus sui prope totum dextrum cornu avertit, atque suis fugientibus suppetias ire contendit. Quod ubi Cæsar conspexit, Labienum a suis copiis longius abcessisse, equitatus sui alam sinistram ad intercludendos hostes immisit.

XL. Erat in eo campo, ubi ea res gerebatur, villa per spagna, iv turribus exstructa, quæ Labienti prospectum impediabat, ne posset animadvertere ab equitatu Cæsaris se intercludi. Itaque non prius vidit turmas Julianas, quam suos cædi a tergo sensit. Ex qua re subito in terrorem converso equitatu Numidarum, recta in castra fugere contendit. Galli Germanique, qui restiterant, ex superiore loco et post tergum circumventi, fortiterque resistentes conciduntur universi. Quod ubi legiones Scipionis, quæ præ castris erant instructæ, animadverterunt: metu ac terrore obcæcatæ, omnibus portis in sua castra fugere cœperunt. Postea Scipione ejusque copiis campo collibusque exturbatis, atque in castra compulsis, quum receptui Cæsar cani jussisset, equitatumque omnem intra suas munitiones recepisset; campo purgato, animadvertit mirifica corpora Gallorum Germanorumque, qui partim ejus auctoritatem erant ex Gallia secuti, partim pretio pollicitationibusque adducti ad eum se contulerant: nonnulli qui ex Curionis prælio capti conservatique, parem gratiam in fide partienda præstare voluerant. Horum corpora mirifica specie amplitudineque cæsa toto campo ac prostrata diverse jacebant.

XLI. His rebus gestis, postero die Cæsar ex omnibus præsidiis cohortes deducit, atque omnes suas copias in campo instruxit. Scipio, suis male acceptis, occisis convulneratisque, intra suas continere se munitiones cœpit. Cæsar instructa acie secundum infimas jugi radices propius

munitiones

munitiones leniter accessit. Jamque minus mille passuum ab oppido Uzita, quod Scipio tenebat, aberant legiones Julianæ, quum Scipio veritus, ne oppidum amitteret, unde aquari reliquisque rebus sublevari ejus exercitus consueverat, eductis omnibus copiis, quadruplici acie instructa, ex instituto suo, prima equestri turmatim directa, elephantisque torritis interpositis armatisque suppetias ire contendit. Quod ubi Cæsar animadvertit, arbitratus Scipionem, ad dimicandum paratum, ad se certo animo venire, in eo loco, quo paullo ante commemoravi, ante oppidum constitit, suamque aciem mediam eo oppido texit. Dextrum sinistrumque cornu, ubi elephantis erant, in conspectu patenti adversariorum constituit.

XLII. Quum jam prope solis occasum Cæsar expectasset, neque ex eo loco, quo constiterat, Scipionem progredi propius se animadvertisset, locoque se magis defendere, si res cogeret, quam in campo cominus consistere audere; non est visa ratio propius accedendi eo die ad oppidum; quoniam ibi præsidium grande Numidarum esse cognoverat, hostesque mediam aciem suam oppido texisse; sibi que difficile factu esse intellexit, simul et oppidum uno tempore oppugnare, et in acie in cornu dextro et sinistro, ex iniquiore loco, pugnare. Præsertim quum milites a mane diei jejuni sub armis stetissent defatigati. Itaque reductis suis copiis in castra, postero die propius eorum aciem instituit exporrigere munitiones.

XLIII. Interim Confidius, qui Achillam, et rix cohortibus stipendiariis Numidis Getulisque obsidebat, ubi C. Messius cohortibus præerat, diu multumque expertus, magnisque operibus sæpe admotis, et iis ab oppidanis incensis, quum proficeret nihil, subito nuncio de equestri prælio allato commotus, frumento, cujus in castris copiam habuerat, incenso, vino, oleo ceterisque rebus, quæ ad victum parari solent, corruptis, Achillam, quam obsidebat, deseruit; atque itinere per regnum Jubæ facto, copias cum Scipione partitus Adrumetum se recipit.

XLIV. Interea ex secundo comiteatu, quem a Sicilia miserat Allienus, navis una, in qua fuerat Q. Cominius et L. Ticius eques Romanus, ab residua classe quum erravisset, delataque esset vento ad Thapsum, a Virgilio scaphis navientisque æquariis excepta est, et ad Scipionem

deducta. Item altera navis triremis ex eadem classe erra-
bunda, ac tempestate ad Ægimurum delata, a classe Vari
et M. Octavii est capta, in qua milites veterani, cum uno
centurione, et nonnulli tirones fuerunt: quos Varus as-
servatos sine contumelia deducendos curavit ad Scipionem.
Qui, postquam ad eum pervenerunt, et ante suggestum e-
jus consisterunt: Non vestra, inquit, sponte vos, certo
scio, sed illius scelerati vestri imperatoris impulsu et impe-
rio coactos, cives et optimum quemque nefarie confectari.
Quos quoniam fortuna in nostram detulit potestatem, si
id quod facere debetis, Rempublicam cum optimo quo-
que defenditis, certum est vobis vitam et pecuniam dona-
re: quapropter, quid sentiat, proloquimini.

XLV. Hac habita oratione, Scipio, quum existimasset
pro suo beneficio sine dubio ab iis gratias sibi actum iri,
potestatem vis dicendi fecit. Ex eis centurio legionis XIV,
Pro tuo, inquit, summo beneficio Scipio, tibi gratias
ago, (non enim imperatorem te appello) quod mihi vitam
incolumitatemque belli jure capto polliceris: et forsan
isto uterem beneficio, si non ei summum scelus adjungere-
tur. Egone contra Cæsarem imperatorem meum, apud
quem ordinem duxi, ejusque exercitum, pro cuius digni-
tate victoriaque amplius XXXVI annis depugnavi, adversus
armatusque consistam? Neque ego illud facturus sum, et
te magnopere, ut de negotio desistas, adhortor. Contra
eius enim copias contendas, si minus antea expertus es,
licet nunc cognosceas. Elige ex tuis cohortem unam, quam
putas esse firmissimam, et constitue contra me. Ego au-
tem ex meis commilitonibus, quos nunc in tua tenes po-
testate, non amplius x sumam. Tunc ex virtute nostra
intelliges, quid ex tuis copiis sperare debeas.

XLVI. Postquam hæc centurio præsentis animo adver-
sus opinionem ejus est locutus; ira percitus Scipio, atque
animi dolore incensus, annuit centurionibus, quid fieri vel-
let: atque ante pedes centurionem interfecit, reliquosque
veteranos a tironibus jubet secerni. Abducite, inquit,
istos, nefario scelere contaminatos et cæde civium sagi-
natos. Sic extra vallum deducti sunt, et cruciabiliter in-
terfecti. Tirones autem jubet inter legiones dispertiri, et
Cominium cum Ticiâ in conspectum suum prohibet addu-
ci. Qua ex re Cæsar commotus, eos, quos in stationibus

cum longis navibus apud Thapsum custodiæ causa in salp esse iusserat, ut suis onerariis longisque navibus præsidio essent, ob negligentiam ignominie causa dimittendos ab exercitu, gravissimumque in eos edictum proponendum curavit.

XLVII. Per id tempus fere Cæsaris exercitui res accidit incredibilis auditu. Namque, Vergiliarum signo confecto, circiter vigilia secunda noctis, nimbus cum saxa grandine subito est exortus ingens. Ad hoc autem incommodum accesserat, quod Cæsar non, more superiorum Imperatorum, in hibernis exercitum continebat; sed in tertio quartoque die procedendo, propiusque hostem accedendo, castra communiebat; opereque faciendo, milites se circumspiciendi non habebant facultatem. Præterea ita ex Sicilia exercitum transportaverat, ut præter ipsum militem et arma, neque vas, neque mancipium, neque ullam rem, quæ usu militi esse consuevit, in naves imponi pateretur. In Africam autem non modo sibi quidquam non acquisierant aut paraverant; sed etiam propter annonæ caritatem, ante parata consumpserant. Quibus rebus attenuati, oppido perquam pauci sub pellibus acquiescebant. Reliqui ex vestimentis tentoriolis factis atque arundinibus scopisque contextis permanebant. Itaque, subito imbre grandineque consecuta, gravati pondere, tenebris aquaque omnes subruti disiectique, nocte intempesta, ignibus extinctis, rebusque ad victum pertinentibus omnibus corruptis, per castra passim vagabantur, scutisque capita contegebant. Eadem nocte 7 legionis pilorum cacumina sua sponte arserunt.

XLVIII. Rex interim Juba de equestri prælio Scipionis certior factus, evocatusque ab eodem literis, præfecto Sabura cum parte exercitus contra Sitium relicto; ut si, quum ipse aliquid auctoritatis haberet, exercitus Scipionis, a terrore Cæsaris liberaretur; cum III legionibus equitibusque frenatis octo, Numidis sine frenis, peditibusque ejus armaturæ grandi numero, elephantisque xxx, egressus e regno ad Scipionem est profectus. Postquam ad eum pervenit, castris regis seorsum positis, cum eis copiis, quas commemoravi, haud ita longe a Scipione consedit. Erat in castris Cæsaris superiori tempore magnus terror, et expectatione copiarum regiarum, exercitus ejus

magis suspensiore animo ante adventum Iubæ commorabatur. Postquam vero castra castris contulit, despectus ejus copiis, omnem terrorem deponit. Ita, quam antea absens habuerat auctoritatem, eam omnem præsens dimiserat. Quo facto facile fuit intellectu Scipioni additum animum fiduciamque regis adventu. Nam postero die universas suas regisque copias cum elephantis LX productas in aciem, quam speciosissime potuit, instruxit, ac paulo longius progressus a suis munitionibus, haud ita diu commoratus, se recepit in castra.

e XLIX. Cæsar postquam animadvertit Scipioni auxilia fere, quæ expectasset, omnia convenisse, neque moram pugnandi ullam fore, per jugum summum cum copiis progredi cœpit, et brachia protinus ducere, et castella munire, propiusque Scipionem, capiendo loca excelsa, occupare contendit. Adversarii magnitudine copiarum confisi, proximum collem occupaverunt: atque ita longius sibi progrediendi eripuerunt facultatem. Ejusdem collis occupandi gratia Labienus consilium ceperat; et, quo propiore loco fuerat, eo celerius occurrerat.

L. Erat convallis satis magna latitudine, altitudine prærupta, crebris locis speluncæ in modum subrutis: quæ erant transgrediendæ Cæsari ante, quam ad eum collem, quem capere volebat, perveniretur: ultraque eam convallē olivetum vetus crebris arboribus condensum. Hic quum Labienus animadvertisset, Cæsarem, si vellet eum locum occupare, prius necesse esse convallē olivetumque transgredi, eorum locorum peritus, in insidiis cum parte equitatus levique armatura consedit: et præterea post montem collesque equites in occulto collocaverat; ut, quum ipse ex improvviso legionarios adortus esset, ex colle se equitatus ostenderet, et re duplici perturbatus Cæsar ejusque exercitus, neque retro regrediundi, neque ultra procedendi oblata facultate, circumventus concideretur, Cæsar, equitatu ante præmisso, inscius insidiarum, quum ad eum locum venisset, abusi, sive obliti præceptorum Labienī, sive veriti, ne in fossa ab equitibus opprimerentur, rari ac singuli de rupe prodire, et summa petere collis. Quos Cæsaris equites consecuti partim interfecerunt, partim viro-
rum sunt potiti. Deinde protinus collem petere contend-
erunt; atque eum, decusso Labienī præsidio, celeriter oc-
cupaverunt.

expaverunt. Labienus cum parte equitum vix fuga sibi peperit salutem.

LI. Hac re per equites gesta, Cæsar legionibus opera distribuit, atque in eo colle, quo erat potitus, castra munivit. Deinde ab suis maximis castris per medium campum, e regione oppidi Uzizæ, quod inter sua castra et Scipionis in planitiâ positum erat, tenebaturque a Scipione, duo brachia instituit duci, et ita erigere; ut ad angulum dextrum sinistrumque ejus oppidi convenirent. Id hac ratione opus instruebat; ut, quum propius oppidum copias admovisset, oppugnareque cœpisset, testâ latera suis munitionibus haberet, ne ab equitatus multitudine circumventus ab oppugnatione deterreretur. Præterea, quo facilius colloquia fieri possent, et si qui perfugere vellent, id quod antea sæpe accidebat magno cum eorum periculo, tum facile et sine periculo fieret. Voluit etiam experiri, quum propius hostem accessisset; haberetne in animo dimicare. Accedebat etiam ad reliquas causas, quod is locus depressus erat; puteique ibi nonnulli fieri poterant. Aquatione enim longa et angusta utebatur. Dum hæc opera, quæ ante dixi, fiebant a legionibus; interim pars aciei ante opus instructa sub hoste stabat. Equites barbari levisque armaturæ, præliis minutis cominus dimicabant.

LII. Cæsar ab eo opere quum jam sub vespertum copias in castra reduceret; magno incurso, cum omni equitatu levique armatura, Juba, Scipio, Labienus in legionarios impetum fecerunt. Equites Cæsariani vi universæ subitaque hostium multitudinis pulsî parumper cesserunt. Quæ res aliter adversariis cecidit. Namque Cæsar, ex medio itinere copiis reductis, equitibus suis auxilium tulit. Equites autem adventu legionum animo addito, conversis equis in Numidas cupide insequentes dispersosque impetum fecerunt, atque eos convulneratos usque in castra regia repulerunt, multosque ex iis interfecerunt. Quod ni in noctem prælium esset conjectum; pulvisque vento statum omnium prospectu offecisset; Juba cum Labieno capti in potestatem Cæsaris venissent; equitatusque cum levi armatura funditus ad internecionem deletus esset. Interim incredibiliter ex legionibus IV et VI Scipionis milites diffugere, partim in castra Cæsaris, partim in quas quisque poterat

poterat regiones pervenire. Itemque equites Curiani dissi-
fisi Scipioni ejusque copiis, complures se eodem confere-
bant.

LIII. Dum hæc circum Uzitam ab utrifque ducibus
administrantur, legiones duæ 11 et 12 ex Sicilia navibus
onerariis profectæ, quum jam non longe à portu Raspi-
næ abessent, conspicatæ naves Cæsarianas, quæ in statione
apud Thapsum stabant; veriti, ne in adversariorum, ut
insidiandi gratia ibi commorantium, classem inciderent,
imprudentes vela in altum dederunt: ac, diu multumque
factati tandem multis post diebus siti inopiaque confecti
ad Cæsarem pervenerunt.

LIV. Quibus legionibus expositis, melior in Italia pri-
stinae licentiæ militaris ac rapinarum certorum hominum,
parvulam modo causulam nactus Cæsar, quod C. Avie-
nus tribunus militum 12 legionis navem comiteatu, fami-
liæ suæ atque jumentis occupavisset, neque militem unum
ab Sicilia sustulisset; postero die de suggestu, convocatis
omnium legionum tribunis centurionibusque: Maxima
vellem, inquit, homines suæ petulantia nimiaque libertas
his aliquando finem fecissent, meæque lenitatis, modestiæ
patientiaque rationem habuissent. Sed quoniam ipsi si-
bi neque modum neque terminum constituunt, quo cæte-
ri dissimiliter se gerant; egomet ipse documentum more
militari constituam. C. Aviene, quod in Italia milites
populi Romani contra Rempublicam instigasti; rapinasque
per municipia fecisti; quodque mihi Reipublicæque inuti-
lis fuisti; et pro militibus tuam familiam jumentaque in
naves imposuisti; tuaque opera, militibus tempore necessa-
rio Respublica caret; ob eas res, ignominia causa, ab ex-
ercitu meo te removeo: hodieque ex Africa abesse, et,
quantum potes, proficisci jubeo. Itemque te, A. Fonteii,
quod tribunus militum sediciosus malique civis fuisti ad
exercitu dimitto T. Salient, M. Tiro, C. Clusinas, quum
ordines in meo exercitu, beneficio non virtute consecuti,
ita vos gesseritis, ut neque bello fortes, neque pace boni
aut utiles fueritis, et magis in seditione concitandi milites
adversus vestrem imperatorem, quam pudoris modestiæ-
que fueritis studiosiores: indignos vos esse arbitror, qui
in meo exercitu ordines ducatis; millosque facis, et, quan-
tum potes, abesse ex Africa jubeo. Itaque transdidit

dos centurionibus; et, singulis non amplius singulis additis servis, in navi imponendos separatim curavit.

LIV. Getuli interim perfugæ, quos cum literis mandatisque a Cesare missos supra docuimus, ad suos cives perveniunt: quorum auctoritate facile adducti Cesarisque nomine persuasi a rege Juba desciscunt, celeriterque cuncti arma capiunt: contraque regem facere non dubitant. Quibus rebus cognitis, Juba dissentus triplici bello, necessitate coactus, de suis copiis, quas contra Cesarem adduxerat, vi cohortes in fines regni sui mittit, quæ essent præsidio contra Getulos.

LVI. Cæsar brachiis perfectis, promotisque eo usque, ut telam ex oppido adjici non posset, castra munxit. Bæstibus scorpionibusque crebris ante frontem castrorum, contraque oppidum collocatis, defensores muri deterrire non intermittit: eoque 7 legiones ex superioribus castris deducit. Qua facultate oblata, illustriores notissimique conspectum amicorum propinquorumque effluantabant, atque inter se colloquebantur. Quæ res quid utilitatis haberet, Cesarem non fallebat. Namque Getuli ex equitibus regio nobiles, equitumque præfecti, quorum patrum cum Mario ante meruerant, ejusque beneficio agris finibusque donati, post Syllæ victoriam sub Hiempsalis regis erant potestate dati; occasione capta, nocte jam terminibus accensis, cum equis catonibusque suis circiter milia pertugiant in Cæsaris castra, quæ erant in campo proxime Uzite locata.

LVII. Quod postquam Scipio, qui cum eo erant, cognoverunt, quum commoti ex tali incommodo essent; forte per id tempus M. Aquinium cum C. Salserna colloquentem viderunt. Scipio mittit ad Aquinium, nihil attingere cum cum adversariis colloqui. Quum nihilo minus ejus sermonem nuncius ad se referret: restaretque, ut reliqua, quæ vellet, perageret; viator postea ab Juba ad eum est missus, qui diceret, audiente Salserna: Vetat te rex colloqui. Quo nuncio perterritus discessit, et dicto audiens fuit regi. Ufu venisse hoc civi Romano miror, et ei, qui a populo Romano honores accepisset, incolumi patria Fortunisque omnibus, Jubæ barbaro potius obediens fuisse, quam aut Scipionis obtemperasse nuncio, nec, cæcis ejusdem partis civibus, incolumem reversi mal-

le. Atque etiam superbius Jubæ factum, non in M. A. quinum hominem novum parvumque senatorem; sed in Scipionem, hominem illa familia, dignitate honoribusque præstantem. Nam quum Scipio sagulo purpureo ante regis adventum uti solitus esset, dicitur Jubæ cum eo egisse, non oportere illum eodem uti vestitu, atque ipse uteretur. Itaque factum est, ut Scipio ad album sese vestitum, transferret et Jubæ homini superbissimo inertissimoque obtemperaret.

LVIII. Postero die universas omnium copias de castris omnibus deducunt: et supercilium quoddam excelsum nacti, non longe a Cæsaris castris aciem constituunt, atque ibi consistunt. Cæsar item producit copias, celeriterque iis instructis, ante suas munitiones, quæ erant in campo, constitit: sine dubio existimans, ultro adversarios, quum tam magnis copiis auxiliisque regis essent præditi, promptiusque profuissent, ante se concursuros, propiusque se accessuros. Equo circumvectus legionesque cohortatus, signo dato, accessum hostium aucupabatur. Ipse enim a suis munitionibus longius non sine ratione non procedebat, quod in oppido Uzita, quod Scipio tenebat, hostium erant cohortes armatæ. Eisdem autem oppido ad dextrum latus ejus cornu erat oppositum: verebaturque, ne, si prætergressus esset, ex oppido eruptione facta, ab latere eam adorti conciderent. Præterea hæc quoque eum causa tardavit; quod erat locus quidam perimpeditus ante aciem Scipionis, quem suis impedimento ad ultro occurrendum fore existimabat.

LIX. Non arbitror esse prætermittendum, quemadmodum exercitus utriusque fuerunt in aciem instructi. Scipio hoc modo aciem direxit. Collocabat in fronte suas et Jubæ legiones; postea autem Numidas in subsidiaria acie ita extenuatos, et in longitudinem directos, ut procul simplex esse acies media a legionariis militibus videretur: in cornibus autem duplex esse existimabatur. Elefantos dextro sinistroque cornu collocaverat, equalibus inter eos intervallis interjectis. Post autem elefantos, armaturas leves Numidasque substituerat auxiliares. Equitatum frenatum universum in suo dextro cornu disposuerat: sinistram enim cornu oppido Uzita claudabatur, neque erat spatium equitatus explicandi. Propterea Numidas levisque armaturæ infinitam multitudinem ad dextram partem suæ aciei

aciei opposuerat, fere interjecto non minus in passuum spatio et ad collis radices magis appulerat, longiusque ab adversariorum suisque copiis promoverat. Id hoc consilio; ut, quum acies duæ inter se concurrissent initio certaminis, prullo longius ejus equitatus circumvectus, ex improvviso clanderet multitudine sua exercitum Cæsaris, atque perturbatum jiculis confingeret. Hæc fuit ratio Scipionis eo die præliandi

LX. Cæsaris autem acies hoc modo fuit collocata; ut ab sinistro ejus cornu ordiatur, et ad dextrum perveniam. Habuit in sinistro cornu legionem ix, vii: in dextro cornu xix, xxix: xiii xiv, xxviii, xxvi. in media acie. Ipsum autem dextrum cornu, secundam aciem fere, in earum legionum parte cohortium collocaverat. Præterea ex tironum legionibus paucas adjecerat. Tertiam autem aciem in sinistrum suum cornu contulerat; et usque ad aciei suæ mediam legionem porrexerat; et ita collocaverat, uti sinistrum suum cornu triplex esset. Id eo consilio fecerat, quod suum dextrum latus munitionibus adjuvabat; sinistrum autem ut equitatus hostium multitudini resistere posset, laborabat. Eodemque suum omnem contulerat equitatum, et, quod ei parum confidebat, præsidio his equitibus legionem v præmiserat; levemque armaturam inter equites interposuerat. Sagittarios varie passimque, locis certis, maximeque in cornibus collocaverat.

LXI. Sic utrorumque exercitus instructi non plus passuum ccc interjecto spatio, quod forte ante id tempus acciderat nunquam, quin dimicaretur, a mane usque ad horam x diei perstiterunt. Jamque Cæsar dum exercitum reducere intra munitiones suas cepisset; subito universus equitatus ulterior Numidarum Getulorumque sine frenis ad dextram partem se movere; propiusque Cæsaris castra, quæ erant in colle, se conferre cepit. Frenatus autem Labieni eques in loco permanere, legionesque distinguere: quum subito pars equitatus Cæsaris cum levi armatura contra Getulos, injussu ac temere longius progressa paludemque transgressa, multitudinem hostium sustinere pauci non potuerunt: levique armatura deserti ac pulsi convulneratique, uno equite amisso, multis equis sauciis, levis armaturæ xvi occisis, ad suos refugerunt. Quo secunda equestri prælio facto, Scipio lætus in castra nocte

copias reduxit. Quod proprium gaudium bellantis
 fortuna tribuere non decrevit: namque postero die Cæ-
 sar cum parte equitatus sui leptim, frumenti gratia, mi-
 sit. In itinere prædatores equites Numidas Getulosque
 ex improvise adorti circiter centum partim occiderunt,
 partim vivorum potiti sunt. Cæsar interim quotidie le-
 giones in campum deducere, atque opus facere, vallum-
 que et fossam per medium campum ducere, adversario-
 rumque excursionibus iter offere non intermittit. Sci-
 pio item munitiones contra facere, et ne iugo a Cæsare
 excluderetur, appropere. Ita duces utrique et in ope-
 ribus occupati erant, et nihilo minus equestribus proeliis
 inter se quotidie dimicabant.

LXII. Interim Varus classem, quam antea Uticensi-
 bus gratia subduxerat, cognito legionis VII et VIII ex Si-
 cilia adventu, celeriter deducit: ibique Getulis remigibus
 epibatique complet; insidiandique gratia progressus Ad-
 rumetum cum LV navibus pervenit. Cujus adventus in-
 sciis Cæsar L. Cispium cum classe XXVII navium Thap-
 sum versus in stationem, præsidii gratia comatus fuit,
 mittit: itemque Q. Aquilam cum XIII navibus longis
 Adrumetum eadem de causa præmittit. Cispium, quo
 erat missus celeriter pervenit. Aquila tempestate jacta-
 tus, promontorium superare non potuit, atque angulum
 quendam tutum a tempestate nactus cum classe se longius
 a prospectu removit. Reliqua classis in сало ad Leptim,
 egressis remigibus, passimque in litore vagantibus, partim
 in oppido victus sui mercandi gratia progressis, vacua a
 defensoribus stabat. Quibus rebus Varus ex perfugis
 cognitis, occasionem nactus vigilia secunda Adrumeto ex
 Cothone egressus, primo mane Leptim universa classe
 vectus, naves onerarias, quæ longius a portu in сало sta-
 bant, incendit, et penteres duas, vacuas a defensoribus,
 nullo repugnante, cepit.

LXIII. Cæsar interim celeriter per nuncios in castris,
 quum opera circuiret, ceterior factus, quæ aberant a por-
 tu millia passuum VI, equo admissus, omissis omnibus rebus,
 celeriter pervenit Leptim: ibique moratus, omnes ut se
 naves consequerentur, primum ipse navigiolum parvum
 conscendit; in cursu Aquilam multitudine navigiorum per-
 territum atque trepidantem nactus, hostium classem se-
 qui.

qui cepit. Interim Varus celeritate Cæsaris audaciâque motus cum universa classe, conversis navibus, Adrumetum versus fugere contendit. Quem Cæsar in millibus passuum iv coniecitus, recuperata quinquere mi cum omnibus suis epibatis, atque etiam hostium custodibus cxxx in ea nave captis, trirenem hostium proximam, quæ in repugnando erat commorata, onustam remigum epibatârumque cepit. Reliquæ naves hostium promontorium superarunt, atque Adrumetum in Cothonem se universas contulerunt. Cæsar eodem vento promontorium superare non potuit; atque in salo in anchoris ea nocte commoratus prima luce Adrumetum accedit; ibique navibus onerariis, quæ erant extra Cothonem, incensis, omnibusque reliquis aliis aut subductis, aut in Cothonem compulsis, paullisper commoratus, si forte vellent classe dimicare, rursus se recepit in castra.

LXIV. In ea nave captus est P. Vestrius eques Romanus, et P. Ligarius Afranianus, quem Cæsar in Hispania eum reliquis dimiserat; et postea se ad Pompeium contulerat; inde ex proelio effugerat, in Africamque ad Varum venerat. Quem ob perjurium perfidiamque Cæsar iussit necari. P. Veltrio autem, quod ejus frater Romæ pecuniam imperatam numeraverat, et quod ipse tuam causam Cæsari probaverat, se Nalidii classe captum, quum ad necem duceretur, beneficio Vari esse servatum; postea facultatem sibi nullam datam transeundi, ignovit.

LXV. Est in Africa consuetudo incolarum, ut in agris, et in omnibus fere villis sub terra specus, condendi frumenti gratia, clam habeant; atque id propter bella maxime, hostiumque subitum adventum præparent. Qua de re Cæsar certior per indicem factus, tertia vigilia legiones cum equitatu mittit a castris suis millia passuum x; atque inde magno numero frumentonustos recepit in castra. Quibus rebus cognitis, Labienus progressus a suis castris millia passuum vii, per jugum et colliem, per quem Cæsar pridie iter fecerat, ibi castra duarum legionum facit; atque ibi ipse quotidie existimans, Cæsarem eadem sepe frumentandi gratia commeatum, cum magno equitatu levique armatura insidiaturus locis idoneis confedit.

LXVI. Cæsar interim de insidiis Labieni ex perfugis certior factus, paucos dies ibi commoratus, dum hostes

quotidiano instituto, sæpe idem faciendū in negligentia adducerentur, subito mane imperat porta Decumana legiones se vitæ veteranas cum parte equitatus sequi. Atque, equitibus præmissis, neque opinantes insidiatores subito in convallibus latentes levi armatura concidit circiter D. Reliquos in fugam turpissimam conjecit. Interim Labienus cum universo equitatu fugientibus suis suppetias occurrit. Cujus vim multitudinis quum equites pauci Cæsariani jam saltinere non possent; Cæsar instructas legiones hostium copiis ostendit. Quo facto perterrito Labieno ac retardato suos equites recepit incolumes. Postero die Juba Numidas eos, qui loco amisso fuga se receperant in castra, in cruce omnes suffixit.

LXVII. Cæsar interim, quoniam frumenti inopia premebatur, copias omnes in castra conduit; atque præsidio Lepti, Ruspinz, Achillæ relicto, Cispio Aquilæque classe transdita, ut alter Adrumetum, alter Thapsom mari obsiderent, ipse castris incensis, iv noctis vigilia, acie instructa, impedimentis in sinistra parte collocatis, ex eo loco proficiscitur, et pervenit ad oppidum Agar, quod a Getulis sæpe antea oppugnatum, summaque vi per ipsos oppidanos erat defensum. Ibi in campo castris unis positis, ipse frumentatum circum villas cum parte exercitus profectus, magno invento hordei, olei, vini, fici numero, pauco tritici, atque recreato exercitu, rediit in castra. Scipio interim, cognito Cæsaris discessu, cum universis copiis per jugum Cæsarem suum qui cepit; atque ab ejus castris millia passuum vi longe, trinis castris dispartitis copiis, confedit.

LXVIII. Oppidum erat Zeta, quod aberat a Scipione millia passuum x, ad ejus regionem, et partem castrorum collocatum, a Cæsare autem diversum ac remotum, quod erat ab eo longe millia passuum xix. Huc Scipio legiones ii. frumentandi gratia misit. Quod postquam Cæsar ex pertuga cognovit, castris ex campo in collem ac tutiora loca collocatis, atque ibi præsidio relicto, ipse iv vigilia egressus præter hostium castra proficiscitur cum copiis, et oppido potitur. Legiones Scipionis comperit longius in agris frumentari: et, quum eo contendere conaretur, animadvertit copias hostium his legionibus occurrere suppetias. Quæ res ejus impetum retardavit. Itaque,

capto C. Mutio Regino equite Romano Scipionis familiarissimo, qui ei oppido præerat, et P. Atrio equite Romano de conventu Uticensi, et camelis xxii regis adductis, præsidio ibi cum Oppio legato relicto, ipse se recipere cœpit ad castra.

LXIX. Quum jam non longe a castris Scipionis abesset, quæ cum necesse erat prætergredi; Labienus Afraniusque cum omni equitatu levique armatura, ex insidiis adorti, agmini ejus extremo se offerunt, atque ex collibus primis existunt. Quod postquam Cæsar animadvertit, equitibus suis hostium vi oppositis, sarcinas legionarios in acervum jubet comportare, atque celeriter signa hostibus inferre. Quod postquam cœptum est fieri; primo impetu legionum, equitatus et levis armatura hostium nullo negotio loco pulsa. et dejecta est de colle. Quum jam Cæsar existimasset hostes pulsos deterritosque finem laceßendi facturos, et iter cœptum pergere cœpisset; iterum celeriter ex proximis collibus erumpunt, atque eadem ratione, qua ante dixi, in Cæsar's legionarios impetum faciunt. Numidæ levisque armaturæ, mirabili velocitate præditi, qui inter equites pugnabant, et una pariterque cum equitibus accurrere et refugere consueverant. Quum hoc sæpius facerent, et Julianos proficiscentes insequerentur, et refugerent instantes, propius non accederent, et singulari genere pugnæ uterentur; eosque jaculis convulnerare satis esse existimarent; Cæsar intellexit nihil aliud illos conari, nisi ut se cogerent castra in loco ponere, ubi omnino aquæ nihil esset; ut exercitus ejus jejunos, qui a quarta vigilia usque ad horam x diei nihil gustasset, ac jumenta siti perirent.

LXX. Quum jam ad solis occasum esset, et non totos c passus in horam iv esset progressus, equitatu suo, propter equorum interitum, extremo agmine remoto, legiones invicem ad extremum agmen evocabat. Ita vim hostium, placide leniterque procedens, per legionarium militem commodius sustinebat. Interim equitum Numidarum copiarum dextra sinistraque per colles præcurrere, coronæque in modum cingere multitudine sua Cæsar's copias, pars agmen extremum insequi. Cæsar's autem non amplius tres aut quatuor milites veterani, si se convertissent, et pila viribus contorta in Numidas infestos conjecissent, amplius duum millium numero ad unum terga vertebant.

ac rursus ad aciem passim, conversis equis, se colligebant, atque in spatio consequebantur, et jacula in legionarios conjiciebant. Ita Cæsar modo procedendo, modo resistendo, tardius itinere confecto, noctis hora prima omnes suos ad unum in castris incolumes faucibus x factis reduxit. Labienus, circiter ccc. amissis, multis vulneratis, ac defessis, instando omnibus, ad suos se recepit. Scipio interim legiones productas cum elephantis, quos ante castra in acie, terroris gratia, in conspectu Cæsaris collocaverat, reducit in castra.

LXXI. Cæsar contra ejusmodi hostium genera copias suas, non ut imperator exercitum veteranum, victoremque maximis rebus gestis, sed ut lanista tirones gladiatores condocere, quo pede se reciperent ab hoste, et quemadmodum obversi adversariis, et in quantulo spatio resisterent, modo procurrerent, modo recederent, comminarenturque impetum, ac prope quo loco, et quemadmodum tela mitterent, præcipit. Mirifice enim hostium devis armatura anxium exercitum nostrum atque sollicitum habebat: quia et equites deterrebat prælium inire, propter equorum interitum: quod eos jaculis interficiebat; et legionarium militem defatigabant propter velocitatem: gravis enim armaturæ miles simul atque ab his insectatus constiterat, in eosque impetum fecerat, illi veloci cursu facile periculum vitabant.

LXXII. Quibus ex rebus Cæsar vehementer commovebatur: quia, quodcumque prælium, quoties erat commissum, equitatu suo, sine legionario milite, hostium equitatu levique armaturæ eorum nullo modo par esse poterat. Solicitabatur autem his rebus, quod nondum hostium legiones cognoverat; et quonam modo sustinere se posset ab eorum equitatu, levique armatura, quæ erant mirifica, si legiones quoque accessissent. Accedebat etiam hæc causa, quod elephantorum magnitudo multitudoque militum animos detinebat in terrore: cui uni rei tamen invenerat remedium. Namque elephantos ex Italia transportari jusserat, quo et miles noster speciemque et virtutem bestię cognosceret, et cui parti corporis ejus telum facile adjici posset: ornatusque ac loratus elephans quum esset, quæ pars ejus corporis nuda sine tegmine relinqueretur, ut eo tela conjicerentur. Præterea ut jumenta bestiarum odo-

rem,

rem, stridorem, speciem, consuetudine captarum non reformidarent. Quibus ex rebus largiter erat consecutus: nam et milites bestias manibus pertractabant, earumque tarditatem cognoscebant, equitesque in eas pila præpilata coniciebant; atque in consuetudinem equos patientia bestiarum adduxerat.

LXXIII. Ob has causas, quas supra commemoravi, sollicitabatur Cæsar, tardiorque et consideratio erat factus, et ex pristina bellandi consuetudine celeritateque excesserat. Nec mirum: copias enim habebat in Gallia bellare consuetas locis campestribus, et contra Gallos homines apertos minimeque insidiosos; qui per virtutem, non per dolum, dimicare consueverunt. Tum autem erat ei laborandum, ut consuefaceret milites hostium dolos, insidias, artificia cognoscere, et quid sequi, quid vitare conveniret. Itaque quo hæc celerius conciperent, dabat operam, ut legiones non in uno loco contineret, sed per causam frumentandi, huc atque illuc raptaret: ideo quod hostium copias ab se suoque vestigio non discessuras existimabat. Atque post diem III productas accuratius suas copias, sicut instruxerat, propter hostium castra prætergressus, æquo loco invitat ad dimicandum. Postquam eos abhorere videt, reducit sub vesperum legiones in castra.

LXXIV. Legati interim ex oppido Vacca, quod finitimum fuit Zetæ, cujus Cæsarem potitum esse demonstravimus, veniunt: petunt et obsecrant, ut sibi præsidium mittat: se res complures, quæ utiles bello sint, administraturos. Per id tempus de eorum voluntate studioque erga Cæsarem transfuga suos cives facit certiores. Jubam regem celeriter cum copiis suis, antequam Cæsaris præsidium eo perveniret, ad oppidum adcurrisse, atque adveniente multitudine circumdata, eo potitum: omnibusque ejus oppidi incolis ad unum interfectis, dedisse oppidum diripiendum delendumque militibus.

LXXV. Cæsar interim, lustrato exercitu a. d. XII Kal. Apr. postero die productis universis copiis, processus a suis castris millia passuum V, a Scipionis circiter duum millium interjecto spatio, in acie constitit. Postquam satis diuque adversarios a se ad dimicandum invitatos superfedere pugnae animadvertit, reducit copias. Postero die castra movet, atque iter ad oppidum Sarsuram, ubi Scipio

Numidarum habuerat præsidium, frumentumque comportaverat, ire contendit. Quod ubi Labienus animadvertit, cum equitatu levique armaturâ, agmen ejus extremum carpere cœpit: atque ita lixarum mercatorumque, qui plostris merces portabant, interceptis sarcinis, addito animo, propius audaciusque accedit ad legiones, quod existimabat milites sub onere ac sub sarcinis defatigatos pugnare non posse. Quæ res Cæsarem non fefellerat: namque expeditos ex singulis legionibus tricenos milites esse jusserat. Itaque eos in equitatum Labieni immisos turmis suorum suppetias mittit. Tum Labienus, conversis equis, signorum conspectu perterritus, turpissime contendit fugere; multis ejus occisis, compluribus vulneratis. Milites legionarii ad sua se recipiunt signa, atque iter inceptum ire cœperunt. Labienus per jugum summum collis dextrorsus procul milites subsequi non desistit.

LXXVI. Postquam Cæsar ad oppidum Sarfaram venit, inspeciantibus adversariis, interfecto præsidio Scipionis, quum tuis auxilium ferre non auderent, fortiter repugnante P. Cornelio, Scipionis evocato, qui ibi præerat, atque a multitudine circumvento interfectoque, oppido potitur; atque ibi frumento exercitui dato, postero die ad oppidum Tisdrâ pervenit, in quo Considius per id tempus fuerat cum grandi præsidio cohorteque sua gladiatorum. Cæsar, oppidi natura perspecta, atque inopia ab oppugnatione ejus deterritus, protinus profectus circiter millia passuum iv ad aquam fecit castra; atque inde iv die egressus, redit rursus ad ea castra, quæ ad Agar habuerat. Idem facit Scipio, atque in antiqua castra copias reducit.

LXXVII. Thabenenses interim, qui sub ditione et potestate Jubæ esse consueverant, in extrema ejus regni regione maritima locati, interfecto regio præsidio, legatos ad Cæsarem mittunt; rem a se gestam docent. Petunt orantque, ut tuis fortunis, de populo Romano, quod bene meriti essent, auxilium ferret. Cæsar, eorum consilio probato, Marcium Crispum tribunum cum cohorte et sagittariis tormentisque compluribus præsidio Thabenam mittit. Eodem tempore ex legionibus omnibus milites, qui aut morbo impediti, aut, commeatu dato, cum signis non poterant ante transire in Africam, ad millia iv, equites cd, funditores sagittarii que mille uno commeatu Cæsari occurrerunt.

rerunt. Itaque cum his copiis et omnibus legionibus e-
ductis, sicut erat instructus, *xxx* millibus passuum a suis
castris, ab Scipionis vero *iv* millibus passuum longe con-
stitit in campo.

LXXVIII. Erat oppidum infra castra Scipionis no-
mine Tegea, ubi praesidium equestre circiter *co* habere
consueverat. Eo equitatu dextra sinistraque directo ab op-
pidi lateribus, ipse, legionibus ex castris eductis, atque in
jugo inferiore instructis, non longius fere *x* passus ab suis
munitionibus progressus, in acie constitit. Postquam diu-
tius in uno loco Scipio commorabatur, et tempus diei in
otio consumebatur; Caesar equitum turmas suorum jubet
in hostium equitatum, qui ad oppidum in statione erat,
facere impressionem; levemque armaturam, sagittarios
funditoresque eodem submittit. Quod ubi coeptum est
fieri; et equis concitatis Juliani impetum fecissent: Paci-
dus suos equites exporrigere coepit in longitudinem, ut ha-
berent facultatem turmas Julianas circumfundere, et nihi-
lo minus fortissime acerrimeque pugnare. Quod ubi Caesar
animadvertit, *ccc*, quos ex legionibus habere expeditos
consueverat, ex proxima legione, quae ei proelio in acie con-
stitit, jubet equitatu succurrere. Labienus interim suis
equitibus auxilia equestria summittere, sauciisque ac defa-
tigatis integros, recentioribusque viribus equites subminis-
trare. Postquam equites Juliani *co* vim hostium ad *iv* mil-
lia numero sustinere non poterant, et a levi armatura Nu-
midarum vulnerabantur, minutatimque cedebant; Caesar al-
teram alam mittit, qui satagentibus celeriter occurrerent.
Quo facto sui sublatis universi in hostes impressione facta, in
fugam adversarios dederunt, multis occisis, compluribus
vulneratis. Insecuti per *iii* millia passuum, usque in colles
hostibus adactis, se ad suos recipiunt. Caesar in horam *x*
commoratus, sicut erat instructus, se ad sua castra recepit,
omnibus incolumibus. In quo proelio Pacidius graviter
pilo per cassidem caput ictus, compluresque duces ac for-
tissimus quisque interfecti vulneratique sunt.

LXXIX. Postquam nulla conditione cogere adversari-
os poterat, ut in æquum locum descenderent, legionum-
que periculum facerent; neque ipse propius hostem castra
ponere propter aquae penuriam se posse animadverteret, ad-
versarios non eorum virtute confidere, sed aquarum inopia.

fretos, despicere se intellexit: pridie Non. Apr. tertia vigilia egressus, ab Agar xvi millia passuum nocte progressus, ad Thapsum, ubi Vergilius cum grandi praesidio praerat, castra ponit: oppidumque eò die circummunire coepit, locaque idonea opportunaque complura praesidiis occupare: ne hostes intrare ad se, ac loca interiora capere possent. Scipio interim, cognitis Caesaris consiliis, ad necessitatem adductus dimicandi, ne per summum dedecus fidissimos suis rebus Thapsitanos et Vergilium amitteret; confestim Caesarem per superiora loca consecutus, millia passuum iix a Thapso binis castris confedit.

LXXX. Erat stagnum salinarum, inter quod et mare, angustiae quaedam non amplius mille et quingentos passus intererant; quas Scipio intrare, et Thapsitanis auxilium ferre conabatur: quod futurum Caesarem non fefellerat. Namque pridie in eo loco, castello munito, ibique trino praesidio relicto, ipse cum reliquis copiis, lunatis castris, Thapsum operibus circummunivit. Scipio interim exclusus ab incepto itinere, supra stagnum postero die et nocte confecto, caelo albente, non longe a castris praesidioque, quod supra commemoravimus, mc passibus, ad mare versus confedit, et castra munire coepit. Quod postquam Caesari nunciatum est, milites ab opere deductos, castris praesidio Asprenate proconsule cum legionibus ii relicto, ipse cum expedita copia in eum locum citatim contendit; classisque parte ad Thapsum relicta, reliquas naves jubet post hostium tergum quam maxime ad litus appellere, signumque suum observare: quo signo dato, subito clamore facto, ex improvviso hostibus averfis incuterent terrorem; ac perturbati ac perterriti respicere post terga cogerentur.

LXXXI. Quo postquam Caesar pervenit, et animadvertit aciem pro vallo Scipionis, elephantosque dextro sinistroque cornu collocatos, et nihilo minus partem militum castra non ignaviter munire: ipse acie triplici collocata, legione x secundaque dextro cornu, iix et ix sinistro, oppositis v legionibus in quarta acie, ante ipsa cornua quinque cohortibus contra bestias collocatis, sagittariis, funditoribus in utrisque cornibus dispositis, levique armatura inter equites interjecta, ipse pedibus circum milites concursans, virtutesque veteranorum, proeliaque superiora commemorans, blandique appellans, animos eorum excitabat. Fi-

rones autem, qui nunquam in acie dimicassent, hortabatur: ut veteranorum virtutem æmulerentur, eorumque famam, nomen locumque, victoria parta, cuperent possidere.

LXXXII. Itaque in circumeundo exercitum, animadvertit hostes circa vallum trepidare, atque ultro citroque pavidos concurrere, et modo se intra portas recipere, modo inconstanter immoderateque prodire. Quumque idem a pluribus animadverti coeptum esset: subito legati evocati, que obsecrare Cæsarem, ne dubitaret signum dare: victoriam sibi propriam a Diis immortalibus portendi. Dubitante Cæsare atque eorum studio cupiditatique resistente, sibi que eruptione pugnari non placere clamitante, et etiam atque etiam aciem sustentante; subito dextro cornu, injussu Cæsaris, tubicen, a militibus coactus, canere coepit. Quo facto ab universis cohortibus signa in hostem coepere inferri, quum centuriones pectore adverso resisterent, vique continerent milites; ne injussu imperatoris concurrerent, nec quidquam proficerent.

LXXXIII. Quod postquam Cæsar intellexit, incitatis militum animis resisti nullo modo posse, signo Felicitatis dato, equo admissio, in hostem contra principes ire contendit. A dextro interim cornu funditores sagittarii que concita telæ in elephantos frequentes injiciunt. Quo facto bestię, stridore fundarum lapidumque perterritę, sese convertere, et suos post se frequentes stipatosque proterere, et in portas valli semisactas ruere contendunt. Item Mauri equites, qui in eodem cornu cum elephantis erant, præsidio deserti principes fugiunt. Ita celeriter bestiis circuitis, legiones vallo hostium sunt potitę: et paucis acriter repugnantibus interfectis, reliqui concitati in castra, unde pridie erant egressi, confugiunt.

LXXXIV. Non videtur esse prætermittendum de virtute militis veterani v legionis. Nam quum in sinistro cornu elephans vulnere ictus, et dolore concitatus, in lixam inermem impetum fecisset, eumque sub pede subditum, deinde genu innixus pondere suo, proboscide erecta vibrantique, stridore maximo premeret atque enecaret: miles hic non potuit pati, quin se armatum bestię offerret. Quem postquam elephans ad se telo infesto venire animadvertit, relicto cadavere militem proboscide circumdat,

atque in sublime extollit armatum. Qui in ejusmodi periculo quum constanter agendum sibi videret, gladio proboscidem, quo erat circumdatus, cadere, quantum viribus poterat, non destitit: quo dolore adductus elephantus, milite abjecto, maximo cum stridore cursuque conversus, ad reliquas bestias se recepit.

LXXXV. Interim Thapso qui erant præsidio, ex oppido eruptionem porta maritima faciunt: et, sive ut suis subsidio occurrerent; sive, ut, oppido deserto, fuga salutem sibi pararent, egrediuntur, atque ita per mare umbilici fine ingressi, terram petebant. Qui a servis puerisque, qui in castris erant, lapidibus pilisque prohibiti terram attingere, rursus se in oppidum receperunt. Interim Scipionis copijs prostratis, passimque toto campo fugientibus, confestim Cæsaris legiones consequi, spatiumque se non dare colligendi. Qui postquam ad ea castra, quæ petebant, perfrugerunt, ut relictis castris rursus sese defenderent; ducem aliquem requirunt, quem respicerent, cujus auctoritate imperioque rem gererent. Qui postquam adverterunt neminem ibi esse præsidio, protinus, armis abjectis, in regia castra fugere contendunt. Quo postquam pervenerunt, eaque ab Julianis teneri vident, desperata salute, in quodam colle consistunt; atque armis demissis, salutationem more militari faciunt. Quibus miseris ea res parvo præsidio fuit. Namque milites veterani ira et dolore incensi, non modo ut parcerent hosti, non poterant adduci; sed etiam ex suo exercitu illustres urbanos, quos auctores appellabant, complures aut vulnerarunt aut interfecerunt. In quo numero fuit Tullius Rufus quæstorius, qui pilo transiectus consulto a milite interiit: item Pompeius Rufus, brachium gladio percussus. nisi celeriter ad Cæsarem adcurrisset, interfectus esset. Quo facto complures equites Romani senatoresque perterriti ex prælio se receperunt; ne a militibus, qui ex tanta victoria licentiam sibi assumisissent immoderate peccandi, impunitate propter maximas res gestas, ipsi quoque interficerentur. Itaque ii omnes Scipiones milites, quum fidem Cæsaris implorarent, inspectante ipso Cæsare, et a militibus deprecante eis uti parcerent, ad unum sunt interfecti.

LXXXVI. Cæsar trinis castris potitus, occisisque hostium x millibus, fugatisque compluribus, se recepit, et mili-

tibus amissis, paucis faucibus, in castra: ac statim ex itinere ante oppidum Thapsum constitit, elephantosque LXIV ornatos armatosque cum turribus ornamentisque capit, captos ante oppidum instructos constituit. Id hoc consilio, si posset Vergilius, quique cum eo obsidebantur, rei male gestæ suorum indicio a pertinacia deduci. Deinde ipse Vergilium appellavit, invitavitque ad deditionem, summamque lenitatem et clementiam commemoravit. Quem postquam animadvertit responsum sibi non dare, ab oppido recessit. Postero die, divina re facta, concione advocato, in conspectu oppidanorum milites collaudat; totumque exercitum veteranum donavit. Præmia fortissimo cuique, ac bene merenti pro suggestu tribuit. Ac statim inde digressus, se Rebello proconsule cum III ad Thapsum legionibus, et Cn. Domitio cum II Tisdræ, ubi Confidius præerat, ad obsidendum relictis, M. Messalla Uticam ante præmissis cum equitatu, ipse eodem iter facere contendit.

LXXXVII. Equites interim Scipionis, qui ex prælio fugerant, quum Uticam versus iter facerent, perveniunt ad oppidum Paradam. Ubi, quum ab incolis non reciperentur, ideo quod fama de victoria Cæsaris præcucurrisset: vi oppido potiti, in medio foro lignis coacervatis, omnibusque rebus eorum congestis, ignem subijciunt; atque ejus oppidi incolas cujusque generis ætatisque, vivos constrictosque in flammam conjiciunt, atque ita acerbissimo afficiunt supplicio. Deinde protinus Uticam perveniunt. Superiore tempore M. Cato, quod Uticensibus propter beneficium legis Juliæ parum in suis partibus præsidii esse existimaverat, plebem inermem oppido ejecerat, et ante portam Bellicam castris fossaque parvula duntaxat munierat, ibique custodiis circumdatis, habitare coëgerat, Senatum autem oppidi custodia tenebat. Eorum castra II equites adorti expugnare cœperunt, ideo quod eos partibus Cæsaris favisse sciebant; ut eis interfectis, eorum pernicie dolorem suum ulciscerentur. Uticenses animo addito ex Cæsaris victoria, lapidibus fustibusque equites repulerunt. Itaque, postquam castra non potuerant potiri, Uticam se in oppidum conjecerunt: atque ibi multos Uticenses interfecerunt, domosque eorum expugnaverunt ac diripuerunt. Quibus quum Cato persuadere nulla ratione quiret; ut secum oppidum defenderent, et cæde rapinisque desisterent; et, quid

sibi

sibi vellent, sciret: sedandæ eorum importunitatis gratia, singulis HS c divisit. Idem Sulla Faustus fecit, ac de sua pecunia largitus est: unaquæ cum iis ab Utica proficiscitur, atque in regnum ire contendit.

LXXXVIII. Complures interim ex fuga Uticam perveniunt. Quos omnes Catō convocatos una cum ccc, qui pecuniam Scipioni ad bellum faciendum contulerant, hortatur, ut servitia manumitterent oppidumque defenderent. Quorum quum partim assentire, partim animum mentemque perterritam atque in fugam destinatam habere intellexisset; amplius de ea re agere destitit, navesque iis attribuit: ut, in quas quisque partes vellet, proficisceretur. Ipse omnibus rebus diligentissime constitutis, liberis suis L. Cæsari, qui tum ei pro quæstore fuerat, commendatis; et sine suspicione, vultu atque sermone, quo superiore tempore usus fuerat; quum dormitum isset, ferrum intro clam in cubiculum tulit, atque ita se transjecisset. Qui dum anima nondum expirata concidisset: et, impetu factō in cubiculum ex suspicione, medicus familiaresque continere atque vulnus obligare cœpissent, ipse suis manibus vulnus crudelissime divellit, atque animo præsentī se interemit. Quem Uticenses, quanquam oderant partium gratia, tamen, propter ejus singularem integritatem, et quod dissimillimus reliquorum ducum fuerat, quodque Uticam mirificis operibus munierat, turreſque auxerat, sepultura afficiunt. Quo interfecto, L. Cæsar, ut aliquid sibi ex ea re auxilii pararet, convocato populo, concione habita, cohortatur omnes, ut portæ aperirentur: se in Cæsaris clementia magnam spem habere. Itaque portis patefactis, Utica egressus, Cæsari imperatori obviam proficiscitur. Messalla, ut erat imperatum, Uticam pervenit, omnibusque portis custodias ponit.

LXXXIX. Cæsar interim a Thapso progressus Ussetam pervenit; ubi Scipio magnum frumenti numerum, armorum, telorum ceterarumque rerum cum parvo præsidio habuerat. Id adveniens potitur: deinde Adrumetum pervenit. Quo quum sine mora introisset, armis, frumento, pecuniaque considerata, Q. Ligario, C. Confidio filio, qui tum ibi fuerant, vitam concessit. Deinde eodem die Adrumeto egressus, Livineio Regulo ibi cum legione relicto, Uticam ire contendit: cui in itinere fit obviuſ L. Cæsar subitoque

subitoque se ad genua projecit, vitamque sibi, nec amplius quidquam, deprecatur. Cui Cæsar facile et pro sua natura et instituto concessit. Item Cæcinæ, C. Ateio, P. Atrio, et L. Cellæ patri et filio, M. Eppio, M. Aquinio, Catonis filio, Damafippique liberis ex sua consuetudine, tribuit: circiterque noctem luminibus accensis Uticam pervenit, atque extra oppidum ea nocte mansit.

XC. Postero die mane oppidum introiit; concioneque advocata, Utioenses incolas cohortatus, gratias pro eorum studio erga se agit: cives autem Romanos negotiatores, et eos, qui inter ccc pecunias contulerant Varo et Scipioni, multis verbis accusatos, et de eorum sceleribus longiori habita oratione, ad extremum, ut sine metu prodirent, edicit: se eis duntaxat vitam concessurum, bona quidem eorum se venditurum; ita tamen, ut qui eorum bona sua redemisset, se bonorum venditionem inducturum, et pecuniam multæ nomine relaturum, ut incolumitatem retinere possent. Quibus metu exsanguibus, de vitæque ex suo promerito desperantibus, subito oblata salute, libentes cupidique conditionem acceperunt: petieruntque a Cæsare, ut universis ccc uno nomine pecuniam imperaret. Itaque bis milies sestertio his imposito, ut per triennium sex pensionibus populo Romano solverent, nullo eorum recusante, ac se eodem die demum natos prædicantes, læti gratias agunt Cæsari.

XCI. Rex interim Juba, ut ex prælio fugerat, una cum Petreio interdum in villis latitando, tandem, nocturnis itineribus confectis, in regnū pervenit: atque ad oppidum Zamam, ubi ipse domicilium, conjuges liberosque habebat: quo ex cuncto regno omnem pecuniam carissimasque res comportaverat, quodque inito bello operibus maximis munierat, accedit. Quem antea oppidani, rumore exoptato de Cæsaris victoria audito, ob has causas oppido prohibuerunt; quod bello contra populum Romanum suscepto, in oppido Zama lignis congestis, maximam in medio foro pyram construxerat: ut, si forte bello foret superatus, omnibus rebus eo coacervatis, dehinc civibus cunctis interfectis, eodemque projectis, igne subjecto, tum demum se ipse insuper interficeret, atque una cum liberis, conjugibus, civibus cunctaque gaza regia cremaretur. Postquam Juba ante portas diu multumque primo minis pro imperio

imperio egisset cum Zamenſibus : deinde quum ſe parum proficere intellexiſſet, precibus quoque oraſſet, uti ſe ad ſuos Deos penates admitterent; ubi eos in ſententia perſtare animadvertit; nec minis, nec precibus ſuis moveri, quo magis ſe reciperent: tertio petit ab eis, ut ſibi conjuges liberosque redderent, ut ſecum eos aſportaret. Poſtquam ſibi nihil omnino oppidanos reſponſi reddere animadvertit, nulla re ab iis impetrata, ab Zama diſcedit, atque ad villam ſuam cum M. Petreio paucisque equitibus ſe conſert.

XCII. Zamenſes interim legatos de iis rebus ad Cæſarem Uticam mittunt, petuntque ab eo; uti ante quam rex manum colligeret, ſeſeque oppugnaret, ſibi auxilium mitteret: ſe tamen paratos eſſe, ſibi, quoad vita ſuppeteret, oppidum, ſeque ei reſervare. Legatos collaudatos Cæſar domum jubet antecedere, ac ſuum adventum prænunciare. Ipſe poſtero die Utica egreſſus cum equitatu ire in regnum contendit. Interim in itinere ex regiis copiis duces complures ad Cæſarem veniunt, orantque ut ſibi ignoſcat. Quibus ſupplicibus venia data, Zamam perveniunt. Rumore interim perlato de ejus lenitate clementiaque propemodum omnes regni equites Zamam perveniunt ad Cæſarem; ab eoque ſunt metu periculoque liberati.

XCIII. Dum hæc utrobique geruntur, Conſidius qui Tiſdræ cum familia ſua, gladiatoria manu, Getuliſque præerat, cognita cæde ſuorum, Domitiique et legionum adventu perterritus, deſperata ſalute, oppidum deſerit, ſeque clam cum paucis barbaris pecunia onuſtus ſubducit, atque in regnum fugere contendit. Quem Getuli ſui comites in itinere, prædæ cupidi, concidunt; ſeque in quaſcumque potuere partes conferunt. C. Vergilius interim, poſtquam terra marique clauſus ſe nihil proficere intellexit, ſuosque interfectos, aut fugatos, M. Catonem Uticæ ſibi ipſum manus intuliſſe, regem vagum a ſuis deſertum ab omnibus aſpernari; Saburam ejusque copias ab Sitio eſſe deletas; Uticæ Cæſarem ſine more receptum; de tanto exercitu reliquias eſſe nullas, quæ ſibi ſuiſque liberis prodeſſent: a Caninio proconſule, qui cum obſidebat, fide accepta, ſeque et ſua omnia et oppidum proconſuli tranſdit.

XCIV. Rex

XCIV. Rex interim Juba ab omnibus civitatibus exclusus, desperata salute, (quum jam conatus esset) cum Petreio, ut per virtutem interfecti esse viderentur, ferro inter se depugnant: atque firmior imbecilliorum Juba Petreium facile ferro consumpsit. Deinde ipse sibi quum conaretur gladio transjicere pectus, nec posset, precibus a servo suo impetravit, ut se interficeret; idque obtinuit.

XCV. P. Sittius interim, pulso exercitu Saburæ præfecti Juba, ipsoque interfecto, quum iter cum paucis per Mauritaniam ad Cæsarem faceret, forte incidit in Faustum Afraniumque, qui eam manum habebant, qua Uticam diripuerant, iterque in Hispaniam tendebant, et erant numero circiter MD. Itaque celeriter nocturno tempore, insidiis dispositis, eos prima luce adortus, præter paucos equites, qui ex primo agmine fugerant, reliquos aut interfecit, aut in deditionem accipit: Afranium et Faustum vivos capit cum conjuge et liberis. Paucis post diebus, dissensione in exercitu orta, Faustus et Afranius interficiuntur. Pompeiæ cum Fausti liberis Cæsar incolumitatem suæque omnia concessit.

XCVI. Scipio interim cum Damasippo et Torquato et Plætorio Rustiano navibus longis diu multumque jactati, quum Hispaniam peterent, ad Hipponem regium deferuntur, ubi classis P. Sittii per id tempus erat. A qua pauciora ab amplioribus circumventa navigia deprimuntur: ibique Scipio cum iis, quos paullo ante nominavi, interficit.

XCVII. Cæsar interim, Zamæ auctione regia facta bonisque eorum venditis, qui cives Romani contra populum Romanum arma tulerant, præmiisque Zamenfis, qui de rege excludendo consilium ceperant, tributis, vestigalibusque regiis abrogatis, ex regnoque provincia facta, atque ibi Crispo Sallustio proconsule cum imperio relicto, ipse Zama egressus Uticam se recepit. Ibi bonis venditis eorum, qui sub Juba Petreioque ordines duxerant, item Thapsitanis HS vicies, conventui eorum HS trices, Adrumetanis HS trices, conventui eorum HS quinquagies, multæ nomine, imponit. Civitates bonaque eorum ab omni injuria rapinisque defendit. Leptitanos, quorum superioribus annis Juba bona diripuerat, et ad Senatum questi per legatos, atque arbitris a Senatu datis, sua receperant, trices centenis millibus pondo olei in an-

nos singulos multat: ideo quod initio per dissensionem principum societatem cum Juba inierant, eumque armis, militibus, pecunia juverant. Tisdritanos, propter humilitatem civitatis, certo numero frumenti multat.

XCVIII. His rebus gestis, Idibus Jun. Uticæ classem conscendit, et post diem III Carales in Sardiniam pervenit. Ibi Sulcitanos, quod Nasidium ejusque classem re-seperant, copiisque juverant, HS centies multat: et pro decumis octavas pendere jubet: bonaque paucorum vendit: et ante diem III Kal. Quint. naves conscendit: et a Caralibus secundum terram provectus, duodetricesimo die, eo quod tempestatibus in portibus cohibebatur, ad urbem Romam venit.

A. HIRTII PANSE

COMMENTARIORUM

DE BELLO HISPANIENSI

LIBER UNUS.

I. **P**HARNACE superato, Africa recepta; qui ex iis proeliis cum adolescente Cn. Pompeio profugissent, quam et ulterioris Hispaniæ potitus esset, dum Cæsar muneribus dandis in Italia detinetur, quo facilius præditi contra compararet Pompeius, in fidem uniuscujusque civitatis confugere cœpit. Ita partim precibus, partim vi, bene magna comparata manu, provinciam vastare cœpit. Quibus in rebus nonnullæ civitates sua sponte auxilia mittebant. Item nonnullæ portas cludebant. Ex quibus si qua oppida vi ceperat, quam aliquis ex ea civitate optime de Cn. Pompeio meritis civis esset, propter pecuniæ magnitudinem aliqua ei inferebatur causa; ut, eo de medio sublato, ex ejus pecunia latronum largitio fieret. Ita paucis commodis hoste hortato, majoresangebantur copiæ. Ideoque, crebris nunciis in Italiam missis, civitates contrariæ Pompeio auxilia sibi postulabant.

II. C. Cæsar dictator III, designatus IV, multis itineribus ante confectis quum celeri festinatione ad bellum conficiendum in Hispaniam convenisset, legati Cordubenses, qui a Cn. Pompeio discesserant, Cæsari obviam veniunt:

a quibus nunciabatur, nocturno tempore oppidum Cordubam capi posse, quod nec opinantibus adversariis ejus provinciae potitus esset; simulque quod tabellarii a Cn. Pompeio dispositi omnibus locis essent, qui certiores Cn. Pompeium de Caesaris adventu facerent. Multa praeterea verisimilia proponebant. Quibus rebus adductus, quos legatos ante exercitui praefecerat, Q. Pedium, et Q. Fabium Maximum, de suo adventu facit certiores; ut, quem sibi equitatum ex provincia fecissent, praesidio mitterent. Ad quos celerius, quam ipsi opinati sunt, appropinquavit; atque, ut ipse voluit, equitatum sibi praesidio habuit.

III. Erat idem temporis Sextus Pompeius frater, qui tum praesidio Cordubam tenebat, quod ejus provinciae caput esse existimabatur. Ipse autem Cn. Pompeius adolescens Ullam oppidum oppugnabat, et fere jam aliquot mensibus ibi detinebatur. Quo ex oppido, cognito Caesaris adventu, legati clam praesidia Cn. Pompeii, Caesarem quum adissent, petere coeperunt, ut sibi primo quoque tempore subsidium mitteret. Caesar eam civitatem omni tempore optime de populo Romano meritam esse sciens, XI cohortes secunda vigilia jubet proficisci, parique equites numero: quibus praefecit hominem ejus provinciae notum, et non parum scientem, L. Julium Patiecum. Qui quum ad Cn. Pompeii praesidia venisset, incidit idem temporis, ut tempestate adversa vehementique vento affligeretur. Qua vi tempestatis ita obscurabatur, ut vix proximum cognoscere posset. Cujus incommodum summam utilitatem ipsis praebat. Ita quum ad locum venerunt, jubet binos equites incedere, et recta per adversariorum praesidia ad oppidum contendere: mediisque ex praesidiis quum quaereretur, qui essent; unus ex nostris respondit, ut sileat verbum facere: nam id temporis conari ad murum accedere, ut oppidum capiant: et partim tempestate impediti vigiles non poterant diligentiam praestare, partim illo responso deterrebantur. Quum ad portam appropinquassent, signo dato, ab oppidanis sunt recepti; et pedites equitesque, clamore facto, dispositis ibi partim, qui remansere, eruptionem in adversariorum castra fecerunt. Sic illuc quum inscientibus accidisset, existimabat magna pars hominum, qui in iis castris fuissent, se prope captos.

IV. Hoc misso ad Ullam præsidio, Cæsar, ut Pompeium ab ea oppugnatione deduceret, ad Cordubam contendit: ex quo itinere loricated viros fortes cum equitatu ante præmisit. Qui simul in conspectum oppidi se dederunt, in equis recipiuntur. Hoc a Cordubensibus nequaquam poterat animadverti. Appropinquantibus, ex oppido bene magna multitudo ad equitatum concidendum quum exisset; loricati, ut supra scripsimus, ex equis descenderunt, et magnum prælium fecerunt: sic ut ex infinita hominum multitudine pauci in oppidum se reciperent. Hoc timore adductus Sextus Pompeius literas fratri misit, ut celeriter sibi subsidio veniret, ne prius Cæsar Cordubam caperet, quam ipse illo venisset. Ità C. Pompeius, Ulla prope capta, literis fratris excitus, cum copiis ad Córdubam iter facere cœpit.

V. Cæsar, quum ad flumen Bætım venisset, neque propter altitudinem fluminis transire posset, lapidibus corbes plenos demisit. Itā, insuper ponte factō, copias ad castra tripartito transduxit. Tenebant adversus oppidum e regione pontis trabes, ut supra scripsimus, bipartito. Huc quum Pompeius cum suis copiis venisset, ex adverso pariratione castra ponit. Cæsar, ut eum ab oppido commeatuque excluderet, brachium ad pontem ducere cœpit. Pari idem conditione Pompeius. Hic inter duces duos fit contentio, uter prius pontem occuparet. Ex qua contentione quotidiana minuta prælia fiebant, ut modo hi, modo illi superiores discederent. Quæ res quum ad maiorem contentionem venisset, ab utrisque cominus pugna inita; dum cupidius locum student tenere, propter pontem coangustabantur; et fluminis ripis appropinquantibus coangustati præcipitabantur. Hic alteri alteris non solum mortem morti exaggerabant, sed tumulos tumulis æquabant. Itā diebus compluribus cupiebat Cæsar, si qua conditione posset, adversarios in æquum locum deducere, et primo quoque tempore de bello decernere.

VI. Quum animadverteret adversarios minime velle; quos loco a via retraxerat, ut in æquum deduceret; copiis flumen transductis, noctu jubet ignes fieri magnos. Itā firmissimum ejus prælidium Ateguam proficiscitur. Id quum Pompeius ex perfugis rescisset, ea die per viarum angustias carra complura multasque balistas retraxit, et

ad

ad Cordubam se recepit. Cæsar munitionibus Ateguam oppugnare, et brachia circumducere cœpit. Cujus rei Pompeio quum nuncius esset allatus, eo die proficiscitur. Cujus in adventum, præsidii causa Cæsar complura castralla occupavit, partim suo equitatu, partim ut pedestres copię in statione et in excubitu, castris præsidio esse possent. Hic in adventu Pompeii incidit, ut matutino tempore nebula esset cracissima. Itaque in illa obscuracione cum aliquot cohortibus et equitum turmis circumcludunt Cæsaris equites et concidunt, sic, ut vix in ea cæde pauci effugerent.

VII. Insequenti nocte castra sua incendit Pompeius, et trans flumen Salsum per convalles castra inter duo oppida Ateguam et Ucubim in monte constituit. Cæsar in munitionibus ceterisque, quæ ad oppidum oppugnandum opus fuerunt, aggerem vineasque agere instituit. Hæc loca sunt montuosa et natura edita ad rem militarem, quæ planicia dividuntur Salso flumine: proxime tamen Ateguam, ut ad flumen sint circiter passuum duo millia. Ex ea regione oppidi in montibus castra habuit posita Pompeius, in conspectu utrorumque oppidorum, neque suis ausus est subsidio venire. Aquilas habuit et signa xiiii legionum: sed, ex quibus aliquid firmamenti se existimabat habere, duæ fuerunt vernaculæ, quæ a Trebonio transfugerant, et una facta ex coloniis, quæ fuerunt in his regionibus: quarta fuit Afraniana ex Africa, quam secum adduxerat: reliquæ ex fugitivis auxiliares consistebant: nam de levi armatura et equitatu longe et virtute et numero nostri erant superiores.

VIII. Accedebat huc, ut longius bellum duceret Pompeius; quod loca sunt edita, et ad castrorum munitiones non parum idonea. Nam fere totius ulterioris Hispaniæ regio propter terræ fecunditatem, inopem difficilemque habet oppugnationem, et non minus copiosam aquationem. Hic etiam propter barbarorum crebras excursions omnia loca, quæ sunt ob oppidis remota, turribusque et munitionibus retinentur, sicut in Africa, rudere, non tegulis, teguntur. Simulque in his habent speculas, et propter altitudinem, longe lateque prospiciunt. Item oppidorum magna pars ejus provinciæ montibus fere munita, et natura excellentibus locis est constituta, ut simul aditus adscen-

fulque habeat difficiles. Ita ab oppugnationibus natura loci disinentur, ut civitates Hispaniæ non facile ab hostibus capiantur: quod in hoc contigit bello. Nam ubi inter Ateguam et Ucubim, quæ oppida supra sunt scripta, Pompeius habuit castra constituta, in conspectu duorum oppidorum, ab suis castris circiter millia passuum iv. Grumus est excellens natura, qui appellatur Castra Postumiana. Ibi præsidii causa castellum Cæsar habuit constitutum.

IX. Pompeius, qui eodem jugo tegebatur loci natura, et quod remotum erat a castris Cæsar, animadvertibat loci difficultatem, et, quod flumine Salso intercludebatur, non esse commissurum Cæsarem; ut in tanta loci difficultate ad subsidium submittendum se mitteret. Ista fretus opinione, tertia vigilia profectus castellum oppugnare coepit, ut laborantibus succurreret. Nostri, quum appropinquassent, clamore repentino telorumque multitudine jactus facere coeperunt, uti magnam partem hominum vulneribus afficerent. Quo peracto, quum ex castello repugnare coepissent, et majoribus castris Cæsari nuncius esset allatus, cum iii legionibus est profectus; et quum ad eos appropinquasset, fuga perterriti multi sunt interfecti, complures capti: in quibus multi præterea armis exuti fugerunt; quorum scuta sunt relata LXXX.

X. Insequenti luce Arguetius ex Italia cum equitatu venit. Is signa Saguntinorum retulit v, quæ ab oppidanis cepit. Suo loco præteritus est, quod equites ex Italia cum Asprenate ad Cæsarem venissent. Ea nocte Pompeius castra sua incendit, et ad Cordubam versus iter facere coepit. Rex nomine Indo, qui cum equitatu suas copias adduxerat, dum cupidius agmen adversariorum insequitur, a vernaculis legionariis exceptus est et interfectus.

XI. Postero die, equites nostri longius ad Cordubam versus profecti sunt eos, qui commeatus ad castra Pompeii ex oppido portabant. Ex iis capti L cum jumentis ad nostra adducti sunt castra. Eodem die Q. Marcius tribunus militum qui fuisset Pompeii, ad nos transfugit. Et noctis tertia vigilia in oppido acerrime pugnatum est; ignemque multum miserunt: sic ut et omne genus, quibus ignis per jactus solitus est mitti, exerceretur. Hoc præterito tempore, C. Fundanius eques Romanus ex castris adversariorum ad nos transfugit.

XII. Postero

XII. Postero die ex legione vernacula milites sunt capti ab equitibus nostris duo, qui dixerunt se servos esse. Quum venirent, cogniti sunt a militibus, qui antea cum Fabio et Pedio fuerant, et a Trebonio transfugerant. Eis ad ignoscendum nulla est data facultas, et a militibus nostris interfecti sunt. Eodem tempore capti tabellarii, qui a Cornelia ad Pompeium missi erant, perperamque ad castra nostra pervenerant, præcis manibus missi sunt facti. Pari consuetudine, vigilia secunda, ex oppido ignem multum telorumque multitudinem jactando bene magnum tempus consumpserunt, compluresque vulneribus affecerunt. Præterito noctis tempore, eruptionem in legionem sextam fecerunt, quum in opere nostri distenti essent, acriterque pugnare cœperunt: quorum vis repressa a nostris, etsi oppidani superiore loco defendebantur. Quinquaginta, quum eruptionem facere cœpissent, tamen virtute militum nostrorum, (qui) etsi inferiore loco premebantur, (tamen) repulsi (adversarii) bene multis vulneribus affecti in oppidum se contulerunt.

XIII. Postero die Pompeius ex castris suis brachium cœpit ad flumen Salsum facere: et quum nostri equites pauci in statione fuissent a pluribus reperti, de statione sunt dejecti, et occisi tres. Eo die A. Valgius, senatoris filius, cujus frater in castris Pompeii fuisset, omnibus suis rebus relictis, equum conscendit et fugit. Speculator de legione secunda Pompeiana captus a militibus et interfectus est. Idem temporis glans missa est inscripta; quo die ad oppidum capiendum accederent, sese scutum esse positurum. Qua spe nonnulli, dum sine periculo murum adscendere, et oppidum potiri posse se sperant, postero die ad murum opus facere cœperunt, et bene magna prioris muri pars dejecta est. Quo facto ab oppidanis, ac si suarum partium essent, conservati missos facere loricatos, quique præsidii causa præpositi oppido a Pompeio essent, orabant. Quibus respondit Cæsar, se condiciones dare, non accipere, consuevisse. Qui quum in oppidum revertissent, relato responso, clamore sublato, omni genere telorum emissio, pugnare pro muro toto cœperunt: propter quod fere magna pars hominum, qui in castris nostris essent, non dubitarunt, quin eruptionem eo die essent facturi. Ita, corona circumdata, pugnatum est aliquandiu vehementissime, simulque balista missa a nostris turrem de-

cit: qua adversariorum, qui in ea turre fuerant, v dejecti sunt, et puer, qui balistam solitus erat observare.

XIV. Eo præterito tempore, Pompeius trans flumen Salsum castellum constituit: neque a nostris prohibitus, falsaque illa opinione gloriatus est, quod prope in nostris partibus locum tenuisset. Item insequenti die eadem consuetudine dum longius prosequitur, quo loco equites nostri stationem habuerant, aliquot turmæ cum levi armatura, impetu facto, loco sunt dejectæ, et propter paucitatem nostrorum equitum, simulque levi armatura inter turmas adversariorum protritæ. Hoc in conspectu utrorumque castrorum gerebatur: et majore Pompeiani exultabant gloria, longius quod nostris cedentibus prosequi cœpissent. Qui quum aliquo loco a nostris recepti essent, ut consuessent, ex simili virtute clamore facto, aversati sunt prælium facere.

XV Fere apud exercitus hæc est equestris prælii consuetudo: quum eques ad dimicandum, dimisso equo, cum pedite concreditur, nequaquam par habetur; id quod in hoc accidit certamine. Quum pedites ex levi armatura lecti ad pugnam equitibus nostris nec opinantibus venissent, idque in prælio animadversum esset; complures equites descenderunt. Ita exiguo tempore eques pedestre, pedes equestre prælium facere cœpit: usque eo, ut cædem proxime a vallo fecerint: in quo prælio adversariorum ceciderunt cxxiii, compluresque armis exuti, multi vulneribus affecti in castra sunt redacti. Nostri ceciderunt iii, saucii xii, pedites et equites v. Ejus diei insequenti tempore, pristina consuetudine, pro muro pugnari cœptum est. Quum bene magnam multitudinem telorum ignemque nostris defendentibus iniecissent, nefandum crudelissimumque facinus sunt aggressi, in conspectuque nostro hospites, qui in oppido erant, jugulare, et de muro præcipites mittere cœperunt, sicut apud barbaros: quod post hominum memoriam nunquam est factum.

XVI Hujus diei extremo tempore a Pompeianis clam ad nostros tabellarius est missus; ut ea nocte turres aggeremque incenderent, et iii vigilia eruptionem facerent. Ita igne telorumque multitudinæ jacta, quum bene magnam partem muri consumpissent portam, quæ e regione et in conspectu Pompæii castrorum fuerat, aperuerunt, copiarumque

que totæ eruptionem fecerunt, sacumque extulerunt calcatas ad fossas complendas, et harpagones ad casas, quæ stramentitiæ ab nostris hibernorum causæ ædificatæ erant, diruendas, et incendendas: præterea argentum et vestimenta; ut, dum nostri in præda detinerentur, illi, cæde facta, ad prælidia Pompeii se reciperent. Nam quod existimabat eos posse conatum efficere, nocte tota ultraibat flumen Salsum in acie. Quod factum licet nec opinantibus nostris esset gestum: tamen virtute freti, repulso multisque vulneribus affectos oppido represserunt, prædaque et armis eorum sunt potiti, vivosque aliquos ceperunt, qui postero sunt interfecti die. Eodemque tempore transfuga nunciavit ex oppido, Junium, qui in cuniculo fuisset, jugulatione oppidanorum facta, clamasse, facinus se nefandum, et scelus fecisse: nam eos nihil meruisse, quare tali pœna afficerentur, qui eos ad aras et focos suos recepissent; eosque hospitium scelere contaminasse: multa præterea dixisse: qua oratione deterritos amplius jugulationem non fecisse.

XVII. Ita postero die, Tullius legatus cum Catone Lusitano venit, et apud Cæsarem verba fecit: Utinam quidem Dii immortales fecissent, ut tuus potius miles, quam Cn. Pompeii, factus essem; et hanc virtutis constantiam in tua victoria, non in illius calamitate præstarem. Cujus funestæ laudes quippe ad hanc fortunam reciderunt; ut cives Romani indigentes præsidii, et propter patriæ luctuosam perniciem dedamur hostium numero: qui neque in illius prospera acie primam fortunam, neque in adversa secundam obtinuimus victoriam: qui legionum tot impetus sustentantes nocturnis diurnisque operibus gladiatorum ictus telorumque missus expectantes, victi et deserti a Pompeio, tua virtute superati, salutem a tua clementia deposcimus: petimusque, ut, qualem te gentibus præstitisti, similem in civium deditioe præstes. Et qualem, ait, gentibus me præstiti, similem in civium deditioe præstabo.

XVIII. Remissis legatis, quum ad portam venisset Tib. Tullius, quum eum introeuntem C. Antonius infecutus non esset, revertit ad portam, et hominem apprehendit. Quod Tiberius quum fieri animadvertit, simulque pugionem eduxisset, manum ejus incidit. Ita refugerunt ad Cæsarem. Eodemque tempore signifer de legione prima

transfugit, et nunciavit, quo die equestre praelium factum essent, suo signo perisse homines xxv: neque licere castris Cn. Pompeii nunciari, neque dici perisse quemquam. Servus, cujus dominus in Caesaris castris fuisset, uxoremque et filium in oppido reliquerat, dominum jugulavit, et ita clam a Caesaris praesidiis in Pompeii castra discessit; et indicium glande scriptum misit, per quod certior fieret Caesar, quæ in oppido ad defendendum compararentur. Ita, literis acceptis, quum in oppidum revertissent, qui mittere glandem scriptam solebant, insequenti tempore duo Lusitani fratres transfugæ nunciarunt, quam Pompeius concionem habuisset: quoniam oppido subsidio non posset venire, nocte ex adversariorum conspectu se deducerent ad mare versum: unum respondisse, ut potius ad dimicandum descenderent, quam signum fugæ ostenderent: tum, qui ita locutus esset, jugulatum. Eodem tempore tabellarii ejus deprehensi, qui ad oppidum veniebant, quorum literas Caesar oppidanis objecit, qui et vitam sibi peteret, jussit turrem ligneam oppidanorum incendere. Id si fecisset, ei se promisit omnia concessurum. Quod difficile erat factu, ut eam turrem sine periculo quis incenderet. Ita * facturus de ligno, quum propius accessisset, ab oppidanis est occisus. Eadem nocte transfuga nunciavit, Pompeium et Labienum de jugulatione oppidanorum indignatos esse.

XIX. Vigilia secunda propter multitudinem telorum turris lignea, quæ nostra fuisset, ab imo vitium fecit, usque ad tabulatum secundum et tertium. Eodem tempore pro muro pugnatum acerrime, et turrem nostram, ut superiorem, incenderunt: idcirco, quod ventum oppidani secundum habuerunt. Insequenti luce materfamilias de muro se dejecit, et ad nos transiit, dixitque se cum familia constitutum habuisse, ut una transfugerent ad Caesarem; illam oppressam et jugulatam. Hoc præterea tempore tabellæ de muro sunt dejectæ, in quibus scriptum est inventum: L Minutius Caesari: Si mihi vitam tribuis, quoniam a Cn. Pompeio sum desertus, qualem me illi præstiti, tali virtute et constantia futurum me in te esse præstabo. Eodem tempore oppidanorum legati, qui antea exierant, Caesarem adierunt, si sibi vitam concederet, sese insequenti die oppidum esse degituros. Quibus respondit, se Cæ-

farem esse, fidemque præstaturum. Ita ante diem xi Kalend. Martii, oppido potitus, Imperator est appellatus.

XX. Et Pompeius, ex perfugis quum deditionem oppidi factam esse scisset, castra movit Ucubim versus. Sed circum ea loca castella disposuit, et munitionibus se continere cœpit. Cæsar movit, et propius castra castris contulit. Eodem tempore mane loricatus unus ex legione vernacula ad nos transfugit et nunciavit, Pompeium oppidanos Ucubenses convocasse, iisque imperavisse, ut, diligentia adhibita, perquirerent, qui essent suarum partium, itemque adversariorum victoriæ fautores. Hoc præterito tempore, in oppido, quod fuit captum, servus est prehensus in cuniculo, quem supra demonstravimus, dominum jugulasse. Is vivus est combustus. Eodemque tempore centuriones loricati iix ad Cæsarem transfugerunt ex legione vernacula, et equites nostri cum adversariorum equitibus congressi sunt, et saucii aliquot occiderunt ex levi armatura. Ea nocte speculatores prehensi servi iiii, et unus ex legione vernacula. Servi sunt in crucem sublati, militibus cervices abscissæ.

XXI. Postero die, equites cum levi armatura ex adversariorum castris ad nos transfugerunt. Et eo tempore circiter xi equites ad aquatores nostros excurrerunt: nonnullos interfecerunt, item alios vivos adduxerunt. Ex equitibus capti sunt equites iix. Insequenti die, Pompeius securi percussit homines lxxiv, qui dicebantur esse fautores Cæsaris victoriæ. Reliquos in oppidum iussit deduci, ex quibus effugerent cxx, et ad Cæsarem venerunt.

XXII. Hoc præterito tempore, qui in oppido Ateguæ Bursavolenses capti sunt, legati profecti sunt cum nostris, uti rem gestam Bursavolensibus referrent; quid sperarent de Cn. Pompeio, quum viderent hospites jugulari, præterea multa scelera ab iis fieri, qui præsidii causa ab his reciperentur. Qui quum ad oppidum venissent, nostri, qui fuissent equites Romani et senatores, non sunt ausi introire in oppidum, præterquam qui ejus civitatis fuissent. Quorum responsis ultro citroque acceptis et redditis, quum ad nostros se reciperent, qui extra oppidum fuissent, illi de præsidio insecuti, ex aversione legatos jugularunt. Duo reliqui, qui ex eis fugerunt, Cæsari rem gestam detulerunt, et speculatores ad oppidum Ateguam miserunt.

Qui

Qui quum certum comperissent, (legatorum responsa) ita esse gesta, quemadmodum illi retulissent, ab oppidanis concursu facto, eum, qui legatos jugulasset, lapidare, et ei manus intentare cœperunt; illius opera se perisse. Ita vix periculo liberatus petiit ab oppidanis, ut ei liceret legatum ad Cæsarem proficisci: illi se satisfacturum. Potestate data, quum inde esset profectus, præsidio comparato, quum bene magnam manum fecisset, et nocturno tempore per fallaciam in oppidum esset receptus, jugulationem magnam facit. Principibusque, qui sibi contrarii fuissent, interfectis, oppidum in suam potestatem recepit. Hoc præterito tempore, servi transfugæ nunciaverunt, oppidanorum bona vendere, nec cui extra vallum licere exire, nisi distinctum. Idcirco, quod ex quo die oppidum Ategua esset captum, metu contritos complures profugere in Beturiam, neque sibi ullam spem victoriæ propositam habere; ut si qui ex nostris transfugerit, in levem armaturam conjici, eumque non amplius xvi accipere.

XXIII. Insequenti tempore Cæsar castris castra contulit, et brachium ad flumen Salsum ducere cœpit. Hic dum in opere nostri distenti essent, complures ex superiore loco adversariorum decucurrerunt. Nec detinentibus nostris, multis telis injectis, complures vulneribus affectere. Hic tamen, ut ait Ennius, *nostri cessere parumper*. Itaque, præter consuetudinem, quum, a nostris animadversum esset cedere, centuriones ex legione v flumen transgressi duo restituerunt aciem, acriterque eximia virtute plures quum agerent, ex superiore loco multitudine telorum alter eorum concidit. Ita, quum is compar prælium facere cœpisset, et quum undique se circumveniri animadvertisset, parumper ingressus pedem offendit. Hujus concidentis viri casu passim audito, quum complures adversariorum concursum facerent, equites nostri transgressi interiore loco adversarios ad vallum agere cœperunt. Ita, dum cupidius intra præsidia illorum student eadem facere, a turmis et levi armatura sunt interclusi. Quorum nisi summa virtus fuisset, vivi capti essent. Nam et munitione præsidii ita coangustabantur, ut equites spatio intercluso vix se defendere possent. Ex his utroque genere pugne complures sunt vulneribus affecti, in quibus etiam C. Fabius Aquitius: inter quos ita cominus est pugnatum, ut ex nostris,

nostris, præter 11 centuriones sit nemo desideratus, gloriæ se effertentes.

XXIV. Postero die ab Soricaria utræque convenere copiar. Nostri brachia ducere cœperunt. Pompeius, quum animadverteret, castello se excludi Aspavia, quod ab Ucubi millia passuum v distat; hæc res necessario vocabatur, ut ad dimicandum descenderet. Neque tamen æquo loco sui potestatem faciebat, sed ex grumo excelsum tumulum capiebat, usque eo, ut necessario cogeretur iniquum locum subire. Quo facto, quum utrorumque copiarum tumulum excellentem petissent, prohibiti a nostris sunt, dejectique planicie. Quæ res secundum nostris efficiebat proelium. Undique autem cedentibus adversariis, nostri magna in cæde versabantur: quibus mons, non virtus, saluti fuit: quo subsidio tunc, nisi advesperasset, a paucioribus nostris omni auxilio privati essent. Nam ceciderunt ex levi armatura cccxxiv: ex legionariis cxxxix: præterquam quorum arma et spolia sunt allata. Ita pridie 11 centurionum interitio hac adversariorum poena est litata.

XXV. Insequenti die, pari consuetudine, quum ad eundem locum ejus præsidium venisset, pristino illo suo utebantur instituto. Nam præter equites nullo loco æquo se committere audebant. Quum nostri in opere essent, equitum copiarum concursus facere cœperunt, simulque vociferantibus legionariis, quum locum flagitarent; ut consueti insequi existimare possent, se paratissimos esse ad dimicandum, nostri ex humili convalle bene longe sunt egressi: et planitie iniquiore loco constiterunt. Illi tamen procul dubio ad congregiendum in æquum locum non sunt ausi descendere, præter unum Antistium Turpionem, qui fidens viribus, ex adversariis sibi parem esse neminem, cogitare cœpit. Hic, ut fertur, Achilles Memnonisque congressus. Q. Pompeius Niger, eques Romanus Italicensis, ex acie nostra ad congregiendum progressus est. Quoniam ferocitas Antistii omnium mentes converterat ab opere ad spectandum, acies sunt dispositæ. Nam inter bellatores principes dubia erat polita victoria, ut prope videretur finem bellandi duorum dirimere pugna. Ita avidi cupidique suarum quisque partium, expertorum virorum fautorumque voluntas habebatur. Quorum virtute alacri quum ad dimicandum in planitiem se contulissent, scutorumque lau-

dis indignis præfulgens opis cætarum, quorum & pugna esset prope profecto dirempta, nisi propter equitum concessum, ut supra demonstravimus, levis æmatura præsidii causa non longe ab opere castrorum confisisset. Ut nostros equites in receptu, dum ad castra redeunt, adversarii cupidius sunt insecuti, universi, clamore facto, impetum dederunt. Ita metu perterriti, quum in fuga essent, multis amissis, in castra se recipiunt.

XXVI. Cæsar ob virtutem, turmæ Cassianæ donavit millia XII, et præfecto torques aureos II, et levi armaturæ millia X. Hoc die A. Babius et C. Flavius et A. Trebellus equites Romani Astenses, argento prope testi equites, ad Cæsarem transfugerunt; qui nunciaverunt equites Romanos conjurasse omnes, qui in castris Pompeii essent, ut transitionem facerent; servi indicio omnes in custodiam esse coniectos, e quibus, occasione capta, se transfugisse. Item hoc die literæ sunt deprehensæ, quas mittebat Ursionem Cn. Pompeius: S. V. G. E. V. Et sic prout nostrâ felicitas, ex sententia adversarios adhuc propulsos habemus; tamen, si æquo loco sui potestatem facerent, celerius, quam vestra opinio est, bellum confecissem. Sed exercitum tironum non audent in campum deducere; nostrisque adhuc freti præsidii bellum ducunt: nam singulas civitates circumfident: inde sibi comventus capiunt. Quare et civitates nostrarum partium conservabo, et bellum primo quoque tempore conficiam. Cohortes animo habeo ad vos mittere. Profecto nostro comitatu privati, necessario ad dimicandum descendunt.

XXVII. Insequenti tempore quum nostri temere in opere dissentii essent, equites in Oliveto, dum lignantur, interfecti sunt aliquot. Servi transfugerunt, qui nunciaverunt a. d. III Nonarum Martii proelio, ad Soricium quod factum est, ex eo tempore metum esse magnum, et Attium Varum circum castella præesse. Eo die Pompeius castra movit, et circa Hispalim in Oliveto constitit. Cæsar prius quam eodem est profectus, luna hora circiter visa est. Ita castris motis Ucabim præsidium, quod Pompeius reliquit, iussit ut incenderent, et deusto oppido in castra majora se reciperent. Insequenti tempore Ventis, ponte oppidum quum oppugnare coepisset, deditione facta, iter fecit in Carratam: contra Pompeium castra posuit.

Pompeius

Pompeius oppidum, quod contra sua praesidia portas clausisset, incendit. Milesque, qui fratrem suum in castris iugulasset, interceptus est a nostris, et fuisse percussus. Hinc itinere facto, in campum Mundensem quum esset ventum, castra contra Pompeiam constituit.

XXVIII. Sequenti die, quum iter facere Caesar cum copiis vellet, renunciatum est ab speculatoribus, Pompeium de illa vigilia in acie stetisse. Hoc nuncio allato, vexillum proposuit. Idcirco enim copias eduxerat, quod Versaonenſium civitati (fuissent fautores) antea literas miserat, Caesarem nolle in convallem descendere, quod maiorem partem exercitus tironem haberet. Haec literae vehementer confirmabant mentes oppidanorum. Ita hac opinione fretus totam se facere posse existimabat. Etenim et natura loci defendebatur, et ipsius oppidi munitione, ubi castra habuit constituta. Namque, ut superius demonstravimus, loca excellentia tumulis contineri, interrim nulla planities dividit.

XXIX. Sed ratione nulla placuit taceri id, quod incidit tempore. Planities inter utraque castra intercedebat, circiter milia passuum v, ut auxilia Pompeii duabus defenderentur rebus, oppidi excelsu, et loci natura. Hinc dirigens proxima planities aequabatur. Cuius decursum antecedebar rivus, qui ad eorum accessum summam efficiebat loci iniquitatem. Nam palustri et voraginoso solo currebat ad dextram partem: et Caesar, quum aciem directam vidisset, non habuit dubium, quin media planities in aequum ad dimicandum adversarii procederent. Hoc erat illa omnium contpectio. Hinc accedebat, ut locus illa planitie equitum ornaret, et diu, solisque serenitas, ut missis impet optandum tempus prope, ab Diis immortalibus illud tributum esset ad, praelium committendum. Nostris laeti, nonnulli etiam timere, quod in eum locum res fortunaeque omnium deducerentur, ut, quidquid post horam casus tribuisset, in dubio penderetur. Itaque nostri ad dimicandum procedent, et in quod adversarii exspectabant esse salutes. Qui tamen a munitione oppidi mille passibus longius non recedebant, procedere, in quo se praepere incurrere adversarii praeliandi in conspectu habebant. Itaque nihil procedunt, sed interdum equas loci adversarios designabant, ut cum equis contendere ad gloriam.

Neque tamen illi a sua consuetudine discedebant, ut aut ab excelso loco, aut ab oppido, discederent. Nostri pede presso propius rivum appropinquassent, adversarii pariter in loco iniquo non desinunt.

XXX. Erat acies XIII aquilis constituta; quæ lateribus equitatu tegebatur, cum levi armatura millibus VII. Præterea auxiliares accedebant prope alterum tantum. Nostri præsidia LXXX cohortibus, et IIX millibus equitum. Ita, quum in extrema planitie iniquum in locum nostri appropinquassent, paratus hostis erat superior, ut transgredi superius iter vehementer esset periculosum. Quod quum a Cæsare esset animadversum, nequid temere culpa sua secus admitteretur, eum locum definire cœpit. Quod quum hominum auribus esset objectum, moleste et acerbe accipiebant, se impediri quo minus prælium conficere possent. Hæc mora adversarios alacriores efficiebat. Cæsaris copias timore impedire ad committendum prælium. Ita se efferentes iniquo loco sui potestatem faciebant, ut magno tamen periculo accessus eorum haberetur. Hic Decumani suum locum cornu dextrum tenebant, sinistrum III et V legio, itemque cetera auxilia et equitatus. Prælium, clamore facto, committitur.

XXXI. Hic etsi virtute nostri antecedeabant, adversarii loco superiore defendebantur acerrime, et vehemens fiebat ab utrisque clamor, telorumque missus concursus, sic, ut prope nostri dissiderent victoriæ. Congressus enim et clamor, quibus rebus maxime hostes conterrentur, in collatu pari erant conditione. Itaque ex utroque genere pugnae, quum parem virtutem ad bellandum contulissent, pilorum missu fixa cumulat, et concidit adversariorum multitudo. Dextrum demonstravimus Decumanos cornu tenuisse, qui, etsi erant pauci, tamen propter virtutem, magno adversarios timore eorum opera afficiebant: quod suo loco hostes vehementer premere cœperunt, ut ad subsidium, ne ab latere nostri occuparentur, legio adversariorum transduci cœpta sit ad dextrum. Quæ simul est mota, equitatus Cæsaris sinistrum cornu premere cœpit. At ii eximia virtute prælium facere incipiunt, ut locus in acie ad subsidium veniendi non daretur. Ita, quum clamori esset intermissus gemitus, gladiatorumque crepitus auribus oblat, imperitorum mentes timore præpediebat. Hic, ut ait Livius, pro

pede premitur, armis teruntur arma; adversariosque vehementissime pugnantes nostri agere coeperunt, quibus oppidum fuit subsidio. Ita ipsis Liberalibus fusi fugatique non superfuissent, nisi in eum locum confugissent, ex quo erant egressi. In quo proelio ceciderunt millia hominum circiter xxx, et si quid amplius; præterea Labienus, Attius Varus, quibus occisis utrisque funus est factum: itemque equites Romani partim ex urbe, partim ex provincia ad millia iii. Nostri desiderati ad hominum m, partim peditum, partim equitum, saucii ad v. Adversariorum aquilæ sunt ablatae xiiii, et signa et fasces. Præterea duces belli xvii capti sunt. Hos habuit res exitus.

XXXII. Ex fuga hac quum oppidum Mundam sibi constituissent præsidium, nostri cogebantur necessario eos circumvallare. Ex hostium armis, pro cespite cadavera collocabantur, scuta et pila pro vallo, * insuper occisi, et gladii, et mucrones, et capita hominum ordinata; ad oppidum conversa universa hostium timorem virtutisque insignia † proposita viderent, et vallo circumcluderentur adversarii. * Ita Galli tragulis jaculisque oppidum ex hostium cadaveribus sunt circumplexi, oppugnare coeperat. Ex hoc proelio Valerius adolescens, Cordubam cum paucis equitibus fugiens, Sexto Pompeio, qui Cordubæ fuisset, rem gestam refert. Cognito hoc negotio, quos equites, quod pecuniæ secum habuit, eis distribuit, et oppidanis dixit: se de pace ad Cæsarem proficisci, et secunda vigilia ab oppido discessit. Cn. Pompeius autem cum equitibus paucis nonnullisque peditibus ad navale præsidium parte altera contendit Carteiam, quod oppidum abest a Corduba millia passuum clxx. Quo quum ad octavum miliarum venisset, P. Calpurnius, qui castris antea Pompeii præpositus esset, ejus verbis nuncium mittit: quum minus belle haberet, ut mitteret lecticam, qua in oppidum deferri possit. Literis missis, Pompeius Carteiam desertur. Qui illarum partium fautores essent, conveniunt in domum, quo erat delatus: qui arbitrati sunt clanculum venisse, ut, ab eo, quæ vellent, de bello requirerent. Quum frequentia convenisset, de lectica Pompeius eorum in fidem confugit.

XXXIII. Cæsar, ex proelio munitione circumdata, Cordubam venit. Qui ex eade eo refugerant, pontem occupaverunt. Quum eo esset ventum, conviciari coeperunt,

perunt, nos ex prelio parces sperantes, quo confugeremus? Ita pugnare ceperunt, de ponte L. Caesar flumen transiecit, et castra posuit. Scipula, totius seditionis summa et libertinorum caput, in prelio Condabum quum venisset, familiam et liberos conlocans, pyram sibi exstruxit, coenam offerri quam optime imperavit, neve optime infernendum vestimentis: pecuniam et argenteum in praesentia familiae donavit. Ipse de tempore emansit: resinam et nardum identidem sibi infundit. Ita novissimo tempore servum iussit, et libertum, qui scisset ejus contumelias, alterum se jugulare, alterum pyram incendere.

XXXIV. Oppidani autem, simul Caesar castra contra oppidum posuit, discordare ceperunt atque eo ut clamor in castra nostra perveniret, fere inter Caesarianos et inter Pompeianos. Erant hic legiones, quae ex perfugis conscriptae, partim oppidanorum servi, qui erant a Sexto Pompeio manumissi, tunc in Caesaris adventum descendere ceperunt. Legio XIII oppidum defendere cepit: nam quum jam repugnarent, turres ex parte et murum occuparunt. Denuo legatos ad Caesarem mittunt, ut sibi legiones subsidio intramitteret. Hoc quum animadverterent homines fugitivi, oppidum incendere ceperunt: qui superati, a nostris sunt interfecti hominum milia XXI, praeterquam extra murum qui perierunt. Ita Caesar oppido potitus, dum hic detinetur ex prelio quos circummunitos superius demonstravimus, eruptionem fecerunt: et, bene multis interfectis, in oppidum sunt redacti.

XXXV. Caesar Hispalim quum contendisset, legati deprecatum venerunt. Ita quum oppidum sese tueri dimisset Caninium legatum cum praesidio intramittit. Ipse castra ad oppidum ponit. Erat bene magnum intra Pompeianas partes praesidium, quod Caesaris praesidium receptum indignabatur, clam quendam Philonem, illum, qui Pompeianarum partium fuisset defensor acerrimus. Is tota Lulitania notissimus erat. Hic clam praesidio in Lusitaniam profisciscitur, et Caecilium Nigroum nomine Barbarum ad Lenium convenit, qui bene magnam manum Lusitanorum haberet. Rursum in Hispalim oppidum de nocte per murum recipitur, praesidium vigilesque jugulant, portas praecipitant, de integro pugnare ceperunt.

XXXVI. Dum

ad **XXXV**. Dum iniqui geruntur legati Caesarienses veni-
erunt, quod Pompeianum in potestate haberent: quod in-
te Caesari potestatem haberent, illi Caesarienses inveniunt. Ma-
gnum enim iniquum locum habent: et huiusmodi Hispania op-
pugnare non tempore desistebant. Quod Caesar quum
animadvertens, oppidum capere contendere, ut ho-
mines pervenirent, et omnia dederent. (Ita) Con-
silio habito, noctem patitur. Luitanos eruptionem facere.
Id quod consules non existimabant fieri. Ita irrompen-
tes omnes, quae ad Batum flumen fuissent, intendunt. Nos-
tri, dum incendio detinentur, illi profugiunt, et ab equi-
tibus conciduntur. Quo facto, oppidum recuperato, As-
turi iter facere cepit: et qua civitate legati ad deditionem
venerunt: Mundenensesque, qui ex proelio in oppidum
confugerant, quum diutius circumfunderentur, bene multi
deditionem faciunt: et, quum essent in legionem distri-
buit, conjuravit inter se, ut noctu, signo dato, qui in oppi-
do fuissent, eruptionem facerent: illi eadem in castris ad-
ministrarent. Hac re cognita, insequenti nocte, vigilia
tertia, tessera data, extra vallum omnes sunt concisi.

XXXVII. Mundenienses duces, dum Caesar in itinere ro-
lique oppida oppugnat, propter Pompeium dissentire cœ-
perant. Pars erant, quae legatos ad Caesarem miserat:
pars, qui Pompeianorum partium essent fautores. Sedi-
tione concitata, portas occupant. Cades sit magna. Sau-
cius Pompeius naves xxx occupat longas, et protulit. Di-
dus, qui Gadis classi praefuisset, ad quem simul nuntius
venit, confestim sequi cepit: partim peditibus et
equitibus ad persequendum celeriter iter faciens. Non
die, navigatione confecta, insequuntur. Qui imparati
Caesarem prope sunt aqua fuissent, ad terram appu-
erunt. Dum aquantur, Didus classe occurrit, naves in-
cendit, nonnullas capit.

XXXVIII. Pompeius cum paucis profugit, et locum
iniquum montium natura occupat. Equites et cohortes,
quae ad persequendum missae essent, spectatoribus ante
missis, certiores fiunt: diem et noctem iter faciunt. Pom-
peius dextero et sinistro cruce vehementer erat faciens.
Caesar accedebat, ut etiam talam interficeret: quae res max-
ime impediens, et longiora tunc quae esset attaret, in-
ter ferebatur. Luitanus more militari, quum a Caesare
inveniret.

præsidio fuisset conspicuus, celeriter equis et cohortibusque circumcluditur. Erat accessus loci difficultas. Nam idcirco, quod propter suos a nostro præsidio fuisset conspicuus, celeriter munitum locum natura cooperat sibi Pompeius, quem vix magna multitudo deducti homines ex superiore loco defendere possent. Subeuntes in adventu nostrum depelluntur telis: quibus cedentibus, cupidius insequabantur adversarii, et confestim tardabant ab-accessu. Hoc sæpius factum, animadvertebatur hosti magno id fieri periculo. Opere circummunire instituit: pari autem et celeri festinatione circum munitiones in iugo dirigunt; ut æquo pede cum adversariis congregari possent. A quibus quum animadversum esset, fuga sibi præsidium capiunt.

XXXIX. Pompeius, ut supra demonstravimus, saucius et intorto talo, idcirco tardabatur ad fugiendum: itemque propter loci difficultatem, neque equo, neque vehiculo salutis suæ præsidium parare poterat. Cædes a nostris undique administrabatur, exclusa munitione, amissisque auxiliis. Ad convallem autem atque exesum locum, ut speluncam, Pompeius se occultare coepit, ut a nostris non facile inveniretur, nisi captivorum indicio. Ita ibi interficitur. Quum Cæsar gradiebatur Hispalim, pridie Id. Aprilis caput allatum, et populo datum est in conspectum.

XL. interfectio Cn. Pompeio adolescente, Didius, quem supra demonstravimus, illa affectus lætitia, proximo se recepit castello, nonnullasque naves ad reficiendum subduxit. Lusitani, qui ex pugna superfuerunt, ad signum se receperunt, et bene magna manu comparata, ad Didium se reportant. Huic etsi non aberat diligentia ad naves tuendas; tamen nonnunquam ex castello propter eorum crebras excursiones, ejiciebatur; et sic prope quotidianis pugnis insidias ponunt, et tripartito signa distribuunt. Erant parati, qui naves incenderent, incensisque, qui subsidium repeterent. Ii sic dispositi erant, ut a nullo conspectu omnium ad pugnam contenderent. Ita quum ex castello Didius ad propellendum processisset cum copiis, signum a Lusitanis tollitur: naves incenduntur: simulque qui in castello ad pugnam processerant, eodem signo fugientes latrones dum persequuntur, a tergo insidie, clamore sublato, circumveniunt. Didius magna cum virtute dum

sum compluribus interficitur. Nonnulli ea magna scaphas, quæ ad lites fuerant, occupant. Item complures nando, ad naves, quæ in falo fuerunt, se recipiunt. Anchoris sublati, pelagus remis petere coeperunt. Quæ res eorum vitæ subsidio fuit. Lusitani præda potiuntur. Cæsar Gadibus rursus ad Hispalim recurrit.

XLII. Fabius Maximus, quem ipse ad Mundam præsidium oppugnandum reliquerat, operibus assiduis, hostesque circum sese interclusi, inter se decernere, facta cæde bene magna, * eruptionem faciunt. Nostri ad oppidum recuperandum occasionem non prætermittunt, et reliquos vivos capiunt, ac deinde Ursonem proficiscuntur: quod oppidum magna munitione continebatur, sic, ut ipse locus non solum opere, sed etiam natura editus, ad oppugnandum hostem abverteret. Huc accedebat, quod aqua præterquam in ipso oppido, non erat: nam circumcirca rivus nusquam reperiebatur propius millia passuum iux. Quæ res magno erat adjumento oppidanis. Tum præterea accedebat, ut agger materiesque, unde solitæ sunt turres agi, propius millia passuum vi non reperiebantur. Ac Pompeius, ut oppidi oppugnationem tutiorem efficeret, omnem materiam circum oppidum succisam intro congeffit. Ita necessario deducebantur nostri, ut a Mundâ, quam proxime ceperant, materiam illo deportarent.

XLIII. Dum hæc ad Mundam geruntur et Ursonem, Cæsar, quum a Gadibus ad Hispalim se recepisset, insequenti die, concione advocata, commemorat: Initio quæsturæ suæ eam provinciam ex omnibus provinciis peculiarem sibi constituisse; et, quæ potuisset, eo tempore beneficia largitum esse. In sequenti prætura ampliato honore, vectigalia, quæ Metelius imposuisset, a Senatu petisse, et eis pecuniis provinciam liberasse: simulque, patrocinio suscepto, multis legibus ab se in Senatum inductis, simul publicas privatasque causas, multorum inimiciis susceptis, defendisse: suo item in consulatu absentem, quæ potuisset commoda provincie tribuisse. Eorum omnium commodorum esse et immemores et ingratos in se et in populum Romanum, hoc bello et in præterito tempore cognosse. Vos jure gentium, inquit, et civium Romanorum institutis cognitis, more barbarorum, populi Romani Magistratibus sacratissimis manus sepe, et sæpius attu-

litis; tunc clara Castrum in medio foro nebulæ interficere
 voluistis. Vos ita pacem semper odistis, ut nullo tempore
 legiones desint populi Romani in hac provincia, habent.
 Apud vos beneficia pro maleficiis, maleficia pro benefi-
 ciis habentur. Itā neque in otio concordiam, neque in
 bello virtutem ullo tempore retinere potuistis. Privatus
 et fuga Cn. Pompeius adolescens a vobis receptus, fasces
 imperiumque sibi arripuit. Multis interfectis civibus,
 auxilia contra populum Romanum comparavit, agros
 vestramque provinciam impulsu depopulavit. In quos vos
 victores existimabatis? An, me deleto, non animadver-
 batis & habere legiones populum Romanum, quæ non
 solum vobis obistere, sed etiam cælum diruere possent?
 Quarum laudibus et virtute—*Desunt reliquæ.*

NOMINA

N O M I N A

Populorum, Oppidorum, Fluviorum, &c.

Quæ apud Cæsarem reperiantur,

A. S. CLARKIO ordine alphabetico digesta.

A

A Carnania. regio Epiri. *Carnia.*

Achaia. reg. Peloponnesi. *le Duché de Clarence.*

Achilla, sive Acholla. urbs Africae.

Adduasdubis. *vide Dubis.*

Adrumetum. oppid. Afr. *Toulba sive Mahometta.*

Aduatici. *vide Atnatici.*

Ædui. pop. Galliae. *P Autunois.*

Ægimurus. insula maris Africi. *la Galetta.*

Æginium. oppid. Thessaliae.

Ægyptus.

Ætolia. regio Graeciae. *Artinia. Al. il Despotato.*

Agar. oppid. Africae. nescitur.

Agendicum. urbs Senonum. *Sens.*

Alba. oppid. Latii, in Italia. *Albano.*

Albici. pop. Galliae. Qui sint, nescitur. Quibusdam, *ceux de Viviers.*

Alesia, sive Alexia. Mandubiorum oppidum. *Alise. vide Mandubii.*

Alexandria. urbs Aegypti. *Scandaria.*

Allobroges. *Sabaudi.*

Alpes. montes.

Amagetobria. urbs Galliae. nescitur.

Amantia. oppid. Macedoniae. *Porto Raguso.*

Amanus. mons Syriæ. *M. di Scanderona.*

Aambarri. pop. Galliae. incertum.

Ambialites pop. Galliae. *ceux de Lamballe en Bretagne.*
Sed creditur corruptum ex Ambiani.

Ambianum. oppidum Belgarum. *Amiens.*

Ambibari. pop. Galliae. *ceux d'Ambie en Normandie.*

Ambivareti. pop. Galliae. *le Viverrais.*

Ambivariti. *Brabantini, incertum.*

Ambra.

- Ambracia.** urbs Epiri. *P. Arta.*
Amphlochi. pop. Epiri. *Anfiloxa.*
Amphipolis. urbs Macedoniæ. *Christopoli* seu *Emboli.*
Anartes. pop. Germaniæ. *Walachii, Servii, Bulgar.* *Ancertum.*
Anas. fluv. Hispan. *Guadiana* five *Rio Roxdera.*
Ancalites, Britanni. *The hundred of Henley, Camdeno.*
Ancona. urbs Italiæ. *Ancona.*
Andes pop. Galliæ. *le Duché d'Anjou.*
Antiochia. urbs Syriæ. *Antachia.*
Antuates. *vide* Nantuates.
Apollonia. urbs Macedoniæ. *Piergo.*
Aponiana. insula prope Lilybæum, promontorium Siciliæ.
Apsus. fluv. Macedoniæ. *Aspro. Al. Vreo. Al. Spirnaza.*
Apulia. reg. Italiæ. *Puglia.*
Aquilaria. opp. Africæ, prope Clupeam.
Aquileia. urbs Italiæ. *Aquilegia.*
Aquitania. regio Galliæ. *Guienne.*
Arar. fluv. Galliæ. *la Saone, vel Sône.*
Ardenña, Silva. *Forrest d'Ardenne.*
Arecomici. *vide* Volcæ.
Arelatæ. urbs Galliæ. *Arles.*
Ariminum. urbs Italiæ. *Rimini.*
Armenia minor. regio Asiæ. *Aladuli.*
Armoricæ civitates *la Bretagne.*
Arretium urbs Hetruriæ in Italia. *Arezo.*
Arverni. pop. Galliæ *le pays d'Auvergne.*
Asculum. opp. Italiæ. *Ascoli.*
Ascurum oppid. maritim. Mauritaniz.
Aspargium. oppid. Macedoniæ.
Aspavia. oppid. Hispan. Bæt. *Espejo.*
Asia. oppid. Hispan. Bæt. *Massa de Asia. Al. Xerez de la Fontera.*
Ategua. oppid. Hispan. Bæt. *Tebata Veja.*
Atrebatæ pop. Gall. *le pays d'Artois.*
Atuatici. *Leodienses* Al. *le Comté de Namur. Al. Bastedus.*
Atuatnca. pag. Belgii. *Tongern Tungri.*
Avaricum urbs Aquitaniz. *Burges.*
Aulerci Ebuovices. pop. Galliæ. *le pays d'Evreux, en Normandie.*
Aulerci Diablintes. pop. Galliæ. regio dicta *le Per.*
Aulerci Cenomanni. pop. Galliæ, *le pays du Maine.*

Aulerci

Aulerci Brannovices. pop. Gallix. *le Morienne*.
 Ausci. pop. Gallix. *ceux d'Auchs*, vel *Aux en Gascogne*.
 Aufetani. pop. Hispanix sub Pyrenæis.
 Auximum. oppid. Italix. *Osimo* sive *Osimo*.
 Aona. fluv. Gall. Belg. *Aisne*.

B

Bacenis. silva German. *Thuringer Waldd. Al. der Hartz Waldd.*
 Bætis. fluv. Hispan. *Guadalquivir*.
 Bæturia. vide Bethuria.
 Bagrada. fluv. Africæ, prope Uticam.
 Baleares insulæ. *Majorca et Minorca*.
 Batavorum insula. pars Geldrix. *Betuwe*.
 Belgæ. *le Pays Bas*.
 Bellocassi sive Velocassæ. pop. Gallix. *le pays de Bayeux en Normandie. Al. le Vexin*.
 Bellovaci. pop. Gallix. *le Beauvaisis*.
 Bessi. pop. Thraciæ.
 Bethuria. regio Hispan. Lusit. *Estremadura*.
 Betones sive Berones. pop. Hispan. Tarracon. *Briones*.
 Bibracte. urbs Æduorum. *Bevray d'Autun. Al. Beurest. Al. Beaulne*.
 Bibrax. Rhemorum oppid. *Braine* sive *Bresne. Al. Bray*.
 Bibroci. Britanni. *the Hundred of Bray. Camd.*
 Bigerriones. pop. Gallix. *le Comté de Bigorre en Gascogne*.
 incertum.
 Bithynia. regio Asiæ.
 Bituriges. pop. Gallix *le Duché de Berry*.
 Boii. pop. Gallix. *les Bourbonnois*.
 Bosphorus. regio prope Pontum Euxinum.
 Brannovices. vide Aulerci.
 Bratuspantium. oppid. Bellovacorum. *Beauvais*.
 Britannia.
 Brundisium. urbs Italix. *Brindisi*.
 Brutii. pop. Italix. *Calabri*.
 Bullis. oppid. Macedoniæ.
 Bursavolenses. pop. Hispan. Bæt. Creduntur iidem qui
 Urfaonenses.
 Buthrotum. urbs Epiri. *Butrinto* sive *Betronto*.

C

- Cabillonum. urbs Galliae. *Chalons sur Saone.*
 Cadetes. pop. Galliae. nescitur.
 Cadurci. pop. Galliae. *le pays de Quercy.*
 Calesi. pop. Belgii. incertum.
 Calagurritani. pop. Hisp. Tarracon. *Calaborra.*
 Caletes. pop. Galliae. *le pays de Caux en Normandie.*
 Calydon. urbs Aetoliae. *Ayton.*
 Camerinum. urbs Umbriae, in Italia. *Camerino.*
 Candavia reg. Macedonae. *la Canovia.*
 Canopus. urbs Aegypti. *Bochir.*
 Cantabri. pop. Hisp. Tarracon. *Biscaya.*
 Cantium. pars Britanniae. *Kent.*
 Canusium. urbs Apuliae, in Italia. *Canosa.*
 Cappadocia. reg. Asiae
 Capua urbs Italiae. *Capoa.*
 Carales Sardiniae urbs. *Capliari.*
 Carcaso. urbs Gall. *Carcassone.*
 Carmona. oppid. Hispan. Bæt. *Carmone.*
 Carnutes. pop. Galliae. *le pays du Chartrain.*
 Carruca. oppidum Hispan. nescitur.
 Carteia. oppid. Hispan. *Algeziva Al. Tariffa.*
 Casilinum. oppid. Italiae. *Casrelluzzo.*
 Cassi. Britanni. *The hundred of Caishow. Camd.*
 Castulonensis Saltus urbs Hispan. Tarracon. *Castena la Vieja.*
 Castra Posthumiana. oppid. Hisp. Bæt. *Castro el Rio.*
 Catuaci. pop. Galliae. *ceux de Douay.* Sed creditur corruptum ex Atuatici.
 Caturiges. pop. Galliae. *le pays d'Embrun. Al. Charges.*
 Cebenna, mons. vide Gebenna.
 Celtæ. pop. Galliae.
 Celtiberia. reg. Hispan.
 Cenimagni. Britanni. *Iceni, Camd. Suffolk, Norfolk, et. Cambridgeshire.*
 Cenomanni. pop. Galliae. *le pays du Maine, sive Mans.*
 Centrones. pop. Galliae. *le pays de Tarantaise.*
 Centrones. Nerviorum clientes. pop. Belgii. *ceux de Courtray. Al. de S. Truyen. Al. Gandavenses.*
 Cerauni, montes Epiri. *Monti de Chimera.*
 Cercina, insula Af. *Chercana. Cersare.*

Cherronesus.

- Cherronesus. penins. Afr. prope Alexandriam.
 Cherusci. pop. Germaniæ. *Lunenburgereses. Al. Mansfelders.*
 Cilicia. reg. Asiæ Min. *la Caramanie.*
 Cimbri. pop. Germaniæ. *Jutlanders.*
 Cinga. fluv. Hispan. *Cinca sive Senga.*
 Cingulum. oppidum Piceni, in Ital. *Cingoli.*
 Cirta. oppid. Afr. *Constantina sive Cosantina. Al. Tadel.*
 Clupea. urbs Afr. marit. *Quipia.*
 Cocofates pop. Galliæ. nescitur.
 Comana, Pontica. *Com, sive Tabachzan.*
 Comana, Cappadociæ *Arminacha.*
 Compsa. urbs Ital. *Consa sive Conza.*
 Condruſi sive Condruſtones. pop. Belgii. *Condrotz.*
 Cor fluens Mosæ et Rheni. *Coblentz.*
 Corcyra. insula Epiri. *Corfu.*
 Corduba. urbs Hispan. *Bæt. Cordova.*
 Corfinium. oppid. Pelignorum, in Ital. *St. Pelino. Al. Pentina, vicus Aprutii.*
 Corneliana Castra. urbs Afr. inter Carthaginem et Uticam.
 Cosa. *vide Compsa.*
 Cofanum. urbs Calabriæ, in Italia. *Cassano.*
 Cretenses. *ceux de l'Isle de Candie.*
 Curiosolitæ. pop. Galliæ. *Cornuälle en Bretagne.*
 Cyclades. ins. Ægæi Maris. *l'Isle dell' Archipelago.*
 Cyprus. ins. *Cipra.*

D

- Daci. *Transylvani, Moldavi et Valachi.*
 Danubius. fluv. *Donaw.*
 Dardani. pop. Myliæ. *Rascia et pars Servia.*
 Decretia. opp. Galliæ. *Decise sur Loire.*
 Delphi. urbs Achaïæ. *Delfo. Al. Salona.*
 Delta. pars Ægypti, in ostiis Nili.
 Diablintes. pop. Galliæ. regio dicta *le Perche. Al. Diablers en Bretagne. Al. Linter, Brabantæ.*
 Dubis. fluv. Burgundiæ. *le Doux.*
 Duracium. *vulgo* urbs Galliæ, in Pictaviensi provincia, Séd apud Cæsarem revera est nomen viri nobilis.
 Durocortorum. urbs Galliæ: *Reims.*
 Dyrrachium. urbs Macedoniæ. *Durazza. Drazzi.*

E

Eburones. pop. Belgii. *Tongres. Al. Liegeois.*

Eburovices. *vide* Aulerci.

Elaver. fluv. Galliar. *Allier.*

Eleutheri. *vide* Cadurci et Sueffiones.

Elis. urbs Peloponnesi. *Belvedere.*

Elusates. pop. Galliar. *le pays d'Euse en Gascogne.*

Ephesus. urbs Asiae Min. *Efeso. Figena.*

Epidaurus. urbs Dalmatiae marit. *Ragusa. Dobronicha.*

Epirus. regio Graeciae. *Chimera et Larta.*

Effui. pop. Gall. *ceux de Seez.* Sed potius creditur corruptum ex Aedui.

Eufubii. creditur corruptum ex Unelli vel Lexovii.

F

Fanum. urbs Umbriae, in Italia. *Fano.*

Frentani. pop. Italiae.

G

Gabali. pop. Galliar. *le pays de Givaudan.*

Gaditani. pop. Hispan. *ceux de Cadix.*

Galli.

Gallio-graecia. regio Asiae Min. *Galatia.*

Garites. pop. Galliar. *le pays de Gavre, five Gavardan.*
Al. Agenois.

Garoceli *sive* Graioceli. pop. Galliar. *ceux de Mont Genis.*

Al. de la val de Morienne. Al. du Mont Genève.

Garumna. fluv. Galliar. *la Garonne.*

Garumni. pop. Galliar. circa Garumnam.

Gebenna. *Montagnes de Cevennes.*

Genabum. opp. Galliar. *Orleans.*

Geneva.

Genusus. fluv. Macedoniar.

Gergovia, Boiorum et Arvernorum. urbes Galliar. incertum.

Germania.

Getuli. pop. Africae.

Gomphi. opp. Thessaliae. *Gonfi.*

Gorduni. pop. Belgii. *Gandavenses. Al. ceux de Courtray.*
incertum.

Graioceli. *vide* Garoceli.

Grudii, Nerviorum clientes. pop. Belgii. *ceux de Bruges.*
Al. de Louvain.

H

- Haliacmon, fluv. Macedoniæ.
 Harudes. pop. Germaniæ. nescitur.
 Helvetii *le Suisses*.
 Helvii. pop. Galliæ, *le pays de Vivarez*.
 Heraclea Senticæ, oppid. Macedoniæ.
 Hercynia Silva, in Germania. *Forest de Bobemo*. olim
 multo amplior.
 Herminius, mons Lusitaniæ. *Monte Armino*. Al. *Monte
della Stella*.
 Hibernia.
 Hippo. urbs Africæ. *Bona*.
 Hispalis. urbs Hispan. Bæt. *Sevilla*.
 Hispania.

I

- Jacetani *vide* Lacetani.
 Jadertini (*sive* Hiadertini), Jadera, urbs Illyrici. *Zara*.
 Iberus. fluv. Hispan. Tarracon. *Ebro*.
 Iccius *sive* Itius portus oppid. Gall. *Vissant*, *sive* *Wissant*.
 Al. *Calais*.
 Igilium, *il Giglio*: *l'Isle du Lys*, in mari Tyrrheno.
 Iguvium. urbs Umbriæ, in Italia. *Gubio*.
 Ilerda. urbs Hispan. Tarracon. *Lerida*.
 Illurgavonenses. pop. Hispan. prope Iberum.
 Illyricum, *Sclavonia*.
 Ilurgis. oppid. Hispan. Bæt. *Illora*.
 Issa, insula maris Illyrici. *Lassa*.
 Italia.
 Italica, urbs Hispan. Bæt. *Sevilla la Veja*. Al. *Alcala del
Rio*.
 Ituræa, reg. Palestinæ.
 Jura, mons Gall. *le Mont Juras*.

L

- Lacetani. pop. Hispan. sub Pyrenæis.
 Larinates. Larinum, urbs Ital. *Lurino*.
 Larissa. urbs Thessal. *Larizza*.
 Latobriges *sive* Latobri, nescitur.
 Lemanus Lacus. *le lac de Geneve*.
 Lemovices. pop. Gall. *le Limosin*.
 Lemovices Armorici. *ceux de St Paul de Leon*.
 Lenium. oppid. Lusitan. nescitur.

Lepontii, incolæ vallis Levontinæ, inter Alpes.
 Leptis, oppid. Afr. *Lebeda* sive *Lepeda*.
 Levaci, pop. Belgii, incertum.
 Leuci, pop. Gall. Belg. *le Toulais*.
 Lexovii, pop. Gall. *Lisieux en Normandie*, *le Lieuvin*.
 Liburni, pop. Illyrici.
 Ligeris, fluv. Gall. *le Loire*.
 Lilybeum, promont. Sicil. *Capo Coco*. Al. *Capo Boco*.
 Limo sive Limonum, urbs Gall. *Poitiers*.
 Lingones, pop. Gall. *ceux de Langres*.
 Lissus, urbs Macedon. *Alessio*.
 Lucani, pop. Ital.
 Luceria, urbs Ital. *Lucera*.
 Lusitania, *Portugal*.
 Lutetia, *Paris*.

M

Macedonia.
 Magetobria sive Amegetobria, urbs Gall. incertum.
 Malaca, urbs Hispan. Bæt. *Malaga*.
 Mandubii, pop. Galliz, vide Alexia, *l'Auxois en Bourgogne*.
 Marcomanni, pop. Germaniz. *Mark*. Al. *Bohemia*.
 Marrucini, pop. Aprutii, in Italia.
 Marfi, pop. Italiz. *Ducato de Marf.*
 Massilia, urb. Galliz, *Marseille*.
 Matisco, urbs Galliz, *Mascon*.
 Matrona, fluv. Galliz, *la Marne*.
 Mauritania, reg. Africæ, *Barbarie*.
 Mazaca, urbs Cappadociæ, *Tifaria*.
 Mediomatrices, *ceux de Metz en Lorraine*.
 Medobrega, urbs Lusitaniz, *Armenna*.
 Meldæ, *ceux de Meaux*. Sed creditur corruptum ex Belgæ
 Melodunum, oppid. Galliz, supra Lutetiam, *Melun*.
 Menapii, pop. Germaniz, in ora Flandriæ maritima, incertum.
 Messana, urbs Siciliz, *Messina*.
 Metiosedum, oppid. Galliz ad Sequanum infra Lutetiam, *Corbeil*.
 Metropolis, urbs Thessaliz, inter Pharsalum et Gomphos.
 Mitylena, urbs Lesbi ins. *Metelin*.

Mona,

Mona, insula *Mar. Al. Anglesey*, minus recte.
 Morini, pop. Galliarum, *ceux de Trouanne en Artois*.
 Mosæ, fluv. Galliarum Belgicarum, *la Meuse*.
 Munda, urbs Hispaniarum. *Munda. Al. Ronda la Vêja*.

N

Nabatæi, pop. Arabiarum.
 Nannetes, pop. Galliarum, *ceux de Nantes*.
 Nantuates, pop. Galliarum, incertum.
 Narbo, urbs Galliarum, *Narbonne*.
 Naupactus, urbs Ætoliarum, *Lepanto*.
 Neapolis, urbs Italiarum, *Napoli*.
 Neapolis, urbs Africæ inter Clupeam et Adrumetum.
 Nemetes, pop. Germaniarum, *ceux de Spire*.
 Nemetocenna, oppid. Belgii, incertum. Quibusdam *Ar-*
ras.
 Nervii, *le Hinault. Al. ceux de Tournay*, incertum.
 Nicopolis, oppid. Armeniarum Minor. *Gianich. Al. Chiormie*.
 Nilus, fluv. *le Nil*.
 Nitiobriges, pop. Galliarum, *l'Agenois*.
 Noricum sive Noreia, urbs Germaniarum, *Nuremberg*, incertum.
 Noviodunum Sueffionum, *Soissons*.
 Noviodunum Æduorum, *la Ville de Nevers*.
 Noviodunum Belgarum, *Noyon*.
 Noviodunum Biturigum, *Neuvy sive Neufvy*.
 Numidæ, pop. Africæ.
 Nymphæum, promontorium Macedoniæ, in confinibus Illyrici.

O

Obucula, oppid. Hispaniarum. Bæti. incertum.
 Ocelum, oppid. Alpinum Galliarum, *Exilles. Al. Oulx*.
 Octodurus, oppid. Helvetiarum. *Martenach, Martigny, St. Maurice*.
 Octogesa, oppid. Hispaniarum. Tarracon. *Mequinenza*.
 Orchomenus, oppid. Bæotiarum, *Orcomeno*.
 Oricum, oppid. Epiri. *Orço sive Orcha*.
 Oscenses, pop. Hispaniarum. Tarracon.
 Olismii, pop. Galliarum, incertum.

P

Pæmani, *ceux de Piemont*, in territorio Leodiensi, incertum.

Palæpharsalus,

Palæpharsalus, *vide* Pharsalus.
 Palæste, oppid. Epiri; prope Oricum.
 Parada, oppid. Africæ, non longe ab Utica.
 Parætonium, urbs Atr. marit. *Alberton* sive *Berton*.
 Parisii, *l'Isle de France*.
 Parthi, pop. Asiæ.
 Parthini, pop. Macedoniæ.
 Peligni, pop. Italiæ, in Aprutio.
 Pelusium, urbs Ægypti, *Belbais*.
 Pergamus, urbs Myliæ, *Pergamo*.
 Petra, oppid. Macedoniæ.
 Petrogorii, reg. Galliæ, *le Perigord*.
 Pharsalus, urbs Thessaliæ, *Farsa*.
 Pharus, olim insula Ægypti, *Farion*.
 Picenum, reg. Italiæ, *la Marca d'Ancona*.
 Pictones, pop. Galliæ, *le pays de Poitou*.
 Pirustæ, pop. Illyrici, *Albanesi*, incertum.
 Pisaurum, urbs Umbriz in Italia, *Pesaro*.
 Pleumosii, pop. Belgicæ circa Tornacum, incertum.
 Pontus, reg. Asiæ, ad mare Euxinum.
 Posthumiana Castra, *vide* Castra.
 Preciani, pop. Galliæ, *Precins*, incertum.
 Provincia Romanorum, *la Provence*.
 Ptolemais, urbs Africæ, *St Jean d'Acre*.
 Pyrenæi Montes.

R

Ravenna, urbs Italiæ, *Ravennia*.
 Rauraci, pop. Helvetiis finitimi, *ceux de Bâle*.
 Rhedones, pop. Galliæ, *ceux de Rennes en Bretagne*.
 Rhemi, pop. Galliæ, *le Remois*.
 Rhenus, fluv. *le Rhein*.
 Rhodanus, fluv. Galliæ, *le Rhône*.
 Rhodii, *ceux de Rhodes*.
 Roma.
 Ruspina, urbs Africæ marit. *Soussa*, Al. *Mahadia*.
 Rutheni, pop. Galliæ, *la Ruërgue*, *le Rodais*.

S

Sabis, fluv. Belgii, *Sambre*.
 Saguntini, pop. Hispan. *Tarraçon*, *Morvedre*.
 Salonæ, urbs Dalmatiæ, *Salona*, Al. *Spalatro*.
 Salsum, fluv. Hispan. Bæt. *Rio Salado* sive *Gaudajer*.
 Samarobriva,

Samarobriva, pagus Galliae Belgicae, *Amiens*.
 Santones, pop. Galliae, *la Suintongne*.
 Sardinia Insula, *Sardegna*.
 Sarfura, oppid. Afr. nescitur.
 Scaldis, fluv. Belgii, *l'Escaut, Scheld*.
 Seduni, pop. Galliae, *le Haut Valais*.
 Sedunii, pop. Germaniae, nescitur.
 Segni, pop. Belgii, nescitur.
 Segontiaci, Britanni, incertum.
 Segovia, urbs Hispan. Bæt. *Segovia la Menor*.
 Segusiani, pop. Galliae, *le Lyonnais*.
 Senones, pop. Galliae, *le Senonais*.
 Sequana, fluv. Galliae, *la Seyne*.
 Sequani, pop. Galliae, *la France Comté*.
 Sefuvii, pop. Galliae, *ceux de Seex*, incertum.
 Sibutzates, pop. Galliae, *le Pays de Buch*, incertum.
 Sicilia, insula.
 Sisoris, fluv. Cataloniae, *Segre*.
 Sigambri, *sive* Sicambri, pop. Germaniae, nescitur.
 Silicensis, fluv. Hispan. Bæt. *Rio de las Algamidas, Al*.
 creditur corruptum ex *Singuli; Xenil*.
 Soricaria, oppid. Hispan. nescitur.
 Soritia, oppid. Hispan. nescitur.
 Sotiates *vel* Sontiates, pop. Galliae, *Solz, le pays alentour*
d'Atre.
 Sueffiones, pop. Galliae, *le Scissonnois*.
 Suevi, pop. Germaniae, *Schwaben*.
 Sulcitani, pop. Sardiniae.
 Sulmo, urbs Italiae, *Sulmona*.
 Syria.

T

Tamesis, fluv. Britann. *Thames*.
 Tarbelli, pop. Galliae, prope Pyrenaeos Montes, *ceux*
d'Ays et de Bayonne au pays de Labourd.
 Tarracina, oppid. Italiae.
 Tarraconenses, Tarraco, urbs Hispan. *Tarragone*.
 Tarsus, urbs Ciliciae, *Tarso*.
 Tarusates, pop. Galliae, *le Teursan*, incertum.
 Tauris, insula in mari Illyrico, nescitur.
 Taurois, castellum prope Massiliam.
 Tectosages, *vide* Volcae.

Tegea, oppid. Africæ, nescitur.

Tenchtheri, pop. Germaniæ, nescitur.

Tergestini, *ceux de Triste*, in confinibus Istriæ et Carnorum.

Teutoni, pop. Germaniæ, *Teutsch*.

Thabena, urbs Africæ.

Thapsus, oppid. Africæ marit.

Thebæ, urbs Bæotiæ, *Tiba* sive *Stibes*.

Theſſalia, regio Macedoniæ.

Thurii sive Turii, pop. Italiæ, *Torre Brodogneto*.

Tigurinus Pagus, *Canton de Zurich*, Al. *ceux d'Avenches*.

Tisdra sive Tisdrus, urbs Africæ, *Cairoan*.

Tolosates, pop. Galliæ, *ceux de Toulouse*.

Tralles, urbs Asiæ Min. in Lydia, *Chora*.

Treviri, *le Triverois*, *ceux de Triers*.

Triboces sive Tribocci, pop. German. *Alsace*.

Trinobantes, pop. Britann. *Middlesex*.

Tulingi, pop. German. incertum.

Turinus ager, *vide* Thurii.

Turones, pop. Galliæ, *la Touraine*.

V

Vacca, oppid. Africæ, nescitur.

Vahalis sive Walis, fluvius, pars Rheni, *Wael*.

Vangiones, pop. German. *Wormes*.

Varus, fluv. Gall. *le Var*.

Ubi, pop. German. *ceux de Cologne*.

Ucubis, oppid. Hispan. Bæt. *Lucubi*.

Velauni, pop. Galliæ, *le Velai*.

Vellaunodunum, oppid. Galliæ, *Auxerre*, Al. *Castean*
Landon, Al. *Villeneuve en Lorraine*, Al. *Veron*.

Velocasses, *vide* Bellocasses.

Veneti, pop. Galliæ, *Vannes en Bretagne*.

Ventisponte, oppid. Hispan. nescitur.

Veragri, pop. Galliæ, *le pays de Gavot*, Al. *Chablais*.

Verbigenus sive Urbigenus Pagus, pop. Helvet. *le pays*
alentour d'Orbe.

Veromandui, pop. Galliæ, *le Vermandois*.

Versaonenses, *vide* Urfaonenses.

Vesontio, urbs Galliæ, *Besancon*.

Vettones, pop. Hispan. *Extremadura*.

Vibo ad fretum, oppid. Italiæ, prope Fretum Siculum.

Vienna,

This book is under no circumstances to be
taken from the Building

[illegible]

form 410

